



LIBRARY
OF THE
UNIVERSITY
OF ILLINOIS

Emblems
x320.1


B831e

1. RE BOOK


**Rare Book & Special
Collections Library.**

27

7







Beaumontchancina

1653

1653

Boethius 1653

IN VICTISSIMO ET
POTENTISSIMO PRINCIPI AC
DOMINO, DN. MATTHIÆ I. D. G. ROM.
IMPERATORI SEMPER AUGUSTO.
Germaniæ, Hungariæ, Bohemiæ, Dalmatiæ,
Croatia, Sclavonia, Regi: Archiduci Austriæ;
Duci Burgundiæ, Stiria, Carinthiæ, Carniolæ, Wirtem-
bergæ, Silesiæ; Marchioni Moraviæ & Lusatia, Comiti Habs-
burgi & Tyrolis, &c. Principi ac Domino
meo Clementissimo.

SALUTEM ET FELICITATEM.



Unus Principum quàm latè diffun-
datur; quàm sollicitè administretur; quàm in-
finitis periculis sit expositum; etsi prudentio-
res conjecturâ adsequantur, usuq; docean-
tur: Principes tamen optimè nórunt, quo-
rum humeris moles tota Reipub. recumbit.
Universi enim Imperij curam sustinere: populis & regionibus
leges & jussa ponere: Unum omnibus imperitare, ac de sin-
gulorum salute sollicitum esse, nonne arduum? Majus quippe
est quiddam & divinius, ac mens humana cogitationibus adse-
qui, industria efficere potest! Quem tandem Principem cura
publici Boni, & populorum Salus tangit: tùm, ut Deo, cujus
in terrâ vice fungitur, officij sui exactam reddere possit ratio-
nem; hujusque partes omnes ritè expleat; quanta sollicitudo
mentem ejus exagitet necesse est? Jam quæ illum pericula in

administratione ipsâ excipiunt? quæ discrimina non subit? intrapalatia insidiæ, foris apertæ fraudes: non illi præsidium tutum: quippe, quos fidelissimos credit, ab iis frequentissima Nex. Olim plerosque Cæsares cruentâ morte periisse legimus: & nostra ætas (proh dolor!) similia optimorum Principum exempla numerare potest. Romanus olim Consul & Orator vidit & expertus, vitam imperantium mille obnoxiam periculis, dum ait: *ò conditiones miseras administrandarum Civitatum & provinciarum! in quibus diligentia plena simultatum est, negligentia vituperationum: ubi servitus periculosa est, libertas ingrata, sermo insidiosus, assentatio perniciofa, frons omnium familiaris, multorum animus iratus, iracundia occulta, blanditiæ aperta, &c.* Ista ut Princeps declinet, regnumque & se muniat ac firmet; Prudentiâ maximè opus est. Hæc verò, cum in Principes, (ut L I P S I U S verè & verecundè ait,) vix cadat: Indè plurimi docti viri prisca & his temporibus, libros ad Principatum administrandum spectantes, conscripserunt: ut his eos juvarent, qui ad populos moderandos à D E O sunt constituti; cum Usu omnia adsequi, & experienciâ (prudentiæ fonte) addiscere difficile, imò negatum sit. Alij quidem fusiùs; alij pressius præcepta Civilis doctrinæ consignârunt: quisque tamen ad eundem finem direxit. Ægyptij Sacra & Publica notis Hieroglyphicis involverunt. In Numismatibus veterum Imp̃p. notas quoque varias videmus, quibus peculiaris est significatio. Et hodiè Principes Emblematis delectari, quibus abstrusa animi sensa exprimunt, novimus. Habet enim nescio quam jucunditatem, cum cogitationes nostras notis & signis ita effingimus vel exprimimus; ut tamen aliis incognitæ sint. Utilitatem & jucunditatem, quæ ex Emblematis redundat, cum pridem perspicerem; animum quoque ad hæc effingenda, tùm quæ jam æri incisa prodierunt, adjeci. In primis verò ansam mihi præbuit, Publicus tot populorum Adplausus, cum V^a C^æ M^{ras} superioribus annis, Regni

Ungariæ

Ungariæ, pòst Bohemiæ Ordinum unanimi consensu, in R-
 G E M I n u n c t a; tandem ad summum S. R. I M P E R I I fastigium,
 Illimorum Principum Electorum concordibus suffragiis evecta
 fuit: ut cùm Proceres & Summates Regnorum & Provincia-
 rum, publicè sibi de V^a C^{ea} M^{te}, utpote Principe clemente,
 benigno, iusto, gloriosissimo sint gratulati, vota q; pro eiusdem
 Salute D E O nuncuparint: privatorum verò quisque eidem
 Felicitatem longævam sit precatus: Ego quoque horum nu-
 mero me adiungere: & notis hisce paucis, animum erga
 Vam C^{eam} M^{tem} humillimè devotum demonstrare volui. Cum-
 que alij lætitiæ & congratulationis signa, donis tantâ Majestate
 dignis testati essent: mihi aliud non fuit, quàm exiguum hocce,
 quo votivam meam adclamationem, tùm cultum demonstra-
 rem. Defuit hætenus occasio eundem promendi: nec non ar-
 tífex, qui notas animi exsculperet. Nunc utrumque nactus,
 tantò lætior ad V^a C^{ea} M^{is} pedes munusculum hocce depo-
 no; quantò certior sim, Reges olim vilissimas res, à vilibus sibi
 oblatas, non sprevisse: & quantò magis confidam, Vam C^{eam}
 M^{tem} pro ingenitâ Serenissimæ domus Austriacæ Principum
 Benignitate & Humanitate, humillimum ac debitum cultum
 meum clementissimè suscepturam. Ecce enim major debe-
 tur, atq; V^a C^{ea} M^{is} quæ D E I, superni illius Regis, imago ani-
 mata est; quã ipse, archetypo ex sese sumto, effinxit? Cui potissi-
 mum opellâ hanc meâ dicare & consecrare debui, quàm V^a C^{ea}
 M^{is} quæ tot Regna, tot provincias & populos moderatur?
 Remque publicam, tanquam Objectum amplissimum, in quo
 cogitationes & actiones suas ex iustitiæ normâ & lege exercet?
 Alia quidem aliis conveniunt; Principum verò est, imperio
 populos regere, Benignitatem, Clementiam, Liberalitatem
 exercere, Iustitiam administrare. His enim virtutibus D E U M,
 ejusque actiones imitantur & exprimunt. Atque principalen-
 hunc finem officij regalis, hic ex parte signare volui; si non pro-

P R A E F A T I O.

dignitate, at certè ex voluntate. Offero itaque V^{re} C^{ae} M^{ti} munusculum levidense; non tàm tali Majestate dignum: quàm argumento cultus, & votorum pondere grave: utq̃ue V^a C^{ae} M^{tas} illud clementissimè suscipere dignetur, quâ par est submissione rogo. DEUM OPT. MAX. cujus in manu Cor Regis, porrò precor; ut Vam Ceam Mtem S. Imp. Romano, aliisque Regnis, tùm populis subjectis, Bono & Saluti, diutissimè incolumem & florentem servare, longævam felicitatem largiri, & suâ gratiâ benignè fovere velit, Argentorati Kal. Martij
ANNO M. DC. XIIIX.

V^{re} C^{ae} M^{tis}.

Subjectissimus

JACOB à BRÜCK Angermundt
cognom.

AD

AD NOBILEM ET CLARISS.
VIRUM DN. JACOBUM à BRUCK ANGER-
MUND T cognom. amicum meum
singularem.

Magnus honor, veteri deducere sanguine gentem.
Et serie longâ dinumerare patres.
Major at ingenij consipare artibus arcem,
Imbuere & variâ cognitione animum.

Maximus aterna virtutis-luce coruscum

Atq; hic atq; alibi spargere posse jubar.

Hæc tria BRUCKIADE, cum sint tibi propria, qualens

Te quondam dicet publica Fama virum?

Crede mihi haud vanè: Princeps mirabitur olim

Consilium, Lumen Gens tua, SLEZIA Fidem.

Adamus Godfredus Bercka, Baro de Duba & Lippha &c.
F. Argentinæ.

Cuncta hominum pereunt: est nec durabile quidquam.
Nil nisi Fama manet post mortem sola superstes.
Hanc quicumque studet factis acquirere & arte;
Is verè ac merito dicetur jure beatus.
Hanc quia servasti, hanc auges, scriptisque coronas:
Inde tuum nomen, Laus, summa sub astra feretur.

*Jan-Bernhard. Maltzan L. Baro à VVartenberg & Penselin, in Mi-
litsch & Freyhan, Praefecto suo amando l.m.g. sbbt. Argentorati.*

Erigitur magno Pyramis velut alta labore:
Erecta ut stabilis plurima secla manet.
Sic sudore gravi Virtutis fama paratur:
Parta semel lethi tristitia fata fugit.
Non te pœniteat BRUCKI duri ergò laboris,
Quem vigil in studiis, non sine laude, locas.

Phœbus cum Musis tibi premia grata rependet:

Et Virtus nomen celsa sub astra feret.

Te quoq, Magnates digno amplectentur amore;

NIL ULTRA, optavi, ne dicere jure queat.

Amoris & Benevolentiz ergd L. M. Q. Ephoro suo colendo apponebat

Andreas Kochtitzky lun. L. B. à Kochtitz & Lublinicz,

Non est cujusvis Emblemata fingere docta,

Et quibus haud aliquis sensus ineptus inest.

Qualia sunt tua BRUCK, MORALIA, BELLICA dicta,

Ingenij summi pignora certa tui.

Et tamen his fingis majora, POLITICA nempe,

Egregium studij dexterioris opus.

Nec tua Nobilitas solùm, nec nomen avorum

Te juvat; ast proprio Marte brabêja cupis.

Maeste tuis Emblematis satis eruditis!

Sic fugies nigri lurida busta rogi.

Carolus Heinricus Czigan Baro de Slupska, &c.

egediaster in Illustri Collegio Tubinga.

AD FAMAЕ fanum pontem fabricare perennem.

Qui de ponte satis nobile nomen habes.

Nam Genus ē Proavos, & quae non feceris Ipse,

(Dignum ô laude virum!) propria nulla putas.

PLU Sne ULTRA venies cum perpetis ad sacra Fama?

NIL ULTRA: tibi si contigit ista, sat est.

Wenceslaus Fridericus Czigan L. B. de

Slupska. sbbt Tubingæ.

Quidquid habebat Amoræagnatioque omnis Amorum,

Dulce, eome, delictatum, florem.

Quidquid habebat Atlantiades & Pallas Athena.

Entheum, sublime, acutum, lucidum, reconditum;

Proxus id insumptum est lepidis, BRUCKI, omne libelli.

Ferre nomen quis dedisti non iners Emblematum.

Iis certè apparent noctuque diuque Voluptas

Cumque Honore Suada, cumque Gratiis Lubentiz;

Inque caput flores illorum Chloris abundè

Spargit, & nectar Lyxus, pomaque Autumnus patet.

Plandit Mnemosidum populus; iuratque perennem

Gloriam his famamque BRUCKI musteis Emblematis,

I A N V S G R A T I A S.

EMBLE.


EMBLEMATA POLITICA.
AD
INVICTISSIMUM ET POTEN-
TISSIMUM ROM. IMP. AUG.

DN. MATTHIAM I.

Regem Germaniz, Bohemiz, Dalmatiz, Croatiz, Sclavoniz, &c.
Archiducem Austriz, &c. Principem Opt. Max.

EMBLEMA I.

HOC SUSTINET ORBEM.



Ordine disposuit iusto res Jovæ creatas:
Hocq; vicem in certam convenienter eunt.
Imperij voluit populos moderamine flecti:
Huic sum obsequiis utq; vigeret Honor.
Rite tuus Orbem CÆsar subjecit habenis:
Ipsum iustitiâ, quò moderere sacrâ.
Ergo vive diu felix Orbisq; Deoz!
Protege Consiliis publica jura piis.

Sine



In ordine certo rerum naturam constare non posse, nedum Imperia, nemo, nisi amens negaverit. Ubi enim ordo non est, nec servatur: ibi Confusionem, Chaos malorum existere necesse est. Si verò oculos ad superiora attollere: si ad inferiora demittere velimus: Omnia ex *DEI OPT. MAX.* sapientiâ & Consilio, suo ordine ferri & sustentari animadvertemus. *Machina perpetuo cœlestis ab ordine pendet.* Elementa ordine suo disposita sentimus, & videmus. Ignis superiorem locum tenet: aëria aqua, huic terra subjacet. Nox ordine diem sequitur. Veri æstas: huic Autumnus succedit: Hyems hunc mox excipit. Corpus humanum iusto ordine, aptè partium inter se cohærentium constat. Qui quidem nec esse, nec conservari potest: nisi à superiore quodam instituat, & sustentetur. In rebus naturalibus *DEUM*, Mundi & rerum in eo contentarū Creatorem, & Ordinis autorem veneramus: Sicut & in Regnis & Regibus constituendis, gubernandis & disponendis, primum motorem eundem agnoscimus. In humanis rebus, quæ vel nostrâ industriâ parantur: vel naturali necessitate cogente suscipiuntur ac instituuntur; Hominem non immeritò Ordinis authorem asserimus: in ijs maximè, quæ ad communem Reipub: utilitatem; vel privatorum commoda spectant. Utq; hæc iustè parentur, ac ordine digerantur: hic verò ut rectè procedat, eius Principem aliquem esse, necessitas requirit. Per se enim Ordo nil est, nisi ab alio juvetur. Providentiæ nihilominus divinæ suum ubiq; locum non immeritò relinquimus & tribuimus. Si regnorum conditionem penitus intueri velimus, ea, vi Naturæ constare, fateamur oportet. Rerum autem Natura *UNI* paret, *DEO* scilicet omnipotenti, omniscio; ac Sapientissimo, superioris & inferioris orbis Rectori. Sic partes Naturæ alias alijs præstantiores videmus. Cœlum elementis imperat: hæc rebus ex ijs concretis; inter has nobiliores ignobilioribus. Si animalia spectemus, naturaliter ea ad societate ferri animadvertemus; quæ conjuncta suū Ducem & unū habent, ut Grues, Apes, & alia. *MENS* supremum omnium virium gradum tenet. Animus est Dux & Princeps corporis, imperium habens in subjectas partes. Sic brachia manibus, crura pedibus præfunt: aliæ partes alijs; quæ ordine certo inter se connexæ, pulcherrimam harmoniam in exequendis officiis, efficiunt. Quid

Syrac. I. *Vnus* est Deus altissimus, creator omniū, omnipotēs, rex magnus, dominator Deus,

multis?

*Ordo vigor rerum, rerum pulcherrimus ordo**Conservat, mundi machina quicquid habet.*Ordo rerum
habet se ad
modum lu-
cis.

Proinde; DEUS OPT. MAX. ut Hominem rebus à se creatis, ut eis dominaretur, præfecit: ita sibi in eum liberum & absolutissimum reservavit Imperium: ut eius, tanquam Creatoris, & primi Motoris divinâ Majestatem suspiceremus & laudaremus: sapientiam illius adoraremus: Providentiam in gubernando hoc Universo admiraremur. Atq; ut initio autor fuit hominis: sic quoq; Ipse inter primos parentes, primam societatem instituit: quæ crescente hominum multitudine, domos, & familias plures complexa fuit. Hinc Vici, hinc Pagi, hinc Opida, hinc Urbes, Respublicæ, deniq; & Regna constituta. * Primaq; Monarchia † post diluvium apud Assyrios Nimbrodo autore, ambitioso & crudeli homine extitisse videtur. Cumq; genus humanum subinde augetur: atq; ipsa multitudo propter malitiam cordis sui in rixas, lites, cœdes, adulteria, & alia vitia prolaberetur; DEUS judices & Reges instituit, qui secundum leges à se latas, populo jus dicerent: eisq; ex præscripto divinæ justitiæ imperarent. Cæterum, ne infirmiores à potentioribus: inferiores à superioribus vi opprimerentur: successu temporis, gentes & nationes quæquæ, communi suffragio Unum sibi legerunt, virum Æquitatis & Justitiæ laude excellentem, quem Principem & Caput Reipub: certis legibus & conditionibus constituerunt. Boni cum fuere, eandem potestatem ad hæredes eorum devolverunt: hinc hæreditaria regna & successio legitima. Ac sanè, cum nulla Societas sine Præfecto; nulla domus sine patrefamiliâs, nullus populus sine Magistratu, nulla Respublica, nullum deniq; regnum sine Principe vel Rege esse, aut diù consistere possit: neq; hic benè & feliciter populum regere queat: nisi ex justitiâ & jure lites diremerit; subjectosque suæ potestati, amore paterno & benevolentia amplectatur: neq; Respublicæ tutæ, salvæque diù esse possint; si æquè Imperata, & Mandata promptè & sincerè subditi executi non fuerint: spontaneoq; Obsequio Amorem Principis sibi non promeruerint. Idèd IMPERIUM & OBSEQUIUM, tanquam summè Necessaria duo in Republicâ fundamenta totius hujus operis, sub Diadematis regij, & Apiculæ involucro præmisi: ut de reliquis facilius esset, judicium. Diadema enim Imperij symbolum est; ut & Apis Obedientiæ seu

* Justin lib. 7.
Ioan. Thom.
Freigus in Sy-
nopsi hist.
† anno mun-
di 131. Gen. 10.
vers. 8. 9.
Facit huc
Deut. 38.
Dan. 4.

Polyb. 6. Eorū
qui ex strenuis
& beneficiis
regibus nati
sunt, beneficia
continuata,
effecerunt re-
gna in cā fa-
miliâ heredi-
taria.
Iosua. 2.
1. Sam. 11.
2. Sam. 11.
1. Reg. 2.
1. Reg. 15.
2. Reg. 10.
Vide Bodin.
lib. 4. n. 461.

Ioh. Pierius
lib. 26. Hiero-
glyph.

* Dan 4. v. 14.
Iob. 12. v. 18.
41. v. 25. Psal. 8.
* Tacit. lib. 3.
hist.

* Plin. in Pa-
nag. c. 1.

* Id. cod.

* Ep. 90.

* Id. 1. de ele-
ment. 1.

* In Politicis.

Obsequij: sive populi Regi suo obsequentissimi nota est. quòd sola ex animalibus Regem habeat, quem universum apum consecatur agmen, æquè atq; homines Regi obtemperantes. Cumq;

* *DEUS cui vult, regna det, atq; etiam auferat; solusq; Reges instituat, gloriâ & honore coronet.* Vult Obedientiam & Honorem eis à subditis præstari. Rom. 13. 1. Pet. 2. 1. Tim. 2. Tit. 3. Tacit. * lib. 3. hist.

Obsequium in Principem, & emulandi amor valdior, quàm pœna ex legibus & metu. quoniam fidelitate & favore suorum fortius aut tutius nihil habet. * *Neg, diligi Princeps, nisi ipse diligat, potest.*

Cumq; Amor & Obsequium privatos quosvis jungat: quis hæc duo tam Principi, quàm Populo admodum necessaria, ad felicem

utriusque statum formandum negaverit? * *Bonus Princeps* (ut eum populus revereatur) omnes muneris sui partes armet, & diligenter obeat: nullas verò aspernetur. Nam qui suum munus dedignatur, contemptibilem se præstat: & idolum, non Princeps censetur.

Huc pertinet illud Senecæ: * *Nature est, potioribus deteriora submittere.* Mutis quidem gregibus, aut maxima corpora præsumunt, aut vehementissima. Non præcedit armenta

degener taurus; sed qui magnitudine ac toris cæteros mares vincit. Elephantorum gregem excelsissimus ducit. Inter homines pro summo est optimus. Animo itaq; rector elegebatur. Ideoq; summa felicitas erat gentium, in quibus non poterat potentior esse, nisi melior. Et post.

Officium erat imperare, non regnum. Nemo, quantum posset, adversus eos experiebatur, per quos cœperat posse. * *Idem.* Unum est in expugnabile munimentum, amor civium. Cic. 2. Philip. Caritate &

benignitate civium septum esse oportet, non armis. Inscripti oportet statum & felicitatem Reipublice demonstrat quoniam

Obsequio populi; & Regum Respublica jussis,


recte ac prudenter cum sit utrumq; viget.

Jul. Cæsar ad Dion. lib. 41. *Natura duas necessarias res, easdemq; salutares humano generi comparavit: ut alij cum Imperio essent; alij ei subijcerentur: nihilq; esse dixit, quod citra hæc, ne minimo quidem*

queat spatio perdurare. * Plutarchus. Theopompus Lacedæmoniorum Rex, affirmanti cuidam, propterea Spartam salvam & incolamem esse, quòd Regibus uteretur imperandi gnaris: Immo inquit,

& civibus, & populo Regibus obsequente. Quanquam revera ex altero alterum sit, atq; utrumq; immutatum se continet.

POLITICA.
A D
EANDEM Sam. Cam. Mtem.
EMBLEMA. II.
FATUM VOTA BEET.



EN Regni summo circumdata Laurus honore,
Surrigit excelsus fronde virente comas!
Huic decus Impery, sacrata Corona recumbit;
Legibus & dextrâ hanc contribuentē DEI.
REX radias nuper duplici diademate cinctus;
Ungara quod tellus, quodq; Bohema dedit.
Si quid vota valent, & habet sua pondera Fatum;
Debetur meritis, Imperiale, tuis.

S Acris literis & profanis docemur, DEUM OPT. MAX. signis quibusdam certis, voluntatem suam in Regibus & Ducibus populo suo eligendis, & constituendis declarasse; quemadmodum in Mose, Josuâ, Davide, Samuele, Salomone, alijsq; pijs & probis Regibus apparet: ut certò constaret, Imperia à solo DEO constitui: Regesq; bonos ac Sapientes; sæpè etiam ob peccata populi, malos regnis præfici atq; dari: quò gentes ac populi eum solū Regem regum, & supremum Dominum agnoscant; qui regna, cui vult, tribuat: & cùm vult eisdem eadem auferat: cordaq; eorum, quò vult, impellat. Tùm, ut suam immensam Sapientiam veneremur, & Providentiam celebremus; qui non tantùm Regna & Imperia, (quæ propter Ecclesiæ suæ pacem colendam: & humanæ societatis, legibus honestis, justitiâ & disciplinâ morum, conservationem instituuntur) solus firmet: pro suâ liberrimâ voluntate firmata frangat, fracta solidè erigat, erecta deiiciat, dejecta suâ potente manu elevet, sustentet, defendat, & contrâ vim quamcunq; fortiter tueatur: Sed & Principes & Magistratus prudentes excitet, summâ sapientiâ ornet; motusq; peculiare, & supra aliorum hominum conditionem singularia dona tribuat: ut Populos & Rempublicam piè, justè, prudenter, fortiter gubernent: DEI gloriam promtè promoveant, ac constanter; utilitatem & commoda Reipublicæ citra sua, quærant & augeant: nihil deniq; cogitent, agant, faciant & moliantur, quod ad publicam felicitatem spectare non videatur. Cujus certè Providentiæ divinæ exemplum manifestissimum Respublica Christiana agnoscit; dum ex Augustissimâ & florentissimâ domo Austriacâ Imperatores Romanos XI suscitavit. Hispania Regem nunc potentissimum IIII. Bohemia VII. Ungaria VI. ex eadem stirpe colit. Quæ stirps, inquam, fœcundæ arboris instar, nunc in tantum excrevit: ramosq;, & ex his furculos latè se diffundentes tantos produxit; ut totius Europæ regna & Principatus inumbrent. Ac vix Imperatorum, Regum & Principum Christianorum ullam recens eas familiam, quæ domui Austriacæ vel consanguinitate: vel affinitate, aliâque cognationis & agnationis necessitudine & vinculo non sit juncta! Quid de Potentiâ ejusdem; de Amplitudine regnorum, alijsq; externis Majestatis adjunctis dicam? quid de fœderatis populis eum illâ? quid de insignibus

Num. 17. v. 16.
Provideat
Domin' Deus
spirituū, ho-
minē, qui sit
super multi-
tudinē hanc.
Osee. 8. Ipsi
constituunt
reges absque
me, & Princi-
pes assumunt,
& cognovi.
Vide Syr. s. 17.
& Apost.
Rom. 13.

insignibus ex variorum bellorum conflictu victorijs, quas Austriaci reportantur? quid de antiquitate stirpis eorum commemorem? PHARAMUNDUM certè (ut scriptores notantur) Anno Christi 420. Regem Galliæ creatum scimus, unde illis origo: à quo tempore annus præsens 1617. nunc currit 1197. & ut alij calculo probant, Domum Austriacam jam ultra an. 1300. durasse. quod singularis divinæ benignitatis maximum argumentum apparet: cum plurimæ familiæ, non secus ac fructus maturi de arbore in terram spontè cadentes, in ipso flore conciderint; quarum vestigia, vix etiam nomina nunc supersint, aut audiantur. Sic vir quidam doctus notavit, intra 130. annos, Principum & Nobilium familias 57. absq; prole & hærede interiisse. Et meâ, licet juvenili ætate memini, aliquot celebres familias viam lethi iniisse. Nec est, quod miremur ita fieri! Tùm, quòd ** earebus humanis est indita facies: ut in omnibus sit continua tùm generatio, tùm corruptio.* Ita ** Respublicæ & Familiæ, quarum ut initium, ita finis est, crescunt, augentur, mutantur. decrescunt, intereunt: sive id fato; sive nature quadam institutione fiat, quæ omnia à se producta, invertit, & certis temporum intervallis disperdit.* Et ut Seneca ait: *Indicium est imminuentis exitij maturitas, & appetit finis, ubi incrementa consumta sunt.* Ordo sanè in Imperijs, ut & in rerum naturâ, sine dubio est opus DEI. Et à DEO sunt, tùm boni ac præstantes, humanoq; generi utiles Principes: tum felix ac salutaris gubernatio. Hinc *Reges Jove editi, & Jovis alumni* à Poëtâ nuncupantur: quod ab eo (sed DEO vero) Imperium habeant. Imò eos *instar DEI esse* Tacit. ** ait: & quicquid domusatur vim habere DEI:* qui eos Palmæ vel Lauri instar florere: ac justo tempore surculos ac fructus producere facit: ut eorum commodis, ac suavi dulcique sapore Justitiæ, Clementiæ aliarumq; virtutum, Respublicæ & populi juventur. Quatum ex rerum consideratione Emblemata præsens, cum V. Cæs. Mstas in Regem ** Ungariæ, & paulò post * consentientibus Ordinibus regni, in Bohemiæ Regem Pragæ inuncta fuit, effinxi: Coronas sc: duas, arborem cingentes. Tertiam verò manus protensa de cælo, arbori imponere videtur. Arbor autem (domum Austriacam intelligo) Laurus est; signum sive Triumphii & Victoriæ; sive Vaticinij, ex quadrato lapide vel cubo exurgens: qui.*

Vide Emblemata 37.

* Aristot. lib. 12. de Generatione & corruptione. c. 10.

* Ioh. à Chok. thesaur. polit. aphor. lib. 6. c. 1.

* 3. Annal.

* Ann. 1608. Pofonii 19. Novem: * Anno 1611. 23. Maii.


qui stabilitatem & firmitatem notat: ut scilicet solidis Virtutibus, quibus V.^a Cæsæ M^{tas}, & tota domus Austriaca, celebris est, (nempe in DEUM Pietate, Sapientiâ, Prudentiâ, Fortitudine, Iustitiâ, Clementiâ maximè, Mansuetudine, Benignitate, Liberalitate & Humanitate) talis Honor & Imperatoria Majestas meritiò debeatur: ut certè deberi ac conferri Respub: Christianapijs votis exoptavit. Quæ cum jam Fatum, id est, Providentia divina fausto & lato eventu beaverit: est sanè de quo gratias agamus, illumque celebremus; qui talem arborem nobis suffecerit languidis; cujus sub Umbrâ divinus cultus exerceri, virtutes propagari, publica & privata bona augeri, Pax sancta coli, Charitas & Amor populorum conservari tutò possit! DEUM porro rogamus, (quo volente, jubente, conferente, Imperium V.^a Cæsæ M^{ti} unanimi S. R. I. Electorum consensu collatum est,) ut eandem suo scuto salutis & præsidio, adversus hostes quosvis juvet, tegat, defendat. Nam

* Psal. 91.
Paraphr. Ioh.
Mal.

* *Quis sub præsidio latet alti regis Olympi,
Seq, sub inductâ tenet umbra, & tegmine fido
Numinis, invictâ quod sustinet omnia dextrâ:
Ille animum haud ullis dejectus casibus, infit
Ante DEUM: Mea spes, mea propugnacula, & unum
Numen: in hoc firmo, mea spes se firma tenebit. &c.*



POLITICA. 9
 A D
 EANDEM Sam. Cam. Mtem.
 E M B L E M A III.
 CONSILIO SORS TUTA DEL.



HOceratin fatis CÆSAR nunc MAXIME, tandem
 Imperij caperes munera summa sacri!
 MATTHIA DONATE DEO, feliciter Orbem
 Pace regas; Urbem mitis amore fove!
 Ut vireat, vigeat tutò, Te Vindice, pura
 Religio, Pietas, Pax, Amor, alma Fides.
 Et Patri, Fratri, Patruis, Proavis, Atavisq;
 Par sis: AUGUSTIS adnumerere Pius.

Post diuturnum illud, & grave, totiꝑ; Imperio Romano extiale Interregnum, quod annos XVII duravit: Imperij Rom. potestas & Gubernatio, ad RUDOLPHUM COMI-

Anno 1273;
12. Octob.

TEM HABSPURGENSEM, quando ingenti cum exercitu in castris ad Basileam esset, non sine singulari Providentiâ & Consilio DEI, nec non omnium Electorum concordii suffragio devoluta fuit. Idque ob singularem ejus animi magnitudinem & præstantiam, bellicamq; Fortitudinem, quam toties in Syriâ, alijsq; bellis summâ cum laude & honore confectis, probavit, aded; ut ex hostibus suis XIV victorias reportarit: atq; inde Victoriosus appellatus fuerit. Id quoq; fato cuidam adsignandum non immerito quis dixerit; quod idem XIV liberos procreavit, ex ijsque VII masculos, & VII fœmellas; qui numerus septenarius aliâs facer & mysticus vocatur, propter multiplicem potentiam, quam in rebus tùm sacris, tùm profanis & naturalibus habet. Appellatur enim Septenarius iste numerus, ut obiter hîc dicam, Vehiculum vitæ humanæ: à Pythagoricis, Virginitatis numerus dicitur. In sacris vocatur numerus juramenti. Item beatitudinis & requiei. Item, Pœnitentiæ ac remissionis: dicitur & Libertatis numerus. Nuncupatur insuper ultionis numerus: ut planè affirmârim, peculiari divinâ voluntate, S. Rom. Imperij Majestatem, ad Domum Austriacam pertinere oportuisse: ex quâ tot Insignes Bellatores, ac magnanimi Heroës Reipub: Christianæ bono prodire debuerant. Ut Majores V^a Cæs^a Mtis hîc non commemorem, quorum laudibus impar tenuis stylus meus est. CAROLUM V. Imp. Romanum tantùm adducam, in cujus nativitatem & felicitatem Cœlestia numina & sidera conjurasse & conspirasse certum est: ut eodem tenore, ad extremum ferè vitæ exitum Divinæ gratiæ & benignitatis argumenta & documenta; nec non fortunæ secundæ blandimenta sit satis expertus: à quo hoc novo seculo V^a Cæs^a Mtas, quintum in Imperatoriæ Majestatis folio locum, continuâ electionis successione tenet. Natus is est Anno 1500. & quidem Jubilæo, die 24. Februarij, Gandavi Flandriæ Metropoli, anno post CAROLUM MAGNUM (qui religionem Christianam in Germaniæ oras primus invexit) Imperatorem renunciatum, Septingentesimo; quod & singulare noto, propter numerum

Vide Vehiculum humanæ vitæ Pythagoricum, Henrici Cnaustini I, V, D.

rum Septenarium. Eodem anno & Solymannus Turcarum Imperator, ut quidam notârunt, est natus. Quemadmodum autem utriq; idem annus Nativitatis: ita idem mensis September occassus fuit. Uterq; etiam à magnis Victorijs Imperium suum auspiciatus. Solymannus enim Taurino primùm, mox & Rhodo expugnatis: demum LUDOVICO HUNGARIÆ REGE ad Mohaczum interfecto, Imperium Mahumetanum auxit. CAROLUS V. Francisco rege Galliarum, die suâ natali victo* & capto, insignem laudem reportavit. Quid dicam? quòd alijs victorijs insignibus, de hostibus obtentis; * Pontifex MAX. & Gallus, & Bononiæ postea Franciscus Sfortia, & Veneti pacem ab eo supplices petierunt? Compositis Italiæ rebus, in Germaniâ motus compescuit. Hinc Viennam, ut Turcas ingentibus copijs in Germaniam irruentes arceret, rectâ descendit; cujus adventu *Solymannus* territus, *Virtuti & felicitati ejus cedere, ac in Thraciam regredi maluit, quàm spe dubiâ victoriam tentare*, quod ipse dixit. Hinc in Africam profectus, ad Tunetum acerrimo prælio Turcis profligatis, multa millia Christianorum liberavit. Tanta rerum benè gestarum felicitas, omen illud dubio procul, secuta est; quod ISABELLA, Ferdinandi Regis Hispaniarum conjunx, ejus Avia, conceperat; cùm ipsi nunciatum esset, eum die S. MATTHIÆ sacro natum; Sortē super Matthiam cecidisse, statim protulit, nec eam fefellit. Diem enim istum ipsi per omnē vitam faustū & felicem fuisse observatum est. Nam & hoc die Aquisgrani Imperiale Diadema accepit: & de Francisco I. Rege Galliarum, ut dixi, victoriam obtinuit. Si porro ea tempora consideraverimus, quæ eum exceperunt: quàm turbulenta, & bellicis tumultibus plena fuerint: quæ porro temporum felicitas secuta sit; mirari satis non poterimus, quæ, & quanta sit divina Clementia ac Providentia: nec non in rebus humanis; atq; adeò Imperijs firmandis, mutandis, convertendis & evertendis ac erigendis liberrima voluntas: sed omnia singillatim recensere, ac demonstrare prolixum foret. Qui mentem & oculos ad omnia tempora direxerit; facile animadvertet; *Seculum quodlibet novi quicquam in Imperiis & rebus producere*, Sive; *Centenarios annos, aut eis proximos, tam præcedentes, quàm subsequentes mutationibus maxime obnoxios esse.*

* Anno 1537.
Kal. Feb.

* Clem. V 13.

Notavit in
hac rem quæ-
dam loh. à
Cholcier thes.
polit. aphor.
lib. 6. c. 1, quæ
Sub vide.


Anno 1593.

Anno 1606.
Pacificatio
Pannonica
cum Turca
facta.

Sub finem fermè præteriti Centenarij, Bellum Ungaricum satis acre & diuturnum inter Rom. Imperatorem RUDOLPHUM II. fratrem & antecessorem V^{re} Cæs^{re} M^{ajestatis}, a. m. & Turcam inchoatum fuit; duravitque ad annum usque hujus novi seculi sextum. Motus sanè magni & terribiles in Imperio Romano gliscentes, in flammam & ruinam Germaniæ, & vicinorum quorundam regnorum damnum evasuri nuper credebantur: sed DEI Providentiâ, ac Procerum vigiliâ, Prudentiâ, sedulitate & Fidelitate adeò remoti videntur; ut sub Imperio V^{re} Cæs^{re} M^{ajestatis} Pax diuturna, & omnia tuta ac salva certò sperentur. Maximæ præterea diviniæ benignitatis argumentum est erga Rom. Imperium, quòd in turbis & intestinis Procerum quibusdam dissensionibus, Respublica Christiana, non secus atq; in mari agitata navis, V^{re} Cæs^{re} M^{ajestatis} tanquam Anchorâ firmâ, salva mansit: navisq; ad portum aureæ & desideratissimæ pacis sit deducta: tempestatesq; omnes tranquillitatem publicam turbantes sint sopitæ. Quam sanè Anchoram nisi DEUS ipse jecisset, suâq; omnipotenti dextrâ & sapientiâ sustinuisset: dubio procul Navis, hoc est, Respub: Christiana naufragium aut damnum insigne passa fuisset. Verumenimverò, cum IMPERIA sint DEI OPERA: divinitusq;, sapientes, magnanimi, concordēs, & felices Principes excitentur; Consilio & auxilio divino instruantur & adjuventur: Nemo est eorum, quos mediocris cura rerum publicarum & commodorum tangit, ut certè omnestangere debet: qui V^{ram} Cæs^{arem} M^{ajestatem} Reip: Christianæ Caput summum, Anchoram in tempestatibus sacram, Præsidium Bonorum gratus non agnoscat. Divinâq; providentiâ & Sorte, Universo Orbi Christiano esse datam, meritò fateatur: utque porrò ille, cujus nutu Respublicæ, Reges & Imperia, & tota rerum Universitas gubernatur, V^{ram} Cæs^{arem} M^{ajestatem} suâ gratiâ regat, defendat, sustentet, Consilia Reip: salutaria suggerat; & eandem felicitatem, quam ex omine Nominis ac diei concipio, divinitus largiatur, eâ, quâ debeo animi erga DEUM, & V^{ram} Cæs^{arem} M^{ajestatem} devotione precor.

TYPUS SERENISSIMÆ ET AUGUST. DOMUS AUSTRIACÆ EMBLEMA IIII.

ULTERIUS NE QUÆRE VIAS.



Fixa velut rupes mediis in fluctibus, alto
 Culmine longinquum conspuenda venit.
 Sic domus Austriadum PHARAMUNDI stirpe refecta,
 Romulidum superat laude & honore genus.
 India & Europa, Afer, Sardus & Insulber, Hunnus,
 Est quod in Eois Occiduisq; plagis.
 Illius Imperio jam pridem paruit, ultra
 En vix quò factis progrediatur, habet!
 Salve Augustorum genitrix, quæ vertice Olympum
 Tangis, & Imperij luce coruscanites!
 Salve perpetuum, tua luxq; decusq; micabit,
 Rupes donec erit: Sol quoq; donec erit.

C 3

Quod

QUOD Vaticinium olim de Româ totius mundi Dominâ, ipso eventu verum & felix tale fuisse legitur:

ROMA TUUM NOMEN TERRIS FATALE REGENDIS:
Idè & de domo Augustissimâ Austriacâ affirmari potest. Romanæ enim Reipublicæ, ejusq; Majestatis augmentû & fastigium quale esse debebat, Anchisen filio suo Ænæ prædixisse Virg: scribit.

Virgil. lib. 6.
Æneid.

*En hujus (Romuli) nate auspiciis, illa inclyta Roma
Imperium terris, animos equabit Olympo:
Septemq; una sibi muro circumdabit arces,
Felix prole virum. & paulò post:
Excudent alij spirantia mollius æra &c:
Tu regere Imperio populos Romane memento,
He tibi erunt artes, paciq; imponere morem,
Parcere subjectis, & debellare superbos.*

Autor in de-
scriptione Ge-
neal. Austr.

Quod si & omnibus aliqua fides tribuenda est, ut tamen tribuendam, (dummodò superstitio abfuerit,) dixerim: jam pridem certè eventus omen & votum illud comprobavit, quod FRIDERICUS II. AUSTRIACUS (quem insignem Mathematicum fuisse scriptores tradunt) fecit: illudq; Viennæ, cùm ad mensam sederet, in pariete manu propriâ, in hæc verba consignavit. AUSTRIA ERIT COR ET CLYPEUS IMPERII. quo innuere voluit: ex stirpe Austriacâ tales Principes nascituros, qui Prudentiâ suâ & Consilio; (quod ego per Cor interpretor, cùm inde proficiatur,) nec non Fortitudine, Imperium Romanum tutarentur, juvarent & augerent: ut non minùs verè, de hac florentissimâ & celeberrimâ domo, canam, quàm Anchises olim de Româ.

Rudolph.
Comes de
Habsburg.

*Auspiciis RUDOLPHE tuis, stirps inclyta gentis
Austriacæ, Imperium vastum diffundet in orbem.
Excedet terras factis, equabit Olympum
Perpes honore suo condens sub nubila nomen.
Una sibi sedem medio telluris in orbe
Augustam diâ cum Majestate locabit,
Caesaribus multis felix, invictaq; bello
Hoste triumphato, sacra ad delubra Deorum,
Vestrix insignis, spoliisq; superba feretur;*

Ultra

*Ula Dei nomen temeratum à gente profanâ.
 Hac est ipsa, deri sibi quam summo aethere gaudet
 Gens pia Christiadûm; PHARAMUNDI è stirpe profectam!
 Aurea qua pacis, qua Libertatis avita
 Romano Imperio, & Germanis secula condet!
 Quæ Mauros ultrâ, super & Garamantas & Indos,
 Pannonas & Siculos: & quæ Tagus, aurifer amnis,
 Divesq; exonerat rutilas Pactolus arenas,
 Proferet Imperium: legemq; imponere sacram
 Gentibus ac populo crudâ feritate rigenti
 Debebit: mitemq; piis moderetur habenis!
 Induperatores, Reges, clarosq; Herôas
 Quæ longâ serie, generoso è sanguine cretos,
 Et belli & pacis numerabit honore celebres:
 Quorum sub pedibus, quæ Lux Phœbea recurrens
 Aspicit Oceanum magnum, vertig; regi;
 Effusi populi longè latèq; videbunt. &c:*

Americani;

Si itaque incrementa, quibus ad tantum fastigium & culmen Honoris domus Austriaca evecta fuit, recensere: si merita ejusdem in Rempub: Christianam commemorare: si denique singulorum Principum, Regum, & Imperatorum, qui ex stirpe hac Austriacâ prodierunt, egregiè facta & Virtutes Heroicas enumerare deberem: Vaticiniumque illud, per partes suas, ad hoc usque tempus impletum esse, ostenderem, citiùs me sanè dies, quàm res deficeret. Extra omnem autem controversiam statuendum; nullam Principum familiam, (quod pace ipsorum dictum velim,) umquam tot Regibus, tot Imperatoribus celebrem fuisse, ac Austriacorum. FRIDERICUS III. Symboliloco has quinq; literas quoq; usurpasse scribitur: A. E. I. O. U. quas alij sic explicârunt. AUSTRIA EXTENDETUR IN ORBEM UNIVERSUM. Alij verò sic: AQUILA ELECTA JUSTE OMNIA VINCIT: Quocunq; sensu quis intellexit: eventutamen felicires est comprobata. Sic & Elector Archiepiscopus Moguntinus in Electione ALBERTI II. votum simile ac Vaticinium super jam electo Imperatore pronunciasse scribitur; Deus domum Austriacam propagatione & gratiâ suâ conservabit,

Reusner. in
 Symbolo Fri-
 derici III.
 Austriaci.

conservabit, usque ad finem mundi, ut Palmam, quæ nunquam
arescit, quod sub ejus umbrâ Orbis Christianus pacatus esse possit:
postea id quasi confirmans Archiepiscopus Trevirensis Elector,
votum quoque suum adjecit in hæc verba: Domus Austriaca
in universum Orbem extendetur. Cujus rei conditione
Emblema hoc effinxi: Typumque Augustissimæ Domus Au-
striacæ esse volui: ac universis & singulis ex florentissimâ hac
stirpe natis Ducibus, Archiducibus, Regibus & Imperatori hu-
millimè dicatum & consecratum ac gratum cupio. Rupis enim
solidæ instar est in vasto hoc mundi Oceano, caput inter nubila
condens: quæ tam famâ rerum præclarè gestarum, quàm Virtu-
tibus Heroicis Solis instar universum orbem illustrat: cujus quo-
que radij unde quaque sparsi singulos ex hac domo genitos Prin-
cipes, clariores reddunt. Utque porro **DEUS OPT. MAX.**
ad finem usque mundi propagatione & consecra-
tione eos augeat, scribò voveo!



AD ILLUSTRISSIMUM ET POTENTISS. PRINCIPEM ET DOMINUM,

DN. FRIDERICHUM V. Comitem Palatinum ad
Rhenum, S.R. Imp. Archidapiferum, &
Electorem, Ducem Bavarix, &c.

EMBLEMA V.

NON CEDAM GRAVIBUS.



U*t magis impositio firmatur pondere, quānāo
Erigitur latā Celsa Columna basi.
Sic altæ mentes generoso in corpore fixas,
Non oneri Imperij cedere velle decet:
Quin magis obniti summo conamine, ne fers
Hac nutante, simul machina tota ruat.
Te incolumem Imperij columen PRINCEPS Jova servet;
Stes longum ut populis firma COLUMNA tuis.*

D

Grave

GRave onus humeris suis impositum sustinet Princeps, cui à DEO OPT. MAX. populorum salus commissa, & in eos Imperium divinitus est collatum: sive id successionem hereditariam, sive Electionem ad eum devolvatur. Nam, præter quod DEI vice in terris fungitur, qui iustissimus est bonorum retributor: malorum autem vindex severus: Quanta ei opus est prudentiâ, ut Bonis præmia, malis autem pœnas, pro facti crimine imponat? Cùm * *vita necisq; gentium arbiter sit*: quo iudicio necesse est valeat? ne in condonandis peccatis largior; in servando integritatis vitæ bono remissior censeatur. Cùm, *qualem quisq; sortem statumq; habeat, in manu suâ positum sit*; quæ solertia requiritur? ut felicem civibus suis conservet: aut pro personæ dignitate, factive ratione eundem mutet; vel in melius provehat. Cùm res regni, & privatorum bona suæ potestati sint subiecta, eaque Imperio possideat, quæ diligentia & fortitudo desideratur? ut salva cuique præstet ac conservet: ne vel avaritiæ in extorquendis ijs, vel socordiæ in defendendis arguatur. Cùm *ex suo responso lætitiæ*, addo & doloris causas, *populi, urbesq; concipiant*: quâ eum curâ affici oportet: ne, omnes unius voce turbati, animum abjiciant? utque abjectum læti & alacres recolligant? Cùm *nulla pars usquam nisi volente propitioq; ipso sit reata*: quam industriam ille non ponat in felici populi statu conservando? ne o sor publici boni & commodorum, aut vastator felicitatis publicæ accusetur. Cùm tandem ejus sit Jurisdictionis, *quæ urbes oriri, quæ ruere debeant? Ex eiusq; nutu tot millia gladio-rum stringantur*, urbes & pagi diripiantur, homines occidantur; quâ Mansuetudine & Clementiâ eum præditum esse oportet? ne ostentandæ per terrores potentiæ causâ Crudelis, aut Tyrannus perhibeatur. Ac, ut brevius dicam: Cùm Princeps sit quasi DEUS terrestris, ad quem omnium oculi & vota diriguntur, à quo salus universorum dependet: qui (ut * l. Lips. ait) *unus pluribus præest, qui leges & iussa ponit, maria, terras, pacem, bella moderatur*: quanta moles, plus quàm Ætnæa, negotiorum, humeris ejus recumbat, quis non videt? quæ Integritas præstanda? quæ

* Sen. l. de
Clem. l.

* In Proloq.
ad Politicâ.

quæ diligens cautio adhibenda? ut apud DEUM exacti & præstiti officij, rationem deponere: ac se in conscientiâ suâ tutum & securum reddere queat? Atque ut in administrandâ Rei summâ difficile est omnibus placere; Ita divini muneris & benignitatis certissimum argumentum, difficultates sufferre æquo animo posse. Princepsque ille jure laudandus est; qui curam Imperij propter onus, non abiiciens, constanter officij sui partes exequitur: qui quoque in tanto rerum fastigio, & vitæ licentiâ collocatus, infinitæ suæ potentiæ & cupiditati fines præscribit: duasque has res (cum * Lipsio loquar) diversissimas, Potentiâ & Modestiam miscet: ut hac ratione si non omnibus placere; saltem optimis non displicere videatur. Tot autem ac tantis in Repub: rebus, causis & negotijs ritè exequendis, disponendis, finiendis quis sufficiat? nisi divino auxilio adjutus, Animum Virtute illâ in perferendis laboribus non succumbente, instructum habeat, CONSTANTIA scilicet, quoniam

Nulla deest Virtus ubi tæ CONSTANTIA præsens.

Hæc ubi domicilium suum in mente Principum ac Heroum fixum habuerit; gravissimi quique labores, curarum onus, & molestiæ, levissima reputabuntur. Ac quemadmodum maximis ædificijs Columnas & fulcra adhiberi, & substrui videmus: ne propter molis magnitudinem, & onera quæ sustinent, gravitate & pondere corruant. Et veluti * *Columna, quæ recta stat, pondere imposito magis firmatur*: Sic à Principibus Consiliarij fideles, & periti viri adhibentur, in Imperij negotijs gravissimis & difficillimis, qui partem aliquam curarum, & tantæ molis in se recipiant: vastumque hoc atque amplum ædificium, (ut Imperium * Carol. IV in aureâ bullâ, Electores verò Principes, ipsius Imperij Columnas & latera vocat,) consilio suo sustentare juvent, fulciant, atque à ruinâ conservent: Sic altas quoque illas mentes Principum, & ad sublimia erectas, oneri Imperij, suis quasi humeris recumbenti, non cedere, sed obniti: non succumbere, sed fortiter & constanter in Reipub: perferendis molestijs, sese erigere decet. Nam, ut non sine certâ causâ columnæ & pedamenta ædi-

* Vide quæ scribit, lib. 2.
Polit. c. 15, & in notis.

* Lipsius præfat. in lib. de Cruce.

* c. ulto

* Aurea bulla
ibid.

ficijs vel rebus alijs adstruuntur: ita in Imperij negotijs molestissimis & gravissimis, Consiliatorum fide opus est ac labore. Sic enim comparatum videmus, ut iterum verbis *Karoli IV loquar. *Ubi majus incumbit periculum, majus debet remedium adhiberi. Neve columnis ruentibus, basis totius edificij collidatur.* Quapropter Emblemate hoc C O N S T A N T I A M exprimere volui, cum inscriptione, N O N C E D A M G R A V I B U S. Con-

* Ppist. 99.

* Id, Epist. 75.

gruit *Senecæ. *Valentior omni fortuna animus est.*

Et *alibi. *Quod rectum est, nec magnitudine
æstimatur, nec numero, nec
tempore. &c.*




AD

AD ILLUSTRISSIMUM ET
 POTENTISS. PRINCIPEM AC DOMINUM,
 DN. JOAN. SIGISMUNDUM, Marchionem
 Brandenburgensem, S. Rom. Imp. Archi-
 camerarium & Electorem, &c.

EMBLEMA VI.

SVO ÆRE CENSETUR.



P Annum quo vestitur Honos & Gloria Regum;
 Metiri Ratio, non brevis ulna potest.
 Splendidus est gemmis; precioso fulgidus auro:
 Ast intexta gravi Cura labore scatet.
 Antigonus docuit, quibus esset nempe periclia
 Plenus: tollere vix quem quog, vellet humo.
 ÆRE SUO Imperiale decus CENSETUR, & illud
 Dignis jure poli venditur, ac emitur.

ROmani olim ut in suâ Republ: distinctos ordines populi instituerunt; sic & dignitatis cuiusq; maximam rationem habuerunt: præsertim verò Magistratus: aut qui aliquo publico officio fungerentur: aded, ut & peculiari vestitu iuvenes à senioribus, patricios à plebeijs, Magistratum à subditis discernent. Quod quidem institutum multâ adhuc urbes Germaniæ observare solent, ne promiscuè honor eorum, qui ordinibus & dignatione antistant, cum inferioribus participet. Utq; Nobiles à plebeijs, vulgus à Principe externâ aliquâ notâ vel signo dignoscatur. Sic olim apud Romanos, milites sago & chlamyde vestiebantur: tempore pacis togâ. Sic apud Persas tiarâ reges pro Diademate utebantur. * Imperatores Romani Paragaudâ & Palmatâ, quæ toga erat purpurea, auro & margaritis intertexta. Omnibus, & quidem viris prohibitas has fuisse (nisi quibus propter Imperiale ministerium concessæ fuerunt) & soli Principi, ejusq; domui dedicatas, colligitur ex l. 1. 2. & 4. C. de vestib. holo. Palmata dicebatur, quòd palmam habebat intextam, eratque Triumphantium. Purpurata vestis ornamentum fuit Regium, & Majestatis insigne: hoc rubicundo colore insinuans sanguinis Imperium, & necis inferendæ potestatem. Sic purpurâ indutum fuisse Salvatorem nostrum per ludibrium, Evangelista scribit. * Diadema erat pileolus, instar dimidiatæ pilæ lusoriæ grandioris: qui capiti impositus candidâ ligabatur fasciâ, (hodiè visuntur in insignibus quibusdam antiquioribus nostratum, ut & pilei, signum libertatis,) eo utebantur Reges & Imperatores ornatûs gratiâ. Cui non absimiles sunt nostrates Coronæ, quas intoretummatibus & numis expressas videmus. Coronæ variæ olim dabantur ex Laurus Imp: triumphantibus, cui successit aurea, quæ nunc Insigne Regum & Imperatorum est. Sic fasces ex Betullâ arbore: & secures Hetruscorum Regum Insignia fuerunt: in quorum locum Sceptrum successit, quo Reges Majestatis causâ utebantur & utuntur. Talia vulgi oculos perstringunt, ut quasi extra sensum positum, Regum & Principum statum felicissimum censeat: idèoque omnes cupiditate quadam imperandi naturâ agimur:

* Pancirol. rer. memorabil. lib. 1. de habitu Imp. & Henr. Salenuth in expl. h. loci.

* Pancirol. de Diademate,

agimur: ut quisque Rex, nemo subditus esse velit: illamque felicitatem ex purpurâ, auro, sceptro & diademate metiamur, ijsque sæpè invidemus: cùm tamen non aurum, non purpura, non sceptrum, non diadema, & quod vulgus admiratur & externè suspicit, Regnum aut Principem ipsum constituat! aliud quidpiam his præstantius, Regnum desiderat. Id quod Rex ille annuere videbatur, qui nudum hominem, puta Prudentiâ & Fortitudine præditum, regno sufficere affirmavit. Illa quidem Insignia Regum propria sunt: per se autem nihil valent, nisi eas Princeps virtutibus dictis, conservet atque exornet. Rectè * Seneca. *Nemo ex istis, quos purpuratos vides, felix est, non magis, quàm ex illis, quibus sceptrum & chlamydem in scenâ fabule assignant.* Paulò post. *Nemo istorum, quos divitiæ honoreq; in altiore fastigio ponunt, magnus est, quare ergò magnus videtur? Cùm bastillum suâ metiris: parvus pumilio, etsi in monte constiterit. Colossus magnitudinem suam servabit, etsi steterit in puteo &c:* intelligit autem animum esse rem maximam, præsertim in regno administrando. Externa ista, levia sunt & mutabilia, & ut ejusdem verbis loquar: *etsi si favente fortunâ in unum congesta sunt: dominis suis incumbunt gravia, & illos semper premunt, aliquando & elidunt.* Felicitas sanè, quam vulgus talem esse putat, plus laboris & periculi, quàm quietis & securitatis habet: quod olim Antigonus demonstravit, qui antequam ei Diadema ex more imponeretur, retentum diù considerasse ac dixisse scribitur: *Onobilem pannum magis, quàm felicem! quem si quis penitus cognoscat, quantis ex laboribus, periculis & curis sit contextus, ac refectus, ne humi quidem jacentem tolleret.* Dionysius quoque Damocli adulatori ostendit, quàm sit semper periculis obnoxia Principum & Magistratus vita, qui, Regiam potentiam, divitias, Majestatem & magnificentiam domus Regiæ laudanti, earum omnium rerum copiam fecit; illeque se beatissimum æstimavit: sed postquam ipsi gladius supra caput filo tenuissimo appensus, ostensus fuisset: totus exhorrescens, Dionysij statum miserimum ac infelicissimum pronuntiavit. Unde Persius Sat. 3.

*Et magis auratis pendens laquearibus ensis
Purpureis subter cervicem terruit.*

Regna statem
non ponde-
rantur,

* Epist. 76.

Nob

Non igitur externis insignibus & opulentiâ æstimandi Reges. Dignitas illorum Suo **ÆRE CENSETUR**: quod nemo, præter qui animum habet Magnum, agnoscit. Emb'ema igitur hoc, panni preciosi auro intexto specie, Imperialem purpuram seu vestem, imò ipsum regnum designat: qui pannus solâ mente, & divinitus concessâ benignitate, ac verâ felicitate metiendus, quod non cuivis, nisi quem **DEUS** ipse, suum Vicarium constituit, contingit. Igitur

*Non Diadema ipsum, gemma, non purpura & aurum
Constituunt summos in Regione Duces.*

*Sed Majestatem Regum Prudentia firmat;
Virtus præstandi fortia facta, parat.*

Neque ipsi Principes in externis istis fortunæ donis beatitudinem summam ponant: fluxa hæc sunt, & ut ille scribit.

Chr. Eg.

* *Sis licet angusto Regum de sanguine natus,
Hæc tibi mortali quæ loquor, accipito.*

Larga tibi humenti fluitat de fauce salva?

Pituita est nimium nempè molesta tibi.

Vestemne indueris pulchram? hanc ovis exuit olim.

Aurone excellis? Sors tibi id alma dedit.

Dives es? hoc fortunatibi dedit improba, fastu

Turges? Stultitia est ille tua fremitus.

Munus id est Divûm, si sit tibi vita modesta,

Hæc est, si proprio te pede mensurus eris.



AD ILLUSTRISSIMUM PRIN-
CIPEM AC DOMINUM, DN. JOAN-
GEORGIUM MARCH. BRANDEE:
Carnoviæ Ducem &c.

EMBLEMA VII.

HOC SPLENDETE.



Quod Sol in Cælo; quod Cor in corpore: Princeps
Hoc & in Imperio Maximus esse solet.

Fecundo illius terrena calore foventur:

Corporis hoc rectè membra vigente valent.

Et Princeps Orbis mediâ regione locatus,

Majestate suâ publica quæq; juvat.

Vire Rei populi, SOL, COR, DUX JANE-GEORGI:

Commoda Te vireant publica stante diu!

E

Tanta

Tanta est corporum cœlestium cum corpore humano Harmonia & consensio, siue convenientia; ut in inferioribus suprema: & in supremis inferiora inueniamus. Cœlestia tamen suo modo; terrestria item ex suâ qualitate intelligenda sunt. Unde & Homo idè *μικρόκοσμος*, parvus mundus appellatur. Quam quidem Architecti optimi & supremi Sapientiam in constituendo hoc opere, & providentiam in conservando, meritò admirari, & grato animo celebrare debemus. Atque, ut brevem hujus Emblematis explicationem; nec non Solis cum corde humano collationem instituam: dico. Solem inter cœlestia corpora præcipuum esse. Idem & COR inter partes humani corporis: hinc & primum vivens, & ultimum moriens perhibetur. Ac veluti SOL motu suo, & vitali spiraculo inferiora & superiora quæque temperat, fovet, & perfundit: Ita quoque COR fundamentum primum & maximum, pulsante motu, tam subiectas ei, quàm superpositas corporis partes omnes reficit, & arteriarum adminiculo vegetat. Ut motu Solis, qui radijs suis inferiora illustrat, mundus carere non potest; quòd spiritu vitali omnia animalia, plantas & herbas vivificet; Utque præsentis Solis lumine, & radorum ejus distributione, terræ partes omnes suis muneribus funguntur: Ita COR vitalis calor est quoddam promptuarium, rebus corporis temperandis, fovendis ac alendis. Qui ubi defecerit, omnia languida & imbecilliora fieri necesse est. Ut SOL in Cœlo, mediam & justam sedem inter reliquos Planetas habet: qui si suprareliquos, aut infra Lunam esset positus; inferiora omnia arderent: aut nulla pars terræ vitalis & habitabilis esset, propter frigoris vim & vehementiam. Ita COR, si ad partes inferiores, puta Crura, positum esset, inferiora ob vicinitatem calerent. Si in capite; nulla pars inferior caloris vitalis particeps fieri posset, propter distantiam, aut penuriam, (hinc etiam extremæ partes digitorum & pedum plerumque frigida.) Atq; ita mediam ferè corporis partem COR sibi vendicavit. Ut SOL à reliquis Planetis, qui illum stipant, non secus, ac Regem satellites, cottidiè certa ministeria, ad statum & modificationem mundi re-

rum.

¶ Vide Anton.
Mizaldi Harmoniam
cœlest. corp. &
humanorum,

rum recipit: Ita COR à præcordijs & visceribus, certa officia in temperandâ rerum corporis universitate. Ut SOLIS labores & defectus, rebus in mundo plurimum obsunt; imò futuras mutationes, & calamitates publicas portendunt: Ita si COR laboraverit, reliquas partes propter Sympathiam condolore, trepidare; imò illitandem commori necesse est. Ad summam. SOLIS calor omnia fovet: quo cessante, inferiora si non interire, saltem langvere oportet: Ita COR DIS calore in corpore humano omnia vivunt, moventur, vegetantur. Non aliâ quoque ratione affirmo, PRINCIPEM bonum in Repub: tanquam Corpore, COR DIS nomen mereri. Hunc enim DEUS præcipuum in illa membrum, à quo cætera vitam, & salutem civilem trahant, esse voluit. Hic Præsentia suâ, tanquam calore & Spiritu, subditorum actiones dirigit ac gubernat. Ab eo, cum pius, justus, fortis, prudens est, populus exemplum vivendi, moresque suos laudabiliter instituendi mutuatur. Hic præsentia suâ, & verendâ ac sublimi claritate, illustribus viris; & benè de Repub: merentibus, vitam, honores, opes, dignitates magis illustrat, auget, & conservat. Hic liberalitate & munificentia suâ, fideles ministros ac subditos, ad spontè & fideliter obeunda munia, excitat & reficit. Ille in medio omnium populorum positus, remotis ac longè difficilis, prudenti suo Consilio adest: propioribus clementia & gratia suâ fiduciam de se benè promerendi addit. Hic (ut SOL Planētis, & COR visceribus,) bonorum Consiliatorum agmine stipatus, res Regni moderatur. Si aliquando contingat, ut vel fortunæ adversæ succumbat: vel regni cladem accipiat; Respub: & subditos ejusdem discriminis participes fieri videmus. Nec immeritò. Principali enim parte, à quâ reliquæ dependent, patiente: cæteras ei condolere necessum est. Eo autem salvo existente, tota Respub: incolumis, & in omnibus partibus sana censetur. Tandem Principe occumbente; mutationem quandam in Imperio, ut plurimum metuendam. Quæ cum diligentius perpendere, ac singula catenatim coherere animadverterem, Incriptione hac, HOC SPLENDEnte, omnia complexus sum.

Quanta enim felicitas Reipub: & subiectis populis, sub Regibus pijs, ac pacificis redundet, docent Psal. 72. 84. 144. usque aded, ut splendente Sole, Corde vivente, Principe in Repub: virtutibus prædito: mundo, corpori, & populo optima & salutaria quæque, non secus, atque Cornu copix fertilissimum, accedant & redundant. Cum quo Senecæ* convenit: *Olim ita se indunt Reipub: Caesar, ut diduci alterum non posset, sine utriusque pernicie. Nam ut illi viribus opus est: ita & huic capite. & post. Animus Reipub: tu es, illa corpus tuum. Idem. Ille est vinculum, per quod.*

Reipub: coheret: ille Spiritus vitalis, quem hæc tot millia trahunt: nihil ipsa per se futura, nisi onus & præda, si mens illa imperij subtrahatur.




AD ILLUSTRISSIMUM PRIN- CIPEM ET DOMINUM, DN. MAURITIUM,

Landgravium Hassiæ, Comitem in Catzenelenbogen,
Dietz, Zigenhain & Nidda &c.

EMBLEMA VIII.

UTRUMQUE TUETUR.



Cuspide cur gladij Liber heret fixus acutâ?
Cur calamus & laurum comprimit, (arma) manus.
Vera stilo es pilo Ducibus quod gloria constet.
Alterum es alterius quod bene vincat ope.
Laus est magna Ducis, qui gnavus utrumq; tuetur,
His quoniam victor certa tropæa locat.
Præ reliquis Rhetor, Prætor, Consulq; cluebat,
Dux tandem CÆSAR, Martis & Artis ope.

Goslic. de
Opr. Senat.
lib. 1.

Qui prudentes sunt, præsertim in Repub: rectè administrandâ, absq; adjumento literarum; ij id duplici viâ consensu qui solent: aut enim naturâ divinâ præditi sunt, cujus munere omnia ipsi per se comprehendunt, provident, intelligunt; quales olim Theseus & Cecrops apud Græcos: apud Romanos Romulus & Numa fuerunt, qui ad Rempub: gubernandam accesserunt, non Philosophorum præceptis edocti: sed ingenio à Musis cœlestibus instructi: Aut experienciâ civili, varijsq; casibus, & rerum mutationibus cautiores facti; quid Reipub: ex usu & commodo sit, cognoscunt. Qui quidem, si viri boni sunt, legibusq; in Repub: constitutis, omnia moderantur, meritò laudandi; quamquam imperfectam hanc Prudentiam dixerim: Sin mali; tantò magis vituperandi, quòd modum & rationem gubernandæ Reipub: nescientes, cunctaq; ex suo ingenio & commodo merientes, eandem tumultibus, seditionibus, sæpè cœdibus implent. Cùm autem duplex sit Reipub: status; Tranquillus ac pacatus: & turbidus ac irrequietus: Aliaq; sit ratio pacis colendæ; alia item Beligerandi. Principem profectò Prudentiâ tali præditum esse necesse est, ut utriusq; commoda & damna ob oculos sibi ponens, non solum, quid quo quo tempore agendum, antevideat; sed ex administratione ita clarescat; ut apud suos subditos Amorem & auctoritatem promereatur: ab exteris verò timeatur. Hanc Prudentiam qui usu & experienciâ sibi acquisiverit: sive ex libris hauserit, meritò magni æstimandus. Ac sanè, quoniam nulla Respub: sine legibus, (*quæ instar animæ in humano corpore sunt, & certæ ac firma vincula, quibus potentiorum intemperies stringitur,*) consistere potest. Principis autem sit eas ferre, latas interpretari: secundum eas, lites & controversias forenses decernere: unicuiq; suum, ex justitiæ præscripto tribuere: eum profectò, (*quialias lex viva est & appellatur,*) si non scientiâ literarum, at tamen quæ ad Rempub: moderandam duntaxat spectant, instructum; Jurisq; quod dicere & administrare debet, peritum esse oportebit: ut quæ arma bellicis in tumultibus, legibus certis, à vi, rapinâ, alijsque criminibus & flagitijs, quæ Martem spontè sequuntur, coercere: atq; disciplinæ militaris auxilio, (*quæ sine legibus non est*)

est) milites in officio retinere sciat. Id facile adsequetur: si libros doctorum virorum, qui varios casus, pacis & belli tempore consignarunt, evolverit: animumque literis optimis excoluerit: aut literatos, varijq; casibus & fortunæ telis exercitos, in Consilium adhibuerit, qui ei semper adsint, & quid facto tam pacis, quam belli tempore in Repub: prudenter gubernandâ, opus sit, fideliter admoncant. Cumq; ad defendendam suorum salutem, & Rempub: ab hostium injuriâ, & vi externâ, armis opus sit, ac Fortitudine: idq; potissima pars officij Principis non negetur: Quotidiè quoq; videamus & experiamur, generosis & heroicis naturis proprium esse, statim in pueritiâ equitatu, luctâ, cursu, & agonisticis certaminibus delectari: armisq; assidue gestandis tractandisque, animos ac manus exercere solere: quasi vox ea naturæ sit & testatio: Officium Principis in fortitudine potissimum militari, & bellicis experimentis situm esse: quis unquam prudentiorum negare audebit: Armorumq; usum & belligerendi scientiâ, cum literis conjungi oportere? quandoquidem Imperia & Principatus, continuo ac solo armorum usu, stare non possint, hæcque illas, contra verò illæ hæc defendant; sintq; adeò arcto vinculo necessitatis colligata; ut alterum absq; alterius ope consistere neutiquam, & citra ignominiam à bono principe separari non possit. Princeps enim leges, Religionē, libertatem ac disciplinâ non rectè tuebitur armis; qui vim earum rerum, & necessitatem ignorat: quæ omnia ex fontibus hauriuntur literarum. Necessitatem hanc optimi Principes omnibus temporibus agnoverunt; literasq; cum armis conjunxerunt, ac conjungendas censuerunt, ut pote; quòd illæ animos mansuetiores reddere; & ne arma temerè sumerentur, justæve ex causâ sumpta, cum ignominiâ ne deponerentur, temperatâ quadam ratione eodem instruere soleant. Idè tot laudatissimi, & pacis ac belli artibus celeberrimi Imperatores, Reges, Principes, ac Duces olim extiterunt: & hæc nostra ætas, si ulla unquam magis, De gratiâ, Principum literatorum fertilis est: quorum ingenij & studiorum monumenta literis consignata, summâ cum admiratione legimus, & ad usus nostros convertimus. Teq; Princeps Illustrissime in literis & armis magnificamus, ad-

miramur

* In Prooem.
Instit. Iur.


miramur & suspicimus. Eandem Necessitatem Sacratissimus
* Imp. Justinianus agnovit, cum ait: *Imperatoriam Majestatem,
non solum armis decoratam: sed etiam legibus oportet esse armatam,
ut utrumq; tempus, & bellorum & pacis rectè possit gubernari, &c.* Et
ut quidam rectè sensit. *Principes nullâ literarum scientiâ excu-
tos, instar Mancipiorum, imò fere brutis deteriores esse, eò, quòd pecu-
des naturæ duntaxat affectibus obsequantur: homo verò, in primis po-
tentiâ armatus, nisi omni liberali doctrinâ imbuatur, ac formetur, in
affectus, plusquàm ferinos cæco impetu præceps rapiatur: & libidines
refrenare: cupiditates domare: cæteras animi perturbationes ac la-
bes repellere prorsus nequeat.* Hinc Emblemata nostrum: Cuspidi
nimirum gladij liber affixus; ut scilicet, ratio recta & Consilium
arma regat. *Parva enim sunt arma foris, nisi sit Consilium domi.*
quòd verò armata manus calamus scriptorium & ramum lauri
simulteneat, innuo; veram victoriam principem ex suis tùm ho-
stibus, tùm inimicis referre; qui non temerè ad arma profiliat: sed
consilio priùs habito, & deliberato animo, negocia perficiat:
hinc vera gloria nascitur; quam non tantùm in animis hominum
impressam relinquit: sed scriptis etiam ad posteritatem transmittit.
Verum enim verò quoniam de præstantiâ, necessitate, & uti-
litate Literarum ac Armorum plura scripsi in discursu meo politi-
co, de Literis & Armis: idèò hîc multis supersedeo. Plato Epist. 6.

*Literis & armis constat Respublica. Id. Epist. 7. Altera alterius
semper eget auxilio: tam militaris res legibus in tuto
est collocata, quàm ipse leges armorum sunt
servatae præsidio.*

AD ILLUSTRISSIMUM PRIN-
CIPEM AC DOMINUM, DN. HEINRICUM
WENCESLAUM, Ducem Monſterbergenſem & Olſnen-
ſem, Comitem Glacenſem, Dominum in
Sternbergk & Jaiſchwitz &c.

EMBLEMA IX.

ERIGITUR VIRTUS TACTA.



QUOS DEUS ad regni ſummos evexit honores,
Non unquam curis Invidiâq; carent.
Sive vacant ſomno; vigileſve negocia tractant;
Illorum eſt variis vita ſubacta malis.
Securi Cuſtode DEO tamen aſpera vitant:
Hos quoniam JOVÆ provida cura tegit.
Tacta etiam erigitur Virtus discrimine. viſtrix
Et tandem celſum tollit ad aſtra caput.

SI quis Principum vitam, & statum eorum, paulò accuratius consideraverit; eum quidem felicem, illosque beatos (si tamen felix & beatus appellandus, qui vitæ discriminibus & periculis varijs est expositus,) dixerit: quòd supra aliorum conditionem & communem hominum sortem evecti, omnia ad nutum & arbitrium sibi affluere videant: votorumque suorum compotes fiant. Verumenimverò, si quis exactius rem pensitaverit, quibus periculis, & fortunæ iniquæ telis eorum sit vita obnoxia: non modò non beatos & felices: sed statum eorum, ne quidem cum privati hominis mediocri fortunâ utentis ac viventis, commutandum esse, haud negaverit. *Uſq; adeò magnæ fortune, Comes est Invidia, aut ruina.* Et quemadmodum Navi in altumeductæ, maximum periculum imminet, ubi mare profundissimum. Utq; altas turres & ædificia, ventis & fulminibus maximè obnoxia videmus: Sic Principum vitam, varijs periculis, quæ partim ab ipsorum vitijs: partim ab aliorum malitiâ procedunt. Imò & ab ijs scèpiſsimè, quos fidos & assiduos Comites habent, vitæ discrimina subeunt. Unde Trajanum legimus, Imperium tanquam intolerabile onus, molestijs periculisque plenum sprevisse, nec nisi necessarid suscepisse. Huc respexit* Chrysost: ubi dicit. *Non ad diadema Regum respiciendum: sed curarum tempestatem, per quam ipsis Corona paritur.* Jul. Cæsar prælia multa commisit, atque inter gravissima vitæ pericula versatus, Victor evasit: à conjuratis tamen in Curia, quæ securitatem ei præstare debebat, miserè confossus est. Alexander Romanus à suis militibus interfectus. Sic Probus, Dux clarissimus; Sic Gratianus & Valentinianus Junior, optimi fratres: ille à suis legionibus; hic à suo Comite occisus est. Placet hic adscribere verba Saturnini ex Vopisco. Cùm ipsi invito à militibus purpura Imperatoria indueretur: flendo ita eos compellavit: *Nescitis amici, quid mali sit Imperare. Gladij & tela nostris cervicibus impendent, imminent haste undiq; undiq; spicula: ipsi custodes timentur, ipsi comites formidantur* &c: Paulò post. *Adde, quòd omnis ætas in Imperio reprehenditur. Senex est quispiam, inhabilis videtur; sin minus, inest furor. Nam quod Imperatorema.*

* Hom 66.
Camer. in
oper. succ.
Cent. I. c. 45.

peratorem me cupitis, in necessitatem mortis me trahitis. Diocletianus Cæsar post gloriam togâ sagoque partam, privatam vitam egit postquam Imperium laboribus, curis, & periculis plenum expertus esset. Divum CAROL. V. Imp. laudatissimum, solitum fuisse dicere, legimus; se resignato Imperio, plûs voluptatis in suâ monasticâ solitudine, uno die percepisse, quàm ex omnibus suis victorijs & triumphis, quibus præ cæteris FELIX habitus fuit. Quamquam autem pij & boni Principes, medijs in periculis versentur, omniumque odijs & invidiâ petantur: DEUS tamen OPT. MAX. illorum vitæ & salutis curam, & custodiam agit; ne de vitâ periclitentur: ut videre est in Josepho Gen. 50. Davide, 1. Sam. 26. De Tito Vespasiano * Joseph. tradit in obsidione Hierosolymitanâ, eum incolumem, ex medio Judæorum agmine, plurimis trucidatis, evasisse. * JOHANNES CORVINUS Matthiæ Patet, post cladem Varnensem, & mortem Vladislai Regis Ungariæ, cùm bellum instaurasset, ac à Turcis victus, fugâ sibi consuluisse; atque à duobus latronibus in sylvâ propter vestes aureas, & crucem auream, quam de collo suspensam habuit, infestatus esset, dumque hi de cruce inter se contendunt, ille arrepto gladio alteri horum, unum occidit: alter aufugit, sic salvus vitæ periculum evasit. JACOBUS VI Rex Scotiæ, miraculosam sanè, ac divinam protectionem expertus est: qui inermis ac solus, insidias conjuratorum, in quos inciderat, incolumis declinavit. Quamobrem, cùm sciamus Reges, vices DEI in terris obire, eique maximæ curæ esse salutem eorum; quosque ipse præsentissimis periculis sæpenumerò eripiat, * non modò eis manus violentas inferre summum nefas: sed malas de ijs cogitationes concipere, scelus esse credamus. * Qui enim omnium salutem advigilant, ac propterea multorum odium, invidiam incurrunt, vitæ discrimen extremum subeunt, fas est tutos, securosque præstare. Nam ut idem * Bodin. inquit. *Principum securitas nulla major esse potest, quàm, ut subditi persuasum habeant, sanctos & inviolabiles esse oportere. Idem. Tame si cogitationes hominum flagitiosorum nulla pœna ll. persequatur, sed ea tantùm de dicto facto ve foras in scelus erumpunt:*

* De bello Iud.
lib. 6. c. 2.

* Bonfin. dec.
3. lib. 7.

Terthi. Anno
1600. 5. Aug.

* Vide Alb.
Gentil. de vi
Civium in Re-
gem semper
in usâ

* Bodin. de
Repub:
* lib. 2 de
Repub. c. 5.

si quem tamen violandi principis prava cogitatio ceperit, etiamsi nihil tentaverit: hanc tamen cogitationem capitali pœnâ plecti oportere judicârunt. Dd. in l. si quis non dicam rapere. C. de Sacrosanct. Eccl. Hoc igitur Emblemate Principum statum exprimere volui. Sentes enim & vepres atque ejusmodi aculeati ramusculi quid aliud sunt, nisi Odium, Invidia & Malignitas hominum? Per sagittas, bella aperta & insidias, aliaque fortunæ adversæ tela intelligo, quibus vita Principum petitur. Symbolum ex
 * Epist. 96. * Senecâ sumsi. *Erigitur virtus, cum tacta est, & impulsâ.*

Principes enim pij, adversis agitati, ardentius vota sua
 Deo nuncupant: eique pro liberatione gratias
 agunt: seque divino auxilio in ipsis
 periculis erigunt.



AD ILLUSTRISSIMUM PRIN- CIPEM ET DOMINUM, DN. CAROL.

FRIDERICUM, Ducem Monstherbergensem &
Olsnensem, Comitem Glacensem &c.

EMBLEMA X.

IGNOSCERE PULCHRUM.



Si quoties peccant populi, ira fulmina Princeps
Torqueat, ac pœnas ingeminare velit:
Ipse diu terris poterit vix esse superstes.

Gignere namq; necem nex iterata solet.
Adde metus Regum, populi quod sæpe timorem
Suscitât, & semper quos vereantur, habent.
At moli hic thalamo ut fulmen crudele quiescit?
Sic Princeps parcat, perdere quando potest.

P Rincipem quidem Virtutibus omnibus conspicuum esse Reipublicæ utilitas requirit: ad cujus vitam & mores, suos quoque subditi forment: Justitiam tamen & Clementiam, ei summâ diligentia colendam & exequendam, Necessitas ipsa postulat. Illam, l. Lipsius * describit, *Virtutem, Ius & æquum in se, inq; aliis firmiter servandam.* Hanc, *Virtutem animi à pœnâ aut vindictâ ad lenitatem cum judicio inclinantis.* & rectè. Sine justitiâ enim nulla Respub:; nulla civitas, nulla societas, nulla denique domus consistere diù potest: cujus tanta vis est, Cic.* teste, *ut nec ij quidem, qui scelere ac maleficio pascuntur, possint sine ullâ particulâ eius vivere:* cujus quoque tanta est necessitas, ut, quemadmodum corpus sine animâ vivere non potest: sic Rempub: collabi sine justitiâ oportet. Clementiâ autem, si erga fontes Princeps non utatur cum judicio; odium in se multorum, imò vitæ periculum proritabit. Justitiam cum appello, rigorem Juris excludo. Nam qui omnia ad summum Jus revocat: injuriam sæpè facit: certumq; est, quòd * *Severitas amittat assiduitate auctoritatem.* Neq; hic Justum intelligo, qui sit obligatus ad interficiendos homicidas, latrones: quod minimè tantæ sublimitati convenit: Sed qui sit legum tam divinarum, quàm humanarum observantissimus, sibi; ipse leges ponat, ac secundum eas vivat: sic alijs justè imperare, eisque rectè Jus & Justitiam administrare poterit. Bene ille monuit:

Justa agito Princeps, hæc quoq; vulgus ager.

Detestetur vocem illam, *Licet si libet:* nec non illud: * *In summâ fortunâ id æquius, quod validius.* Nimia enim licentia cum vi conjuncta, cum tristem semper pariat exitum; tùm Principi maximè nocet: quòd & negligentiores in officio subditos; & in vitâ ac moribus dissolutiores habebit cives, qui exempla Principis sui tacitâ quasi necessitatis lege imitantur: quin potius illud in mentè sibi revocet. *Qui peccare potest, peccat minus: ipsa potestas semina nequitie & languidiora facit.*

Proinde, cùm Princeps idè institutus sit in Repub:; ut præsidium sit bonorum, eos contra sceleratos defendens; utq; sit vindex injuriarum, custos libertatis, ac iudex cujusq; virtutis & vitiorum, sine

* Polit. lib. 2.
cap. 10.

* 2. Off.

* Sen. 1. de
Clement.

* Tacit. 15.
Annal.

Goslicius de
Opt Senatore
lib. 2.

sine iustitiâ id exequi nullo modo poterit. Atq; cùm bonus Princeps PATER PATRIÆ appelletur: paternum in subditos amorem induat oportet. Ut enim parentes nonnunquam objurgare suos liberos, aliquando ijs blandiri, monere, quandoq; corrigere & verberibus excipere solent: Sic Regem erga subditos se exhibere decet: ut tam Reipub:, quàm populi conservandi causâ, aliquando severum, nonnunquam mitem placabilemque se præstet, communemq; omnium utilitatem, tanquam pater filiorum tueatur & amplifcet, atq; hæc est inter Regem & Tyrannum differentia, quod ille publicæ communisq; hic privatæ utilitatis curam habet. Clemens si audiri cupit, * *Severitatem peccatis magnis commodet: parvis autem veniam: nec poenâ semper, sed sæpius pœnitentiâ sit contentus.* Ut enim hac ratione Amorem apud subditos sibi conciliabit: sic severitate intempestivâ & rigore, Odium ac metum: *qui malus diuturnitatis custos*: E contra, Benevolentia fidelis ad perpetuitatem. * *Severitas enim: sine clementiâ verè est,* secundû Augustinum, *seva veritas, & nisi ea intra congruentes nocentium pœnas se contineat, fit seva crudelitas.* Dissimulet sæpè, ac interdum temporari serviat: non ut malorum improbitati consentire videatur: sed ut aptum correctionis tempus expectet, eosque cum ratione vel emendet, vel puniat. Eleganter Poëta, quamquam de Politico. * *Dissimula, simula quoties occasio poscit,*

* Tacit. in Agric.

* Refn. in Symbol. Imperator.

* Ioan. Ovven.

Moribus ut movent temporibusq;, geras.

Temporibus qui ritè sapias, servire memento

Omnibus, ut tempus serviat omne tibi.

Rectè itaq; FRIDERICUS PRIMUS CÆSAR dixit: *Qui nescit dissimulare, nescit imperare.* quod tamen non ita intelligendum est, ut Princeps candorem tueri non debeat, quod decet: sed, ne si multa sibi quandoq; adversari intelligat in Imperio, per vim multa moliatur, aut faciat, quorum ipsum fortassis postea vel pigeat, vel pudeat, vel pœniteat. Errant igitur Principes illi, qui Iusti ac severi in suâ Repub: videri cupientes, minima quæq; peccata ad legum rigorem appendunt: qui, tantum abest, ut iustitiæ serviant, ut omnium in se odium concitent; quin satius

* *Quò quis plura possit, plura patienter ferat.* Nam

* Seneca.

* *Plebem timeto, qui solio insidens*

* Muret.

Plebi timeris. fons odij timor.

Audere

Audere jussit multa multos.

Sæpè gelu calor excitatur.

* Lips. lib. 2.
c. 13. Polit. ex
Plin lib. 8.
Epist.

* Hippol. à
Collib. in
Principe c. 4.

* *Malè sanè terrore veneratio acquiritur, longèq; valentior amor ad
obtinendum quod velis.* Si igitur Princeps hanc rationem, in conci-
liando sibi Amore subditorum inierit, ex quo **F I D E S** & **S E C U R I**
T A S: dubio procul sibi, Reipublicæq; optimè consullet. * *Nihil*
enim est, inquiebat Antonius Pius, quod Romanū Imperatorem ma-
gis commendet gentibus, quàm Clementia, hec Casarem Deum fecit:
hec Augustum consecravit. &c: Caroli V. Principis & Imperatoris,
æternâ laude & memoriâ dignissimi vox verè Heroica: quâ Cle-
mentia studiū & generosam suâ indolem ac virtutem, (quæ omni-
bus Principibus Austriacis communis, ac hæreditario jure tradi
solet,) demonstravit, memoratur; qui Principi cuidâ familiari suo

* Reusn. in
Symb. Caroli
V.

* *Querenti, hostilem cur nollet perdere terram*

Rettulit; ut victis parcere sæpè queam. D. Maximilia-

Nihil est tam
peculiare Im-
perialis Maie-
statis, quâ hu-
manitas, per
quam solam
Dei servatur
imitatio. I.
ult. C. de do-
nar. inter vir.
& uxor.

* Hierol.
lib. 43.

* de Clem. 5.

* Sen. in Oſta.

ni I. Cæsaris, similis Heroica virtus legitur celebrata; qui cuidam
percunctanti, cur Morinos malè de se meritis non ocyus malè de-
perderet, respondisse fertur: *Quoniam*, inquit, *parcendum his est,*
ut rursus victis sæpius queam ignoscere: verè Regiè! Victoria enim
nulla illustrior esse potest, quâ cum victor vincitur, victusq; vin-
cit. Inde & Emblemata hoc sumpsit. Fulmine enim quid violentius?
quid horribilius? quid celerius? (unde & alæ ei adpingi solent,) *quod*
supremi Jovis gestamen est, eiq; à Poëtis non sine certâ ra-
tionem attribuitur: ac fulmen violentiam ac crudelitatem ego inter-
pretor, propter eius magnâ & penetrabile ubiq; vim. Quòd verò
in toro seu pulvinario recumbat: Clementiâ, animumq; Principis
in vindicando remissum intelligo. Hinc & * Joan. Pierius arguit,
offendendi potestatem penes ipsum Imperatorem esse: verum ob eius
Clementiam quiescere. Cum quo & * Seneca facit. *Occidere contra*
legem nemo potest, servare nemo præter principem. & * alter.

Pulcrum eminere est inter illustres viros;

Consulere patria; parcere afflictis; ferâ

Cæde abstinere; tempus atq; ira dare;

Orbi quietem; seculo pacem suo:

Hac Summa virtus, petitur hac cælum via. Symbolum

autem ex Claudiano sumpsit, qui ait: -- *ignoscere pulchrum*


jam misero, pœnæq; genus, vidisse precantem.

AD ILLUSTREM, GENEROSUM ET MAGNIFICUM DOMINUM,

DN. CAROLUM, L. Bar. de Zerotin, Drewohostici
RossitzI & Preræ Dominum, quondam Pro-
marchionem Moraviæ. &c:

EMBLEMA XI.

CONSILIUM VIRES SUPERAT.



Viribus hanc molem unius quis credat in altum
Surgere? at hanc unus Vir levat, ecce, manu.
CONSILIUM VIRES SUPERAT. Vi quodq; negatur:
Ars id, Consilium, perficit & Ratio.
Lite procul, vulnus cepisset publica nuper
Res Moravum; gladius jam quia strictus erat.
Consilio astrictus poteras avertere prudens:
Et salvâ tutos reddere pace Statum.

Qui Rempublicam Navi similem esse dixit; non ineptè dixisse mihi videtur. Quemadmodum enim in Navi varia distribuuntur officia: quæ ad eundem & unum finem spectant; sunt enim alij maliscanduli, proretæ, helciarij, plumbarij, portitores, limenarchæ, urinatores, velifices, exantlatores, qui aquam è sentinâ hauriunt: alij alia munia obeunt. Unus tamen est, cujus curæ tota Navis committitur: quiq; ad clavum sedens, navim gubernat, tempestates prævidet, illis ingruentibus, ex arte sic eam moderari novit; ut nō modò ipsa, sed qui in eâ sunt, ac omnia quæ continet, salva esse possint: Sic in Republicâ, varia multis demandantur officia. Uni tamen totius summa & cura committitur, qui prudenti suo Consilio pericula imminentia avertere, commoda publica augere, privatorum bona, atq; ad eò omniū salutem, suæ quoq; vitæ jacturâ, tueri ac defendere possit ac velit. Majus enim ac gratius officium; pietasq; debita promtior præstari non potest, quàm, cùm quis patriam Consilio, fide, & ubi opus est, vitæ profusione juvare non detractat: ut unius morte, omnium salus & vita servetur. Quandoquidem, ut Val. Max. ait: *Eversâ domo, intentatus Reipub: statua manere potest: urbis ruina, penates omnium trahat secum necesse est.* At quantò majus periculum Navi impendet, cùm is, qui ad gubernacula sedet, artem gubernandi nescit: tantò è contra certius emolumentum Reipub: sperandum est: cùm talem habuerit Moderatorem, qui consilia, & vires omnes ad salutem patriæ tutandam conferre, actiones suas ad communem utilitatem dirigere, easque tempore & prudentiâ moderari sciverit. Cumq; magnæ res, magnis semper adiutoribus egeant: quis non videt, tales ad Reipub: gubernandam assumendos ac adhibendos; qui rerum longo usu edocti, prudentiâque politicâ instructi, in illâ juvandâ, augendâ & conservandâ, nulli labori, nullis sumptibus, ne suæ quidem vitæ parcunt? Exempla plurima tam antiqua, quàm recentia in medium proferre possem eorum, qui se pro patriâ servandâ fortes præstiterunt; pietatemque suam erga Reipub: opum & propriæ salutis impendio testati sunt: sed tu **ILLUSTRIS & MAGNANI-**

lib. 5. cap. 6.

ME CAROLF, BARO de ZEROTIN&c: Unus instar omnium mihies, (quod tuâ bonâ pace, absque adulatione dixerim:) quî Brutos illos, Curtios, Decios, Camillos. Scipiones atque alios innumeros, PIETATE erga patriam vicisti: FORTITUDINE verâ, & constanti MAGNITUDINE animi superâsti; atque omnibus exemplo tuo prævivisti: quâ pietate & officio, Cives boni erga patriam: quâ Magistratus erga subditos fidelitate & animo, præditi esse debeant! Prudentiâ enim tuâ imminentes casus patriæ, tanquam è speculâ longè ante prævidisti; Consilio avertisti; Fortitudine gladios cervicibus impendentes repressisti; generoso pectore & animo tuo, ruinam legum & Reipub: declinâsti; Constantiâ libertatem à servitute vindicasti. Cumque omnia nutare, & quasi jam ad casum vergere viderentur, maturo judicio tuo erexisti. Jura non tantum ad pristinum statum & vigorem, consensu & auxilio Ordinum revocasti; sed & novo quodam præsidio, & perpetuum duraturo robore, tanquam mœnibus ac vallo munivisti, cinxisti, obfirmasti. Ea denique Reipub: præstitisti, quæ Civem bonum & patriæ amantem decent; ut non tantum Civis optimi, fidelis Magistratus; sed PATRIS PATRIÆ nomen non injustè merearis. Pericula enim & casum Reipub: longè anteverdere; consilio eum antevertere, decus patriæ in libertatem suam asserere, Jura ejusdem conservare, omnium vitam gladijs strictis eripere; qui hæc faciat, non ego eum Patrem patriæ dico: sed Sospitatorem communis salutis, sapiens quisque pronunciat. Cumque alij patriam & Rempubl: vitâ tantum pro eâ profusâ juverint. Tu vivus eam sustentas: fructumque laborum tuorum vivus percipis: ac quod alijs post mortem defertur; Tu vivus præclarè, & benè à te gestorum laudem & honorem consequeris; & quæ de te tuisque factis, hominum futura sit post mortem existimatio, jam percipis. Cumq; nunc in ore viventium tua facta versentur: sunt & erunt, qui noministui famam posteritati tradent scriptis exornandam, extollendam, & ab interitu vindicandam. Sed ut vitium assentationis, à quo semper naturâ abhorruî, effugiam; alijs majora & plura, de hac re scripturis, relinquo. Id

unicum precor, ut te Reipub: & Patriæ Bono, Deus diù incolumem servare velit. Emblema autem hoc ILLUSTRIS & GENEROSÆ Dominationi tuæ inscribere ac dicare placuit: tum, quòd, (meo iudicio) prudentis Magistratus adjuncta exprimere videatur: tum, quòd heroicis tuis factis tropæum à me volui positum: Columnam enim grandem Rempub: intelligo; cui onera magna incumbunt sustinenda: quæ ob molis magnitudinem sæpè à multis erigi non potest, unius ingenio, parvisque interdum machinis elevatur. Frustra enim quis vires suas intendat, quantumvis maximas; qui consilio, res & actiones tam publicas, quàm privatas, priùs mensurus non fuerit. Nam ut Horat: ait.

lib. 3. Ode. 4.

*Vis consilij expers mole ruit suâ.
Vim temperatam Di; quoq; provehunt
In majus: ijdem odere vires
Omne nefas animo moventes.*



A D

AD ILLUSTREM GENEROSUM, ET MAGNIFICUM DOMINUM, DN.

JOACHIMUM MALTZAN. L. Bar. à Wartenberg
& Pentzelin, Militſchl & Freiſtan Dynaſtam, S. C.
M^{is} Conſiliarium. Fautorem meum colendum.

EMBLEMA XII.

IDEM SEMPER UBIQUE.



Fallitur, obscurum inter nubila densa nitorem
 Quisquis Phœbeæ lampadis esse putat!
 Tectus nube licet radium exernisse micantem
 Non queat: illius lux tamen usq; nitet.
 Pressa gravi Mens sorte Ducum generosa, subinde
 Indolis excelsæ splendida signa refert.
 Marte furente, minis, ferro, precio, precibus, vi
 Acta, suum nescit deseruisse genus.

Molles sunt plerumq, animi hominum in calamitatibus rectè ait Tacitus: quodd, cum amicissimus sibi quisque sit, ea non tantùm sponte, sed naturâ sic dictante sequatur, quæ jucunda, quæ dulcia sunt: illa verò summo studio aversetur, quæ dura & aspera, animumque turbare soleant. Hinc fit, ut tantò impatientiores malorum homines in calamitatibus, & quæ eos premunt, in reb⁹ adversis existant; quantò plus voluptatis, in rebus ad nutû sibi affluentibus antè perceperunt. Et ut Horat.
 * inquit. *Quem res plus nimio delectavere secunde, Mutata quatit.*
 Verumenimverò, qui pectus suum Vallo Constantiæ cinxerit, ac animum clypeo Fortitudinis adversus omnes fortunæ impetus muniverit: is non solùm quævis tela fortiter excipere: sed tandem ex Fortunâ ipsâ triumphum agere, summâ, cum laude poterit. quanquam multi sub ipsâ luctâ succumbant: pauci, fortes in certamine perseverantes, victores evadant! Habent tamen,
 nescio quid Genij singularis ac magni præter cæteros, Heroës &
 Illustres viri; ut neque irascentis fortunæ ictibus: neque arridentis successibus agitentur aut moveantur; quin sui semper sint similes: fortè! quia ut eos DEUS supra aliorum infimæ conditionis hominum sortem collocavit: ita illis quoque robur animi, & constantem voluntatem perseverandi addere soleat! ut fortunam potiùs arbitrio suo gubernent, quàm hæcillos! horum enim, ut Val. Max. ait: *Virtus capi nescit, dedecus ignorat, fortuna succumbere tristius ducit omni fato.* Et si rem declarare exemplis velim, infinita occurrunt tam antiqua, quàm recentia. Agésilaus, hortante quodam, ac dicente, ut sibi propter fortunam incertam parceret: At ego, inquit, *meipsum assuefacio, ut in nullâ mutatione, queram mutationem.* Sulpitius Asper Centurio, percunctanti Neroni, cur in cædem suam conspirasset? breviter respondit: *Non aliter tot flagitiis tuis subvenire potuissẽ.* Scylla, cum post occupatam Rempub: Senatum coëgisset, sententiasque rogaret; ut Marius hostis Reipubl: judicaretur: nullis audentibus obviam ire, solus SCÆVOLA sententiam dicere noluit. Quin etiam truculentiùs minitanti Syllæ: *Licet, inquit, mihi agmina*
milium,

* Epist. 10.

militum, quibus Curiam circumfediſti, oſtentes: nunquam efficies, ut propter exiguum, ſenſilemq; ſanguinem meum, Marium, à quo Urbs, & Italia conſervata eſt, hoſtem judicem. Catonem, toties mutatâ Republicâ, nemo mutatum vidit; quin eundem ſe in omni ſtatu præſtiterit. M. Antoninus Imp: ſimilis ſibi ipſi ſemper fuit, nec mutatus eſt ullâ in re unquam; erat enim *bonum, & nihil habebat ſimulatum.* Caroli V. animi excelsi atque invicti Magnitudo et firmitas laudatur: qui eandem, in rebus ſecundis & adverſis Conſtantiam & tranquillitatem retinuit, ut in cubiculo eodem, cum ipſo verſantes, nunquam læta vel triſtia ad eundem allata, ex ejus vultu depræhendere potuerint. Nunquam enim Regius ipſius animus, nutante, vel etiam acriter urgente fortunâ abjectè ſe demſit: vel proſpero & ſecundo ſtatu aſpirante, inſolentiùs ſe efferre, aut jactare ſolitus eſt. * Id quod demonſtravit in oppugnatione Ducatus Mediolanenſis, qui licet ab omnibus ſocijs deſertus, & ab omnibus oppugnatus eſſet: nunquam tamen ullis conditionibus adduci potuit; ut, (quanquam dubia ſpes eſſet victoriæ) ditione illâ, ſe Franciſco Sfortiæ ceſſurum polliceretur: ne quid animi ſui magnitudine & majeſtate indignum, metu, aut neceſſitate impuſus feciſſe videretur. * Et quanquam *faciliùs ſit, gentes barbaras, impatientesq; alieni arbitrij regere, quàm animum ſuum continere, & tradere ſibi: attamen periclitando, & ſæpè cum fortunâ colluctando, ſuum fieri poſſe videmus.* Nihil enim eſt, ut * idem ait, *quod non expugnet pertinax, & intenta, ac diligens cura.* Emblema autem hoc, Animum ſemper eundem deſignat: qui nec proſperæ fortunæ ſtatu inſoleſcit: nec adverſæ telis ſuccumbit. SOL enim claritatis hieroglyphicum eſt, ut notat * Pier: quâ homines conſpicui ſunt. Atque ut SOL ſemper eundem nitorem & claritatem retinet, nec unquam mutatur. Sic & Generoſum animum nullo fortunæ ſtatu mutari deſcet. Et veluti SOL nobis grator redit, cùm aliquandiù nubibus atris tectus, radijs ſuis inferiora illuſtrare & calfacere non potuit, qui propterea inſitam lucem non perdidit: Sic quoque animus conſtans, major & grator longè exiſtit; cùm fortunæ adverſis caſibus

* Dav. Chytræ
in Orat. de
Carol. V.

* Sen. 3. de
benef. 7.

* Epist. 3a

* lib. 4a

* lib. 11.
* epist. 79.

* Epist. 60.

casibus pressus non succumbit: quin constantiâ suâ illustrior apparet. Huc pertinet illud Senecæ: *Nemo est fortis, cui non crescit animus in ipsâ rerum difficultate.* Et * alibi: *Hoc tene, hoc morde, adversis non succumbere, letis non credere, omnem fortunæ licentiam in oculis habere, tanquam quicquid potest facere, factura sit.* Eandem in sententiam * idem. *Talis est sapientis animus, qualis mundi status supralunam, SEMPER IBI SERENUM.* Ex quo Symbolum sumpsi. Et veluti, *Grata solet pulsus nubibus ire dies:* Ita dum quosdam fortuna vexat, illultrat simul: eorumque animus difficultatibus pressus, sese ad summa erigit. Tandem quisque cogita, Te malorum immunem vivere non posse. quin

Autor.

*Quo te cunq, loco Fatum Virtusq, reponet:
Spontè sequax fuerit Sors malefida Comes.
Non celsæ turres, non arx, non murus ab illâ
Defendet, telis adstat ubiq, suis.
Quò fugias igitur? tibi sis bene conscius; ipsum
Præbebit pectus forte, salutis opem.
Ipsa tibi fuerit Mens murus ahenus: inde
Sortem despiciens undiq, tutus eris.*



AD

AD ILLUSTREM ET GENEROSUM DOMINUM, DN. PAULUM

à DIETRICHSTAIN, L. Bar. ab Hohenburg, Thalbergk & Finckenstein, Archipincernam Carinthiæ &c. Dominum in Kuia & Tilowicz.

EMBLEMA XIII.

MENS OMNIBUS UNA.



DE sine mirari, dum cernis millia centum,
 Ut formicarum parva caverna foveat!
 Omnes unanimi ut curâ, unanimiq; labore
 Horrea sub terra, grana reperta vehunt!
 Efficit hoc felix CONCORDIA. vivere discas
 Concors, qui populi publica frena Regis.
 Communiq; bono gratis prodesse labora:
 Ut profut vite postuma Fama tua.

H

Duo

* Lib. 6.

DUO sunt, inquit, * Polybius, quibus quavis Respublica servatur: FORTITUDO videlicet in hostes, & domi CONCORDIA. Alterum, quamvis tempore belli adedò necessarium; ut nisi Princeps ea subsidia habuerit, quæ ad conatus hostiles infringendos requiruntur: facile se, & Rempubl: extremis discriminibus exponet: Alterum tamen, tam in bello, quàm pace magis necessarium videtur. Nam licet Imperator aut Dux belli, potestatem rerum gerendarum penes se habeat, quas reliquos administratos exequi omninò oportet: nisi tamen horum consilia exquirat, & si ex usu fuerint, ijs acquiescat: ipsiq; concordēs eandem sententiam inter se comprobaverint, casus aliquis superveniens, (qui etiam optimè consulta & cogitata subvertere solet,) imperij vim franget. Frequens enim admodum in bello, ut cùm hostis virtute, vel aperto Marte, vincere non possit: arte, id est, fraude fortunam experiatur, administratos belli pecuniâ, donis, & largis promissionibus corrumpendo; & ut ille ait; *Ubi Leonina pellis non pertingit, ut vulpinam assuat.* Imò vix aliud utilius hosti, quàm, inter administratos & exercitus hostis sui, discordiarum semina spargere: inde enim occasiones sibi accommodæ nascuntur. Discordia enim, cùm aliàs venenum sit Rerum publ. quòd mentes eorum, qui ad gubernacula rerum sedent, eo infectæ, sanari nullo modo possint, tandem in totum corpus, id est, Rempubl: infusum, eam consumineceffe sit: tùm in bello vires suas maximè exerit. Historiarum longâ serie facile possit demonstrari, si hujus loci esset atq; instituti; quæ incommoda ex discordiâ Principum & Magistratuum orta sint. Sed odiosa sunt. Illud saltim adstruo. Principum Europæ discordias, superioribus temporibus præbuisse potestati Turcarum:

* Iustin. lib. 3. satis magnū incrementū. * Græcos quoq; intueamur, inter quos lites atq; dissensiones seminarunt, Artaxerxes, Philippus & Romanus, ut tandē potirentur. * Jul. Cæsar inter Arvernos & Æduos tamdiū lites atq; dissensiones aluit, donec utrosq; sibi subijceret. Jam ad pacis tempus si respexerimus, reperiemus sanè CONCORDIA Magistratuum ad conservandam Rempubl. nihil utilius; ad promovenda & augenda commoda ejusdem nihil magis necessarium: ad reprimendas seditiones nihil facilius. Nam si illud verissimum, quod veritas ipsa, * Salvator noster protulit: quòd *Omne*

* Matth. 12,
Matth. 23.

regnum

regnum inter se divisum desoletur: & ex * Philosophi mente, *quod inter se diffidet, infirmum sit: à sensu igitur contrario, verum quoque erit, quod Concors est, id firmum esse. Jam si Respub: felici in statu incolumis conservari debet: Magistratus verò, quibus à Deo populi regendi juxta justitiam divinam potestas, & salus commissa est: odij inter se mutuis flagrent, aut certent, quorum tamen una mens, & idem animus, una eademq; voluntas & facultas, bona publica augendi & conservandi esse debet; quâ ratione officij sui partes ritè expleant, non video. Ubi enim diversi affectus, diversæ mentes, & diversæ voluntates, ibi certi nihil concludi, nihil eximij provenire potest: quisq; enim suis nitens rationibus, id solum optimum ducit, quod sibi tale videtur, aliorum judicia & consilia spernit: atque hujusmodi dissensionibus Bonum illud, quod servari debebat, impeditur, negligitur, imò perit. Videmus mundi machinam, quomodo è principijs contrarijs, concordia inter se harmoniâ constet! quæ nisi à supremo motore constituta fuisset, eum dissolvi & interire necessum foret: Hincille. *Non staret cælum scirent si surgia divi.* Animadvertimus in corporibus humanis, humidum, frigidum, calidum, siccum; inter se temperatum, optimam reddere eorum constitutionem. Cernimus item Civitates ex gentibus contrarijs compositas, egenis, inquam, & divitibus, juvenibus & senio confectis, infirmis & valentibus, probis & nocentibus: quos Concordia adeò ligat, ut diversi licet sint, eundem tamen affectum habere censeantur. In primis verò utilitatis maxima momenta Reipub. adfert CONCORDIA, dum seditionis occasiones omnes præcidit; cùm cives Magistratum animis & sententijs concordem, & ad Bonum publicum augendum & servandum, attentum animadvertunt: hac enim ratione ipsi mutuam inter se alunt amicitiam, exemplo sibi Magistratus ob oculos posito. Laudanda meritò vox Nestoris & Ulyssis apud*

Luc II vers. 17.
* Arist. lib 5.
polit. 6. 6.

* Odiss. 7.

Haud unquam neq; concio nos, neq; Curia d. estis

Audivit pugnare, animo sed semper eodem,

Et sentire eadem, atq; eadem decernere vidit.

Ubi verò cives animadvertunt, Magistratum in diversas & contrarias, de Bono publico abire partes, faciliè uni parti adhærentes,

seditiones & factiones concitant. Præclara igitur illa Philosophi sententia: *Reipub. rectores, si concordēs sint, facile Rempub. moderaturos, discordibus vero plebem ipsam dominari.* Statuendū ergo: Concordiā Magistratus, in Repub. conservandā nihil utilius, nihil magis necessarium, nihil ad hostes reprimendos, nihil ad seditiones sedandas fortius: quod præsentē Emblemate demonstrare volui. Videmus enim scæpè, formicarum aliquot millia unâ cavernâ concludi; quæ assiduè hinc inde cursitantes, & grana in specum comportantes, invicem se non impediunt: sed quasi communi bono collaborantes, unanimi conatu & concordī voluntate, futuræ necessitati prospiciunt. Formica autem inter cætera, Providentiæ hieroglyphicum est & laboris: ego ad Concordiam refero: Unde non immeritò quidam, cū in horto multas formicas unam cavernam intrantes, & inde exeuntes videret, dixit: aliquot millia formicarum, vivunt in pace & Concordiā in unâ cavernâ: & duo viri in unâ Republicā non possunt tranquillè vivere. Non solum igitur iustum: sed, summè necessarium est, ut ij, qui Magistratus officio funguntur, Concordiam inter se alant, quæ est aureum & adamantinum vitæ vinculum: maximum ad conservanda imperia, atq; principatus stabiliendos adminiculum. Cui olim Romani Templum, nullam ob aliam causam extruxerant, quàm, ut hominum dissidia, quibus interdum Respublicā agitari solet, factis in eo sacrificijs deponerentur. Quippe, quòd

— *scissura domestica turbat*

Rem populi, titubatq; foris, quod dissidet intus.

Et periniquum est, propter privatas simultates Rempub. in discrimen adducere. Prudenter itaq; existimârunt Romani: * *Non oportere eos privatis odiis dissidere, qui publicè summæ essent juncti potestate.* Hinc & salubriter cavetur augustissimo * Spirenſi Senatu, ex lege, quā Magnus Cæsar, atq; aded Adseſsores ipsi sibi dixerunt: *A dissidiis utrinq; contumeliisq; abstineto: paci et concordia mutue studento.* Seponat itaq; simultates, seponat æmulationem, dissidia & odia, qui Magistratum gerit; qui in Consilio Principis sedet. Huc facit.

* Val. Max.
lib. 4. c. 2.

* Ord. Imp.
p. 1. tit. 3. § 2.

* Silius,

* *Velle ac nolle ambobus idem, sociataq; leto*

Mens avo, ac parvis dives CONCORDIA rebus.

AD ILLUSTREM ET GENE-
 ROSUM DOMINUM, DN. ANDREAM
 KOCHTICZKY, L. Bar. à Kochticz & Lubliniecz,
 Dominum in Kossentin &c: Fautorem colendum.

EMBLEMA XIV.

METU PROCUL



ET Pax, & Bellum certà ratione geruntur,
 Est usu solo discere utramq; grave.
 Principibus libros igitur pervolvere utroq;
 De Imperio; semper non sine fruge fuit.
 Nam quæ illis monitor non audet ferre fidelis;
 Ipsi eadem ex libris edidicisse queunt.
 Virtutem & Vitium, PROCUL omni fraude METUQUE,
 Il: monstrant: Reges sic quoq; Vera docent.

H 3

Nullum

* lib. i. de Cle-
ment. Si co-
gera animalia
domari sine
tractatione
quadā & arte
non possunt,
multo minùs
homo: quia
nullū animal
morosius est,
maioresque
artem requi-
rit, quàm ho-
mo.
Hipp. à Col-
lib. in Prin-
cipe.

NUllum esse Imperium gravius ac difficilius, quàm hominis in hominem, rectè ait * Seneca. Nam cùm reliqua anima-
lia vinculis coerceri, aut aliâ ratione domari, atque cicura reddi
possint: homines idèd inobedientes experimur; quòd Ratione
utentes, supra res omnes creatas, & humanâ industriâ inventas
sefe attollant: & idèd in leges delinquentes, pœnæ severitatem
sufferre nolint: sic consequenter contra justitiæ normam, & pu-
blicam tranquillitatem peccantes, Infantes haberi, jugumque
Obedientiæ excutere volunt. Justitiæ idcirco satisfacere pro-
pter malorū transgressiones & delicta: & populo placere propter
indulgentiam & conniventiam difficilè sanè est. Cumque in vitâ
communi: tum in Republ: res accidant infinitæ, eæque partim
malæ, partim bonæ, atque inter se varijs modis sint commixtæ:
ac in singulis majus bonum, minusve malum eligendum sit: ne-
cesse est eas diligenter inter se conferre; ut quid singulæ vel solæ,
vel cum alijs cunctæ ponderis habeant, cognoscamus. Quàm
verò difficile sit, Uni mentis acie id perspicere, ac judicij lance
pensitare, nemo sapientum inficias ibit. Opus igitur adjumen-
tis. Hæc, vel homines docti & prudentes: vel Libri erunt. Cùm
autem Prudentia longo tantum usu & tempore acquiratur: No-
bis verò Natura breve spacium vivendi largita sit: ut tantam va-
rietatem, & quas ipsa singulis momentis formas rerum producit,
animo compræhendere non valeamus, nec possimus. Finitum
enim quod est, infinitum compræhendere non potest. Quapro-
pter Princeps Viros sibi adjunget, ætate graves; usu & rerum expe-
rientiâ; civili & militari prudentiâ insignes: quibuscum cottidiè
de rebus ad utramque Prudentiam necessarijs, conferat, eosque li-
benter audiat & magnificiat. Sed quoniam unus omnia scire:
nec multi omnia, quanquam multa, præsertim ex factis emergen-
tibus, similes antea exitus meminisse queant: Tempora sic di-
stribuat: ut lectioni historiarum & librorum, qui de Regimine
Reipub: tractant ac docent, certas horas adsignet. Ex ijs enim
virtutes & vitia aliorum Principum cognoscere: quæ bella, ex
quibus causis mota & suscepta, quâ ratione gesta, quæ eorum exi-
tus: quæ

tus: quæ forma Rerumpub: quæ initia, quæ incrementa, progressus, & mutationes fuerint, percipere poterit. Ea denique Ipsemet discet, de quibus alios ipsum monere nec tutum; nec ea ignorare honestum esset. Optimi igitur Consiliarii LIBRI: qui sine metu, Principum vitia propalant, & quæ eos deceant, tuto detegunt ac admonent. Hæc libertas, (quam suis carceribus & limitibus conclusam volo,) nisi jure suo uteretur in præceptis honestis: atq; ex voto probi Principis, docti sua quoque vota fingerent: quid tandem post secula aliquot expectandū esset, non conijcio; præter barbariem: quæ quidem hoc ævo Principum Prudentiæ luce, ejusq; radijs discussa & in exilium est acta: hanc igitur revocare, & in integrum restituere quis prudentum optet? Demetrius Phalereus Ptol. Philadelphum hortari solebat: ut libros plures de regno conscriptos, perlegeret; quod in ipsis plura reperturus esset, quàm ipsi amici indicare auderent. Augustus ea excerptare ex libris tantum solebat, quæ ad Rempub: gubernandam facerent. Alex. Mag. Homeri scripta in bellico strepitu & legit, & sub pluviniari, in quo caput reclinare solebat, servavit De Scipione * Patere. * Vol. 1. scribit: eum studiorum liberalium tantum fuisse fautorem & admiratorem; ut Polybium, Panætiumque domi militiæque secum habuerit. Semper inter arma & studia versatus, aut corpus periculis, aut animus disciplinis exercuit. Longum esset per exempla, quorum infinitus est numerus, percurrere: qui Imperatores & Principes literas amarunt: doctosq; viros fovērunt: & liberalitate suâ ipsoꝝ diligentiam excitârunt & conservârunt: sed alibi * fusiùs de his dixi. Testimonium unum, literas Principum liberis summè colendas esse adducam Caroli I V. qui in aureâ Bullâ * Electoꝝ filios literis & lingvis instructos esse vult; ubi ait post alia: *Quapropter statuimus, ut illustrium principum Electoꝝ filij, vel heredes & successores, cum verisimiliter Theutonicum idioma sibi naturaliter indutum scire præsumantur, & ab infantiâ didicisse, incipiendo à septimo ætatis sue anno in Grammatica, Italica & Sclavonica lingvis instruantur &c. cum illud non solum utile, imò ex causis præmissis, summè necessarium habeatur.* Ad summam.

* In discursu Politico de literis & Armis.
* c. ult. mihi fol. 4^{to}.

mam. Ex libris non solum Princeps tranquillum Reipub: statum prudenter administrandum discere: sed arma quoque tractare, & armorum jura discere optimè & tutò potest. Sic olim Alfonso Rex cuidam sapienter respondit. Emblemata explicatione fusiore non indiget: per se enim est intellectui obvium. Huc pertinet

* Aphor. 17. Agapeti* illud: *Tum demã Princeps ex commodo Reipub: regnabit, si literata sapientiã operam navaverit. & Platonis. Beatam Rempub: in quã sapientes regerent: aut ij, qui regere incœpissent: omne studium in sapientiã collocarent. huic planè convenit cujusdam.*

O fortunatos populos, ô regna beata,

Quæ tangant summos vertice regna polos:

In quæ sceptra tenent docti, Reges ve periti,

Artibus ingenuis exornare caput!

Ille autem egregias doctus censebitur artes,

Quem cura & Sophia tangit honestus amor.

Quas ut confectis opes, & nobile lucrum,

Submissâ Dominum mente verè Deum.

, Principium Sophia, timor & reverentia Jovæ est,

> Stultitiæ prima est, temnere causa, Deos.



AD ILLUSTRREM ET GENEROSUM DOMINUM, DN. NICOLAUM

KOCHTICZKY, L. Bar. à Kochtitz & Lubliniecz, in

Vgefd, Simnowodka & Blumenthal &c: Rev. & Sereniss. Archie-


ducis Austria Caroli, Epis. Brixinens. & Vratisl. Consilia-

rium intimum, supremum Camer. & Episcopatus

Vratisl. Capitaneum.

EMBLEMA XV.

RECTO NIL TUTIUS.



Norma, Cubus, Liber & Pileus, diversa videntur:
 Uno in subiecto sed benè conveniunt.

Liberius, verè, rectè, constanter, apertè,

Vox in Consiliis præstet amica fidem.

Fraus quoniam poterit vix ulla nocentior esse,

Quàm, quæ Consilij subdola vertit opus.

Res Regni momenta habeant cùm magna, salubri

Consilio, & fidâ Vt Rationis egent.

I

Ut

UT Corpus humanum sine animâ & ratione consistere non potest; Sic sine Consilio Princeps. hoc enim est Anima, cujus facultate Respub: vivit, movetur, & in statu felici, quâdâ illud sanum, verum, fidum, sincerum, constans, rectumq; fuerit, permanet. Quemadmodum autem Corpori multa accidunt, quæ animæ facultates impediunt: ita & Respubl. sæpè propter Consiliariorū non idoneorum, vel idoneorum quidem, sed privati boni & commodi potius, quàm Principis & Reipub: utilitatis studiosorum malitiam, mutationibus multis, & casibus est obnoxia. Principis igitur prudentis erit, tales sibi adsciscere Consiliarios, quorum virtutibus & auctoritate, suam quoq; ritè tueri; Rei autem publicæ, & quæ ex usu ejus consulenda venerint, utilitatem & commodam in melius promovere possit. Hic enim finis omnium consultationum publicarum esse debet. Huc Princeps præcipuè, cum suo Concilio, omnes cogitationes, rationes, omnem deniq; curam dirigere debet, quod Claud. monet.

* Claudian.

** Tu civem patremq; geras, tu consule cunctis
Nec tibi, nec tua te moveant, sed publica vota.*

Atq; ut gubernatori Navis, is præcipuè Scopus & finis est propositus, ut Navim salvam, quæ multorum merces & bona continet, ad portum deducat: ac tempestate ingravescente suorum bonorum malit jacturam facere, dum modò cum Nave salvus ex eâ evadat: Pari ratione mihi videtur, publicum commodum Principi bono esse propositum, qui privatam utilitatem, si cum publicâ pugnet, postponit; aut certè debet: dummodò illa salva maneat. Huic rei disquirendæ, ac diligentius perspiciendæ, Consiliariorum operâ sæpè indiget: quandoquidem ut. * Tacitus ait, *Princeps suâ scientiâ non possit omnia complecti. nec unius mentē esse tantæ molis capacem.* Quapropter Consiliarius ad Principis Consiliū admissus, in omni consultatione id spectare debet, quod cum honestate & Principis Reiq; publicæ commodo, & utilitate sit conjunctū. Quibus verò adjumentis Consiliari⁹ instruct⁹ esse debeat, ad Consilium Principis accedens, multi quidē perscribere multis: Duplicia tamen adjumenta habeat necesse est: Animi & Corporis.

Animi

* Tac. 3.
Annal.
Id. 1. Annal.

Animi hæc subsequencia XV, quæ breviter *complector, adferat. 1. *Rari & excellentis sit ingenij.* Etenim rarum ingenium, principium, medium, & finis magnarum, & plus, quàm humanarum est actionum. 2. *Sit Eloquens.* Nam cum multa Principi semper expedienda etiam in exteris regionibus, ut suadere & dissuadere, accusare aut defendere, boni aut mali aliquid exaggerare verbis rectè sciat. Domi verò in responsionibus dandis sit promptus. 3. *Ut linguarum cognitionem habeat,* præcipuè illarum gentium, quibus Princeps imperat, quò earum sermonem intelligere, & ab ipsis intelligi possit. 4. *Historiarum lectio in eo requiritur:* præsertim, quæ ad sui Principis spectant majores. Nam qui Consiliarius, eximius fuerit historicus, ac eas cum fructu legerit, is perfectissimus potest æstimari. 5. *Virtutū finem, & quomodo, quando, quatenusq; se extendunt, sciat.* Caput enim consilij est, ea, quæ in Consultationem veniunt, dispicere, si sint honesta vel turpia, circumstantijs omnibus consideratis. Sit in primis juris peritus. 6. *Sit Politicus,* id est, ut sciat, tam belli, quàm pacis tempore res, quæ eò spectant, tractare. 7. *Multas peregrinationes suscipiat.* hæ enim eum prudentiorem & cautiorem reddent. 8. *Exactè vires, & potentiam sui Principis sciat,* & tam hostium, quàm sociorum illius, aut etiam vicinorum. 9. *Non solum amet, sed etiam procuret publica commoda:* ut ubicunq; juvare possit Rempub.; animi vires, operam & industriam ponat. 10. *Totum & integrum corpus curet Principatus:* ne curandâ parte unâ, relinquat alteram. 11. *Bonus & justus sit.* 12. *Sit largus & liberalis.* 13. *Sit beneficus in adjuvandâ Repub: & utilitate communi.* 14. *Sit mansuetus, & affabilis:* omnes lætâ fronte excipiat: audiat postulata attentè, respondeat benevolè: 15. *Sit fortis, constans, verus, liberè absq; metu, quæ recta sentit, edisserat.* Corporis adjumenta lubens omitto: cum de animi qualitatibus præcipuè hic ago. Atq; ego verbo dico: sit Vir Bonus, Ethicè & Politicè: quod Emblemate hoc notare volui. * *Vir enim Bonus quadratus dicitur;* quòd nullâ vi everti possit; sed sibi ipsi semper constet, secum præclarè consentiat, & quamcunq; in partem volutatus, id est, ut res cadent, habeat firmam basin,

* Ex Frid Furij
Cerialani Hi-
spanico in lat.
versu à Christ.
V Vassевичo.

Vide Ideam
Consilarii
interpretante
Sim Schardio
l. v. d.
* Gocklen in
quæst. thec.

(hoc est Constantiam in rectè factis, dictis, & consilijs dandis) instar Cubi, qui non facilè movetur, sed stat firmus, quocunq̃ modo jaciatur. Non flectatur muneribus, gratiâ, aut potentiâ: sed rectam habeat rationem, quæ à Centro, vel diametro, vel in hanc, vel illam partem non deflectat, quod perpendiculo designo, in triangulari formâ. *Mutare tamen interdum Consilium sapientis est.* Liberam habeat vocem in communicando consilio, non mercede alienâ, non muneribus revinctam, quod pileolo monstro, libertatis enim nota est. Liber jacet in Cubo, ut quæ in judicando ambigua viderentur, ad Jura & scriptas leges recurrat. Addidi Symbolum RECTO NIL TUTIUS, sc: CONSILIO, ut sincerè & absque dolo consilium suggerat. *Gravius enim crimen non est, quàm dolorem peragere, de quorum fide presumbamus. Et ut in Principe nil adeò elucere potest, quàm recta fides dictorum & factorum.* I. inter claras. C. de Sum. Trinit. Ita Consiliarium nihil præter cœtera magis commendat, quàm FIDES vel FIDELITAS in dandis Consilijs, & retinendis; hac enim virtute, si munus suum obsignaverit, tutam ex parte suâ, semper Principis Majestatem & auctoritatem, suamque existimationem reddet.

Sirac. cap. 2. *Vir sapiens, qui operam suam denegat Reipubl: & thesaurus absconditus, cui hæc duo profunt?*

Scal.

Aktionis bonitas non est ex intentione finis, sed etiâ ab interno habitu.



AD ILLUSTREM ET GENEROSUM DOMINUM, DN. ADAMUM

GODFREDUM BERCKA, L. B. de Duba & Lippha;

Dynastam in Lautschin, Teschen, Hauska, Neo-

Berckstein, Wiediembo & Beezdietz &c:

EMBLEMA XVI.

VINDICE VIRTUTIS.



Crimina fœdā movent animos persæpè potentum;
 Ad pœnam ut fontes non sine bile trahant.
 Debeat offensas quòd miti ast pectore Princeps
 Ferre, in magnanimo signa Leone vides.
 Unguibus hanc furit, hoste sibi jam supplice facto.
 Hoc vicisse sibi comprobat esse satis.
 Nobile vindictæ genus est; Ignoscere viciis.
 Vixq; Ducis Virtus alius ire potest.

Templum Misericordiae Athenis fuisse extructum scribitur, in quo plurimorum Principum benignorum statuae erant repositae: neq; ulli illud intrare orandi causâ licitum erat, sine Senatus consensu singulari & licentiâ: solis verò misericordibus & clementibus aditus patuit. Athenienses enim, eam in curam incumbabant maximè, ne hostes, aut inimici, vel etiam crudeles appellarentur: quin potius Clementiae laude apud omnes celebrarentur. Quod institutum eorum non possum non vehementer laudare. Nam, cum in Republ: propter hominum multitudinem vitiorum & culpas, quae singulis momentis inter eos affatim augentur, poenarum quoq; multitudo crescat; quas quidem exequi, ex Iustitiae praescripto Magistratus debet. (*Reipubl: enim interest, ne delicta maneant impunita t. t. C. de poenis. ut poena unius, ceteri à maleficiis deterreantur. l. i. C. ad l. Jul. repet. & l. capitali. §. famulos. ff. de poenis.*) Cum tamen * omnes nati simus peccare & labi, quâ privatim, quâ publicè: *sanctiusq; sit nocentem dimittere, quàm innocentem condemnare l. absentem. ff. de poenis. meliusq; sit, propter misericordiam reddere rationem. quàm propter crudelitatem c. alligat. 26. q. ult. nec nō iustus peccetur in absolvendo, quàm condemnando.* Principis probi erit, non tam templum Misericordiae & Clementiae ingredi, in eoq; vota sua facere, quàm in penitralib⁹ cordis sui, & sacello pectoris simulachra earundem colere ac venerari. quandoquidem vix ulla virtus, post pietatem & Iustitiam, Principes & Magistratus summos magis commendat, atq; CLEMENTIA: secundum * Lipsum, VIRTUS ANIMI à POENA AUT VINDICTA AD LENITATEM CUM JUDICIO INCLINANS. Hæc homini omnium virtutum convenientissima, quia humanissima. Nam ceteræ virtutes, etsi à Principe exercentur laudabiliter; ad alios tamen fructus principaliter redundant: cum Princeps non tam sui; quàm Populi, Reivepublicæ causâ sit à DEO constitutus, vel à populo electus. Alit hæc Principi amorem populi, Securitatem, Firmitatem imperij conciliat, auget, conservat. Quotus quisq; enim est, qui, cum se in leges vel principem peccasse, ac poenas promeruisse agnoscat: easdemq; sibi remissas videat, eum, qui potestatem adimendi bona, & vitam habuit, sed condonavit, non amet? quem verò amamus, eidem & benevolu-

mus:

* I. Lipf. 2.
Polit. c. 13.
æ Thuc,

* lib. 2. Polit.
c. 13.

mus: cū contrā, quem odimus, omnino perditum cupimus. Hæc quoq; Principes & Magistratus (his enim solis Clementia competit) pates DE o facit. Nam cū sit Clemens & Misericors pater, nec * peccata nostra pœnis statim rependit: nos quoq; tales esse vult & mandat. Quid? quod Imp. ait l. *ultima* C. de donat. inter vir. & uxor. *Nihil tam peculiare esse Imperialis Majestatis, quàm humanitas, per quam solam DEI servatur imitatio.* Sola enim hac virtute, ut idem ait: Princeps DEI benevolentiam, & circa genus humanum nimiam Clementiam (quantum naturæ humanæ possibile est) imitatur, qui cottidianis hominum peccatis semper ignoscere dignatur, & pœnitentiam nostram suscipere, & ad meliorem statum eam deducere. Quo fit, ut si Princeps circa subiectos imperio facere hoc nolit, nullā veniā dignus esse videatur. l. *imperialis* 23. C. de Nupt. 5. Cūq; Imperiū nihil sit aliud, quā cura salutis alienæ: Boni profectō Principis erit, suam potestatem restringere, cupiditati, atq; iræ suæ, quantā maximā vi resistere; neq; omnia ad vivū refecare: ne, dum salutem Reipubl: per crebras pœnarū irrogationes quærat: nimiam severitate, multorum in se derivet odia, imò mortem sibi accersat ultrò. Sed si quædam levia fuerint, aut quæ sanari poterint, relinquenda & curanda Clementiā & lenitate. Rarò enim succedit feliciter victoria, quæ Crudelitatem habet Ducem. &, ut Cæsarille Dictator aiebat: *Miserum instrumentū senectuti esse recordationem Crudelitatis.* Crudelitas enim non tam auctoritatem, (quod quidā tamen existimant) quàm odium, & inimicorum numerum augeat. Nam, ut * Seneca inquit: *Ut arbores quædam recise pullulant; ita regia Crudelitas, augeat inimicorum numerum tollendo.* Terror autem & metus, infirma vincula sunt charitatis: quæ ubi removeris, qui timere desierint, odium incipiunt. Maximè autem ij. Clementia est exercenda, qui nova regna sibi subjecerunt: ne Imperia à Severitate & Crudelitate auspiciantur. *Pœna enim timor desperationem, desperatione omne impium suadet & sceleratum.* Sic Galba, etsi Tiberio probior fuit; sed quia statim Imperium sanguine facinorosum hominum incœpit vel adiit, mediā luce manifestis armis, à suis militibus interfectus est. Si * Demetrius Moschovitarum Dux, lenius cum suâ gente barbarâ, in aditu Imperij egisset; dubio procul superstes adhuc esset. Diocletianus Imp: Clementiam dotem potissimam Principis cum Libertate agnovit. Hanc Seneca, *Magnam*

* Psal. 105

* 1. de Clem.
l. Lipf. 2. polit.
c. 13. ex Tacit.Scip. Miran
differt. polit.
lib. 1. discurs.
8.* Occisus in
suis nuptiis
Anno 1606.
in Metropoli
Moschoviarum
Moskva,

timoris remediū esse dixit. Impp. Reges & Principes plurimi magnā cū laude suā exercuere. Ludovici XII Gallia Regis Clementia insignis fuit, qui injurias privato sibi allatas, regnū adept^o, ulciscinolvit, dictitans, parū decorū esse Regi Gallia, injurias illatas Aureliorū Duci ulcisci. Idem Lugduni deprāhensus ab aulicis duobus vivo CAROLO, & antequā nosceretur, vexat^o multis verborū contumelijs, cū illi conturbati, CAROLO mortuo, abiissent, absentes suā sponte revocavit, pristinaq; dignitati restituit. exuisse se personam Aureliorum ducis ajens: proinde Regi nihil hæc esse curæ. Quod autē homines Clementiā & humanitatem erga se invicem exercere debeant, cū rationibus multis probari potest, tū exemplo animalium brutorum docentur. Leonis, * Plin. scribit, tantū ex feris Clementia in supplices prostratis parcat. de quo * Ovid.

* lib. 8. c. 16.
nat. hist.
* 4. trist.
eleg. 5.

*Quo quisq; est major, magis est placabilis ira,
Et faciles motus mens generosa capit.
Corpora magnanimo satis est prostrasse Leoni,
Pugna suum finem, cum jacet hostis, habet.
At lupus, & turpes instant morientibus ursi,
Et quæcunq; minor Nobilitate fera est.*

Emblemate igitur hoc per Leonē, pede canē supplicē leviter prementē, Principū Clementiā intelligi volo. Leo enim magnanimi-
tatis & Principis nota est, de quo plura in Hieroglyphicis Iohan. Pierij lib. 1. Hierogl. ut & Canis amicitia signū est; quod sic interpretor: nō solū hostibus & inimicis victis ignoscendū esse: sed etiā amicis, qui ex fidei, quæ in amicitia requiritur, libertate interdum peccare solent. Symbolū verò additū, V I N D I C E V I R T U T E, satis ostendit, quomodo, & quatenus vindicta exercenda. Virtus enim ubi prævia fuerit in injurijs vindicandis, mens generosa extra suū genus non faciet quicquā. *Illud, enim, est demū magni animi, parvis nō commoveri: & cū nocere possis, ignoscere.* Huc pertinet illud: * *Misericordia & Veritas custodiunt Regem & roboratur Clementiā thronus ejus.* Claud. — *ignoscere pulchrum*

* Prov. 10.

* Casman. in
Systemate vi-
tæ Politicæ.

ſam miſero, pœnæq; genus vidisse precantem. * Africanus. Sive viribus quis polleat, sive genere & maiorum claritudine omnes homines atreveniat, sive deniq; fortunā ipsum Alexandrum M. exuperet, atq; Asia Imperio Africam, & his Europam coniungat: felicem tamen hunc negabo esse, nisi egregia animi moderatione in rebus omnibus utatur. Dio lib. 55. Plus Clementia, quā favitia proficit: nec tantum charos habent magistratus, ac gratiam student referre, quibus delicta facta gratia est; sed reliqui etiam omnes reverentur & colunt.

AD ILLUSTRUM ET GENEROSUM DOMINUM, DN. JAN-BERNHARDUM MALTZAN. L. B. à Wartembergk & Penczelin, in Militſch & Freyhan, &c.

EMBLEMA XVII.

NON SIC OLIM.



UT facile est catulum compeſcere fune Leonis,
 Impatiens cuius poſt tamen ungve furit.
 Sic quoq; Principibus teneris præcepta ſub annis
 Suggestere, ut vita frena tenere ſciant:
 Non opus eſt magnum. at matura ubi venerit ætas,
 Illos de vitiis ſi monuiſſe velis:
 R. s, crede eſt ſemper magnis objecta periculis.
 Hic labor, ut prudens aggrediariſ opus.

K

Qui

QUo Principum liberos in doctrinis & moribus instituunt, tantò plus Reipubl. conferunt commodi: quantò magis eadem illos probè educatos desiderat. Nam qui privatorum liberos erudiunt, uni tantum familiæ, vix Civitati profunt: qui Principum; universæ Reipublicæ. Quemadmodum autem in extruendis mœnibus, vallis, muris, arcibus civitatum plus artium, operæ & laboris impendere necesse est: ut civium domus, facultates, atq; adeò totius Universitatis & populi bona, salva ab incurso hostium, & vi qualibet tuta esse, ac defendi possint: Non secus Reipubl: interest, Principem benè moratum; pietate & literis eruditum; sic tamen doctum esse: ut animum à curâ publicâ, ad inutilem contemplationem, (quod privati hominis est) non avocet: quin potius, ut eruditione suâ Reipubl: consulat; eique studia ornamento ac jucunditati, Reipubl: verò usui esse possint. Cumque in bono Principe salus subditorum consistat; quis eum talem necessariò fieri debere negaverit, qualem communis omnium necessitas & vota requirunt? id est pium, prudentem, temperantem, fortem, & justum: quem si Natura & Institutio hisce præditum virtutibus effinxerit; quid quæso Reipublicæ accidere majus? quid votis exoptari felicius poterit? Nam cum ita in vitâ communi fieri videmus, ut privatis in ædibus, uxor ad mariti voluntatem & mores; liberi ad parentum nutum; servi ad dominorum arbitriû, vitam & actiones suas instituere soleant: Principi autè mores Populus imitetur: qui exemplo longè efficacius urgent, quàm legum aut pœnarum metu: quotusquisq; est, qui non videat, summam necessitatem in Principibus rectè educandis, & prudenter instituendis? Institutioni pendet vel à parentibus: vel ab ijs, quos parentes dignos, liberis suis præficiendos censent & eligunt. Illi, cum propter molem negotiorum, & insitum erga liberos amorem institutioni vacare non possunt: dignos huic officio substituere debent: quorum virtutes liberi generosi, tanquam in speculo assidue intuentes, actionibus effingere discant. Fixum enim id hæret in animis tenellis, imò per omnem vitam tenacius memoriâ servatur, quæ quis in ætate primâ, vidit, audivit, legit, didicit, observavit; sive ea honesta, sive turpia fuerint. Cum autem

autem ipsi Principes vitia concipiunt: solent ea quoque in Civitatem infundere: & non tantum ipsi corrumpuntur: sed etiam corrumpunt & inquinant subditos. Contrà verò Principes boni vitâ suâ inculpatâ, & exemplo laudabili, mores subditorum prave emendant. Naturâ enim sic inter homines comparatum est; ut superiores non solum vereamur: sed quò arctior necessitudo; tantò major metus, reverentia & honor existat, & inde oriatur. Quocirca parentes generoseam in curam incumbere maximè decet; ut liberis suis tales eligant Præceptores, morumque magistros; qui minimis vitijs, pluribus sint præditi virtutibus: præcipuè autem qui sint pii, honesti tam quò ad vitam, quàm quò ad Conscientiam: graves ætate, & aspectu: veraces & candidi in verbis & actionibus: generoso animo præditi: liberales, sed juxta modum: modesti in sermonibus: ut de rebus quibuscvis liberè disserant: prudentes, cauti, mansueti; docti & eruditi non tantum in profanis, sed etiam in sacris literis: casti, benigni, & quos utraq; fortuna in suis castris exercuit; ut eis res lætas & adversas ob oculos ponere; & varios humanæ vitæ & miseriæ casus ac eventus demonstrare sciant; utque ab his virtutes istas, liberi generosi statim imbibant, quas omni vitâ, & reipsâ sint expressuri & exercitaturi. Fit tamen sæpissimè, ut Principum liberi in primâ ætate optimè à suis magistris & doctoribus ad Rempublicam gubernandam instruuntur: sintque ad omne virtutum genus capeffendum tractabiles, & quasi cerei: sui verò postea juris facti, rigidescant: ijsque pessimam mercedem pro fideli institutione reponant: exemplo est Nero & alij; nec facillè, adultiores facti, patiuntur se corripì vel moneri. Verum enim verò & Prudentia monitoribus uti hac in re, & tempore ac occasione maximè opus est: utque modus servetur. Id quod Emblemate hoc demonstrare volui. Nec enim eâ ratione Leonem adultum compescas fune vel bacillo, cum facillè in iram exardescat; quàm cum esset catulus: Ita neque Principem jam sui juris factum, & ætate graviolem tutò de vitijs moneas, eumque corripas. Prexaspes filium perdidit propter monitionem & veritatem. Perijt Apollodorus architectus celeberrimus, Adriani Imperatoris jussu:

Junge Herenz
junge Bären.

Camer oper.
succis. c. 90.

Vide Conrad.
Heresbach.
I Cti de edu-
candis erudi-
endisq; Pp.
liberis.

perierunt alij. Quisquis igitur tam generosam indolem Principum, futuræ messi optatam, in Republicâ colere debet: caveat ne privatorum more, instrumenta culturæ adhibeat: semperque rore prudentiæ herbam istam generosam aspergat: ut fructus dulcissimi maturecant, & lætâ carpantur manu. Cogitet autem sedulo, non si nunc tutò corripere licet, & olim idem licere! quamquam laudabilis monitio fuit Ludovici sancti Regis Galliæ, qui filium successorem his admonuit verbis: ** Ita te gerito, ut Confessarij, necessarij q, & familiares tui possint te liberè admonere mali, quod feceris, & docere facta tua: metuo tamen, ut omnes ad-*

* Tilius lib. 2.
de reb. Galliæ.
& Cam. ut j.

* Epist. 106.

monere sciant, ut placidis auribus admonitiones recipiantur: talesque videant, quod Seneca * ait,

ne pluris remedium, quàm periculum constet.




AD

AD ILLUSTREM ET GENE-
 ROSUM DOMINUM, DN. JAN-GEOR-
 GIUM CZIGAN, L.B. à Slupska, in Freistadt,
 Sawada, & Dobroslawicz, &c.

EMBLEMA XVIII.

INTEGRITATE.



Monte super celso positorum Insignium, utrinque
 Clara representant effigiem specula.
 Supra hominum sortem Princeps eveſte, latere
 Non poteſ, obſervet quin tua facta DEUS.
 Quin ſubjecta notet Plebs. prudens ergo cavebiſ,
 Vitam ne maculent turpia facta tuam.
 Integritas, vita, & recti mens Conſcia; celo
 Pondus habet, terris premia certa capit.

INtegritate vitæ, & bonâ Conscientiâ, homini nullum firmitus præsidium, & majus bonum accidere potest. Nam cum homo naturâ ad vitia magis sit proclivis, quàm ad Virtutes, & ex consuetudine malorû tantus ei cumulus vitiorû ad crescat, ut ijs expurgandis, aut expugnandis, ipsum vitæ tempus nō sufficiat, nisi maturè virtutû præceptis imbuatur, ijsq; sese exercendo paulatim pravitati se subtrahat, sit, ut, qui minimis vitijs animû & corpus contaminavit, securior sit; & honestarum actionum fiduciâ nitens, ac sese erigens, lætior semper tam internè quodâ animum, quàm externè, appareat. Hinc, ut quisque vitam agit vel bonam, vel malam; ita Conscientiæ quoque sentit stimulos: qui ex pravis actionibus orti, Carnificis instar, & eo peiores existunt: qui noctes & diesque hominem pungunt acriter. Sed quis adeò felix unquam fuit & beatus, in hac perversâ colluvie hominum, qui cum eis conversando, nihil vitiorum attraxerit? atq; ut flumina sordes & alia excrementa semper secum vehunt: ita vita communis vitia.

„ Difficile est igitur cuivis vitam absque culpâ transigere, ut non
 „ offendas, aut labaris. Difficilius verò ijs, qui in fastigio rerum positi, omnia non ad voluntatem & voluptatem: sed & lasciviam metiuntur: quibus cuncta ex voto, & ad nutum confluunt: qui neminem agnoscunt aut habent, qui dicat, Cur sic facis? Verum enim vero, quantò difficilius est, animum à cupiditatibus vacuum gerere; corpusque & mentem à criminibus non temeratam habere; tantò laudabilior est eorum vita, qui populo expositi, tanquam speculum purissimum & nitidissimum, in quo sua vitia cernere, agnoscere & corrigere possint, suis cupiditatibus, potentia, & licentiæ terminos, ac certos fines ponere sciunt: eosq; transgredi summum nefas & dedecus ducunt: puramque vitam agentes, in omnibus actionibus sinceritatem, & conscientia tranquillitatem sectantur. Cumq; omnes ad legem hanc observandam vocentur: tùm maximè ij, quos Deus populi Magistros & Custodes instituit, eadem obstringuntur. Primus autem gradus est Integritatis, ut se quisque noscat, vel Oraculi testimonio, non dico Corpus suum, sed animum. Deinde, si quas maculas, aut nævos in eo animadverterit, ut eos vitæ actionibus honestis eluere
 conetur

conetur: sic speculum purum ad videndum DEUM intra se habebit, quod est *animus seipsum cernens*. Ac veluti specula, quæ vel pulveribus obsita, vel propter materiæ impuræ densitatem, minùs pellucida sunt, hominis effigiem, vel rei cuiuspiam speciem non benè repræsentant: contrà verò in purissimis, minimas quasque in facie maculas, vel res apparere videmus: Non secus & Principum vita, (cùm sit censura populi) si virtutibus, quæ maximè regias personas decent, exornata & conspicua fuerit: Populus quod in eà repræhendat, non modò non habebit; sed suam quisque ad Principis, studiosè componere ac conformare adnitetur. Atque Princeps sic se cottidiè intra se contemplando, memor & dignitatis suæ, & fragilitatis humanæ, nec non Reipub.; ac subditorum status & conditionis, præsertim eius, cuius vicem sustinet; nil suâ sublimi Majestate, nihil autoritate indignum patrabit. Titl Vespasiani vox Integritatem sapit. Is enim, cùm aliquando audiret, sibi quempiam maledixisse; æquo animo hoc ferens & contemnens: *Ego, inquit, cùm nihil faciam dignum maledicto, sanè maledictum hoc, tanquam maledictum parvis facio*. Augustini sententia elegans huc quadrat. *Neq; sanctior es, si laudaris; neq; deterior si vituperaris. Id ipsum es, quod es, neq; major dici potes, quàm, quantus DEI iudicio es. Si attendes quid intus in animo sis, non curabis, quid de te foris loquantur homines. Bonorum gloria in ipsorum conscientia, non in hominum ore sita est*. Et Seneca: *Si crederem DEOS ignoscituros, & homines ignoraturos, adhuc peccare dignarer*. Et * alibi. *Quid est beata vita? Securitas, & perpetua tranquillitas, hanc dabit animi magnitudo, dabit constantia, benè judicati tenax*. Et * alibi: *Conscientiam suam Dijs homo aperire debet, semperq; tanquam in publico vivere, se magis veritum, quàm alios*. Claud: ad Honor. Imp.

* Epist. lib.
14. ep. 93.

* Id. 7. de
benef. 1.

*Hic te præterea crebro sermone monebo,
Ut te totius medio telluris in orbe
Vivere cognoscas: cunctis tua gentibus esse
Facta palam, nec posse dari regalibus unquam
Secretum vitijs.*

Emblemati.

Emblematis autem ratio hæc est, quod quemadmodum ea, quæ in montibus, aut editiore loco existunt, longè sunt conspectiora; utq; specula eum in finem sunt inventa & usurpentur, ut faciei maculas in ijs cernere queamus: Ita sceptrum coronâ cinctum Principem intelligo, in monte positum, id est, quod eum DEUS OPT. MAX. eminentiore & supra hominum sortem altiore honorum in fastigio collocavit, ut omnibus in conspectu esset: qui certè minùs facta sua, licet interdum homines ea non cognoscant, coram DEO abscondere potest, ac mons vel turris, aliæ res quæpiam sublimis occultari. *Aspiciunt (enim) oculis superi mortalia iustis.*

* 17. ver. 16. 17.

Et ut * Sirac. ait: *Omnia opera hominum, sunt tanquam sol eorum illo, & oculi illius assidue insuntur vias ipsorum. Non fuerunt occulta ab eo iniusta ipsorum facta, sed omnia peccata ipsorum exposita fuerunt domino.* Nulla igitur via compendiosior ad vitam integrè peragenda, quàm vitij non fœdari, ex quibus conscientia morsus. Tuta autem ibi Conscientia, ubi pura vita: ac licet hæc lex sit omnibus posita, Benè vivere! Principem tamen maxime obligat: ut pote, quod subditi in ejus vitâ, tanquam speculo suam videant. Eleganter * Seneca: *Sic vivendum est, tanquam in conspectu vivamus: sic cogitandum, tanquam aliquis in pectus intimum inspicere possit, & potest.* Et * alibi: *Aliter Decorum numini subiecta uniuscujusq; conscientia, aliter nostræ æstimationi. Nos tantum, quæ fecisti, palam vidimus, illi etiam quæ secreta sunt.* Apost. ad Tit. 2. Per omnia te præbe exemplar bonorum operum. Ad summam: Princeps

* ep. 84.

* Id. 1. Corinth. 2.


* Edo Neuh.
in scheda
Agapct.

* *Si sapias ô vetitos cave delabaris in actus,
Perfrictâq; palam fronte litare malis.
Corrumpant vulgus pejora exemplare gentum,
Persuadent mores, non fera jussa, ducum.
Namq; sumus dociles imitandis turpibus omnes,
Grex Regis sequitur prævia facta sui.
Innumeris etiam tibi sis pro testibus ipse:
Utq; foris probus es, sic probus esto domi
Ecce Deus celsâ arce sedens, vigili omnia visit,
Et quæ tu tenebris vere sepulta, legit.*

AD ILLUSTREM ET GENE-
 ROSUM JUVENEM, DN. ANDREAM
 KOCHTICZKY JUNIOREM. L. B. à Kochtitz
 & Lubliniecz, in Kossentin &c.

EMBLEMA. XIX.

ALIUD ARTIS.



L Angusta Virtutum sunt semina: que nisi doctis
 Ars juvet, in vitium degenerare solent.
 Arbor nūc mollis primis flectatur ab annis,
 Curva fit, & fructus fert male culta malos.
 Cautè etas Regum ducatur prima per artes;
 Discere quas regni pro Utilitate decet:
 Semina Natura capiant ut robur ab arte:
 Et fructus dignos Mens generosa ferat.

L

Quamquam

Quanquam Naturæ magnam vim esse in animantibus, plantis, herbis, & rebus alijs nemo unquam sapientum negaverit: Artem tamen naturam ipsam scæpenumerò, si non omninò immutare: saltem corrigere, exemplis & rationibus evidentissimis demonstrari potest. Videmus ferocissimos Leones, Pantheras, Urso, equos, apros, & id genus animalia, arte quadam & consuetudine mansvescieri, feritatemque innatam quodammodo exuere. Videmus arbores silvestres, si telluri frugiferæ inferantur, fructus dulciores ferre. Videmus frumenta quædam, genus suum, (quod soli ratione, & qualitate, cui mandantur, fit,) quasi deferere, atque in aliud mutari. Quòd si id in talibus rebus; saltem naturæ beneficio accadat; quis ex hominibus agrestibus, civiles: quis ex immanibus, mansvetos; ex bonis meliores, ex his optimos fieri non posse dubitabit? si maturè præceptis virtutum imbuantur; si bonorum familiaritate & consuetudine utantur; si tandem præclaris virtutum actionibus crebrò exerceantur? Verissimum enim est, quod Ovid. canit.

— didicisse fideliter artes

Emollit mores, nec sinit esse feros!

* Plin., in Pa-
neg.

* Id ibidi

* *Cumq; in Principe bono, genus omne hominum latetur:* (quem cum bonum appello, virtutibus, quæ Principem decent, imbutum, & ornatum intelligo:)* *Reique publica Felicitas esse non possit, absq; boni Principis felicitate, neq; hujus beatitudo, absq; Reipublicæ commodo & beatitudine stabilis unquam erit:* hæcque mutuo nexu inter se colligentur: quotusquisque est, qui Principem à primis statim annis, Pietati, Prudentiæ, Fortitudini, Temperantiæ, &c: alijsque virtutibus, nec non artibus, verè Principe dignis assuefaciendum ac imbuendum non censeat? quarum scilicet adminiculo Beatitudinem & Felicitatem illam consequi possit! Quò autem plùs momenti in ejus officio & salutari gubernatione positum est; cum in eo Reipublicæ summa salus sit constituta: cumque eadem debeat ipse tueri virtutis officia, quæ alijs: ut cum privatim bonus esse didicerit, publicè possit esse commodior: eò majori curâ & diligentia ætas ejus puerilis (à cujus rectâ formatione

tionem & institutionem, totius vitæ ratio pendet) instituenda & regenda: ut, cum ad justam gubernandi ætatem pervenerit: ipse per se vitæ suæ cursum, & Majestatem regiam moderari, Reipublicæque salutaris Princeps existere queat. Quantos verò fructus recta educatio, & morum disciplina ferat; quamque sit Principibus necessaria; Philipus Rex Macedonum docuit: qui non tantoperè de filio Alexandro nato lætatus fuit: quàm, quòd Aristotelem, idoneum filio suo Informatorem nactus esset. Docuit idem Mamaea, illa prudentissima Aurelij Alexandri Severi Rom. Imp. mater; quæ eum ad eò liberaliter, regiè, & prudenter institui curavit; ut, cum puer in Imperatorem esset electus, ad gubernandam verò Rempub: per ætatem inhabilis: nullum improbum, ad ejus colloquium admittere voluit; ne conversatione malorum, mores ejus probi inquinarentur. Judicavit nempe femina prudens, " Vitia Regum longè periculosiora esse regni inimicis: quoniam hi " bello profligari aut occidi, ne noceant, possunt: Vitia verò, per " omnem vitam in hominem dominari: cumque hostes regiones & urbestantum depopulentur: Principem vitij imbutum, bonos mores Reipubl.; imò ipsū regnū pessundare quis nō videat? Nec satis est, ut in Heroicis & generosis naturis acres ad Virtutem sint impetus: nisi quoque doctrinā regantur; ac virtutum exercitijs firmantur & augeantur. Prima igitur sit cura Principū, ut suos generosos liberos, Reipubl: olim gubernandæ futuros successores, non in delicijs, non in ocio, non lasciviâ educandos curent: delicata enim vita molles; ocium lascivos, lascivia turpes alumnos habet. * *Removeantur à servulorum, clientum leviumq; mulierum consortio, colloquijs pravis, & turpibus spectaculis, aut inhonestis picturis, à mendacis & simulatione, à petulantia demum: propterea, quòd his de causis, vitiorum semina quedam eorum animis inseruntur, quæ adulta, postea in gravissima scelera, & insanabiles animi morbos abeunt.* &c: Laude æternâ digna mihi videtur vox SIGISMUNDI I. REGIS POLON. qui quoties de suâ & fratrum educatione loquebatur, omnes qui sermoni ejus intererant, in admirationem rapiebat. * *Fuimus, inquit, aliquot simul fratres,*

Hue facit
Quintil. lib.
12. c. 12.
Plutarch. de
lib. educ.

* Autor de
Regni Regisq;
institutione,
discursibus
Scip. Amirat
additus lib. 1:

* Christoph.
Vaskevicius de

optimo statu
liberratis lib.
3. mihi fol. 65.

*vivente adhuc patre, Longini traditi institutioni, agnitis hyberno tempore quotidie, non nisi autem diebus festis vulpinis inducebamur pellibus; cibis continuè vescemur hanc ita delicatioribus; vini nullus nobis concedebatur usus; lectus non mollis, nec nisi cum optimis consuetudo nostra erat perennis: in sole & pulvere licebat nobis luctari, & ad labores subeundos, oportebat nos assuescere pedetentim, sic quales simus aut fuerimus, posterius rectius iudicabunt. Hæc ille. Quis hodiè vel mediocriter opulentorum civium talem disciplinam sufferat? Hoc itaque Emblemate demonstrare volui: Naturæ quidem vim in rebus omnibus potentem esse: præsertim in homine, tam quò ad Virtutem, quàm vitium: eam tamen plurimum juvari; si in tenerâ ætate homines, atque adeò Principes (sic enim secundum subjectam materiam hominem intelligo) virtutum præceptis imbuantur, eaq; in actiones deducant. Per equum autem hieroglyphicè Generositatem animi; & Imperium denotare scribit * Joan. Pierius. in quo licet sit, ut Horat. loquitur, patrum virtus, id est, semina & fomites virtutum: nisi tamen, qualitas illa naturæ generosa, quam Poëta virtutem appellat, arte juvetur; atque ille maturè ad flexus variandos in præliis utiles, ad sistendum cursum, eumque continuandum, assuefactus fuerit; facile vis illa generosa naturæ in illo languescet: ut non immeritò dixerim: aliud esse naturæ; aliud artis opus. cui Horat. astipulatur.*

* Hieroglyphi
lib. 4.

*Doctrina - vim promovet insitam,
Reliq; cultus pectora roborant.*



AD NOBILEM ET STRENUUM

VIRUM, DN. HARTWIG. à STITTEN,

in Pomerſwitz &c: Conſiliarium Brandenburg. &

Ducatus Carnoviensis Capitaneum.

EMBLEMA. XX.

SERÒ NON FRUSTRÀ.



Affundunt oleum, quæſ luce eſt lampadis uſus.
Extingui noctu nec patiuntur eam.

Nemo adeò felix, quem non ſors dura fatiget :

Nemo adeò prudens, quem haut malus errore agat.

Ergò maturè fidos conquirat amicos,

Quorum in re dubia Dux jùvetur ope.

Sed ne deficiant, re, & blandâ mente fovendi.

SERÒ, NON FRUSTRÀ, qui ſapit, ille ſapit.

L 3

Nemo

Nemo sibi satis est, eget omnis amicus, amico. Id quod in vitâ communi satis superq; experientia testatur: maximè verò in Repub: id videre est, quæ tot Argos, & Geryones Centimanos, propter diffusam molem, & negotiorum expedientorum varietatem & multitudinem, requirere videtur. Quî enim Princeps, omnia perspicere, audire, quæq; ex re tot populorum esse possint, perficere solus potest? cui Natura non plus, ac cœteris hominibus largita est, videlicet Rationem & Orationem, sensus, & reliqua. Quippe, quòd habeat hoc commune cum alijs hominibus, ut possit errare & decipi. Idèd sapientum in commercio esse, & in partem curatum prudentes adsumere debet: talesque sibi parare amicos, quorum perspectæ fidei, se, sui que regni administrationem ex parte tutò concedere possit: qui scilicet & pericula prævidere, eaq; avertere prudenter: & si erraverit, benignè ad viam rectam se reducere sciant. Nam, ut magnum quiddam est, Principibus placuisse viris ob merita & virtutes, perspectamq; in rebus agendis fidem: Ita non minùs laudabile in Principe bono censetur esse: cùm in rebus agendis, & negotijs Reipub: tractandis amicorum operâ, & consilio utatur, eosq; sui Honoris, & quasi Corporis partem esse permittat. *Non exercitus, ait Salustius, neq; thesauri, præsidia regni sunt, sed amici.* Alexander interrogatus, ubi thesauros asservaret, apud amicos, respondit; Benevolentiam enim & sui æris, & alieni Dominam esse putavit. Cyrus moriturus ad filium Cambysem, inquit: *Sit hoc jam tibi Cambyse, à principio persuasum: regni præsidium firmissimum esse, non aureum sceptrum: sed amicos quos neq; armis cogere, neq; auro parare queas: Sed fide & beneficio parantur. Neq; enim amici suâ sponte nascuntur, ut stirpes è terrâ; sed suavitate humanitatis conciliandi, atq; in officio retinendi sunt. Ac si voles tibi custodes regni adungere, quorum fides perspecta sit: non ab alienis hominibus, sed à cognatis initium sumito.* &c. Quemadmodum autem temeritas quædam est, quosvis in amicitiam assumere: ita è contrario summæ prudentiæ est Principis, tales eligere, qui digni sint amicitia: quos non faciliè reiiciat, aut contemnat: quin potiùs eorum spectatâ fide,

fide, suâ benivolentiâ sibi conservet integros. Atque hîc operæ
 precium duxi monitiones paucas ex F. Furij Ceriolæ * libro ad-
 scribere, ex quibus Princeps videre poterit, quàm cautus esse de-
 beat, in eligendis amicis, quos Consiliarios appello. *Certum*
enim est, primum & præcipuum judicium de Principibus, eorumq;
virtutibus ab amicis proficisci: qui si idonei & sapientes fuerint,
 procul dubio & Princeps ipse, habebitur sapiens. I. Prima itaque
 sit, ut sibi fideles & sinceros reddat. Rivulis enim infectis, tota
 aqua corrumpitur. II. Cogitet se maximè egere tali consiliario,
 vel amico, ut audire possit, & admittere apud se veritatem. *Veri-*
tas enim adulatorum mendaciis pressa, raro ad Principum aures
pervenit. III. Eligat ex sibi subjectis ditionibus, ne infestos sibi
 populos reddat, cùm neminem ex suâ gente Consiliarios apud
 Principem habuerint, aut viderint. Non externos, quia ab his
 turbæ: non sunt periti status Reipubl: regionum, hominum, mo-
 rum. Adde, quòd rara fides exterorum, quisque in suos pronus,
 eorumq; amans. Judicium tamen sit penes Principem, qui ex usu
 & commodo suo etiam externos admittere potest. IV. Nobiles
 plebeijs præferat: quò enim quisq; genere clarior: ita animum ad
 res præclare agendas ad Remp: adferre solet. reliquis tamen viam ad
 Virtutem exerendam; & propter hanc, emergendi facultatem
 non præcludat. V. Non sit præceps, aut celer in assumendis. VI.
 Et assumtis, non facilè de omnibus relatis credat. *Fallere enim &*
falli possumus. VII. Examen instituat, si dignus, vel secus.
 VIII. Facto examine, cum publicè propter virtutem & merita
 electum pronunciet. IX. Tandem ab eo juramentum exigat,
 in quo, se bonum & fidelem Consiliarium futurum, promittat. &c.
 Sed quoniam, *qui Consilium dat, præstare fidem, non eventum debet.*
 quandoquidem hoc casus aliquis facillimè subvertere possit:
 Non inconveniens hujus loci quæstio est: An & quatenus quis
 ex suo consilio obligetur? *Non fraudulentum quidem consiliū, nulla*
est obligatio. l. consilij 48. ff. de R. J. l. 2. §. fin. ff. mandati. c. nul-
 lus ex consilio. de R. J. in Sexto. Nam cùm eventus dati consilij
 non respondet propter varias circumstantias, quæ tùm accidunt:
 dantem

* de quo in
 super. Embl.
 expl. de Con-
 silio & Con-
 siliario ex Hi-
 span. versione

Hippol. à Col-
 lib. in R. l. &
 Hierem. Sec-
 ter. in disp.
 Instit. l. i.

dantem propterea non obligat, præsertim si bonâ fide dedit: cùm contingere possit, ut benè consu'ta, casus aliquis superveniens immutet, aut culpa consilium accipientis pervertat. l. *si quis affirmaverit* §. 1. ff. de dolo. Is quoque, qui accipit explorare debet, an ipsi expediat. Sed si super tali actu consilium fuerit datum, accepto munere, qui à jure est prohibitus, aut in perniciam Reipub: manifestè tendat, illud obligat: ut probat *Menoch. 2. de arbit. jud. qq. cent. 4. cas. 351.* Quare & Princeps ipse expendat consilia data necesse est: aut certè tales conquirit amicos, qui eventus consiliorum & rerum, ex collatione similium, quæ acciderunt, sagaciter perquirere possint. Talium quoque Fidem suâ benevolentia conservet, eosque magnificiat. * Fecit id Alexander, qui Hephæstionem omnium amicorum charissimum, imò fratris loco habitum, secretorum suorum arbitrum, suo nomine à Syfigambe appellari passus est. hic quoque libertatem in Rege admonendo, non alius Jus habebat. Inde ex præcedentibus, Emblematis hujus demonstratio facilis. per Columnam enim cui lampas extincta adhæret, Rempubl: intelligi volo, quæ amicis caret fidelibus. Lampas enim noctu saltem, aut obscuris in locis usurpatur. Idem usus consilij in gravibus & perplexis rebus. Vir autem eam accendens, Principem signat, qui necessitate quadam impulsus, oleum, ut luceat, infundit. Id ego benevolentiam & munificentiam Principis interpretor, quâ tales amici maximè, eorumque fides aliquâ ex parte fovenda. Inscriptio verò serò non frustra, docet: Amicos maturè conquirendos, quos licet serò pares, non tamen frustra: cùm omnibus temporibus ijsdem egeamus.

AD NOB. ET EXCELLENTISS.


VIRUM DN. LAURENTIUM FREITAG

in Michelwicz & Saprashin, J. U. D. & Illust.

Ducum Monſterberg. Conſiliarium.

EMBLEMA. XXI.

SECURA PERICLI.



Noscere magnatum si quando arcana voceris:
 Fac teneas lingua lubrica frenatua.

Non ea divulges & vino tortus, & ira:

Ne subeas pœnam lubricitate gravem.

Vulganda evulga, sed cum ratione: tegasq;

Que tempus, ratio & causa, tegenda jubet.

Res quævis benè clausa, manet SECURA PERICLI.

Lingua tacens, meriti premia tuta capit.

M

Quantum

Quam bonum, LINGUA, homini à Deo sit concessum, nemo est mortalium, qui non agnoscat. Hac solâ quoniam mentis & rationis nostræ sensa intima, alijs explicamus; hac quicquid opus est, impetramus; hac nobis animos hominum benevolos conciliamus; hac solâ mille homines, non secus, ac catherâ quadam, in nostram sententiam pertrahimus, & quasi captivos ducimus: hac tandem Dei gloria propagatur: & quicquid in universum commodis nostris accedere cupimus, solius linguæ beneficio consequimur. Quâ si tempore opportuno ac prudenter uti sciamus, nihil est ad laudem & gloriam consequendam illâ ipsâ efficacius. Sed quantò majora nobis ex ejus recto usu accedunt commoda: tantò graviora quoque ejus petulantiam comitantur dispendia; si eâ ad contumeliam aliorum utamur, qui morbus turpissimus est: Neque ea solùm hominem in calamitatem & miserias præcipitat: sed publicam quoque turbat tranquillitatem, Urbem & Orbem dissidijs, seditionibus & bellis complet: omniaque sursum atque deorsum volvit. Unde illud Græcum natum est proverbium: *γλῶσσα πῶς πορεύει? πόλιν καὶ εὐρείησεν, καὶ πῶς ἀνθρώπους.* *Lingua quo vadis? Urbem everfura, & urbem servatura.* Hanc itaque frenis cohibere, tam est honestum & decorum, quàm utile. Libertate enim suâ tunc maximè utitur, cùm homo aut iratus, aut ebrius, alijsque affectibus vehementioribus laborat. * Unde Romanorum hunc fuisse morem didicimus, ut silentij notam, S, usurparent: quam Triclinijs, abacis & foribus diætarum superponerent, eò, quòd inter bibendum multa dici soleant, majore libertate ac licentiâ, quàm locis alijs: quæ tamen ita licenter exprompta, nefas est eliminare. Quòd si tantam prudentiam veteres in conviviorum celebratione adhibuerunt, in quibustantum jucunda, rarò aut nunquam seria tractabant; ne, quod ex libertate, ore excidisset verbum, alij foràs divulgarent: quantò id magis in Consilijs, & Principum Curijs observandum est: ubi de rebus serijs, de totius Reipub: commodo: de privatorum bonis, de Principis salute, de patriâ conservandâ, alijsque gravissimis rebus deliberationes instituuntur,

quæ

Obfigna sermones silentio, silentium verò occasio. ac.

* Cl. Minos in prælect. Horat.

quæ antequam ad effectum perveniant, necesse est ea vim omnem amittere, si vel ante tempus, vel inconsultò divulgentur. Unde & Consilium à silendo derivatur, quòd, quæ in consultationem veniunt, silentio obduci, ac tegi debeant. Magistratum Romanum olim tantâ charitate patriæ flagrasse * Val. Max. scribit: ut ^{* lib. 2. c. 1.} *arcana consilia P. C. multis seculis nemo Senator enunciaverit.* & paulò post ait: *Eidum erat & altum Reipub: pectus Curia, silentijq; salubritate munitum, & vallatum undiq;: cuius limen intrantes, abjectâ privata charitate, publicam induebant.* Itaq; non dicam unum, sed neminem audisse crederes, quod tam multorum auribus fuerat commissum. Hoc itaque unum præ cæteris Consiliario incumbit observandum: ut secreta Principis apud se fideliter retineat; ne gratiâ aut muneribus aliorum corruptus, quod perfidi: nec irâ aut odio, vel sponte adductus, quod incontinentis esset, ea prodat, aut evulget. Quanto rectius ille, qui oris graveolentiam sibi exprobranti respondit: *Multa secreta (inquit) in ore meo computruerunt.* Et Romæ, Tacitæ silentij Deæ simulacrum, obligato atque obsignato ore, religiosè olim cultum fuit. Sic Alexander Magnus, cùm arcanas quasdam literas Hephæstioni legisset, detractum anulum ori ejus admovit: innuens, cuique in consilium lecto, os à principe clausum signatumque videri. arduum enim est, meruisse Principis secretum! ubi si quid cognoscitur prodi, vel ab alio formidatur. Siracides. *Spinis aures tuas circumsepito, & linguam malam audire noli: & ori tuo fores, & auribus seras facito: argentum, aurumque tuum conflato, unde verbis tuis trutinam stateramque facias, & ori tuo portam atq; claustrum.* Taciturnitatem igitur, etsi aliter alij notârint; Ego tamen serâ clausâ designo. Ut enim thesaurum nostrum, & quæ oculis aliorum exposita nolumus, imò benè servata cupimus, seris occludere & communire solemus, ut secura, per has sciamus. Utque clavis ea suspecta est semper, quæ multas seras aperit: Sic arcana consilia Principum, in quibus sæpè totius Reipub: salus abscondita latet, silentio perpetuo salva esse oportet: ne linguæ

petulantia & lubricitas, quam adulterinæ clavi similem esse intelligo, eadem aperiat, & in publicum divulget.

Muretus in effigiem Tantali:

Si quando admittant suate ad secreta Potentes,

* lib. 2. cap. 2.

*Quisquis es exemplo, disce tacere, meo: * Val. Max.*

Taciturnitas optimum atque tutissimum est rerum omnium administrandarum vinculum. Plaut.

Benè consultum surripitur sæpissimè.

Quippe si rescivere inimici consilium tuum, tibi

Tuoque consilio occludunt linguam, & constringunt manus.

Atque eadem quæ voluisti illis facere, faciunt tibi.

Ovid.

Eximia est virtus prestare silentiis rebus:


Et contra gravis est culpa, tacenda loqui.



EMBLE-

EMBLEMA. XXII.

TUTISSIMA MERCES..



EN reliquos secum trahit anulus ordine tractus
 Longo, principium & finis, habetur idem.
 Cum Princeps pius est, illum agmina longa sequuntur,
 Virtutum, nexu consociata pari.
 Moribus inde ejus se privus quilibet aptat:
 Exemplumq; sui Principis esse studet.
 Adde quod hic Ducibus Pietas TUTISSIMA. MERCES;
 Quam tandem cœlis posthuma vita manet.

M 3

Indomitum

Idan. à lef.
Mar. in In-
stru& Prin-
cipum lib. 1.
c. 2,

INdomitum mortalium genus est, ex quo divine legis jugum excussit. Fit autem natura hominis effractor, dum affvescit imperio. A quo enim coercetur? Quapropter saluberrimum consilium sit Principibus, quibus terra paret, caput in cœlum tollant, & castum divina majestatis timorem ediscant, &c. Mandatum enim & Vox DEI jubet: salus animæ propria flagitat: gratitudo postulat. Nam, cum ipsum benignitas divina, hominem rationalem, non animal aliud esse voluerit: Dominum non servum, multarumque gentium Regem, ac suum Vicarium constituerit: supraque conditionem humanam ad tantum honoris fastigium evexerit: meritò illum solum, ut Creatorem adorare: ut Dominum superiorem pio cultu venerari: ut Protectorem, urgente necessitate, colere: ad eum verâ animi fiduciâ, tanquam unicum & tutissimum præsidium confugere debet. Videmus ipsos Principes, si quem honoribus aut opibus cumulaverunt; cum aut neglegentiorum animadvertunt, iniquo id ferre animo: videmus privatum quemque vilissimum, si accepti beneficii immemorem quempiam agnoscat, ægerrimè id ferre: Quid de DEO cogitandum est, qui ab omnibus hominibus gratitudinem piâ, sui que cultum efflagitat? maximè à Principibus, cujus illi vice n in terris agunt! Quamobrem Princeps bonus Pietatem ante omnia colet, à quâ ipsius, & Reipubl. felicitas dependet. Hanc enim si consilij & actionibus suis, tanquam fundamentum immobile substruxerit, felici semper lætabitur eventu. quoniam ex pietate, & invocatione divini numinis bonum initium, melius medium, & optimus finis sequi solet. gloss. ad Proem. Inst. & ut Imp. Justin. * ait: Benè universa geruntur & competenter, si rei principium fiat decens & amabile DEO &c. amabile autem id est, quicquid ex pio corde profiscitur, & in nomine DEI incipitur. c. non observetis. 26. quest. 7. Quippe, quod * Pietas neglecta, aut prolapsa, traxit semper secum Rempublicam. rectè Horat.

* Auth. maxima. C. quomodo oporteat Episcopos,

* Lips. in not. polit. lib. 1. c. 3.

* lib. 5. Instit. c. 2,

Di multa neglecti dederunt

*Hesperia mala luctuose. & * Lactant. Ideò mala omnia rebus humanis cottidie ingravescent; quia Deus mundi hujus effector.*

Flor & gubernator derelictus est. Solent Reges & Principes, Coronas suas regias, gemmis & lapidibus preciosis exornare, easque insigni præ cæteris condecorare lapillo; magnique ejus precium facere. Solent aureas catenas, monilia, & id genus ornamentorum de collo, pectore, fronte, auribus & manibus suspendere: quæ tantum corporis sunt ornamenta externa: vulgique oculos talia, ut plurimum, perstringunt, ut non raro propterea apud homines magnificent: Quando magis animum pietate excolere; mentemq; pijs ac sinceris erga DEUM affectibus exornare decet: ut non tantum internè, quod maximum est, ac esse debet, DEO placeant; sed externè quoque coram hominibus, verà pietate ornati luceant. Quandoquidem *Pietas* preciosissima illa est gemma, quæ coram DEI conspectu, si pura est, fulget: * *habetq; promissionem hujus & futuræ vitæ*: quæ homines, gratos DEO amicos; subditis acceptos & venerandos; vicinis populis amabiles reddit. Cumq; ita in Repub: fieri videamus; ut,

* 1. Tim. 4. 8.

Mobilitate mutetur semper cum Principe vulgus;

non tantum in moribus: sed etiam in Religione: & quod subditi omni tempore imitentur opiniones & facta Dominorum, siue bona, siue mala: in id potissimum Princeps incumbat, huc omnes suas cogitationes imprimis dirigat, ut pietate animum exornet, cultuque tam interno, quam externo DEUM veneretur: illam, quantum fieri potest solam colat, foveat, conservet: sic facile subditos quoq; suos ad pietatem, & optimos mores in suo Principatu reducet: libiq; obsequentiores reddet. Habet enim magnam vim vera Pietas, ad refræandos animi & corporis pravy affectus, animosq; hominum inter se vinculo sacro conjugandos. Ut taceam

hic * Numam Pompiliū, qui Roman. pop. sacris obligaverat: sibi verò venerationem a eundem acquisiverat, ex ficto deæ Ægeriæ nocturno congressu. Ut præteream Scipionem Africanum, qui non antè ad negocia publica, vel privata ibat; quàm in cellâ Jovis Capitolini moratus esset: ut Minoem Cretensem regem, ut Lycurgum: aliosq; gentiles. ut * Theodosium Imp. non commemorem, quem aulam suam, veluti Scholam, in quâ ad pietatem

* Val. Max. lib. 1. c. 2.

* Hippol. 2 Collib. in principe lib. 1. c. 6. ex Neceph. lib. 1. c. 3.

tatem, se, suosq; exercuit, instituisse, temporaque distribuisse lectionum, psalmorum, jejuniorum, imò & vigiliarum. Carolus IV, qua pietate erga DEUM fuerit, tot templa ab eo erecta satis testantur: Ut de alijs Christianissimis Imperatoribus & Principibus non dicam: ex tuâ saltem unum, CÆSAR invictissime, augustissimâ familiâ, præter reliquos, qui omnes omnium virtutum laudibus insignes fuerunt & sunt: CAROLUM V commemorabo; qui cùm in puerili ætate pietatis & aliarum virtutum præcepta imbibisset; ac eandem per omne vitæ suæ tempus diligenter coluisset: rerum tandem humanarum & fluxarum satur, fratri suo Ferdinando, divæ memoriæ, Imperij prius tradito onere & honore: monasterium Iusti ingressus, reliquum vitæ tempus assiduus precibus, & pietatis operibus contrivit. qui (quod maximum in tanto Monarchâ, cùm summæ opes, & summa religio rarò socientur) Cæsarum omnium primus, ob religiosæ vitæ institutum, ultro ipsum se Imperio abdicavit. Emblematis autem sensus per se facilis. Nam veluti catena ex auro, vel alio quopiam metallo conflata, ita circulis inter se cohæret, ut finis & principium ubiq; sit; utq; ex anulo uno tota dependet: sic ex Pietate Virtutes omnes proficiuntur. cum quo facit * Lactant. *Tolle hoc vinculum religionis, & vita hominum stultitiâ, scelere, immanitate complebitur.*

* Et Augustin. *Paxillus, nisi benè fixus firmiter alicui fortiori adhareat, omne quod in eo pendet, citò dilabitur, & ipse solutus à rigore suæ firmitatis, cum oneribus ad terram dilabitur. Sic & Princeps, nisi suo conditori pertinaciter adhaerit, & ipse, & omnis, qui ei consentit, citò deperit.* 1. Tim. 6. 6. *Questus est magnus Pietas, cum animo suâ sorte contento.* * Agapet. *Ut ad illustrem hominum memoriam inclarescat, Pietatis in regni administratione, curam in primis habeat.* * Lipsius. *Nulla res magis animos ac mores componit, quàm Religio: & illa, ubi in pectus demissa, Virtutum agmen sequitur.* Plutarch. in Nicia. *Subditi vehementer ad Religionem excitantur, cùm Magistratum suorum pietatem vident: quia magis exemplis, quàm legibus reguntur, & vita principis, ipsis censura est.*

Seneca * ait: *Pietate acquiri veram felicitatem, & successum rerum prosperum.*

E M B L E M A

VVarsev. Turcica 3.

* De ira Dei *
c. 8. t. 8.* De abusio-
num gradib*.


* Aphorif. 15.

* In monitis
ad politica
c. 1.

* Ep. 74.

POLITICA.
EMBLEMA XXIII.
DURANT ÆQUA.

890



Quisquis Justitiae cultor vult æquus haberi:
 Neve aliquâ Legis parte vacillet opus.
 Sontibus imponat condignas crimine pœnas:
 Et factis tribuat præmia justa bonis.
 Non honor aut præcium, non vis, non ulla potestas,
 Justitiæ infringat jura severa sacra.
 Æquali penduntur ubi sic omnia lance;
 Justitiæ & Legi tunc sum adstat honos.

N

Justitiam

Iustitiam & Judicium exercere, est proprium Regum munus: quod ut faciant, sunt à DEO instituti, tùm à populo electi. Hoc cùm sincerè exequuntur, à DEO benedictione cumulantur, & à suis subditis amantur: si secus, odium subditorum in se, Deiq; iram derivant. Nam cùm vita nostra sine rebus, res autem sine personis esse non possint: de utroq; sæpè lites oriuntur, unde ad Judicem provocatio. Cùm autem *nemo in propria causâ Judex esse debet*, l. unica C. ne quis in suâ causâ judic. *nec est singulis concedendum, quod per magistratum publicè possit fieri*. l. non est. ff. de R. J. Judice igitur opus est, qui justè ex ll. præscripto, non ex propriâ conscientia, favore, irâ, aut odio sententiam dicat: qui neq; connivendo sceleribus amicos: neq; severiùs puniendo, inimicos sibi paret. Quæ quidem res judicium, & juris ac legum peritiam, maximè requirit. Ideò DEUS ipse monet omnes Judices:

42. Paralip. 19. *Judicate rectè filij hominum. & * Josaphat inquit ad Judices. Vide-
te quid faciatis, non enim hominis exercetis judicium, sed Domini:
& quodcunq; judicaveritis, in vos redundabit. Sit timor domini
vobiscum, & cum diligentia cuncta facite. Non est enim apud Do-
minum Deum nostrum iniquitatis, nec personarum acceptio, nec
cupido munerum.*

*Hacq; unâ reges olim sunt sine creati,
Dicere jus populis, injustaq; tollere facta.*

Princeps igitur sit Justitiæ amantissimus, quâ solâ proximè ad DEUM accedit; eamque rectè ubiq; & semper exercent, si verus DEI vicarius in terris, ac justus Princeps audire, populiq; amorem, promereri cupit. *Justitia enim & Beneficentia Principis, fidem atq; benevolentiam parit multitudinis: benevolentia fidesq; charitatem, Charitas securitatem, Securitas diuturnitatem Imperij, quarum rerum omnium Comes, Immortalis gloria.* Contra verò, *Injustitia & sevitia gignit metum; Metus Odium; Odium insidias, insidias interitum, quas res perpetua comitatur Infamia.* Cumq; Justitiam administrare, sit pars potissima principalis officij: Ipse judicij adsit; Jus dicat ipse, partes benignè & patienter audiat, sententias ferat: vel si propter molem Negociorum, juridicundo ipse

Reusn. in

Symb: Impp:

ipse non sufficiat: deligat Judices, & constituat viros pios, & inculpatæ vitæ. Inprimis verò, * *Juridicundo sunt præficiendi, qui callidi sunt, ac solertes ingenio, ad hominum technas deprehendendas.* Maximè, qui sunt consulti Juris. * *Li verò plebem optimè regunt, qui pollent eloquentiâ prudentiâq.* Cùm autem in quavis Repub: benè moratâ, sunt illa duo judicia forensia, Civilia scilicet, & Criminalia constituenda; in quibus ex Æquo & Bono, secundum Il. tamen, observato legitimo cognitionis ordine, eoq̃ue præscripto, de privator. controversijs judicetur: tales constituat Judices Princeps, qui memores sui officij & fidei, quâ Principi suo, sive Magistratui jurant: Deoq; supremo Judici possint conscientia moris evitare: udiciorũ rationẽ reddere. Nam, quemadmodũ justos Judices DEUS adjuvat & defendit: ita injustos severè punit. Karolus Magnus semel in hebdomadâ ad causas audiendas sedit, ut ejus Constitutio testatur: fecerunt id omni ævo Imperatores & Reges. * *Draculam Transalpinæ Valachia Ducem, tantæ severitatis & justitiæ fuisse scribitur: ut Turcarũ legatis in præveneratione, pilea Phrygea ex patriæ instituto deponere recusantib⁹, confirmãdi moris gratiâ, tres capiti clavos affixisset, ne ampliùs amoveri possent: innumeros Turcas palis præfixisse, & inter eos lautè cum amicis discubuisse: Turcis scēpè captivis cute pedes exuisse, contusoque sale perfricuisse: mox falsis plantis capras lingentes adhibuisse, quæ linguæ asperitate cruciatum augerent. In Barbarâ tamen regione tantam justitiã exercuisse: ut in mediâ quisque silvâ tutissimus esse posset.* * *Trajanus meritò laudatur, qui præfecto prætorio mandavit, porrecto nudo gladio, Justitiæ signo, Accipe (inquit) gladium; quẽ pro me, si recte imperavero: sin min⁹, contra me distringe.* Sic optimus & laudatissimus Cæsar FERDINANDUS, a. m. nihil in ore scēpiùs habuisse fertur; quàm Justitiã: unde Symboli locus fuit hoc dicto: FIAT JUSTITIA, AUT PEREAT MUNDUS. Sentiens nimirum, Justitiã solâ vitam humanam conservari, quæ gloriæ & famæ omnium Regum ac Principum, quibus Respublica commissa, fundamentum est firmissimum; cujus tanta vis, ut sine eâ, nec hominum univer-

* Danz in
Aphor. Polit.

* Liv. lib. 10.
Dec. 1.

* Bonfia.

* Plin. in Pa-
negyr. Traian.

Reusn. in
Symb. Imp.
Ferdinandi.

sum genus stare, nec rerum natura, nec ipse mundus potest. Hac consideratione Emblemata quidem usitatum, huic operi inferere volui. Libra enim æquitatem, Liber leges, gladius verò executionem ill. denotat. Ita olim divinarum ill. volumen cum gladio, regi designato, apud Ebræos tradi solitum, legitur: ut meminerit; verum Dei cultum & Justitiæ, ad suam curam & propugnationem imprimis pertinere. Huc pertinet Salom. in proverb: *Abominabilis regi est impietas; nam Justitia stabilitur thronus.* Et ibid. *Justitia exaltat gentem, at populum perdit injustitia.* * Seneca. *Æquum jus est, non quo omnes usi sunt, sed quod omnibus latum est.* Idem. *Justum esse gratis oportet, & se in hanc pulcherrimam virtutem ultrò impendere: nullum justæ rei præmium majus est, quàm justum esse.*

* Ep. 108.



EMBLEMA

POLITICA.
EMBLEMA XXIV.
CAVET FUTURIS.

93



Qualis Rex, talis Grex fertur. Lex sed utrumq;
Si malè convenient, sub sua jura vocat.
Rex equidem Leges sancit: non est tamen exlex.
Spontè probus Rex, quod Lex jubet, omne facit.
Lex ipsa est Princeps: est Princeps legis & instar.
Sunt ambo juris Regula justa boni.
Rex sed ubi leges propriâ ratione refigit:
Publicares certum tendit ad interitum.

N 3

In

* 15. lib. Anal.

IN omni Republicâ laudabili, Legum maxima debet esse observatio: quodd hæ sint Anima & vinculum Reipub:, quo membra ejusdem, & status optimus ac felicissimus constringitur, coheret & conservatur. Hæ sunt medicina quædam, hæ pharmacum præsentissimum contra malos mores, ex quibus etiam enatæ sunt. Nam, ut pessimi morbi optimis remedijs inveniendis causa fuere: Ita & Leges latæ, necessitate sic exigente, ex malorum morum exundantiâ sunt exortæ. * Tacitus inquit. *Ufu probatum est, leges egregias & exempla honesta apud bonos, ex delictis aliorum gigni.* Hinc CAROL. CALVUS, Symboli loco usurpavit: JUSTITIAM INIUSTITIA PARIT. Legum verò necessitatē in Rebuspub: vel hæ ratio monstrat: quodd improborum audacia longe latèq; fines suos dilaret & extenderet, ac quidem in infinitum: nisi freno legum inhiheretur. Melius enim semper legum pondere pressa curatur audacia: & dum metus talibus imponitur, peccandi licentia non præbetur. *Sunt itaq; leges custos justitiæ, virtutum altrices, disciplina conservatrices, vitæ præsidium, infirmorum auxilia, potentiorum frena, quibus eorum audacia & libidines, ad gyrum rectæ rationis flectuntur.* Princeps igitur Bonus, leges Reipub: suæ feret salutes: easque semel latas non facillè immutabit, aut abrogabit, aut quoq; abrogatas in usum revocabit; nisi aut summâ urgente necessitate: aut Reipub: utilitate aliquâ sic exigente: neq; multas constituet. Illud enim iudicij non recti, imò inconstantis: hoc Tyranni esset; populum ill. pondere, & iugo servili opprimere volentis. Leges enim, cum sint fundamenta Reipub:, si quis ex ijs fundamentis mutare quidpiam volet, verendū, ne ei idem contingat, quod substructiones & fundamenta altissimarum ædium, mutanti; is nisi cautissimè agat, certa totius ædificij ruina subsequetur. Et quanquam à multis hinc seculis virorum doctorum, DE ABSOLUTA PRINCIPUM POTESTATE, variæ fuerint sententiæ, tam in Scholis, quàm foro agitata: neque inscius sim, de summi Principis iudicio disputare, sacrilegi instar esse, l. 3. C. de crim. sacrileg. cum ex plenitudine potestatis suæ, tum consuetudinem, tum legem abrogare, Heigius part. i. quest.

1. *quest. jur. n. 95.* Et *leges condere possit*, l. ult. in fin. C. de ll. & *quicquid ei placeat, legis vigorem habere* l. 1. ff. de const. princ. Salvo tamen iudicio, & communi Dd. opinione dixerim, eum ll. non esse solutum, etiam quas ipse Reipub: utilitatis causâ ferat vel tulit. De ll. divinis, Naturæ, & Gentium non dico, cùm extra controversiam, saniorum I Ctor. calculo approbetur: eum iisdem teneri. Non dico de Justitiæ & Honestatis ll. quibus & ille solutus non est; cum ratio ipsa dictet, eum, qui justè imperare, & justitiam administrare debeat & teneatur, injustè omninò agere non debere. Qui honesta præcipit & præscribit, ei inhonesta facere non convenire: *Vana enim & elusoria essent leges, nisi, qui eas tulit, hæc exemplo & vitâ suâ firmaret & defenderet.* Sed quoniâ Princeps ipse sit animata lex. *Leges autè indifferenter aut ad pœnâ, ut ad Obedientiâ obligent* l. divus 7. D. de jur. patr. sequetur eum quoque iisdem subijci, quas alijs tulit. *Eum enim qui leges condit, pari majestate legibus obtemperare convenit.* l. Papinianus 8. §. si Imperator 2. de inoff. testam. Absoluta enim eorum potestas, non est est numeris omnibus absoluta: Cùm illa tantùm in DEUM, qui Rex ipse est summus & primus ordine, nec superiorem recognoscit; cadat: terrestres verò Reges Institutione, & sic posteriores. Cæterùm, cùm ll. sint quædam sponso inter Principem & subditos: Sponsiones autem & conventiones vanæ sunt, quæ in voluntatem committuntur alterius partis, cùm sit natura obligationum, ut invitos adstringant. Sequetur igitur, eum quoque legibus teneri, quas populo tulit. *Quod si non cogatur vi: cogetur tamen à pudore: cùm justitia sola non sit, sed & pudor, qui homines regit, & in officio continet.* Unde Salyc: ait. *Quòd honor non est, sed pudor, legibus alligari.* Et revera, majus Imperio est, submittere ll. principatum l. digna vox. C. de ll. Item. *decet tantam Majestatem eas servare leges, quibus ipse solutus esse videtur.* l. ex imperfecto 23. D. de legat. 3. Et Imp. Severus & Antoninus: *Licet, inquit, legibus soluti simus: attamen ll. vivimus.* §. fin. Instit. quib. mod. testam. infirmant. Claudianus eleganter.

In commune jubes si quid, cense sue tenendum,

Primus

Ale. & Duar.
de V.O. Alber.
Gentil. de Vi
Civ. in regem
semper iniu-
stâ.

*Primus iussa subi: tunc observatio aequi
Fit populus, nec ferre vetat, cum viderit ipsum
Autorem parere sibi &c.*

Non nego tamen

Vide Corras:
Miscell. lib. 2.
c. 25. Pruck-
man de regal.
Speckhan
quæst. iur.
Cent. 1. quæst.
27. Bron-
chorst. *evangel.*
cent. 1. assert.
I. Alber. Gent.
de potest. Re-
gia absoluta,
& alios.

* 4. de benef.
12.

Principem ll. quibusdam solutum esse: ne tantæ Majestatis splendor, qui in ipso refulget, Vulgi juri communis, promiscuusq; sit. Ad summam. *In quâ Repub: ex Platonis sententiâ, non lex Principi & Magistratui, sed legi Princeps ac Magistratus præest: ei interitus est paratus. Salus vetò illi, ubi lex servientibus Magistratibus dominatur.* Emblema autem nostrum leviori explicatione indiget, quandoquidè fasces Imperium, & qui huic præest, ex superioris emblematis explicatione denotent. eadem ratio & de libro. cum quo & * Seneca facit. *Legem scimus justis injustiq; regulam esse. Idem. Rectum est sui & obliqui index.* Lex autem recta quædam linea est, curvum ipsum discernens. Leo Imp: in procem. Novell. *Lex est quasi murus magistratibus, adversus vulgi importunitatem, vite nostræ custos & medicus: dum mala ne oriantur, impedit: corrigit & evellit, quæ irreperunt.* Idem constit. 19. *Est oculus Reipub: Ideoq; ut res maximè necessaria animali oculus non titubans: Ita & Reip. legum æquus & rectus status: alibi Lex, Regina omnium divinarum & humanarum rerum; regula justorum & injustorum appellatur.*



EMBLEMA XXV.

USUS BEAT.



Ceu malè Campana sonus exauditur, ubi ipsa
 Fissuram medio corpore rupta gerit.
 Sic proprium amittit Lex sacrosancta vigorem,
 Ejus cùm iustum Vis labefaciat opus.
 Nec juvat innumeras subjectis condere leges,
 Si nemo qui illas sponte sequatur, erit.
 Non vox, sed Ratio: non legis jussa, sed Usus,
 Justitiæ populos cultus in orbe BEAT.

LEges inventum ac munus esse DEI, decretum prudentum hominum, patet ex l. 2. ff. de LL. quæ meritò autoritate muniri, & ab hominibus sanctè coli & observari, imò terrori esse debent, propter authorem, & quam humano generi conferunt utilitatem. Olim, ut humanis mentibus leges firmiùs infingerentur; & plùs dignitatis ac venerationis haberent, Reges & Legum latores eas à Dijs sibi traditas finxerunt: * Sic Numa Ægeriam Deam autorem religionis & ll. finxit. Sic *Minos Cretensum Rex, nono quoq; anno in quoddam præaltum & vetustâ Religione consecratum specus, secedere solebat: & in eo moratus, tanquam à Jove, quo se ortum ferebat, traditas sibi leges prærogabat.* Sic Lycurgus legum à se Lacædemoniorum Civitati latarum, Apollinem autorem esse, ijs pervasit. Atque ut à profanis ad sacras leges veniam. * Moses duas tabulas legis divinæ, in monte Sinai à DEO OPT. MAX. sibi traditas, populo Israëlítico testatur. Utque populo terrorem, ac sui venerationem adderet, inque eorum animis excitaret; visus est Cornua duo in facie habere; quæ tamen non cornua, sed potiùs radios lucentes fuisse, cum doctioribus crediderim: quanquam & Cornu, excellentiæ & autoritatis signum esse, ex sacris apparet 2. Reg. 22. Psal. 112. Imò pro rege ipso in sacris literis id inveniri tradit, * Henr. Salmuth, ex Pierio lib. 41. Hieroglyph. Cumque ex his constet, legibus mentes humanas constringi, & à maleficijs ad honestatis & obedientiæ officia revocari; Principi bono, cui ll. & disciplinæ Politicæ, à DEO & populo, demandata est cura, maximè incumbit; ut possibilitatis, facilitatis, ac æquitatis rationem habeat in ijs ferendis. Ea enim, *quæ impossibilia sunt, lege præcipi nec possunt, nec debent. adeaq; nemo obligatur* l. impossibile ff. de R. I. Proinde * Plutarch. inquit. *Ea quæ jubentur, oportet fieri posse faciliè.* Æquitatem voluit Paul. l. in omnibus 90. ff. de R. I. Et quia parum est leges ferre; nisi ipse, qui eas tulit, easdem defendat, & observet, atque, ut executioni mandentur, seriam curam habeat: Principis quoque

* Val. Max.
lib. 1, c. 3.

* Exod. 31.
vers. 18. Deut.
5. vers. 22.

* In not. ad
Pancizol. de
Fibulâ.

* In vitâ So-
lonis,

quoque boni erit, ut non tantum subditos in officio, secundum leges à se latas contineat: sed sibi, eas non violandi, legem ponat. Fieri enim vix potest, ut alios ad ea exequenda aut observanda cogamus, quæ sancimus; quæ nos ipsimet servare nolumus, aut sancita infringimus. Neque Reipub: felicitas consistit in eo, ut habeat multas & bonas leges: sed ut habeat Principem bonum. quorsum enim lex iusta, si Princeps executor ejusdem sit injustus? August. Cæsar legem de adulterijs tulerat, quomodo criminis rei accusari ac puniri debebant: cumque Juvenis quidam, qui cum filia ejus Juliæ commercium habuisset, ad pœnam ab eo raperetur, atque hic exclamaret: Cæsar legem tulisti, eam servare te oportet, eum postea facti adeo pœnituisse, ut eâ die cœnam sumere recusaret! Et quanquam dolore & delicti gravitate commoveretur ad legem infringendam, ac stupratorem puniendum; maluit tamen abstinere, quàm ll. violator audire. Simile de Zaleuco Locrensi legumlatore legitur. Emblema autem hoc ad ll. maximè pertinet: quas sub Campanæ specie intelligo, cujus usus in primis publicus est. Nam, ut * Pancirollus ait, *actiones publicas* * lib. 1. tit. 10. pert. tit. 9. *intimat.* Ac quemadmodum homines in urbibus & pagis ad Campanæ sonitum convenire solent: & quid impulsa notet, sciunt. Quæ si rumpatur, ejus usus parvus aut nullus omnino erit. Sic etiam ll. nisi integrè & sanctè observentur, nullius momenti erunt. hinc eâ mente Imp. Maximilianum dixisse scribunt: *Ut Campana sine pistillo; sic lex sine executione nihil valet.* Utque sibi Campanæ surdæ sunt & stupidæ, nisi ad sonitum edendum moveantur: Ita & ll. nihil valent, nisi executione condecorentur. Eundem in sensum ferè elegans Epigramma extat.

Æra gravi cunctos veluti Campana sonore,

Ipsa licet penitus sint sibi surda, cident:

Sic et recta docens alios perversa sequute,

Quiq; alijs sapiens, non sapi ipse tibi.

Et quemadmodum res quævis in usu maximè consistit: Sic & ll. .
 auctoritatem tùm demum acquirunt, cùm ad usum rectum re-
 vocantur. Arist. pol. 3. cap. 3. *Legum usus non in eo consistit, ut
 benè illæ in Codice Reipub. scriptæ asserventur muribus etti-
 neis; sed ut his positis, homines pareant: & melius
 est, non esse prorsus leges, quam ll.
 non obtemperare.*



EMBLEMA

POLITICA.
EMBLEMA XXVI.
SECLA REPENDENT.

107



Urbis victura Princeps exordia prima
Hac sibi precipue constituenda putet.
Querat certa hominum que commoda postulet usus :
Quisq; diu prorsus vita carere nequit.
Hinc ea procuret, que talia jure sequentur.
Et quis commodius vivere quisq; potest.
Deniq; firmat am certis ut legibus armet,
Sic structa perpes mole vigebit Opus.

O 2

Interum 1

IN rerum Naturâ, siue Univerſitate hac, nihil eſt, quod principi-
 pium non habuerit, habeatve, incrementa, & finem: quodq;
 perfectum eſſet qualitate ſuâ, aut perpetuum. Utq; omnia à
 primâ illâ cauſâ & ſupremâ, primog; motore D E O O P T. M A X.
 dependent: ita ejus voluntate, & abſoluto arbitrio reguntur, di-
 riguntur, ſtantq; caduntq;. Sunt tamen quædam, quæ humanâ
 indiſtriâ effinguntur, diligentiâ conſervantur, & prudentiâ gu-
 bernantur: quæ tantum abeſt, ut ſtabilientur ſolidè, aut durabi-
 lia reddantur, ut etiam D E O ſic diſponente corruant, aut immu-
 tentur. Id quod in Imperijs, & Rebus publicis luce meridianâ cla-
 riùs apparet. Primam Monarchiam Nimrodus conſtituit (ab
 eoq; reliquarum initia facta) videtur Chaldeorum & Aſſyriorum
 Tyrannide, quæ poſtea ad Perſas, à Perſis ad Macedones fuit
 translata. Uſq; adeo verum eſſe ex hiſtorijs apparet. Fatales eſſe
 Periodos Imperiorum, quæ quidè, eſſi certo quodam temporis
 ſpacio includantur, ut ex multis Rebus pub: mutatis, everſis, con-
 verſis facilè colligitur: periodos tamen iſtas non per æquè ubique
 durare certum eſt. Licet autem humanâ indiſtriâ, & Prudentiâ,
 optimisq; Conſilijs ſtabilientur Reſpublicæ & conſerventur:
 attamen, quin eas D E U S propter peccata imperantium, aut ſub-
 ditorum, pro ſuâ liberrimâ voluntate deſtruat, & uti ei placet, cum
 ijs diſponat: nemo negaverit. Et veluti quis ædificium egregium
 exſtruſturus, tantò majorem diligentiam & Prudentiam adhibet,
 ut omnia ex arte diſponat, diſpoſita firmet: & ſervatâ proportio-
 ne totius ædificij, res quoque in eo minores, non tantum ad uſum,
 ſed & ſplendorem collocet; quantò ædificium ipſum ſplendidius,
 laudabilius & durabilius exiſtere cupit: Ita quoque, meo judicio,
 Principi, qui novam Urbem & Rempub: conſtituere, ſtatumq;
 ejus tum florentem, tum diuturnum conſervare ſatagit, in id in-
 cumbendum eſt maximè; ut ea primum parentur, ſine quibus
 nullo modo vivi poſſit. Deinde quærantur ea, quibus commodius
 vivitur. Tandem ea conſtituantur, quibus tranquillè & pacatè
 quisque vivat. Illa ſunt obiter ut recenſeam. Viſtus, Habita-
 tio, Arma

tio, Arma & Judicia: hæc sunt nascentis Reipub: summè necessaria primordia. Sunt alia, quæ concausæ appellari possunt Rerumpub: constituendarum. Plato quidem in universum Novem genera ponit rerum, primigeniæ illi civili hominum societati subservientia, videlicet *Instrumenta, vasa, vehicula, munimenta, oblectamenta, nutrimenta, Artem monetariam, servitia publica, & sacerdotes*. Hæ partim Necessitati, partim Civitatis ornamento serviunt. * Aristoteles verò ad sex genera rerum Reipub: necessariarum totum restringit. videlicet ad *Vitium*, qui sufficiat civitati: *Artificia*, quæ vestimenta civibus & peregrinis parent: *Instrumenta*, quibus Respub: utatur domi. *Arma*, quibus se contra hostium vim foris defendere, domi verò seditiosos coercere possit. *Cura divini numinis*, ut Cives in pietate exerceantur. *Judicia publica*; ut lites civium componantur. Quæ verò sint ornamento Reipub: plurima alibi recensentur, nec hoc loco omnia perscribere placet. Id tantum addo. Rempublicam florentem conservat generaliter, * Verus DEI cultus. Concordia privata, sive pax domestica. Pax publica, & quam cum exteris colit Princeps. Principis Prudentia & Clementia. Eius boni Consilarij. Fides publica servata. Vestigalia. Fœdera & pacta conventa cum vicinis & extraneis populis. Gens genti opposita, &c: Sunt & specialia, quæ Rempub: conservant, de quibus scriptores politici consulantur. Ac quoniam Respublica Principum sit Objectum, in quo actiones suas & Prudentiam exercent: tantò populo acceptiores erunt, & à posteritate laude dignâ celebrabuntur, quantò in constituendâ Republ: majorem curam; in constitutâ, diligentiam; in gubernandâ, & pacis ac belli tempore conservandâ Prudentiam adhibuerunt. Cumque Principi, (ut & omnibus hominibus) diù vivere denegetur: relinquat post se Rempub: benè constitutam, quæ eum posteritati Vixisse testetur. Emblematis vero hujus sensus obvius est. Igne enim & aquâ, æquè ægrè carere possumus, ut aëre quem trahimus: ut & tecto, quo nos, nostraque, adversus cœli injuriam defendimus. Hinc olim novæ nuptæ in domum mariti ignem inferre solebant, tanquam

lib. 7. Polit.
c. 2.

* Danz in
aphor. Politic.

* * Fran. Barba-
zum de re
uxoriâ lib. 1.
c. 8. Ioan.
Rosinum &
Thom. Demp-
sterum à Mu-
resk antiqui-
tatum Roma-
nar. lib. 5.

* lib. 3. de
Regis institutis,

tanquam summè necessariam rem ad usus humanos, de quibus vide * alios. Et nostrâ hac ætate videmus aliquot in Imperio Rom. recens extructas urbes; & adhuc extrui; quæ non minùs splendida, quàm legibus optimis instructæ florent; & quod Deus faxit, diù florent: neque obscurum est aut ignotum, quomodo creverint, & ad amplitudinem suam pervenerint, ac incolæ à parvis initijs, ad majora & laudabilia incrementa rerum ac opum consurrexerint. Huc quadrat Cic. lib. 2. Off. *Omnes qui Rempub: gubernant, consulere debent, ut earum rerum copia sit, quæ sunt necessaria.* * Olor. *Officium regis in eo positum est, ut Rempub: opibus locupletet, præidiis firmet, moribus ornet, dignitate illustret; atq; ut uno verbo dicam, beatam efficiat.*



EMBLEMA

POLITICA.
EMBLEMA XXVII.
NON SIBI.

105



Non minor est virtus, alios audire monentes
Optima; iudicio quàm benè stare suo.
In regno occurrant dubij cùm sæpius actus;
Rex horum eventum cernere vix poterit.
Consulat ergò alios discernens: eligat ipse
Sed fugienda sibi: quæq; sequenda sibi.
In gravibus causis proprio ius dicere sensu;
Erroris semper proxima causa fuit.

”

”

P

Sapientif

* Cic. pro
Cluent.

* **S**apientissimū esse eum dixit Romanus ille Orator, cui quod opus sit, ipsi veniat in mentem: proximè accedere illum, qui alterius benè inventis obtemperet. Sed qui neq; ipse consulere, neq; alteri rectè monenti parere scit, eum pessimi esse ingenij. Prius illud, quanquā cuivis honestū: Principi tamen summè Necessarium videtur, ut Reip: benè præesse, ac quoties opus. (opus autem semper,) Consilio & auxilio suo ipse succurrere & opitulari queat: attamen rarè ea ingenij felicitas, & exquisita prudentia in Principe (quod bonâ pace ipso, & verecundè dixerim) cadit, ut soli tantæ molis Onus, & gravissima, sæpè periculosissima negotia Imperij sustinere; aut quæ nocerent, prævidere, consilioq; proprio avertere possent; tū, quòd Prudentia usu, eoq; ex varijs rebus vario, civilium & militarium rerum tractatione, ac variæ fortunæ casibus acquiratur: tū, quòd unus non omnia videat, multa autem multi: Illam verò, vel per ætatem juvenilem acquirere non possunt; vel, quòd *Institutione aut Naturâ* (ut * Lipsius ait) *eis hæc fors est negata*. Et licet illud verum sit: *Odi sapientem qui sibi non sapit*: privatisq; potius, quàm publicis personis serviat: aliam tamen rationem domus, quàm Civitatis; aliam Civitatis, quàm totius Imperij: aliam patrisfamilias statum; alium quoq; Patris patriæ, aliam Consulis; aliam item Regis conditionem esse affirmarim: cū tamen paterfamilias, aut alius quispiam, si ei alicujus momenti negotia tractanda, suo tantū non stet iudicio: sed aliorum Consilium & opem sæpè requirat. Atq; idè quoq; in judicijs & tribunalibus, Judici assessores & collegas adjungi videmus: ne, si graviora negotia, vel lites de magnis & arduis rebus sint decernendæ; ex suâ sententiâ id tantū faciat; quod parti alterutri in juris, aut honoris præjudicium judicatum esse censeatur. Quod si verò id in privatis rebus, ut plurimū fiat; quarum ex imprudentiâ, error & jactura, parvo sæpè commodo corrigi, aut redimi potest: quid sibi Princeps Bonus & prudens, in tractandis Reipub: negotijs difficillimis, faciundum putabit? cui nimirum multi populi, eorumq; tot tantæq; curæ, regniq; negotia commissa sunt? cujus talis conditio est, ut quæcūque benè aut
secus

* Polit, lib. 3.
c. 2.

fecus facta sint, aut fuerint; ad Rempub: pertineant: & cujus error ipsum, regnumque totum pessundat, & ingenti damno involvit! Quemadmodum igitur, in extruendo ædificio, sola Architecti scientia non sufficit; sed aliorum operariorum quoque adjumento opus est, ut melius & citius perfici possit: Sic & in Repub: non satis est, ut Princeps ipse rebus agendis, & negotijs par sit: sed sibi Amicos adjungat oportet; id est, Viros prudentes, vitâ & moribus probatos: & famâ celebres: quorum consilij & operâ, pace & bello feliciter uti possit. Nam si administrationem rerum suarum & publicarum, solis administris commiserit: verendum est, ne omnia regni præsidia dilabantur: Si verò ipsemet omnia absq; aliorum adminiculo peragere velit: laborem immensum sine fructu subibit: nullumq; tempus molestijs, curis, adde & periculis vacuum habebit. Neq; laudandi sunt, qui omnia ex suo judicio tantum metiuntur. Nihil autē rectè vel benè factū putant, nisi quod ipsi fecerint. Neq; ij probandi sunt, qui licet benè consulentium sententias patienter audiverunt; id tamen solum justum & bonum censent, quod Affectus potius, quàm ratio recta, & prudentium suffragia concludunt. Quanquam non negem Prudentis & Sapientis esse, aliorum sententias & voces audire, atq; inde, quod optimū, utile & honestū, necnō factū facile, exequi. Et, si præterita tempora, cum præsentibus conferamus; Principumq; statum, qui eâ tempestate vixerunt, consideremus; rarò ex unius voto res in Repub: feliciter; semper autem communicatis consilij optimè cessisse animadvertemus. Ea propter Augustus Mæcenatem & Agrippam. M. Antonius, Scævola, Mutianum & Volusianum. Severus Papinianum semper apud se habuisse legitur. Alij alios in consilium adhibuerunt. *Sapientie argumentum*, inquit Tacitus, *in Principe nullum majus est, quàm sapientum virorum consilio uti.* Emblemate igitur hoc docere volui, Principum libertatem, (quam pileo designo,) in rebus præsertim maximi momenti, & quæ totius Reipubl: summam concernunt, non ad affectum, & privatam cupiditatem esse laxandam: & quid sibi bonum esse tantum videatur, statuendum: multò minus libertatem eandem in rebus ad commune bonum pertinentibus,

tibus, viēse debere armatam: Turpe enim Principi bono & Reipub: salutari, si dicat:

Si volo, sic jubeo, sit pro ratione voluntas.

Quin potiùs, sic Libertate, rectâ cum ratione congruente, uti debet; ut interea fidorum & prudentum Consiliariorum suffragia non excludat. Nam

* Reusli.

* *Consilio quicunq, suo sapit, hanc sapit ille:*

Consilio alterius qui sapit, ille sapit.

Hinc &

M. Aurelius Antoninus Philosophus Symbolo loco usurpavit.

* lib. 44.

CONSULENDUM ET PARENDUM CONSILIO. Et in hanc sententiam rectè * Livius. *Si quis de suâ unius sententiâ omnia geret, superbum hunc judicabo magis, quàm sapientem.* Sirac. *Pro viribus tuis conjecturam fac de altero, & cum sapientibus ini consilia, cum intelligentibus esto confabulatio tua, & tota narratio de lege Altissimi.* * Tacitus. *Nem vim principatus resolves, cuncta ad senatum revocando. Sit solus arbiter rerum jure ac nomine regio: Consilia tamen spernere non debet: licet alioquin, teste eodem Tacito, ea sit imperandi ratio, ut non aliter constet, quàm si uni reddatur.* Et ut idem ait: *periculosum sit privati hominis nomen, supra Principis attolli.* * Casman. *Miser est Magistratus, qui non Judicij proprij lance librat consilia data, & dictas sententias, Videt oculis, at non suis: audit auribus, at alienis: utitur quidem judicio*

* Casman. vi-
tae Politicæ
c. 17.

* Vita Poli-
ticæ c. 23.

*& ratione, at aliorum: servum pecus potiùs,
quàm gubernatorem dixeris.*



EMBLEMA

EMBLEMA XXVIII.

SINE HOC FRUSTRA.



Ardua Consilij si quis momenta requirat,
 In Duce sint fortium potiora manu?
 Si conjuncta adsunt meritis laudantur; Et illud
 Principis eximij: militis hoc opus est.
 Cui non est robur, vel firma in corpore vires:
 Consilio victor sæpius esse solet.
 Hoc SINE Dux belli FRUSTRA tentare quid ausis:
 Vis vana est, quam non Mens Ratioq; regit.

P 3

Rempubli~~ca~~

REmpublicam Romanorum CONSILIO & ARMIS cre-
 visse, nemo est adeò peregrinus in lectione historiarum,
 qui nesciat. Consilio tamen & Prudentiâ semper potio-
 rem extitisse: bella & actiones suas feliciter perfecisse, extra con-
 troversiam quoque est. Quam quidem Prudentiam, non solum
 factis: sed varijs etiam tabulis & picturis, ut perpetua & firma po-
 steritati ejus extaret certitudo, exprimere conati sunt. Inde Mer-
 curij & Martis in unum corpus conflatum simulachrum; Duæ aræ
 conjunctæ; Duo conjuncta delubra; nihil aliud significarunt,
 quàm Mercurium, id est CONSILIUM ac INGENIUM, ita Mar-
 ti ac bellico studio necessarium esse: ut unum ab altero citra di-
 spendium alterius avelli non possit. Sic Poëtæ Palladem ex Jovis
 cerebro natam, hastâ, clypeo, gladio cinctam finxerunt, quo tem-
 pore pluit auro in Rhodiorum insulâ: quâ fabulâ id docere volu-
 erunt, omnium bellorum, armorumq; felicitatem, ac prosperum
 successum à Consilio atq; Prudentiâ proficisci & manare: atque
 idè Consilium anteres Bello & Pace suscipiendas imbibendum
 & perpendendum, ut inde nascatur Sapiëntia, quam sequitur FE-
 LICITAS, & defensio tutissima rerum singularum, tùm TRAN-
 QULLITAS, quam Sapiëntia tuetur in rebus humanis: quando-
 quidem Sapiëntem nemo fallere, aut imparatum unquam inve-
 nire possit: nec eidem quicquam accidere queat, quod non acci-
 disse, aut accidere potuisse vel posse putet. Quàm verò necessa-
 rium sit Consilium, in rebus tantum privatim, quàm publicè institu-
 endis & exequendis, ipsâ experiëntiâ, rerum & vitæ magistrâ coti-
 diè docemur. An non earum rerum omnium, quæ domi, quæ
 foris, quæ in Curiâ, in judicijs, in contractibus; ac vitæ civilis
 societate & commercio versantur & agitantur; omne robur &
 nervus, omnis ratio & salus, IN prudente CONSILIO, tanquam
 in firmissimo præsidio consistit? Videmus sanè, quæ temerario
 ausu & celeritate, non deliberato priùs animo, aut rerum momen-
 tis ponderatis suscipiuntur, quanta damna, turbas & exitia parere
 soleant. Sed tantò felicior Respublica illa, tantòq; beatior æsti-
 manda, quantò Prudentiorem, Ingenio ac Consilio præstantio-

Natalis Co-
 mes Mythol.
 lib. 2. c. 1.

rem habuerit Principem. Id vel in eo, qui in Navi clavum tenet videre est: qui, quantumvis loco non moveatur, nec remiget, nec vela seu rudentes curet, nec alia quævis nautica officia obeat: plùs tamen ad navis conservationem in tempestate confert, quàm cœteri: Ita in Republ: Princeps, qui ex Consilio & Prudentiâ omnia facit, multò plura & feliciora, etiam sedendo & quasi quiescendo efficit, in conservandâ & defendendâ Repub:, quàm foris militum turmæ, & cohortes armatæ. Exemplo esse potest (pace aliarum Rerumpub: magnarum dixerim) Respublica VENETORUM florentissima, quæ prudenti suo consilio bella avertere novit: Aut, si suscipienda aliquando fuerunt, habitâ priùs consiliorum ratione, non infelicitè pugnavit. Pacis verò tempore omnia Consilio maturo sic moderatur; ut Respubl: aliæ meritò exempla felicitis gubernationis inde petere possint. Cumq; in militaribus negotijs ita sit comparatum: ut bis peccare non liceat, quoniam regressus ad corrigendum vel emendandum, sine insigni damno non datur: semperq; periculum & strages, Errori in bello advigilet: quis non videt, plùs in Consilijs, quæ rectâ ratione, non celeritate nec temeritate suscipiuntur; quàm in armis momenti & potentiz esse? Illa enim, quomodo Bella, & quibus ex causis suscipienda, gerenda & finienda sint, ostendunt: Hæc verò, quæ illa jubent, tantùm exequuntur. Atque ut animæ actiones, corporis nobiliores ac præstantiores sunt & habentur: Ita Consilia, quæ animi recti sunt, & inde profisciscuntur, armis potiora censentur. Si Minutius ille Romani exercitus ductor, Fabij Maximi consilium sequutus fuisset, nunquam tantam cladem Respub: Rom: accepisset. Cùm Livius: contrâ Quirites; Sabinos, Fidenatos, Vejentes, Albanos, Volscos, Clusinos, & alios, consilio magis, quàm armis mœnibus suis pepulerint. Jul. Cæsar fatetur Barbaros armis fuisse plurimos: consilio Romanos vicisse. Carthaginenses Duces suos, etiamsi fortunæ benignitate res suas administrassent, cruci affigi solebant, nisi præmissâ diligenti consultatione, negocia sua perfecissent: adedò *Nihil sine Consilio in bellis geri oportere* censabant. Huc pertinet "

Sap. 6. *St deletamini sedibus & sceptris, ô Reges populi, diligite Sapientiam,*

Sapientiam, ut in perpetuum regnetis. LUDOVICUS III Imp. Symboliloco usurpavit. MULTORUM MANUS, PAUCORUM CONSILIUM. Nam ut ille ait

— *non solis viribus equum*

Credere, sæpè acri potior Prudentia dextrâ.

Hæc duotamen conjungi oportet, (quoniam Consilio solo ab inimicis bellum non conficitur : & Armis, sine consilio malè pugnatur,) ne aut virtus desit Militi; aut Consilio Prudentia. Hinc Emblematis ratio patet. Serpens enim gladio & sceptro circumvolutus, Prudentiam & Consilium in rebus quibusvis agendis notat. SINE HOC enim FRUSTRÂ, quicquid suscipias perficiendum, aggredieris : Prudentia quoniam præsentia ordinat, futura providet, præterita recordatur. Consilium, circumstantiis rerum consideratis, quod è re sit faciendum monstrat. Rectè * Cic. *Non viribus, aut velocitatibus, aut celeritate corporum, res magnæ geruntur : sed consilio & auctoritate.* Et * Salustius. *Atq; ego multa legendo, atq; audiendo ita comperi: Omnia regna, civitates, rationes, eiusq; prosperum Imperium habuisse, dum apud eos vera Consilia valuerunt : ubi gratia timor, voluptas ea corrumperet, statim imminuta opes, deinde ademptum Imperium; postremo servibus imposita est.*


* in Cat. maiore.
* in Orat. ad Cæf.



EMBLEMA

EMBLEMA. XXIX.

TRAHORVOLENSQUE SI QUOR.



Subposito tereti ligno vestigiatur truncus
 Ducentis, sequitur sponteq; vig, viri.
 Consilio prudens solet haut obnitier a quo.
 Quin magis illius ponderare ceta sequi.
 Principibus semper nec commendabile cense,
 Arbitrio alterius fingere cuncta velint.
 Solis summa rei sic decernatur agende;
 Svadeat alter: at hi quæ facienda, sciant.

Q

Pyrrhus,

PYRRHUS, magnus ille Epirotarum Rex, Cyneam Philosophum & excellentem Oratorem, non solum magni fecit propter eruditionem, & alias virtutes: sed eum quoq; sibi familiaritate aded divinxerat propter Eloquentiam, ut aliquando diceret: Se Dijs immortalibus gratias agere, Primò; quòd se Regem, non subditum creavissent: quòd munus à DEO homini majus vix dari, aut concedi possit: quòd; libertatem haberet multis populis imperandi; se autem nulli ad obediendum obligatum esse. Secundò: quòd sibi COR & Pectus generosum indidissent, quod neq; fortunæ adversæ casibus; neq; ullis molestijs ad ægritudinem animi moveretur. Nam hominem, qui qualibet etiam minimâ molestiâ offenditur, aut turbatur, (quandoquidem ad mala potius in hoc mundo perferenda est natus) præstare ait, statim mori; quàm adversus torqueri. Deniq; quòd sibi Cyneam in Republicâ gubernandâ: & in bello negotijs gravissimis expediendis, socium & Collegam concessissent: Quandoquidem lingua ejus sylvæ, & Eloquentia disertæ, urbes multas expugnasset, quas Armis sibi subjugare non potuisset. **TRAIANUS** Imp: Philosophos, qui tùm temporis Romam confluebant, maximo in precio habuit, ac honoribus affecit; imò è longinquis regionibus magno stipendio conductos evocavit: tantiq; fecit, ut **DIONEM** in curru triumphali secum veheret. Nec immeritò id fecit. Cùm enim duplex ratio temporis sit consideranda: alia Pacis; alia Belli. Principi quoq; aliâ Prudentiâ in bello gerendo; aliâ in tranquillo Reipubl: statu opus est. In hoste vincendo, & bello feliciter ac laudabiliter conficiendo, Imperatore & Ducibus strenuis ac fortibus, nec non peritis utendum. In pacatâ verò Reipubl: doctis & prudentibus viris, negocia utiliter expediunda, rectè committuntur. Hoc duplici hominum genere, nullus Princeps, nulla Respublica carere potest. Cumq; duo in Principe considerantur: **DIGNITAS** & **AUTHORITAS OFFICII**; & **NATURA IPSIUS**: Fieri potest, ut sit bonus per se; & malus respectu Imperij, & contrà. Quòd si privatus quispiam sit malus, sibi tantum nocet: At Princeps malus, & sibi & alijs nocet. * Atque ut homo, cùm venenum ejus totum

totum corpus occupavit, vitæ periculum vix effugit: Adeundem modum, cum Princeps in Republ: ex plenitudine suæ potestatis sibi omnia licere putat: non solum sibi ipsi nocet: sed vitæ suæ peruersâ, Reipub: idem malum infundit, eamq; pessundat. Quod si verò medicos excellentes & peritos, ad depellendos morbos summâ diligentia conquirimus: cur & Principes, viros prudentes sibi non adjungant, qui morbos Reipubl: curare & sanare possent? Atq; ut olim * leges medicis illis pœnam statuebant, qui ex imperitiâ ægrotos internecioni darent, vel saltem ex negligentia desererent. Sic & Principes olim Infamia, quæ satis pœnarum loco est, manebat, quod malè rem administrassent. Quamquam autem hodiè Principes bonos, Reiq; publicæ commodorum amantes ac studiosos, DE I gratiâ videamus, qui in aulis suis, in Curijs, in Judicijs, ac officijs Viros & genere & virtutibus præstantes, literarum & Armorum scientiâ celebres, magnâ cum suâ laude, Reipub: bono & utilitate alant, & sustentent: atq; nihil sine Consilio eorum suscipiant tractandum, aut definiendum: (quod maximum bonæ mentis in Principe censetur argumentum:) attamen nec ij omninò has partes suppleant; qui vel negotiorum pondere fracti: vel aliâ quapiam vitæ quietioris ex causâ, Unum tantum Reipubl: summam, & negocia expediunda, pro arbitratu ejus, committunt: ab ejusq; voluntate & consilio toti dependent, quasi ipsi ex sese nihil promere possint, quod ex usu & commodo sit Reipublicæ, quod sanè cum faciant. ut non est semper tutum: ita Principe prudente indignum! * *Tanta enim est insolentia animi hominis, ut si quid ex sua sententiâ & voto sibi succedere sentiat: spiritus mox altos concipiat; plusq; sibi licere interdum autumat, quam fas est.* Adde, quod alijs hac ratione Spes emergendi præcidatur; & studium, animum ad egregia facta excitandi, infringatur. Metuendum tandem, ne talis insolescens, Principem despiciat, eumq; periculis intricet ac involvat: cum scit eum à suâ voluntate pendere. Id sanè utile & laudabile: ut Princeps in Consilijs, postquam aliorum sententias & suffragia cognovit, si ipse statim suâ promerere non possit: ad tempus aliud vel breve differat ac rejiciat: suamq;

Institutione
del Principe
Christiano.

* Vide Speck-
kan, quæst.
Iur. cent. I.
quæst. 24.

* Dion.

sententiam intimo suo Consiliario, quid tandem faciundum existimet, aperiat: ne unius voto adhærens, reliquorumq; voces contemnens, & sibi odium, & Reip: detrimentum accersat. Olim Galbæ objectum fuit, quoddam ab unius voluntate penderet. * Sveton. *Regebatur (Galba) trium arbitrio, quos unâ intra Palatium habitantes, nec unquam non adherentes, Padagogos vulgò vocabant: cum quo congruit illud.*

*Hanc commendabile, si Princeps ab uno
Ducitur, ut nervis alienis mobile lignum.*

Emblema autem hoc, Principem bonum & prudentem denotat, qui Rempub: suo consilio, sanisq; rationibus, nolentem trahit, ejusq; partes rectis consilij momentis, quæ per subjecta trunco ligna intelligo, quod vult ducit. Fit enim, ut mens nostra primâ fronte bonis sæpè consilijs non acquiescat: sed tandem rationibus edocta, ultrò eadem amplectatur. Per truncum autem Rempubl: innuo: quæ sanè immobilis censetur, nisi! prudenti consilio Principis ac Procerum regatur. Huc facit, quod Onosander scribit in suo Strategico c. 3. circa finem: *Necessarium est aut eum, qui cæterorum omnium consiliis fidem semper habet, suis nunquam, multa sæpè inutiliter peragere: aut neminem unum, præter se, audit; sæpenumero multa quoq; peccare.*



POLITICA.
EMBLEMA. XXX.
JURE LÆDITUR.

117



Nec Solis lumen visu est penetrabile: regnū
Nec secreta, Ducum cuilibet acta patent.
Jaſturam, veluti meritò fert luminis; orbem
In Phœbeum oculos figere qui ſatagit.
Sic abſtruſa volens ſcrutari conſilia, ipſâ
Quæ tractant populi ex utilitate Duces:
Jure ſubit vitæ discrimina. Res ſacra namq;
Conſilium. nemo hoc quare, ſciensq; tege.

Q 3

Apud

A Pud Locrenses legem latam fuisse scribitur: ut Civis pœnam subiret, qui interrogasset in foro, Quid novi? Hujus quidem legis ratio non injusta conijci potest: scilicet, quodd Curiosorum ea sit natura & consuetudo, ut proprias res domine negligentes, aliena curent: ac de aliorum negocijs magis solliciti, quàm suis, majora sæpè moveant & inutilia, quàm opus est. Qui enim curiosus, idem & injustus est: Ut igitur quisq; rei tantum suæ, domi intentus esset; animumq; ab alienis ad propria revocaret, hac lege Locrenses cives suos in officio retinere voluerunt. Videmus autem plurimos ingenij esse inquieti aded, ut quamvis possent; ab alienis tamen factis inquirendis, & quid quisq; vel domi, vel foris agat, aut moliatur, abstinere nolint: & sic metas officij ac vocationis suo maximo cum periculo, imò vitæ discrimine, sæpè egrediuntur. Quod cum per se turpe, & civem bonum non deceat, nec non tristes pariat eventus: tum viro in Republ: versante, aut versaturo omninò indignum. De Phaëthonte * Ovid. fabulatur: eum ardore juvenili, & curiosâ cupiditate currus paterni gubernationem appetivisse: qui paterni moniti immemor, cum ultra metas longiùs esset progressus, magnis excidit ausis, & totam rerum naturam flammis involvit. Quid aliud Poëta significare voluit, quàm πολυπερυσμός, & arrogantix pœnas eos plerumq; dare solere, qui extra & ultra vocationem suam, & officij limites, majora viribus suis aggredi tentant. Quod si verò privatis aliorum rebus & negotijs nos non ingerere, sed in proprijs assidui ac industrij esse debeamus: Multò minùs Consilia & arcana Principum, quæ ipsi suo in sinu tecta, & quasi sepulta occultant ac foveant, indagare debemus: quæ neq; sine summo nostræ existimationis dispendio inquire: neq; sine maximo periculo evulgari possunt. Suo fato * vir quidam doctus docuit, πολυπερυσμών esse fugiendam, hoc disticho, ante supplicium prolato.

D. sœc meo exemplo mandato munere fungi:

Et fuge cen pestem τὴν πολυπερυσμών.

Animi hominum ignes sunt, inquit Seneca; idè sursum tendunt, nec unquam quiescere possunt. Hinc fit, ut multi naturâ suâ ambiciofi,

* lib. 2. Metamorph. & Lucian. in dialog. Decorum,

* Ioh. Funcius Regiomonti a. 1566. capite plexus,

tiosi, regnandi cupidi, & ardua semper appetentes. Cavendum autem est talibus: ne, dum fiduciâ vel Sapientiâ, vel potentia, magna tentare conantur, in ipso exordio & limine impingant, ac magnitudine ejusdem rei opprimantur. Neq; enim Solis medium orbem intueri, citra oculorum læsionem; neq; ignem nudis manibus attingere sine dolore licet. Et * quemadmodum ij, qui aconiti Naturam gustando scrutari volunt, prius mortem oppetunt, quàm sentiant saporem; Ita qui Principum arcana curiosè indagant; aut rimantur, sæpè prius vitæ jacturam faciunt, quàm id, quod quærebant, scrutando adsequi, aut cognoscere possint. Hæc enim est Principum natura; ut quæ ad splendorem sui, aut Imperij instituant, omnibus patere patiantur: quæ verò soli secum circumferunt occlusum; id nulli cognitum esse velint. Atq; ut præsentem domino & invito, nemo thesaurum absconditum impunè eruerit: Ita secretum Principis nemo unquam sine periculo suo, & gravi Principis offensione scrutatus fuerit: quæ antequam ad effectum perducantur, evulgata nolunt. Cæcilij Metelli vox celebris, juxta ac laudabilis, qui dixit: *Si scirem hanc vestem consilij mei consciam esse, protinus eam exuere, & in ignem conjicere vellem.* Rectè * ille: *Consilia Principum, dum occulta sunt, cuniculorum more, maximos producant effectus, quæ detecta, vim omnem amittunt.* Et * Tacitus. *Abditos Principum sensus, & si quid occultius parant, exquirere illicitum, anceps, nec ideo adsequare.* Nemo igitur, præsertim ij, qui gratiâ Principum gloriantur, ne dum ab hoc bono remoti, Sacellum Consilij arcani accedat, nisi vocetur. vocatus si fuerit, frena linguæ ponere meminerit: illudq; cogitet apud se sedulò, quod * Horat. canit.

Arcanum neq; tu scrutaberis ullius unquam:

Commissumq; teges, & vino tortus & irâ.

Perfæ laudem merentur, apud quos olim nemo consiliorum participes erat, præter Optimates, taciturnos & fidos, apud quos etiam *Silentij Numen* colebatur. Imò veteri eorum disciplina, arcana Regum vitæ periculo custodiri sanxerunt. Apud Romanos consiliorum renunciatores, aut vivi exurebantur, aut furcâ suspendebantur.

* Lencius in
obs. polit. obs.
156. ex Plu-
tarch. de Cu-
riosità.

* Zecchius de
Principe.

* lib. 6.

* 1. Epist. 18.


debantur. l. si quis, ff. de pænis. Emblematis autem sensus is est.
 Ut vir audacter potiùs, quàm tutò solem intuens, radijs ejus oculorum dolorem, & visus privationem sibi accersit: non solùm enim radij pupillam lædunt: sed si intentiùs, quod naturà non datur, eosdem sustinere quis vellet: penitùs acie oculorum privaretur: Ad eundem quoque modum, in indagandis scrupulosiùs Principum arcanis ijs accidere solet, qui antequam ea penitùs cognoscant, priùs bonorum jacturam, imò vitæ subeat. atque ut
 , ille **JURE LÆDITUR**, quòd quæ ei natura perferre negavit, tentare ausit: sic & hi pœnas sæpè incurrunt
meritas, qui abscondita Principum sensa expiscari, aut eorum consilia
 perscrutari satagunt.



EMBLE.

EMBLEMA. XXXI.

TALIBUS AUSPICIIS.



Dux prudens, Miles, numata potentia, fortes
 Evertunt arces, mœnia celsa, viros.
 Prasertim plenis ubi fraude pecunia saccis
 Assentat vires exernisse suas.
 Ipse sequax hostis manibus post terga revinctis,
 Subjicit insueto colla superba iugo.
 Quæq; nequit ferro Mavors superare cruento:
 Cuncta sub Imperium hæc absq; cruore rapit.

R

In Con-

IN Consilijs, quæ de rebus gravissimis instituuntur, præsertim, in quibus Reipub: commodum vel periculum versatur, duo consideranda sunt. Executio Consilij, & modus ejusdem exequendi. Parum enim est, ut Princeps bona Consilia percipiat: nisi quoq; instrumeta habeat idonea, & ad exequendū sufficientia: nec sufficit instrumenta comparasse, nisi ijs rectè, & ex utilitate opportunè uti sciat. Quod cum in rebus omnibus pacis tempore observandum; tum in Bello apprimè: Nam cum bella sive ea iusta, sive iniusta fuerint, multa requirant & desiderent: quandoquidem non solum prudenter suscipi; sed etiam continuari feliciter, ac finiri fortiter debeant: tum Principi in eam curam incumbendum est maximè, ut maturo consilio, de Bello gerendo, suscepto: tum sine, propter quem illud suscipiat, benè considerato, Instrumenta & adjuncta sibi maturè comparet: ne, cum maximè ijs opus habeat, in ipso limine victoriæ speratæ, & gloriæ ex eâ acquirendæ, summo cum dedecore & periculo destituatur. Sunt autem illa præcipua, **PECUNIA & VIREs**. Illa ad eò necessaria est, ut quemadmodum corpus sine nervis coherere, & Homo, sine anima & sanguine, in quo, attestante scripturâ, anima est, vivere non potest: Sic sine illâ, vita hominum, societates, & commercia ægrè consistunt: Pecuniam omnes facimus Dominam, quæ, secundum Horat. & genus & formam donare potest: huic servimus omnes: huic palmam tribuimus omnes: quicquid eximium, quicquid splendidum, quicquid venustum, quicquid gloriosum hominibus contingit, id à solius pecuniæ beneficio proficiscitur: huic Imperatores, Duces, victas manus porrigunt, huic arces munitissimas resignant: castella tradunt: urbium portas aperiunt: huic venienti muri sponte cedunt, turres se inclinant: nec est quicquam vel naturâ, vel arte ad eò munitum, quod eâ ipsâ expugnari non possit. huic tot millia hominum sua vota nuncupant: hæc ex amicis inimicos; ex inimicis amicos facit. Ad summam: Res humanas pro lûbitu fingit atq; refingit: & ut Plin. ait: *Aqua quoq; separantur: & ipsa natura Elementa pecunie vi discreta sunt.*

NAMUS

Opus sunt opes, & sine iis nihil fiet, quod opus.

Numus honoratur, sine numis nullus amatur;

Numus ubi loquitur, Tullius ipse tacet. Persius.

Quisquis habet numos, securâ naviget aurâ,

Fortunamq; suo temperet arbitrio.

*Facetè Menand. Epichar. DEOS, ajunt, esse ignem, Solem, Ter-
ram, aquas, ventos, stellas: Ego verò *utiles DEOS sum arbitratus*

argentum & aurum nostrum; Ubi enim ea in edibus collocaveris,

precare quodvis, omnia dabuntur tibi: ager, domus, famuli, argen-

tea vasa, amici, iudices, testes, duntaxat largire: nam ipsos DEOS

etiam habebis obsequentes. Philippus Macedo dicentibus explora-

toribus, castellum, quod expugnare nitebatur, esse naturâ muni-

tissimū, neq; adiri posse. Anita difficile accessu esset, interrogavit,

ut ne asinus quidem auro onustus adire posset? *T. Quintius Philo-

pomeni Achæorum Duci multos equites & armatos habenti, pe-

cunijs tamen indigenti, jocabundus dixit. Philopomenem & ma-

nus & crura habere, sed ventrem non habere; alludit ad pecuniam,

quæ bellorum nervus est. Suadentibus Demadi Atheniensibus,

ac jubentibus, ut deducta striremes, nautis militibusq; compleret,

cum pecunias nullas haberent; Omnino, inquit Demades, primū

pecuniis opus est. rectè hic sensit. Ex historijs enim compertum

est, atq; ita experientiâ docemur: Magnum exercitum sæpè ali-

quid egregy præstare potuisse, quem pecunia penuria distraxit, atq;

ad partes hostis pepulit. Eò enim milites animum & voluntates,

armaq; sua inclinant; ubi non solum opima præda expectatur; sed

ubi spes affulget certa stipendiorum solvendorum. Ac veluti Nau-

clerus, Navim non prius mari & ventis committit, quàm omnia in-

strumenta nautica ad navim necessaria sibi comparaverit: tum de

victu, & quæ ad sustentationem vitæ pertinent, sibi providerit:

Sic quoque Prudens Princeps primū de pecuniâ sufficiente sibi

colligendâ, sit sollicitus: tum de Imperatore seu Duce exercitus

perito; nec non validis & in bello expertis militibus. Sæpè enim

sub Duce imperito, exercitus, & tota summa belli, magnâ cum

infamiâ & dispendio hominum ac Reipub; perijt. De modo exe-

quendi Consilij plura essent scribenda: in alium locum rejicio.

* Canon he-

rius in Corn.

Tac. dissert.

Polit. lib 1.

fol. mihi 197.

* Brufon.

lib. f. 610.

Sæpius penu-

ria, quàm pu-

gna consumit

exercitum.

Quoniam verò Pecunia cum Viribus conjuncta, Vim omnem superet: hisq; duobus, etiam ipsa Natura rerum cedat oportet. Ideò Emblemate hoc docere volui, ut in Consilijs, non tantum id spectetur, quod honestum: sed quod facile, & quibus adjumentis res perfici possit. Non est sanè, ut quis auspicia alia, (divinam hinc gratiam, quàm omnia consilia nostra, atq; auxilia stant, excipio,) certiora & firmitiora præsidia, quàm duo hæc exquirat. **TALIBUS AUSPICIIS** dico, quicquid tentaveris, absq; dubio, felicem voti tui finem adsequere. in hanc sententiam olim lusi.

*Et format mores aurum, & connubia jungit,
Aurum jus, leges, Curia & aula colunt.
Aurum cuncta timent; quisq; auri numen adorat.
Auro venalis styx, mare, terra, polus.
Et miramur adhuc se auro submittere cunctos?*

Cum regat Imperio, cuncta sub orbe, suo.

Huc facit Tacit. Non ignaviâ magna imperia continentur, sed virorum armorumq; faciendum certamen. Liv. Agendo audendq; res Romana crevit. Thucid. Plereq; belli res conficiuntur pecuniâ & consilio. Item: Bellum est non in armis maximè, sed in expensis & sumptibus, per quos efficacia arma & utilia evadunt. Xenophon.

Brevi ejus ducis imperium peribit, cujus culpâ exercitus caret rebus necessariis & comœatu. Procop. de bello Goth.

lib. 3. Pecunias qui non ad necessitatem sit consecutus, bellum (ut reor) gerere nunquam satis commode poterit.



EMBLEMA. XXXII.

NUNQUAM SAT CAUTE.



Vix rerum eventus Prudens bene praevidet omnes,
Et sua Consilio dirigit acta bono.

Subdolus interdum quin hoc perverterit Error:

Ac fors praevias fregerit arte operas.

NUNQUAM SAT CAUTE facienda peregeris: ipsi

Cautio sit major quin adhibenda rei.

Fraus quoniam facilis Comes adstat, Corpori at umbra.

Consilij autorem fraus premit ipsa mali.

R 3j

Eventus

EVentus, cùm non sint in nostrâ potestate, non est, quodd Consilia bonâ fide data; si voto nostro non respondeant, culpâ adnumeremus. Nam quodd alij Fortunæ, aut Casui, si quidd præter spem & expectationem accidit, attribuire non dubitant: id neq; viro Sapienti, neq; Christiano convenire affirmo: cùm illa in rerum naturâ non sit, & idèd nec potentiam suam, atq; Imperium in humanas actiones exercere potest. Quin potiùs hoc statuendum censeo cum * Camerario: à se & alijs magnopere decipi illos, qui tantùm intueantur & spectent exitum quarumcunq; rerum, ac non potiùs elaborent, ut & Consilia ineantur recta, vera, honesta, laudabilia: & his consentaneæ sint actiones, justæ, strenuæ, fortes, constantes, præclaræ; & ita eventus permittatur Deo, penes quem omnis potestas est, & conciliandi bona, & avertendi mala. Adde, quodd sæpè in consultando. Justum & rectum, nec non honestum prætermittatur; solius utilitatis habetur ratio, quæ sæpè cum turpi est conjuncta: non igitur mirum videri alicui debet; quodd eventum felicem Consilia non assequantur, vel quod expectationi non respondeant; cùm finem sibi alium proposuerint, quàm par est. Quodd si verò felix eventus malè consultata sequatur, non tamen idèd laudari: nec si optima consilia malus comitetur, idèd vituperari debet. Fit enim sæpè, ut homines, qui alijs consilia dant, ad rerum præsentium statum, & fortunæ flatum, rationum suarum vela dirigant, & obvertant, qui maximè ab eâ falluntur. * Siramnes Persa, cùm admirans amicorum unus ex eo quæreret, quid fieret, ut consilia rationesq; ipsius præclaræ, non procederent feliciter, neq; prosperos haberent exitus: respondens, quia *Consiliorum, inquit, meorum, ego sum Dominus, sed eventum domina est Fortuna.* Nihil autem justius esse potest, quàm, ut mala consilia, mali eventus sequantur; inq; auctoris recidant caput, qui perversè & fraudulenter, vel lucri causâ dedit. Probat experientia cottidiana id ita fieri; & exempla à mundi exordio demonstrant, *nulli unquam feliciter cessisse, quæ malo & per-*

verso animo aggressus est. Adde, quodd * audacia, temeraria, cal-

lida, præcocia, & ambitiosa consilia, primâ specie læta, tractatu

dura,

* In Coment.
Non esse ex
eventis de
consiliis &c:
pronuncian-
dum.

* Cam. ibid.

* Greg. Rich.
in axiom. Po-
lit. ax. 88.

dura, eventu tristitia esse consueverunt! Consilium, quod * Jona-
 dab Ammoni filio Davidis dabat, de vi comprimendâ sorore Tha-
 mar, etsi primâ specie blandicatur stultis affectibus: tamen exitu
 fuit tristissimum. Ludovicus II Hungariæ Bohemiæq; Rex, cùm
 imprudentiore nescio, an inauspicatiore, vel temerario consilio,
 cum exiguâ militum tumultuariorum manu; contra Solymanni
 copias stare non dubitaret, propè Mohacium in rivulo miserè pe-
 rijt, Anno ætat. 21.* Sic Haman patefacto consilio suo de totâ Ju-
 dæorum gente extirpandâ; pœnas meritas luit: de furcâ enim,
 quam Mardochæo erexerat, ipse suspensus est. Sic Perillus

* Ille opifex tauri, tormentorumq; repertor,
 Qui funestâ novo fabricaverat æra dolori,
 Primus in expertum, Siculo cogente Tyranno,
 Sensit opus: docuitq; suum mugire juvencum.

De quo * alius hoc sensu

Ille opifex Taurum desculpserat ære Perillus,
 Auctori nocuit sed tamen illud opus.
 Hunc etenim Siculo fertur donasse Tyranno,
 Ingenio cupiens præmia digna suo.
 Aspice dixit opus, latus est ad apertile tauri,
 Quo reus in flammis præcipit andus erit.
 Non hominis poterit jactare ad sidera voces,
 Si gemat aut clamet, vox erit illa bovis.
 Tum Phalaris: melius quo munere munera pensem?
 Ipse tuum præsens imbue, dixit, opus.
 Protinus inventor Tauri carbonibus ustus,
 Mugitus gemino reddidit ore bovis.

* Eodém modò contigit cuidam Arnutio Paterculo; qui æneum
 equuleum ad excrucianos homines excogitarat. Multa præterea
 exempla Consiliorum malorum; quæ in caput autoris reciderunt,
 adduci possent; sed cùm sint obvia, lubens prætereo, adeò.

— bene dispositum terris: ut dignus iniqui
 Fructus Consilij primis autoribus inflet.

Emblemate igitur hoc notare volui, Consilia prava, ipsos autho-

res,

* 2. Sam. 13.

* Esther. 7.

* Claud:

* Autor libelli
 Μιχρηόπουλος.

* Camer. im
 oper. subcis.
 p. 1. c. 9.

* Claud:

* arcan. lib. 1.

* Matth. 10.
vers. 16.

Proverb. 16.

* in Capit.

res, iustitiâ vindice, ita innectere solere; ut cùm alijs nocere non possint, in se eventum seu exitum tristem experiantur. Ita * Ant. Mizald. refert: quodd Serpentes, inclusæ circulo herbæ Betonicæ, nequeant exire: quin se flagellando potiùs interimant. Serpentes verò prudentiæ (cujus pars est Consilium) Symbolum esse constat, ex illo * Salvatoris. *Estote prudenter sicut Serpentes.* Versutia autem prudentiæ nomen sæpè induit, quâ mali sua consilia prava contegere consueverunt. Verumenimverò, iusto sic DEI iudicio fit, ut qui de aliorum salute intervertenda consilia init; de suâ sæpè periclitetur. Unde illud: Salomi: *Conatus meditantium perniciem, erunt irriti: qui verò bona consilia agitant, experientur beneficientiam & fidelitatem.* Item: * Fodiens foveam, incidet in eam; & volvens saxum, in ipsum impinget. Seneca, autorem scelus repetit, suôq; premitur exemplo nocens. Lucret: lib. 5.

Circumretit enim vis atq; injuria quemq;

Atq; unde exorta est, ad eum plerumq; revertit.

* Plaut: *Qui cavet, ne decipiatur, vix cavet, quum etiam cavet, etiam quum cavisse ratus, sæpè is eantior captus est.*



EMBLEMA XXXIII.

SALUTE FIDES POTIOR.



Judex Imperij quicumq; capeſſit honores;
 Officij debet ſic meminiffe ſui.
 Rumpat amicitie, quæ prius vincla gerebat,
 Publica ne violet muner a prius amor.
 Eſſe etenim multis qui gaudet amicus amicis:
 Sæpius à Recti tramite ſeclit iter.
 Publica nempe fides potior propriâ eſſe ſalute
 Debet: & hanc ſummum ſit violare nefus.

”

”

Qui ad Rempubicam accedunt, non ambitione; largitionibus, aut gratiâ populari: sed propter virtutem propriam, & prudentiam electi; considerare ante omnia debent, cujus personam sustinent, & vicem gerunt; quibus in rebus eorum versetur officium; & quo fine ad gubernacula sint vocati. Hæc qui nō benè apud se perpenderit; privatumq; bonum publico antetulerint, eos non modò summè injustos, ac tali regimine indignos esse: sed ipsam Rempub: per tales labefactari necesse est. Quoniam verò summi & iustissimi Regis vices obeāt, apud quem nulla personarum acceptio est; se quoq; iustè judicatuos meminerint: ut neq; favore, gratiâ, lucro, sanguinis vinculo, vel aliâ quapiam necessitudine motis, iniquum iudicium ferant: maximè, cū iudicis sit officij pars potissima: secundū leges, non conscientiam, lites & controversias dirimere. Novell. 8. jusjur. quod præstat ab his, qui admin. accip. (Nam & Deus qui licet motuum cordis, & cogitationum cognitor sit, & *καρδιογνωστης*, Psal. 7. Jerem. 11. Matth. 6. text. in c. erubescant. 32. distinc. c. consuluisti. 2. q. 4. & quem nullum secretum latet gl. in authent. De Monachis. verb. testes. coll. 1. tamen ex suâ scientiâ neq; judicare, neq; condemnare voluit adulteram. 1oh. 8.) ut Respublica in tranquillo statu conservari; omniumq; in eâ salus, bona & commoda facta tectaq; manere possint. *Judex* enim, ut * I Cti verbis cujusdam loquar, *cū sit persona publica, tenetur sequi publicam conscientiam, fundatam super eo, quod sibi constat ut iudici, scilicet juxta ea, que probata sunt, non privatam sequi conscientiam in eo, quod scit ut privatu.* c. si sacerdos, de offic. ordin. Rectè * Plato. *Reipub: salus suprema Lex esto, & præcipuus scopus, quem sibi: quilibet Magistratus proponat.* Cumq; Magistratus sit Custos legum; turpe sanè erit, eum in leges peccare, qui disciplinæ vindex severus est constitutus. Cū Magistratus Pastores appellentur: iniquum erit, ut, qui à rabie luporum, id est hostium & inimicorum, commissum gregem defendere debent: ipsi eos devorent: & modis quibusvis, eorum bona ad se rapiant. Cū deniq; communem Reipub: & subditorum salutem spectare debeant: quī fieri poterit, ut eorum consilia eundem scopum assequi possint, qui privatis affectibus inter se dissentientes,

I: barbarus ff. de offic. Prætor. c. 1. de re iud. not. in clem. 1. de sequestr. possess. sion. & fructu.

* Videt elegantem expl. nob. problematis. Virum iudex iudicare debeat secundū conscientiā, an secundum allegata & probata. Arnold. de Rayger. * Plat. 1. de Reipub: & Cic. lib. 3. dell.

ad Scip. Amirat. Instit. regia, lib. 2,

diffidentes, sæpè illa ex suo usu metientes, in diversas partes distrahuntur? unde quærelæ, odia, simultates, & ruina Reipubl. Laude digna vox illa * Plat. *Qui præsent Reipub: utilitatem civium sic intueantur, ut quicquid agunt, ad eam referant, oblii commodorum suorum. Ut enim tutela; sic procuratio Reipublica, ad utilitatem eorum, qui commissi sunt, gerenda est.* Si verò utilitas communis spectanda est, non modò privata postponi: sed etiam affectus privatos, qui eam impedire viderentur, deponi oportet. Hinc P. Scipio Nasica, Patriam cognationi præferens, quicquid publicè salutare non esset, privatim alienum existimavit; ob quam virtutem, primus omnium absens, Pontifex Maximus creatus est.

* Plat. de
Repub:

* Plaut. *Ne Magistratus pauciorum gratiam faciat pluris, quàm id, quod profit pluribus.* Huc quoq; respexit Cæsar in suâ Oratione, ad suos legatos & Centuriones. * *Privatim, inquit, nemo*

* Plaut. in
Trimuno.

omnium ita potest latis rebus uti, ut non idem cum Reipub: corrue[n]te pereat: At Reipub: si prospero successu utatur, etiam privatorum omnes potest calamitates sublevare, quod si nosmet ipsos unâ cum Reipub: incolumes esse velimus: in eâ conservandâ, augendâ, & ornandâ, (cum pars quoq; harum ad nos redundet,) non privatis affectibus abripi aut duci: quin potiùs fide bonâ & pietate in eam instructi, pro virili quisq; eam juvare debemus. In Ratisbonensi Curia hæc inscriptio legitur. Quisquis Senator Curiam officij causâ ingrederis, ante hoc ostium privatos affectus omnes abijcito: Iram, vim, odium, Amicitiam, Adulationem, Reipubl: personam & curam subijcito.

* Cam. in op.
subces. ex
Dion. hist.
Rom. lib. 38.

Nam, ut alijs æquus, aut iniquus fueris; ita quoq; DEI judicium expectabis & sustinebis. * Laudabile hoc institutum quoq; habuit Rex prudentissimus Alfonsus. Dicere enim solitus fuit: si sibi contigisset nasci temporibus, quibus Romana Respublica florebat, se constructurum fuisse contra Curiam templum, JOVI REPOSITORYO, in quo, priusquàm venirent in Senatum Patres conscripti; Odium, Amorem, ac privatos affectus omnes deponerent. Ob id * Romani laudantur: qui Curiam in-

* Guicciar.
in libello
l'hore di ri-
creatione,

* Val. Max.
lib. 2. c. 2.

diè illud nimis vulgare: Proximus egomet mihi. *Nec quisquam est, tam ingenio duro, nec tam firmo pectore, quin ubi quicquam occasionis sit, sibi faciat benè.* Formulam Sacramenti Consiliariorum seu Senatorum, quod olim præstare tenebantur, cum dignum sit lectu & cognitu, vide apud Camer. oper. subc. cent. 1. c. 33. Cumq; plurimum interfit Reipub.; ut fidos habeat Magistratus, qui non privatorum bonorum causâ, sed publicâ utilitatis gratiâ ad partes ejus gubernandas assumuntur: illis meritò commendata adminitio hæc esse debet:

* Cam, op.
subc. cent. 2.
c. 47.

* *O consultores, rectos assumite mores,*

Publica privatis præponite commoda gratis:

Nè damnet vestras animas divina potestas.

Hoc igitur Emblemate, officium pij & fidelis Judicis vel etiam Magistratus, notare volui: cathenâ videlicet ruptâ: amicitiam quoque, quæ meritò hoc nomine appellari potest, quod duorum pluriumve voluntates consensu eodem ligentur, non secus; ac vinculo quodam, rumpi in publicis consultationibus & judicijs debere: cum his nihil magis adversetur, quàm privata charitas & utilitas. Bono autem Judici FIDES SALUTE propriâ POTTIOR esse debet: tum, quod conscientiam eadem DEO obligavit, & juramento, cujus testem habet DEUM; tum quod viro bono juris & Sacramenti religionem sequi, conveniat, etiâ cum salutis dispendio. Ambrosius. *Bonus judex nihil ex arbitrio suo facit, & domestica proposito voluntatis: sed juxta leges & jura pronunciat, statutis juris obtemperat, non indulget propriæ voluntati, nihil paratum, aut meditaturn domo defert.* &c. & paulò post: *In judicando magis cordi sit veritatis custodia, quàm obedientia voluntatis.* Qui igitur privatorum habet rationem commodorum, publica negligat oportet: qui verò publicorum curam agit, memoriq; officij ac juramenti sui, ille nihil privatis affectibus indulgebit, quin ea faciat,


quæ Fides ejus requirit, Res publica poscit, salus communis desiderat. Liv: *Privatæ res semper offecere, officientq; publicis consiliis.*

c. iudicet. 3.
quæst 7.

E M B L E M A

EMBLEMA XXXIV.

VIRTUS VANA DOMAT.



Vix fumus prodit, subito si se exerat ignis :
 Flammaq; splendendi sydera luce petat.
 VIRTUS VANA DOMAT. rebusq; insigniter actis,
 Invidia meritò, Gloria nata, caret.
 Optat in Imperio cum Princeps magnus haberi :
 Sit citò, sed rectà cum ratione, potens.
 Hostibus existet sic formidabilis. ipsa
 Vix invidia subito spicula dira premet.

S ;

Nulla

Nulla est felicitas Principum, populi vel Reipublicæ, imò ne privati hominis; quam Invidia non comitetur. Sic enim in vitâ communi comparatum videmus, ut qui propter virtutes, & res præclarè gestas, vel ad honores & potentiam pervenerunt: vel alijs fortunæ bonis conspicui extiterunt: semper malevolorum Invidiæ exponantur. Nam cùm Naturâ sint rerum ac honorum cupidi, neque id, quod cupiunt, se affecuturos sperant; alios autem Virtutis auxilio & honoribus & opibus emergentes vident, stimulis invidiæ intra se agitantur: talibusque semper aliquid de existimatione detrahere satagunt: occultisq; machinationibus ac infidijs felicitatem hanc subvertere conantur: quòd, cùm propter Virtutis præsidium, ad effectum producere non possunt, sese torquent, & non secus atque blattæ, quæ primùm materiam, ex quâ generantur corrumpunt, tandem hac deficiente, ipsæ intereunt: Sic & *Invidus alterius rebus macrescit optimis*, quæ ei causa perturbationis hujus fuere. Quo vitio etfi quidem omnibus temporibus nihil frequentius, nec magis usitatum inter homines fuit: ita his maximè, propter nimium, res acquirendi & habendi studium, nihil communius. Verum enimverò, ut *Sapientis est, omnes casus a quo animo ferre*: utque *prudentis est, malis & invidis cedere, non obniti*: ita eorum quoq; erit, quos vel virtus, vel fortuna supra communem aliorum sortem evexit paulò altiùs, malevolorum stimulis non commoveri: quorum vistantem per se habescet. Nam *frustrà iis invidetur, quos DEUS & fortuna regit*. Atque hîc duplex via & Ratio Invidiam evitandi notari potest. Nam Odium, propter Virtutem alterius natum, diù non durat: sed aut præsentî splendore atque potentiâ, & amplitudine rei patrata supprimitur; aut sobrio moderatoque usu fortunæ lenitur. Res enim propter quas invidetur alicui; sive ex quibus Invidia oritur: plerumq; sunt bona externa, quæ externè homini accidunt, eumq; circumstant: ut Opes, Honores, amici, propinqui, Patroni, fama ex rebus præclarè gestis;

regeſtis: & propter hæc & ſimilia invidi cruciantur, quodd ſibi talia deſint; neque ea ſe indiſci poſſe ſperant. Et non tam perſonæ, cui res hæc adhærent, quàm rebus iſtis invidetur. Sed qui moderatè hanc bonorum felicitatem & copiam ferre neſciunt: ijs quæ inſiati, inſolentiùs ſeſe erga alios gerunt, vel bonis his abutuntur, eos non immeritò Invidia premit, ſuiſque ſpiculis torquet: quandoquidem ſibimetipſis hoc modo eandem conſlent. Atque ut plerumquæ fieri videmus, quos externorum bonorum copia non tutatur, eos contemptui, atque alijs ſexcentis incommodis exponi: Sic è contrario, omnia ijs ex voto fluere animadvertimus, qui Opibus, Potentiâ, Amicis, ſtipati incedunt, Invidiam & Contemptum, & quæcunquæ his ſimilia ſunt, eludere poſſe. Ex re igitur Principum ducò, ſi Invidiam effugere velint, ut ſubitò Potentiam exerant in omnes partes: ſed tamen cum ratione, ne ad Crudelitatem aut Tyrannidem vergat: hac enim ratione æmuloꝝ invidiam compriment, & contemptus ſecuri, tutiùs Imperium ſuum ab eo vindicabunt. * Alij inferioris conditionis in Republ: & hoc obſervent: *Si ad honores aſpirare, vel ad capeſſendas dignitates contendere velint, ut ab inſigni & ſplendido aliquo facinore incipiant: eoꝝ Principi, vel Reipub: ſeſe commendent. Sic enim ordiſentem, pleriq; tedio ac ſacietate conſuetorum, promtè excipiunt: & celer ſplendiduſq; impetus facile Invidiam, quæ tardis illis remoram inicit, abſterret.* Ac veluti ignis fumum non prodit; ita neque Invidiam Gloria, ſi ſubitò, ac celeriter eſfulgeat: utque ignis naturâ ſemper ſurſum tendit, adjacentemquæ materiam adurit, & conſumit: ita quoque Virtute partus honos, ſplendore ſuo Invidiam obſcuſcat; ut minimè fumus ejus malevolentiaꝝque vapor ſeſe exonerare poſſit: ſemperque ad ardua tendit. Ex quo Emblematis huius ſenſus facilis apparet. Addidi Symbolum VIRTUS VANA DOMAT. Tantùm enim

* Id. in ebſ Polit,


enim *adversus Virtutem potest Invidia; atque adversus Solem nebula.* Ille enim radijs suis facile hanc dissolvere, dissipare, ac propellere potest: non secus & Virtus Invidiam, Contemptum aliaq; facile domat. quæ profecto Fumus sunt, & vapor, si cum Virtute, ejusque actionibus, & qui ex his gignitur Honore, conferantur.



E M B L E M A

EMBLEMA. XXXV.

CENSENDO RECENSE.



Turpis adulator, duplici & qui mente Vir audit,
 Regibus & Regnis certa ruina cluit.
 Laudat enim vitium; at quæ sunt confinia recti.
 Insimulat viti; crimine vera premit.
 Interea regni, velut imus, commoda rodit.
 Ac instar tineæ regia dona vorat.
 Hunc Princeps vitet: non illi commodet aurem:
 Si vitare malum, commoda ferre cupit.

T

Adultionem

Adulationem blandam esse veneni cujusdam speciem, non immeritò quis dixerit. Ut enim venena, melle, aut alià quapiam re dulci oblita, ac nobis data, sine sensu nostro corpus occupant: tandemq; hominem interimunt: Ita quoque adulatio mentibus Principum blandis & suavis verbis infusa: non solum ipsos perdit: sed totam sæpè Rempublicam pessundat & evertit. Atque utinam eodem modo Adulationem Principes, atq; venena averfarentur; ab eaq; sibi caverent; omni procul dubio, Aulæ eorum saniores, & veritati magis faventes invenirentur. Sed nescio, quomodo in hominum animos adulatio sensim illabatur, propter ingenitum unicuiq; naturâ sui amorem: ut nullus tam constans, cautusq; sit, quin laudari velit, suosq; laudatores & amet, & amplectatur. Quæ res cum prudenti & Viro bono fugienda; tùm Princeps ab ea sibi maximo opere cavere debet; cujus in cubiculo Adulatio pro Veritate excubare frequenter solet. Nam, cum in Principis judicio, voluntas multorum recumbat necesse est, ex quo & Amor & Odium derivatur: quâ ratione rectè de alijs judicare possit, non video: cum assentatorû & adulatorum falsis persuasionibus sit corruptus: eaque solum vera esse credat ac pronunciet, quæ illi suggerunt, & ingerunt: quod sanè genus hominum non modò pœnarum metu coercendum est, exemplo Vespaniani & Titi, qui adulatores & Calumniatores publicè in Theatris cedere jusserunt: sed omninò ex aulis eliminandum: quod Domitianus fecit, quî ex Româ omnes assentatores & delatores ejecit: hæc q; verba, sæpè usurpavit: *Delatores qui non castigat, irritat.* Invenias enim hodiè plurimos in aulis, qui, dum gratiam Principum aut magnatum venari, suumq; commodum querere cupiunt: primum animos eorum blandis verbis occupant & antevertunt. Deinde, alios, qui propter virtutem & merita digniores essent, quibus honores & opes, atq; alia, Principes largirentur, arte quadam veteratoriâ sic laudare sciunt; ut interea eos indigno tali honore innuere videantur: atq; sub officio amicitiae hostilem præbent operam. Hinc fit; ut, dum ad Principum limina veritas non admittatur: nec ipsi dignos provehant:

nec

Autor de Regis Instit: addit: ad Scip. Amirat. differtat: polit. in Tacit.

Ad Scip. Amirat. idem autor, lib. 2.

Sveton in Domitiano.

nec quid in propriâ aulâ agatur, scire possint. Quare non immeritò M. Anton. Gordianus Imp: Symboli loco usurpavit: **PRINCEPS MISER, QUEM LATET VERITAS:** qui, cùm ipse omnibus in locis publicè esse non possit, nec eum deceat, necesse est; ut aliorum verba audiat, ijsque fidem adhibeat & confirmet, siue verè ea referantur, siue falsò. Et

Infiniti sunt errores, quos Pp. committunt propter adulationem.

Cùm rerum nequeat fortasse inspectior haberi,

E' delatorum iudicet ore bonos,

Quæq; expensa putat, non nunquam falsa sequatur.

Et minus æquata cuncta balance probet.

C. Erasim.
Lietz.

Hinc de Ludovico VI Francorum Rege legitur, eum dissimulato habitu frequenter turbæ se immiscuisse, ut audiret, quæ de se dicerentur liberius: quò facilius & melius suis & Reipub: mederetur incommodis. * Ludovicum item XI Regem Galliarum aliquando dixisse fertur: Se in regno suo, & potissimum in aulâ propriâ, abundare omnibus rebus, unâ exceptâ. Quam verò innueret rem, dum quæreret unus ex suis familiaribus aulicis, **VERITATEM** esse, respondit. Ac, ut ex re Principum est: ut habeant suos exploratores & Relatores certos, sed veros, cùm ipsimet ubique locorum esse non possint: Sic delatoribus aures accommodare inconueniens & turpe. Insignem Virtutem, ac regium iudicium quis non cernat, in Iohan. Alberto Rege Polon: Is enim in more habuisse scribitur; cùm Adulator traducere aliquem apud eum volebat, statim ei respondisse: Vis necorâ hoc ipsum ei objicere? si assentiebatur, diem dabat: Sin secus, ne amplius nugari auderet, dehortabatur. Licinius Imp: aliàs vix laude dignus: ex hoc tamen eam meretur: quòd cùm turbam aulicorum auribus suis deservientem; eosque publica bona arrodentem animadverterent, *tineas & sorices Palatii* appellavit. nec immeritò! Nam veluti tineæ & blattæ in vestibus, aut aliâ quapiam materiâ preciosâ nascuntur, eamq; exedunt & consumunt: Et, ut mures & sorices, ædes, in quibus vel frumenti, vel eduliorum copia est, omnes angulos perreptant, & in cavernas suas auferunt: Sic quoq; adulatores, regum Palatia suis blanditijs, & venenatis sermonibus

* Camer. in
subcis. hor.
P. I. c. 90.

implent, publicaq; bona, nihil agentes, aut ad Rempub: conferentes, arroduct, ac de Principe vel Rēpub: benè merentibus, commoda præscindunt. Emblemata igitur hoc, adulatores notat: qui non apertè, sed clām Regum & Principum aulas, non secus, atq; mures ingrediuntur: semperq; aliquid bonorum secum auferunt. Utq; rapax vel potius furax est animal. Mus: ita & adulatores blanditijs suis animos Principum delinire sciunt, ut inde commodiore occasione, aliquid bonorum ab eis auferre possint. Symbolum verò C E N S E N D O R E C E N S E, ex Senecā sumptum est. Princeps enim familiares suos meritò censendo, qui digni sint beneficijs & gratiā suā, sæpè recensere debet: verosq; amicos à falsis, quales sunt Adulatores, fufurriones & Delatores, exquisitè recensendo discernere. Quam in sententiam * Seneca rectè monet.

Vide Plin.
lib. 8. c. 87.

* 3. nat. præfat.

* Idem. 6.
ep. 45.

Adulatoribus ne latus præbeas, artifices sunt ad captandos superiores, par illis (etiam si benè caveris) non eris. Sed mihi crede (proditiōe et si non capiēris) ipse te trades. Habent hoc in se naturale blanditiæ: etiam cūm reiiciuntur, placent: etiam exclusa, novissimè excipiuntur. * Alibi: *Adulatio, quàm similis est amicitia: non imitatur tantūm illam, sed vincit ac præterit: apertis ac propitijs auribus recipitur, & in præcordia ima descendit: & eo ipso gratiosa, quoadit. Venit ad me pro amico blandus inimicus. Vitia nobis sub virtutum nomine obrepunt.* Sic Diogenes rogatus, quæ perniciosissimè morderet bellua: *Ex firis*, inquit, *obtrektor, ex cicuribus adulator.* Et hodiè videmus Laudenses ac Placentinos in aulis Principum primas partes tenere: Veronenses exulare. Nam Veritas odium parit. Sed

Qui scit ad affectum aptare referre, placet.


À talibus autem sibi quisque caveat. Arrifones, arrofores: & ut Ovid: ait:

*Tuta frequensq; via est per amici fallere nomen;
Tuta frequensq; licet sit via, crimen habet.*

E M B L E M A

EMBLEMA. XXXVI.

NEC PRECE NEC PRECIO.



Vlle scit sensim Majestas Principis, ultro
 Quando negat dignis premia digna viris.
 Premia nam meriti precio cum pendit avarus:
 Virtus languet, Amor friget, obitq; Fides.
 Adde, quod haut legum ratio, nec juris habetur!
 Quod quis emit, salvo vendere jure potest.
NEC PRECE, NEC PRECIO tribuatur summa potestas:
 Justitie sanctus nam violatur honos.

T 3

Quemadmo-

Quemadmodum Clementiâ & Liberalitate nullam esse potentio- rem dotem in Principe; nullum firmius præsidium adversus malorum Odium; nullum efficacius instrumentum ad Amorem & Benevolentiam populi sibi conciliandam constat: Ita quoque Avaritiâ & Crudelitate, nihil certius ad derivandum in se Odium, & Malevolentiam ejusdem. Nam sic in vitâ fieri plerumque videmus: ut si cui vel minimum beneficium præstemus: aut liberalitatis nostræ in aliquem exerceamus officium; ejus animum ad gratitudinem & amorem saltem tacitè nobis obligemus ac devinciamus. E contra quoque, qui irrogatâ à Principe pœnæ injustum modum experitur & sustinet: vel cui pars aliqua bonorum, quacunq; ratione adempta, aut imminuta est: is eum non potest non odisse, qui author adimendi extitit. Cara enim, & chara omnibus sua, & pro rebus non minùs ac vitâ sæpè dimicatur. Avaritia itaq; cum per se sit turpis; tùm Principes, præsertim Christianos & bonos non decet. * *Neg, satis exprimi potest, quàm longè populi animos absterreat; nihil se boni sperare posse ab eo Principe, qui ad congerendas divitias, inopumq; proinde sanguinem exsorbendum proclivis est.* Præsertim verò in Magistratus officijs ac honoribus distribuendis id summè cavendum est: ne ex gratiâ, aut favore. divitiarum ac amicorum copiâ: sed meritorum pondere ac præstantiâ, Princeps dignis offerat ac tribuat officia: hoc enim modo, non tantùm Justitiæ leges servabit: amorisq; in se certum jacet fundamentum: sed Virtute solâ, officia & honores adipiscendi pluribus addet stimulos, imò legem. Emulationi, Ambitui, & Corruptionibus quoque præcludet viam. Fieri aliàs non poterit, quin ij, qui largitionibus publica munera adepti, justitiam administrare debeant, sæpiùs in eam ipsam peccent; cùm secum reputent, quantam vim pecuniæ, pro consequendis honoribus profuderint, aut elargiti sint: ut eandem vicissim corradant. Id quod olim M. Aurel. Severus Alexand. sensit; qui Symboli loco usurpavit: QUI EMIT, VENDAT OPOR- TET. Item. *Fumo pereat, fumi venditer.* Optimè sensit Imperator iste prudentissimus ac justissimus: Justitiam incorruptè admi-
nistrandam

* Ioan. à Iesu
Maria in In-
bit, Princ.

nistrandam; Judiciumq; exercendum: neq; dignitates & honores in Repub; ex gratiâ, sed virtute ac meritis distribuendos. Nam ubi Princeps sui potiùs, quàm populi commodi studiosus est, eosq; qui divitijs, aut alijs fortunæ bonis magis, quàm virtute præstant, evehere contendit; faciliè querelas, contentiones, inimicitias & id genus alia conflabit. Æqualitatis autem maximè debet servari ratio: ne scilicet, aut Censùs, aut Potentia, aut genus prævaleat: (nisi sint hæreditario jure familijs certis quædam prærogativæ:) sed ut peræquè pauperes ac divites, nobiles ac ignobiles justè judicentur. Ac veluti magnæ arbores, cùm securi à radice cæssæ, in terram cadunt, aliarum arborum ramos, & minora arbuta conterunt: Sic Potentum & excellentium Virorum in Repub; discordiæ, (quæ ex inæqualitate sæpè oriuntur) totam post se trahunt Rempub; cui certè ruinæ, Pp. ipsi causa existunt potissima: quando avaritiæ vitio mentes eorum occæcata, Officia precio non virtute pendunt, quæ ipsi gerere non possunt, nec debent. * Imp. * Reus in
Severus cujus supra memini: Præfectos suos & prætores ex Sen Symb, Imp.
natus auctoritate constituit: præmonens Senatui, *in vitis potiùs, quàm ambientibus Rempublicam committendam esse.* Maximè autem improborum Magistratuum & judicium pecuniâ corruptorum, vindex fuit acerrimus, adeò; ut si quempiam eorum obvium haberet, oculum ei digito exsculperet. Idem quendam suum familiarem, qui hominibus persvaderet, se quidvis posse apud Imperatorem: atq; ita provinciarum, munerumq; publicorum nundinationes faceret, fumo suffocari jussit. Sed nec honores juris aut gladij unquam à quoquam vendi passus est; nec rescripta & decreta sua à familiaribus, aut purpuratis suis venundari voluit &c: Quod & Imp: Justinianus innuit: cùm, *Ad regimina & dignitates non precium vel ambitio, sed probata vita unumquemq; provehere debere ait:* in l. fin. ad l. Jul. repetund. & *Virtutum præmia tribuere merentibus convenit.* l. fin. C. de stat. & imag: unde & Emblematis hujus ratio patet. Et non tantum in pacato & tranquillo Reip: statu id observari; sed & in bellicis officijs ac honoribus valere debet. quod Romani olim observarunt. Sed M. Didium Julianum cùm esset opulentissimus ac pecuniosissimus, primus à militibus, imperium

imperium Romanum mercatum fuisse scribitur: licitante contra eum Sulpitiano intra castra, sed eo rursus pollicitante, *Omnia se daturum, quae vellent*: quod cum esset affectus, Symboli loco usurpavit: IN PRECIO PRECIUM. quod elegantissime Reusnerus reddidit. *In precio precium est. Sic non virtute potestas*
Sæpius, at precio vanit, & ære fides.

Sed si Rationem Ducem: si Sacrae scripturae auctoritatem sequi velimus; non ex precio & gratiâ, sed ex Justitiæ normâ jus reddere, ac dignitates in Republ: ex Virtute cuiusq; & meritis distribuere & captare debemus. Inscriptionem ex eodem Symbolo sumpsi. Sed quod olim Flaccus cecinit, id & hodiè usitatum ubiq;

Virtus, fama, decus, divina, humanaq; pulcris
Divitiis parent: quas qui construxerit, ille
Clarus erit, fortis, justus, sapiens bonus & rex:
Et quicquid volet, &c: Lusi in hanc sententiam olim:
Nemo hodiè genus unde, aut quis sis querit, abundans
Sed tantum multo si ere crumena tumet.
Sis latro, sacri legus, sis fur, sis turpis adulter:
Cum nummos habeas, Prætor amicus erit.

Huc facit Lamprid. in Alex. Severo: *Pessimè, inquit, agitur cum eo regno, in quo præfides, præfetti, iudices, non ad beneficium tantum, sed precij magnitudinem leguntur. Cum necesse sit, quis emit vendere, & qui rem familiarem emendis dignitatibus exhauserit, alicunde lacunas suas implere.*



EMBLEMA. XXXVII.

'DUM PROSIM.'



Quid rauce vanâ stridetis voce Cicadæ,
 Pro arbitrio regni verso quod ungve decus?
 Ipsi DUM PROSIM: noccam dum haut civibus: aurem
 Præter vestra meam, ut, vox, levis aura, volat.
 Vulgus consilij rationes sæpè requirit,
 Quæ Princeps regni pro utilitate capit.
 Quàm temerè! tangit Populi quem cura, salutisq,
 Ipsius, prudens quod facit, omne facit.

V

Eo est

Vide Scip.
Amirat. dif-
fert. Polit. lib.
8. discurs. 7.

Est ingenio vulgus imperitum: ut non modò ex suo genio & stultâ mente, Consilia & facta Principum metiatur, & quæ optimè consulta sunt ab eis, curiosius inquirat, & ad suas ineptas rationes, eadem contorqueat: sed etiam dicerijs & convicijs aggravare, quæ ipsi sanis consilijs agere & instituere decreverunt, haut erubescat. Quod cum per se iniquissimum sit alijs conviciari: tum privatos maximè dedecet, in arcana Principum suorum & Magistratus consilia; inq; factorum rationes inquirere. Sciunt enim Optimi Principes & Magistratus, quid eorum officium requirat: & quid è subditorum & populi sibi commissi, reesse possit: nec adeò temerarij: ut quicquam sine certâ ratione facere aut aggredi deberent: cogitantes, si non hominibus; at Deo aliquando factorum suorum se reddituros rationem. Attamen sic fieri videmus: ut licet benè consulta, optimum sortiantur eventum: nihilominus vulgo displiceant: improbiq; semper, quamvis indignè, quod reprehendant, habent. Unde sæpenumerò contingit: ut Principes, quamvis ex certo & deliberato consilio quicquâ susceperint, & gesserint, vehementes intra se concipiant motus; nec non sæpè valde contristentur, cum vulgus de rebus eorû benè gestis, malè sentire, easque iniquius interpretari animadvertunt: idq; cum faciunt, tantò majorem de se, suisq; consilijs loquendi licentiam vulgo præbent: quantò vehementiorem propterea intra se conceperunt dolorem. Verumenimverò Princeps prudens suis rationibus & Consilio recto fretus, non solum vanos populi rumores & judicia contemnet: sed fiduciâ Integritatis & Conscientiæ nixus, easdem obrectationes in eum prudenter contorquebit: unde ipsi Gloria factorum constabit: populo autem pudor; & quod ipsi malevolè ac obstinatè crimen intentare haut erubuit, in caput recidet suum. Antigonus Rex exemplo esse potest, qui obrectatorum calumnias & patienter tulit; & nihili fecit: audierat enim duos manipulares de se malè loquentes, quibus tantum, Longius, inquit, discedite, ne vos Rex audiat. Idem quadam nocte, cum quosdam ex militibus suis exauisset, omnia mala imprecantes Regi, qui ipsos in illud iter, & inextricabile lutum deduxisset; accessit

Aquila non
curat provo-
cantem cor-
micem.

Seneca 3. de
ira. c. 22.

accessit ad eos, qui maximè laborabant: & cùm ignorantes, à quo adjuvarentur, explicuisset: *Nunc inquit, maledicite Antigono, ejus vitio in has calamitates incidistis: et autem benè optate, qui vos ex hac voragine deduxit.* Philippus Macedo convicijs à Nicandro Brusson, lib. 2. c. 16. laceffit; plurimis illum cœpit donis honestare: quibus acceptis, cœpit laudare Nicander. Ad amicos igitur conversus Philippus inquit: Videtisne ergo nostrum esse, & benè & malè audire. Pissistratus Atheniensis Tyrannus, cùm in ejus crudelitatem ebrius conviva multa dixisset, irritantibus amicis ad pœnas de convivâ sumendas, dixisse fertur: Non magis illi se succensere, quàm si quis obligatis oculis in se occurrisset. Prudentia & facilitas Alcibiadis mihi laudanda videtur, qui Canem miræ magnitudinis abscessâ caudâ per urbem dimisit: hoc verò cùm multis stultum atq; ineptum visum esset, monentibus eum amicis, ac sermones, qui de eo circumferebantur, enarrantibus, ridens Alcibiades: *Sic, inquit, res ut intenderam, successit. Hoc enim Atheniensibus loquendi volui præbere argumentum, ut eos à peioribus, quæ de me dicere audireq; soliti sunt, novis his rebus averterem.* Induant igitur Principes animum contra maledicentium tela fortem, confisi sui officij, ad quod à Deo vocati sunt, sublimitate: conscientiaq; scuto muniti, vulgi sibilos & susurros, inanesq; strepitus contemnant: neq; à scopo rectæ rationis; neq; à Consiliorum justè & sincerè susceptorum tramite unquam deflectant. Multi multa sentiunt, & pro suâ quisq; ratione judicat de publicis commodis. Sed Principis est, sibi constare: ac insar incudis duræ ictus sustinere; inquam cùm sagittæ maligni vulgi impingant, non tam ei citò nocent, quàm ipsæ franguntur. FRANCISCUM I. Regem Galliarum verè regiè fecisse legitur: qui cùm vectigal gravius, forsan non sine Reip: necessitate, populo suo imposuisset; ac propterea plebs non solum conquererentur: sed cùm ipse à suis Consiliarijs esset admonitus, quoddiniquè esset impositum: atq; idèò populus cum convitijs traduceret. Ille tantùm respondisse fertur: *Sinite eum loqui, ejus enim interest.* Nec minùs, cùm primos vulgi impetus sustinuit: id consecutus est, quod instituerat. Hinc ex præcedentibus,

cedentibus; Emblematis sensus facilior. Aquilam enim ungibus sceptrum tenentem, sequè alis paullùm quasi humo tollentem, Principem vel Regem intelligo, Reipub: administrationem pro rectæ rationis, & consiliorum usu instituentem; quorum altæ radices in mente suâ, & fidelium Consiliorum fixæ, supra vulgi iudicia semper emineant: Cicadas autem, vulgus esse imperitum noto. Ut enim Cicadæ æstatem cantu tantùm transmittunt, quæ propter assiduam ejusdem iterationem hominibus molæstæ sunt, & omninò contemnuntur: Pari quoque ratione, Principem, ad ejusmodi Cicadarū, id est, vulgi, præter inania verba, & convitia stridentis strepitū, animū advertere non decet: quin potiùs eundē, ad sublimia Imperij & Reipubl: negocia erigere: sic enim & facilitate suâ malorum evincet studium; & quæ, sui erunt officij, partes explebit. Addidi Symbolum, DUM PROSIM. Multa quoniam in Reipubl: occurrunt, vulgo quasi acerba: quæ, cur instituantur, suscipiantur & peragantur, eidem non sunt obvia: Consilio tamen prudenti & salubri suscepta, ipso tempore jocunda fiunt Reipub: . Et veluti Medici, pharmacis quædam miscent amara, etiam ipso ægroto, primo gusto acerba: sed quam ob causam id faciant, & sciunt, & ægroti valetudini consulere cupiunt: Ita & Principes prudentes, sæpè numero populo quædam dura proponere videntur: sed quæ temporis successu usum habent: nec curare debent, quid vulgus loquatur, DUM modò Reipub: PROSINT. Philemon.


*Nil suavius, nil docto viro dignius,
Convitiatorem quàm ferre: nam benè
Convitium qui dissimulat, convitium
Convitiatori rependit maximum.*

Seneca. * *Malis displicere, laudari est: Malè de me loquuntur homines, quia benè loqui nesciunt; faciunt, non quod mereor, sed quod solent.*

EMBLEM.

EMBLEMA. XXXVIII.

TRANSEUNDUM.



Existunt densa cœu furvâ nocte tenebræ,
 Cùm Lux materiâ deficiente perit.
 Non sacus in regnis certissima signa ruina
 Sic duo, si quis rem pensitet, esse solent.
 Regia deficiat, si hæredæ superstitæ nullo
 Stirps: si vel gentes, funditûs intereant.
 Ortus habet finem: non est durabile quicquid
 In mundo, mundus fiet & ipse NIHIL.

V 3

Cræsus

Ex Herodoto
G. Richt. in
axiom. Polit.

CRæsus Rex ille Lydorum opulentissimus, cùm esset à Cyro captus, ei adversus Thomyrin exercitum ducturo, dixisse scribitur. Quandoquidem Deus tibi me tradidit: quicquid animadverto errati in tuâ domo, id omne me pro viribus ad-
versurum. Nam meæ ruinæ etsi ingrata: mihi tamen exitere disci-
plinæ. Si tibi videris esse immortalis, & ejusmodi exercitui præ-
esse: nihil est opus, ut meam tibi dicam sententiam. Sin verò te
quoq; agnoscis hominem: istis ejusmodi præesse: illud in primis di-
scito: humanarum rerum Circum esse: qui rotatus semper eisdem
fortunatos esse non sinit. Aurea sanè verba, cordibus Principum
impressa meritò esse debent: ut Imperij, ac conditionis suæ,
nec non officij memores, felicitatem suam ratione rectâ tempera-
re, mitiùsq; interdum, ac sit, cum populis agere discant. Cræsum
enim, cùm se propter divitias, & rerum omnium abundantiam fe-
licissimum censeret: Fortuna, & status sui mutatio docuit:
nihil in Orbe perpetuum esse; quod ad extremum vitæ halitum
constans florensque maneret. Ille idem suo exemplo Cyrum admo-
nere voluit, ut, quàm incerto pede fortuna consistat, secum repu-
taret, quæ, ut semel de rebus humanis absolutâ suâ potestate sen-
tentiam tulit, nullum unquam mortalium ab eâ appellare posse:
quoniam in hoc mundo non habet, nec recognoscit superiorem,
nisi quod DEUM Ducem habeat, ut eleganter *Bl. in l. fin. C. Com-
muni. de legat.* ait. Et si non tantum res privatas, hominumque con-
ditionem in hoc mundo rectè perpendere: sed Imperiorum quoque,
& regnorum Periodos, ad amissim revocare voluerimus: repe-
riemus sanè, eas non fortuitas; sed fatales esse aded; ut docti viri
ex historijs, à primâ antiquitate observarint: Regna & Respubli-
cas potentiores 500. annis plerumque floruisse: plurima hunc ter-
minum non attigisse: nulla, aut paucissima superasse: sed in quin-
gentesimi anni momento, aut propè incidisse mutationes, quibus
vel everfa, ac deleta funditùs; vel aliò translata desierint: vel in
aliam novam sint transmutata formam. Per singularum partium
exempla longum esset hic discurrere: quæ tamen idem autor re-
cenfet: saltim quod VENETORUM RESPUBLICA ultra 1000
annos floreat: Ideòque eam *Virginem esse* * Camer: ait: quòd adhuc
nullū externū Dominum passa sit: ideòque prudentiæ & Concordiæ

* Cam. oper.
fabris, cent. 1.
c. 33.

S.P.Q. Veneti dubio procul, post DEI OPT. MAX. providentiâ, & singulare beneficium, est adscribendum. De Poloniæ Regno, quod paulò ampliùs quingentos annos duravit, simile quid apparet: periodum scilicet 500 an. excessisse ac superasse: sed videant, ne motibus proprijs mutationem regno suo accersant, qui Libertatem maximè tuentes, licentiæ potiùs frena relaxent: privatq; discordiâ & seditione, publicam calamitatem provocent. *Nulla enim res magna*, inquit * Seneca, *non aliquod habuit ruinae suae spatium.* 5, * 14. ep. 92. *Urbes quoq;*, ut idem ait, *constituit ætas, hora dissolvit, momento fit cinis, diù silva.* Ac veluti magna ædificia, quæ vetustate collabuntur, non uno momento concidere; sed primò rimas quasdam agere, quæ compagis dissolutionem minari videntur: donec tandem tota moles corruat: Ita quoq; in Republ: quædam signa & Prognostica ruinæ & calamitatum earundem præcedere solent. Solet etenim DEUS, cùm sit longanimis, iræ suæ certa signa populis ac regibus antè monstrare, quàm pœnas & calamitates infligat; ut ad pœnitentiam eos convertat, si sua delicta, & DEI misericordiam agnoscere velint. Ex sacris literis, exempla pijs sunt obvia. Id tamen, quod explicationi Emblematis hujus servit, addo. * *Ubi in Principum familiis nulli filij, successores regni futuri superstites manent: illic rerum mutationem, Reipub: perturbationem, ac magnum DEI judicium, ferè solet prævideri & expectari.* 1. Sam. 2. vers. 33, 34. Id quoq; observatum est ex historijs: Non solum Rerumpub: ruinas, signa quædam & indiciæ præcessisse: sed familias quasdam illustres & nobiles esse, quæ, quoties ex eis, aliquis mortem obire debet, certis quibusdam indicijs præmoneri solent: de quo alibi. Ita duo prænuncij in Imperijs solent esse calamitatum: *Stirps regum deficiens: & occasus familiarum, præsertim Illustrum aut antiquarum.* Hujus rei consideratione & occasione Emblemata hoc, sub duarum Candelarum extinctarum notâ effinxi: meæ enim familiæ fatum idem imminet! Et quemadmodum tenebras nocte præsertim illuni, existere: easdemq; augeri in Conclavi aliquo necesse est, quando lucernæ ardentes extingvuntur: ac nemo tùm suas operas sine luminis adjumento exequi potest: pari ratione calamitatis & cladum origo, ex familiæ regis, & præcipuarum familiarum

* Danz. in Polit. Christ. lib. 3. aphor. 5. mihi fol. 266.

30 Super Illustris familia
31 de Rosen-
berg hanc fatalem viâ iniit Anno 1611.
D. Vigelius, 57
Principum & Nobiliû familias recenset, quæ intra 130 annor. spaciû

absq; hærede
& prole inter-
ierunt. Abr.
Hofman. in
Genealogia
Austriaca.

Sen. op. 103.

Sen. de Con-
sol. ad Alb.
c. 6.

familiarum defectu, in Repub: existit. Nam ut in sequentis Em-
blematis explicatione dicam, CERTA SECURITAS Imperij,
Populo à stirpe regiâ vel Principali, (præsertim ubi Principatus
hæreditarij,) pullulante expectanda est. Ubi verò Imperium ad
novos subinde Dominos transfertur: nec sint in eo Illustres ac
Nobiles antiquæ familiæ, quibus certè dignitas Regni plurimùm
decoratur: ibi mutatio & ex hac calamitas semper metuenda. Per
Candelabrum, ut potè, lucernæ fulcrum, fundamentum salutis
Reipub:, Inconcussam, & non interruptam certam seriem prolis
masculæ Regiæ, & aliarum præcipuarum familiarum, à quibus, &
in quibus basis securitatis Reip. & ut dixi, salutis redundat & re-
posita est, intelligo. Per emunctorium verò, causas omnes Rem-
pub: evertentes, noto. Symbolum TRANSEUNDUM, ex Senecâ
desumptum, significat: nihil in mundo, quod ortum habeat, per-
pes & stabile esse; quin illud aliquando finem sit sortitutum. Em-
blemati huic convenit Senecæ. *Affiduum humani generis discursus est. Quotidiè aliquid in tam magno orbo mutatur. Nova urbium fundamenta jaciuntur. Nova gentium nomina, extinctis nominibus prioribus, aut in accessionem validioris, conversis oriuntur. &c:*
Id verò quis fato fieri non credat? sive providentia DEI, omnia in
hoc mundo gubernâtis, disponi neget? *Dei* planè sit, necesse sit,
qui aliud disserat & asserat.


*Est etenim vis tanta, & tanta potentia divi
Numinis; ut Ratio hanc non superare queat.
Cum semel huic placuit, sortem mutare benignam:
Consilij humani vis, ratioq; perit.*



EMBL.

EMBLEMA XXXIX.

CERTA SECURITAS.



Non adeò Regum preciosa palatia gemmis.
 Auro atq; argento condecorata nitent:
 Non adeò hec tutantur opes; non copia rerum:
 Nec secura, cohors praesidiumq; facit.
 Continna serie quàm certâ è stirpe redundans,
 Imperium, soboles multiplicata, beat.
 Hac illustre genus nam conservatur & haeres:
 Regni & Successor sic sine lite manet.

X

Ut

UT præcedente Emblemate demonstravi, in regno aut Re-
pub: mutationes & calamitates ex defectu stirpis Regiæ
oriri: ita hoc declarabo, certam securitatem nasci Imperio,

Vide M. An-
tonii Peregrini
Consilium,
de Successio-
nib⁹ in Regiis
Dignitatibus,
& Besoldi di-
sputat. de Re-
giâ Successio-
ne.

ubi certa proles, & regni hæres existit. Duobus enim modis cùm
Principatus capiatur; vel Electione, vel Successione: illaq; extra
controversiam antiquior, imò tutior: attamen omissis, quæ in
partem utramq; ab autoribus adferuntur & excutiuntur rationi-
bus; Successionem non improbo. hancq; intelligo, non solùm in
hæreditario regno & Principatu: sed ubi Electione, vel suffragijs
constituuntur Reges, ut Successor sit certus, & præ manibus, qui
idoneè defuncto succedat. Nam, licet *Imperaturum omnibus*, ut

* lib. 2. Polit.
c. 4.

* Lipsius ait ex Plinio, *eligi debere ex omnibus*, ratio dicitur: & ut
ex multis generosis equis, optimum seligere non est difficile, cùm
copia adsit: Nihilominus tamen plurima regno obveniunt in-
commoda, cùm inter tot millia suffragiorum; vel saltem Optima-
tum voces, contrariæ voluntates audiantur: odiaq; in eligentes
deriventur. Adde, quòd licet hodiè etiam in Successione hæredi-
tariâ, nedum in Electione Principum, id observari soleat; ut præ-
statio Homagij; vel ut alij dicunt, Hominij, non fiat; nisi ultrò
citòq; prius habito initoq; contractu, pactisq; inter subditos, &
futurum novum Principem conventis, de non violandis legibus
fundamentalibus, alijsque rebus non mutandis, innovandis, aut
ferendis: diuturnitate tamen ipsâ, mores quoq; electorum Prin-
cipum mutantur ut plurimum. Ita quinquennium Neronis opti-
mum fuit. Sic M. Flavius Constantinus primis annis Princeps
probus, secundo vir sanguinum, tertio pupillus prodigus audijt.
& plerumq; — *mitissima fors est*

Alb. Gentil.
de I. belli lib.
c. 15. Ioh.
ap: Egnatius
m. imp.

Regnorum sub Rege novo.

Tùm, quòd in

Electione plurimorum mentes, & recta judicia corrumpuntur:
dùm eligentes vel muneribus, vel spe futurorum commodorum,
& remunerationis, ab ijs alliciantur, qui dominari cupiunt; quod
in Successione cessat. Talienim modo pravas aliorum spes cohi-
beri certum est, cùm Successor non in incerto. **MAXIMILIANUS**
.. **I. FRIDERICI III** filius, vivo patre in Imperatorem est electus
.. Anno 1486. **CAROLUS V.** feliciss. memoriæ, prudenter fecit,
quòd

quodd fratrem suum **F E R D I N A N D U M**, se vivente, Regem Bohemiæ, & postea Romanorum, designari ab Electoribus & Ordinibus voluit; ut inde Imperij Romani dignitas ad eum deferretur, motusq; propter æmulose vitarentur. Ita **M A X I M I L I A N U S** II. parens **V^z Cæs^r Mat^{is}**, vivente patre suo, in Regem Bohemiæ, & postea Roman. declaratus fuit. Similiter **R U D O L P H U S** II Imp. aug. mem. patre **V^z Cæs^r Mat^{is}** vivo, **R E X R O M.** electus fuit. Quodd verò in vivis adhuc existente **R U D O L P H O** II Imp.; **V^z Cæs^r Matⁱ** Regnū Ungariæ & Bohemiæ, eodem consentiente, Ordinibusq; utriusq; Regni conferentibus cessit; id Providentiæ & voluntati **D E I** acceptum fert orbis Christianus: Nemo enim est, qui divinam benignitatem in eo non agnoscat, quodd **V^a Cæs^r Ma^{tas}**, ad hoc sublime Imperij Rom. fastigium, consensu Electorum unanimi, ac omnium votis sit evecta: ac successione non interruptâ, à **C A R O L O V.** a. m. quintum nunc in serie locum teneat. Faxit porro Rex ille regum summus: ut Imperium Roman. ex Serenissimâ domo Austriacâ, certo futuro Successore gaudeat ac lætetur! Constitutio Caroli IV. de elegendo Imperatore: & Institutio prima Electorum **O T T O N I S**, prudenter est introducta: Nam, cū in hæreditarijs regnis, Principum soleat esse Reipub: negligentior cura; quando se Dominos suorum populorum agnoscant natos; imò, omnes qui nascuntur & non eliguntur Reges, ut plerumq; fit, abutuntur illâ, in quâ educantur, & quam sibi perpetuam fore putant, libertate. Ne itaque potestate suâ abuterentur, & per eos, publicum Bonum negligeretur; Lex eis certa posita est. Sic **W E N C E S L A U S** propter ignaviâ, Imperio fuit privatus. Præterea, cū fatales sint rerum & Regnorum periodi, ne, si deficiente stirpe regiâ vel Imperatoriâ, agnati aut cognati, dignitatis splendore tumentes, Imperium sibi usurparent, aut tribui contenderent; Electio rectè instituta est. Si tamen idonei sint Imperio, Imperatorum & Regum filios non rectè ab hac dignitate excludi, multi judicant: cū Reipub: maximè interfit: ut regiæ stirpis Honor & dignitas successione conservetur & augeatur. Id quod in Electorum secularium familijs observatur. Nam, quod in privatis familijs videmus, si eæ neglegantur; vel si Virtutibus

bus & divitijs, (quod quidem hodiè maximè attenditur,) non conservantur, splendorem suum illas non tantùm paulatim amittere: sed defectu hujus, contemptu propter paupertatem ingravescente, eas interire necessum est. Ita, non absque ratione dixerim; in regiâ stirpe, præsertim ubi Electio Successioni prævalet: dignitatem summam quodammodo minui: ubi idoneis in eâ neglectis, alij præferuntur. Quapropter DEUS OPT. MAX. qui reges & regna constituit & stabilis, eaq; solus, quò vult; transfert, rogandus est; ut Regum & Principum piorum ac bonorum, stirpem propagare ac conservare: tùm Magnas & Illustres familias divinâ suâ gratiâ & bonitate augere velit; ne, illâ deficiente, mutationes Reipub: accidant: & hispereuntibus, decus & splendor ejus intereat. Ut enim certa mutatio metuenda, quoties novi Reges: certa; ruina ædificij, ubi fundamenta labant, aut nutant. Ita è contrariò:


* Joh Lenc. in
obf. Polit. ex
Tac. & Cas-
man. in syste-
mate Vitæ Po-
lit. Scip. Ami-
rat. dissert. Po-
lit. lib. 1. di-
scuss. 2. ex
Tasit.

* *Nulla neq; opes aut divitiæ, neq; classes aut legiones perinde firma Imperij munimenta sunt, quàm numerus liberorum. cùm, quia oc-
cultâ quedam Majestas in illis est; tùm verò, quòd prave aliorum
spes & fraudes inhihentur, si successores non in incerto sint.* Quod
olim Augustus prævidit, atq; ideò sibi hæredem stabiliendum cu-
ravit. Et Tiberius extra domum Augustam, Imperium collocare,
indecorum atq; intutum putabat, sin extra domum successor quæ-
reretur; ne memoria Augusti, ne nomen Cæsarum in ludibria ver-
terent, metuebat. Emblemata igitur dissertationi huic conve-
niens, non est obscurum. Payo enim hieroglyphicum est fecundi-
tatis. Pullos autè, prole regiam intelligo; quæ intra sepem, hoc est,
limites Imperij sui secuta est, & lætior vivit. Eaque SECURITAS
Imperij CERTA est, ubi hæredes ac successores regnorum & bo-
norum certi. In Nuptijs Serenissimi ac Potentiss. Regis POLON.
SIGISMUNDI III. quas cum SERENISSIMA PRINCEP &
ARCHIDUCISSA AUSTRIÆ CONSTANTIA celebravit: nu-
mus in felici & splendido in urbem Crac: ingressu spargebatur, ex
quarum parte unâ libra cum sceptro transversim locato: ex alterâ,
par turturum olivæ ramo insidens, expressum fuit, cum hac in-
scriptione: REGNORUM SECURITAS NUNQUAM DEFI-
CIAT. Eam ut Regno Poloniæ, DEUS quoq; conservet in hære-
dibus jam natis regijs, unicè precor.

Anno 1605.
Cracov: m.
Decemb:

POLITICA.
EMBLEMA XL.
UTERE SORTE TUA.

157



ORbe super testudo jacens securus periculi est.
Ipsius hant fines præterisse cupit.
Si qua manus forti sunt parta, aut sorte benignâ,
Oblata, auspiciis vel quoq; Regna, sacris.
Esse reor potius servanda, ac pacet uenda,
(Si non Vis, Causa, & Jus capere arma jubent.)
Quam nova sub dubio conquirere Marte. capeffit
Qui vi aliena, suis sæpè pericla struit.

X 3

Tanta

Tanta est mortalibus suarum rerum satietas, imò nulli res sua fatis; ut aliena semper magis placeant, quàm propria. & ut Poëta ait:

Fertilior seges est, alienis semper in arvis:

Vicinumq, pecus grandius uber habet. Omnes enim naturâ, cupiditate habendi duci videmur; sed ij in hoc peccant maximè, qui modum excedunt in acquirendis reb^o: & quò plura possideant, eò plura appetât: & quò plura appetât, eò min^o possideant: nec non rarò id eis evenire videmus, quod Æsopico cani: qui cùm in undis carnis umbram, quam ore tenebat, conspexisset, eamq, appetuisset, illam simul, quam habuit, amisit. Si autem Cupiditas illa nimia in privatis vituperatur: virisq; bonis invisi plerumque sunt, qui non contenti, *parcâ quod eis Deus obtulit manu*, ut Horat. inquit. In Principibus maximè repræhendenda; quod eâ duplici modo peccant. In se, & in suos. Indignum enim est Principe ad sublimia nato, servire turpi lucro, ac alienis bonis æstuarè; cùm liberam mentem, ab omni contagio vitiorum habere debeat. Subditis autem pessimum exemplum suo præbet: cumq; vitia in alijs vindicare deberet, ea docere videtur. plerumq, enim,

Regis ad exemplum totus componitur orbis. Et

Omne animi vitium tanto conspectum in se

Crimen habet, quanto major qui peccat, habetur.

Verum enim verò Magnorum virorum ingenia, plerumq; dominandi libidine, & cupiditate regna possidendi flagrare, experientia & historiæ testantur, paucos rebus partis contentos. Atque hæc communis omnium labes, quòd sæpenuerò magis de acquirendo, quàm acquisito retinendo, intra se æstuent: cùm tamen sit

Non minor - virtus, quàm querere parta tueri.

Quippe majoris est laboris ac industriæ, res acquisitas conservare: regnumq; partum in suo statu tueri posse tutum. Nam sæpissimè fit; ut, cùm de parto augendo cogitent, modosque id perficiendi quærant: totum, quod ante possederunt, amittant: & dum ad culmen venire contendunt, unâ cum ipsis ramis; quos compræhenderunt, decidunt. Optimè igitur, * Lipsius Principes docet, quò

novæ regna sitiunt, ad eaq, properant, ut ante parta, firment. Facilius enim

* Polit. lib. 2.
69.

enim est vincere, quod fortunæ interdum beneficio, & vi fieri potest; sed victoriâ ob itinere, non nisi prudentiæ esse. Atq; ut Echinum capere facilius est, tenere difficile; & nisi arte & prudentiâ utaris, frustra eum ceperis: Ita quoq; * *fortunam magnam citius reperias, quàm retineas.* Ut non immeritò Livius dixerit. *Excellentibus ingeniis citius defuerit ars, quàm Civem regant, quàm quâ superent hostem.* Et Demosthenes suos cives hortatur, cum sint in vitâ duocommoda, Fortunæ prosperæ, & Consilij boni: non solet utriusq; simul copia contingere hominibus. Neq; quisquam rebus secundis terminum sibi constituit, neq; finem imponit cupiditatibus acquirendi plura. Itaq; permulti sæpenumero dum majora concupiscunt, ea, quæ jam obtinebant, amiserunt. * Tartarorum Princeps quidam, licet alioquin barbarus, imprudentiam eorum notare voluit, qui proprijs non contenti, majora appetere soleant: Ex capti enim Moschovitici Principis calvariâ, poculo, majusculis literis inscribi curavit: **HIC ALIENA APPETENDO PROPRIA AMISIT.** * Antiochus Magnus, Regum Asiæ illis temporibus potentissimus, non contentus tanto Imperio, bellum Romanis intulit: à quibus superatus, omnibus, quæ cis Taurum montem possidebat, multatus est. Antigonus quondam Rex, & Alfonso Rex Aragonum, tales aleatoribus similes esse dixit; qui spe lucri futuri, proprias opes prodigunt, nec eo, quod lucrati sunt contenti, dum alienum appetunt, id quoq; perdere solent. Maximiliani Imp: judicium de his recitavi in discursu meo Politico de **LITERIS & ARMIS.** Ac quidem extra dubium est: Principes & Reges, qui regna sua vel hæreditaria, vel virtute parta bellicâ, tueri & defendere pacis artibus sciunt, nec alienis inhiant: eos feliciores & tutiores in suo Principatu esse, ijs, qui nova subinde acquirunt, eaq; conservare nesciunt. Alexander non tam citò orbem sibi subjecit, quàm ipse cum suâ familiâ & regno periit. de alijs, historiarû pleni sunt libri. Prudenter itaq; * *Lips. ex Livio* Principes monet, ut quietem potius & pacem colant: & sua modis omnibus tueantur ac defendere conentur; cum Dimidium sæpè plus toto: & ubi cupiditatibus frena laxantur: impetu magno eæ proterunt res proprias. Sic ex Livio verissimum.

* Publ:

* Camer. op. subcis. cent. 1. c. 2.

* Joh. Spin. de tranquill. anim.

* lib. 4. Polit. c. 9.

Liv. lib. 34.

Tegmine

*Tegmine clausa suo Chelys, omnes despiciit istius:
Exertum telis nudat inepta caput.*

*Sub lare privato tutò & benè vivitur. extra hunc
Sors malefida tibi mille pericla struit.*

Unde hoc

Emblema intellectu facile est: Ut enim testudo tradissimè incedit; inq; suo tegmine tuta latet: Ita Principem, suam Rempubl: & regnum tutari decet: & ad nova, vel aliena regna invadenda tardum esse: globum autem, cùm circularis figura perfectissima & aptissima sit, Imperium legibus, & rebus ad perfectionem regni pertinentibus ornatum, intelligo: idè autem cathena cinctum volui: ut eam Rempubl: vel regnum non facilè solvi innuerem, quod ferreis & solidis Prudentiæ & Concordiæ vinculis constrictum sit: eamq; Rempub: tùm florentem censerì: cùm quisq; in eà rebus suis contentus, mediocritatem amplectatur: idque tam Principi. quàm privato optimè convenire puto. *Ambitio enim omnis infelix.* & ubi vicini Principes temeritate quadam vexantur, tristes & funesti exitus sequi solent. Symboli loco adjeci, **UTER SORTE TUA.** Certiora enim sunt quæ bono titulo possidentur; licet parva aut exigua: quam magna injusto aliquo modo parta, quæ tantùm abest ut tutò possideas, ut tua simul cum illis amittas. Placet hîc * monita adscribere quædam. *Industria*, inquit, *adhibeatur, ut subjecti populi pace perfruantur, non deficiat annona, ærarium ditiescat, Civitates civibus impleantur, disciplinâ militari cives instruuntur, arma congregentur, Princeps muniat se subditorum amore, arcibus, copiis: Cùm verò sese obtulerit occasio, ut sive tuas, sive sociorum ac fœderatorum res tueare; tunc contra audentior ito: neq; enim tantum certa erit parata adversus vicinas, remotasq; gentes victoria, sed etiam, quæ bello acquisiveris, securus ab hostili impetu possidebis, & perenni pace letaberis.* Quomodo autem & quando confœderatis inter se Principibus bellâ moventibus, tertius vicinus utrinq; quoq; fœderatus, opitulari & se gerere debeat, hîc certi nihil definitio: videatur * Lips. id tamen observandum:

*In caducum parietem non inclinet. * Et, suam
quisq; fortunam in consilio habeat, cùm
de alienâ deliberat.*

E M B L E M A

* ex Amirat.
Scip. lib. 1.
discurs. 6.

* lib. 4. c. 9.

* Curt. lib. 4.

EMBLEMA. XLI.

INTUTA QUÆ INDECORA.



Notis avis non est ad Solis tendere lumen:
 Non aquila muscas ungue ferire leves.
 Sors, Virtus, Natura Ducum contraria vulgo est.
 His proprios fines transilysse nocet.
 Nec fas privato, mores effingere regum:
 Hos vulgare aliquid nec sapuisse decet.
 Summa petant summe generoso in corpore mentes.
 Plebs humiles humilis quærat & ornet opes.

Y

Themistocles

Themistocles post partam victoriam, cum aliquando ad mare visendi cadavera causâ accessisset: & jam multos torques, aureasque armillas præterijisset, amico cuidam se sequenti dixisse scribitur. *Tolle tu hac, quia non es Themistocles.* Et Alexander, cum ei Darij filia in uxorem cum ingenti dote offerretur, Parmenioni, ut acceptaret conditionem, dicenti, *Facerem ego si essem Alexander*, prudenter respondit: *Et ego facerem si essem Parmenio.* Quo innuere voluit; aliam Principum esse conditionem, statum & officium; aliam privatorum. Neq; id Principem decere, quod privatum quempiam, quod ad vitam, mores, & actiones. Nam ut Deus ipse Reges, Magistratus tam Ecclesiasticos, quam Politicos instituit, eisq; præ cæteris peculiarem gratiam concedit; eos quoq; sapientiæ suæ donis affatim cumulat: ita vult, ut quisq; in suo statu & officio perseveret; suamq; autoritatem pro virili, pietate, Justitiâ & Prudentiâ defendat & tueatur. Scæpè autem homines ingenij & vocationis metas egrediuntur, sibi que inde plurima pericula spontè accersunt. Principum vitam vulgus rude scelicissimam æstimat; ex rerum omnium affluentia: eorumq; mores pravâ & ineptâ imitatione exprimere haud veretur: de ipsorum Consilij & actionibus palàm judicare non dubitat; privatis eas rebus suis accommodare nitens: cumq; illi alta & magna sapere non detur, * *non dilectu aut sapientiâ ducitur ad judicandum, sed impetu, & quadam etiam temeritate*: idèò Principum Consilia & facta ad suam tantùm lancem appendit: publica que bona, ex re suâ privatâ & sordidâ scæpè ratione metitur: cum illi non magis datum & concessum sit, in Principum occultas rationes, quas de Republicâ ineunt inquirere, eaq; penitus cognoscere; atq; Nocturæ splendidum solis lumen aspicere. Quid? quodd Principes & Magnates summo odio eos persequantur, qui, non dicam facta & consilia eorum perspecta habere volunt: sed qui eos in moribus, vestitu, supellectile privatim imitantur. Imò eo sunt ingenio Principes, ut, quod quisq; genere illustrior, antiquior, celebrior, adde & ditior: eò magis offenditur, quando inferiores pari cum illis fortunâ, & rerum omnium formâ uti volunt. * *Artaxerxes prudenter Teribazo regia sua vestimenta indulsit.* Hic enim,

Posuit Deus
metas inge-
niis, quod &
quatenus cur-
rant.

* Cic pro
Blanc.

* Brufon:
lib. I. c. 5.

enim, cùm in venatione vestem scissam illi ostendisset, rogatus, quid fieri oporteret? respondit: Aliam sibi induendam vestem, & illam Artaxerxi tradendam. Concessit Artaxerxes: Dono tibi hanc (ait) vestem, sed ferre prohibeo. Teribazum verò, quod illà indutus esset, acceptis etiam muliebribus donis, ægrè ferebant spectatores. Tum Rex cachinnari cœpit, ad eumq; conversus: *Tibi, inquit, ut mulieri aurum, & ut infano regium amictum, gestandi potestatem licentiamq; concedimus.* Quis hinc importunitatem hominis, in impetrando, regisq; benignitatem in concedendo, utriusq; simul statum non cognoscat? Africanus cum ei obijceretur, quòd ipse prælio non interesset, prudenter respondit. *Imperatorem me mater, non militem genuit: neq; Ducis est, militis mortem obire!* nec immeritò. Nam, cùm in Imperatore tanquam Capite, tota vis & ratio belli consistat: ejus non est, quibusvis periculis, aut pugnis, (quod militum proprium est,) sese obijcere. Eo enim cæso, victoriæ & totius exercitus etiam validissimi, spēs & robur langvet, imò jacet. Ita Viri fortes, Gloriam ex rebus præclare gestis pluris faciunt, quàm hostium spolia & prædas: neque ex levibus aut parvis rebus, nec ignobilibus, solidam esse judicant. Idem L. Paulus Æmylius docuit. Nam cùm Perseopotentissimo Rege Macedonia devicto, Macedonicis opibus veterem achæreditariam urbis paupertatem satiasset: penates autem suos nullà ex parte locupletiores fecisset: præclare secum actum existimavit; quòd ex illà victoriâ, alij pecuniam; Ipse patriæ salutem & gloriam sibi parasset. Ita Nobilem à Principe beneficium accipere, vel tale quid decet: illum ab hoc non semper. ut Privatus, rem suam ex vili quoq; re faciat, non in decorum: Principem nequaquam decet. Diversum sanè Reges & Populi sapiunt, & sapere debent. Non omnia omnibus conveniunt, nec sunt decora: quodq; privato licet, Principi licere turpe putandum. Quanquam non negârim, Principes & Magnates vulgo propterea gratos existere solere; quoties se civiliter gerant; & cum primoribus suæ Civitatis converfentur, dummodo sui status & dignitatis non obliviscantur: aut apud viles, viliùs quàm Majestas eorum & auctoritas requirit, se obijciant, aut gerant. Nimia enim familiaritas,

Val. Max. lib.
4. cap. 3.

cùm contemptum parere soleat; tùm magnatum dignitatem obfuscat, cùm se ultrà modum privatorum rebus immiscent. Id ut caveant, meminerint sedulò, quia in proverbio dicitur: *tractent fabrilis fabri. peragant regalia reges. Aliud enim sceptrum, aliud plectrum.* & quod apud * Plautum; *aliter catuli longe olent, aliter sues.* Alia mens & Studia Generosi Principis, alia plebei hominis. Emblemate igitur hoc, diversitatem studiorum & factorum Principis, & privati hominis exprimere volui. * Aquila enim Principum Majestatem notat, industriamq; eorum, suis rebus intentam. Ut & inter cœtera Noctycorax hypocritam, & privatum studiũ, inquirendi & adipiscendi res. Ut itaq; Aquilæ muscas captare, vel murus venari minimè convenit: quandoquidem ob generositatem, quâ cœteras aves præcellit, easq; negligit; majori solet incumbere prædæ: Sic Principem vulgaris sectari, & animum humilibus, & tantâ Majestate non dignis studiis applicare non decet: Ac veluti noctua in tenebris potissimùm volat: Solisque lumen sustinere non potest: Sic privati homines, privatistantum, & quæ ad majestatem regni nil faciunt, rebus intenti esse solent. ad splendorem summæ dignitatis in regno cœcutientes. Ut itaque neq; Aquilam muscis captandis, muribusve insectandis intentam esse decet. Neq; Noctuæ tutum est, adversus solem, aciem oculorum dirigere, cùm naturâ ejusdem radios sustinere ipsi negetur. Ad eum quoq; modum, nec Principi privatorum studia: nec privatis, illorum facta sectari convenit. Utrinq; enim periculum & infamia. & quod Tac. ait. *INTUTA, QUÆ INDECORA.* *Culpa quoq; est immiscere se rei ad se non pertinenti:* quæ pœnam plerumque comitem habet. Quantoperè igitur Principes student abesse à cultu victuque plebejo: tantoperè verus Princeps debet abesse à sordidis opinionibus vulgi: imò solùm hoc sordidum vile, seque indignum ducat, cum plebeculâ sentire, cui nunquam optima placuerunt.

* in Epid.
Erasin. in
adag. Chil.
1. cent. 8.


* 1. Pier. lib.
19 hiero-
glyph.

1. culpa 36.
ff. d. R. 1.

Vide Scip.
Amirat. dif-
fert. Polit. lib.
9, discurs. 10.

EMBLEMA. XLII.

SICUT QUIETIS PUBLICÆ.



Urbis non tam firma potest Rex reddere, quamvis
 Defendat murus mœnia cincta triplex:
 Concordi quàm cum Civis animoq, fideq,
 Opponent hosti pectora læta suo.
 Quos patriæ communis amor, Regisq, benigni;
 Ardor & in socios non temeratus agit.
 Principibus res est nec gratior ulla; fidelis
 Quam cum se unanimi pectore turba colit.

Y 3

Concordiæ

Coslic. de opt.
Senat. lib. 2.

Concordiæ templum Camillus Romæ quondam construxisse scribitur, in quo Senatus potissimum haberi solebat; ut eo declararetur, nihil seditio: è, nihil turbulentè agendum esse in Senatu; sed omnia tranquillè & pacatè. Ubi enim Senatus mutuis inter se odijs certant, diversisq; animis & sententijs in contrarias voluntates abeunt, eam Rempublicam non solum infelicem esse; sed ad interitum accelerare certum est. In quâ civitate cives assiduis contentionibus dimicant; ibi publicum bonum, & privata commoda, non secus, atq; nix à Solis calore, diffluunt. A naturâ ipsâ docemur & ducimur ad Concordiam amandam & colendam. Si enim vel solam corporis humani fabricam aspexerimus, quomodo tot, ac varia membra inter se cohæreant, & quomodo officia sua exequantur: meritò animum à contentionibus & odijs, ad tranquillitatem & concordiam revocare debemus. Quandiu enim membrum membro cohæret, sano ac vivente corpore, tamdiu qualitas ejus integra est: sed primum ac abscissum aliquod fuerit, tabescit, & nullius momenti, existit. Qui ædificium extruit, sanè saxum cum saxo, vel lignum cum ligno non coaptabit sine aliquo vinculo. Et publicum bonum nullâ promoveri ratione poterit sine Concordiâ! Hæc enim est vinculum, hæc ligamen, hæc gluten, hæc murus inexpugnabilis, hæc ara insuperabilis; quâ se Reges & Principes, Magistratus, Respublicæ, Cives, amici, consanguinei defendunt; tota deniq; rerum natura se tutatur contra vim quamcunq;. Unde Agesilaus Lacedæmoniorum Rex interrogatus, quamobrem Sparta mœnibus non fuisset cincta: ostensis civibus concordibus & armatis; Hi sunt, respondit, Spartæ mœnia. Nec immeritò. Nam veluti muros, fossas, valla, aliaq; munimenta summâ diligentia & sumptibus magnis extruere solemus: ut privatorum bona, atque adeò publica, salva & tuta, adversus hostium incursus & deprædationes, esse possint: quæ per se licet sint valida: tamen ni civium unanimis voluntas & fortitudo, ex ijs hostem repellendi, accedat; frustra ea extruuntur & eriguntur: Ita in defendendâ magnâ Republicâ, veluti Imperio Romano, nisi Principes inter se amicitiam & Concordiam alant colantq;; vires omnes, quas licet in unum collectæ cumulum

cumulum, maximæ sunt; ac essent; ad retundendas inimicorum machinationes, non sufficerent: Omni enim hosti nihil tam formidabile esse solet, atque Concordia eorum, qui contra se sunt pugnaturi. Nihil jocundius, quam cum inter (duces) & milites discordiæ sunt & foveantur. Id quod docet Vegetius, *Prudentis esse ducis inter hostes discordia causas ferere.* Siquidem * discordia & seditio omnia facit opportuniore insidiantibus. Quippe, ut in discordiâ intestinâ nihil potest esse occultum: ita tunc maximè viâ patefit hostibus ad opes aliorum expugnandas, cum inter Principes aut cives in Republicâ:

— *savo discordia crine*

Extulit ad superos stygium caput.

Scipio

Africanus cum Numantinos sæpè victores fregisset, obsessosque tandem expugnasset, Tiresiam Principem quendam Celticum rogavit; quâ de causâ Numantia priùs invicta durasset, & post eversa fuisset? respondit Tiresias: Concordia victoriam, discordia exitium præbuit. Hinc OTTO III Imp: cum Concordiam animadverteret Imperio & Reipubl: cuilibet summè esse utilem & necessariam, ad sui firmitudinem, & hostes retundendos, Symboli loco usurpavit VIRTUS UNITA FORTIOR.

* *Plus VIRTUS UNITA VALET; vis nescia vinei*

* Reusni:

Si mens una, fides una sit, una manus.

Et cum Respublica benè constituta sit quasi corpus sanum, & rectâ utens valetudine, in quâ Rex seu Princeps, Capitis loco est, reliqua membra veluti Duces & Proceres, ei obsequi decet: cum primum ea vel à Principe, vel inter se dissidere cœperint, certissimum huic regno imminet exitium. & ubi partes labant: ibi summam turbati necessum est, quando hæc est maxima Rerum publicarum & regnorum calamitas. Hanc olim cum prævidisset Scylurus ille Scytharum Princeps, qui jam jam animam exhalaturus, octoginta filijs suis, quos habebat, convocatis, fascem jaculorum frangendum omnibus porrexit, recusantibus illis rem factum incredibilem. ipse singulatim extractas fregit, filios admonens; ut Concordiam servarent, hac illos invictos & felices futuros dicens. * Sertorius Dux, militibus dissidentibus, caudam equinam

Q Curtius.

Plut. in vit. Sert.

propofuit; cujus ſetas nemo tam robuſtus fuit in toto exercitu, qui conglobatas evelleret; mox autem diſtinctas, imbecillis & iners lixa decerpiſit. Et quemadmodum haſtilia ſingula facilè franguntur; conjuncta non item. Ita diſſidentes facilè ſuperantur, ſecus autem concordēs. Faſciculo igitur ſagittarum funiculo colligatarum, quibus duo Corda adjuncta conſpiciuntur. CONCORDIAM delineare volui. Quemadmodum enim tela compacta, quæ & Fortitudinis ac deſenſionis hieroglyphicum ſunt, non facilè franguntur, ſingula, ſine ullo labore: utq; *funiculus triplex*, ut Salomon * ait, *non rumpitur*: ita Concordes Principes & Cives, ſi animis & voluntatibus, (quod duorum cordium mutuo nexu cohærentium, noto) omni odio & ſimulatione vacuis publica commoda curaverint, eos proſectò inſuperabiles futuros. Contrà verò nil opportunius, nil facilius & aptius ad perdendam libertatem, privata & publica bona diripiendâ, quàm cùm Principes, vel Cives etiam, qui Reipub: aut Civitatis jura meritò conſervare debent, inter ſe diſſentiant. Concordia igitur mater felicitatis, publicæq; quietis ſeges eſt; quæ conſiſtit in conſpiratione omniū ordinum, ad retinendam libertatem, ll. juſtitiam, fidem, religionem, & omnem Reipub: tranquillitatem. *Eſtq; hæc*, ut * Goſlic. ait: *una ſpes & ſpecies conſervandæ Civitatis, cùm in omnibus rebus, atq; adeò omni tempore invicem omnes conſentiunt, conſiliaq; & res ſuas concordēs tractant.* * Concordia enim res parvæ creſcunt, diſcordiâ dilabuntur. & ut Auguſtin. inquit. *Concordia civitates conſtruuntur, quæ diſcordiâ deſtruuntur.* Publ. *Auxilia humilia conſenſus facit.* Ad ſummam.

*Nil adeò firmum, quod non diſcordia frangat,
Nil humile, ut concors non ope dextra levet.*



* Eccleſ. c. 4.

* Goſlic. de
opt. Senat.

* Salluſt.

Res parvas
concors ſervat
& auget amor.

EMBLEMA XLIII.

NEC SATIS,



U Ngverapax, & dente ferox Panthera, ferarum
 Carne, truces spirat non saturata, minas.
 Sævæ Tyrannorum mens, non explebilis auro,
 Sangvine, cæde, bonis; sic magis usq₂ sitit.
 Plena metu latebras petit, abstrusosq₂ recessus:
 Et quodcunq₂ facit, fraude doloq₂ facit.
 Insidiis donec propriis, ac nexibus ultro
 In pœnas, JOVA Vindice, vincitur.

Z

Hortulam

Hortulani & Vinitores eum in finem plantas serere & vineas suas diligentius colere solent, ut fructus ex ijs capiant uberrimos: qui si repastinando radices ferro vehementer vel læderent; vel omnino evellerent: nulla spes eis fructuum crescendorum & recuperandorum relinqueretur. Principum Regiones, Civitates, pagi, villæ, populi, quid aliud quæso sunt, quam horti & Vineæ; Lex quibus benè constitutis, & divitijs abundantibus, rerumq; omnium copiâ florentibus non voluptatem solum: sed & utilitatem percipiunt maximam. Cum verò immodicis, frequentibus, nimisq; tributis, vectigalibus, exactio-nibus, atq; ejusmodi angarijs & oneribus, eos gravare, facultatesq; eorum exhaurire non desinunt: nullâ id fieri ratione poterit; quin ipsi Principes, ex defectu subditorum egeant, opibusq; subditorum funditus exhaustis, pauperiores evadant. Sublato enim subjecto, tolluntur accidentia. Ac sanè si quicquam subditorum animosâ suis Principibus alienos facit; si ulla alia Odiorum scaturigo est, hæc certè: cum crebris & magnis exactio-nibus facultates subditorum exugunt: novosq; subinde commentantur avaritiæ suæ prætextus: ut saltem pecuniam, quæ mortalibus Anima & sanguis est, subditis extorqueant: quibus eas, ut
 * Lipsius loquitur, eripere, idem quod vitam. in hanc sententiam ego in meis Epigr:

Nemo animâ duplici mortales vivere dixit.

Absq; tamen duplici vivere nemo potest.

Una fovet corpus: loculos fovet altera: vite

Sanus utraq; vigor deficiente perit.

* Tac. 4. hist. **Qu**anquam nec * quies gentium sine armis, nec arma sine stipendijs, nec stipendia sine tributis haberi queunt: quæ * ornamenta sunt pacis, & subsidia belli. * Ipsoque Salvatore nostro docente, ea quæ Caesaris sunt ei reddere teneamur. Quippe, ubi Necessitas ipsa flagitat, non tantum pro defendendâ Reipub.; atque aded omnium salute, privatas opes & bona contribuere: sed Ecclesiasticas res, in eundem usum conferre, & alienare debemus & possumus: modò sub prætextu summæ Necessitatis, Avaritiæ non aperiatur fenestra. probat id Imp. Iustin. l. sancimur 21. C. de Sacrosanct. Eccl. & c. aurum. 12. quæst. 2. ubi textus habet: *Aurum habet Ecclesia, non ut servet, sed ut erogat, & subveniat in necessitatibus. Quid est*

* Tac. 4. hist.

* Cic pro leg.

Manil.

* Matth. 22.

opus custodire, quod nihil adjuvat. &c: Pro Repub: plerumq; templa nudantur, & in usum stipendij dona conflamus. Sic Nerva, ut impendia contraheret, sacrificia non pauca sustulit. Sed non raro fit, ut Tyranni, nullâ necessitate cogente, non solum subditos facultatibus emungant: sed res quoq; Ecclesiasticas & sacras diripiant. * *Nero olim vastaverat Italiam, ut saltem suis pravis cupiditatibus morem gereret, provincias everterat, sociosque Populi Rom: & civitates, quæ libere vocabantur: tandem in eam prædam etiam Di; cessere, spoliatis in urbe triumphis, egestos, auro, quod triumphis, quod votis omnis Populi Romani atas prosperè, aut in metu sacraverat.* Scipio idem in Epheso Dianæ templo fecisset, nisi à Pompejo revocatus fuisset. Quanquam & illud non improbandum, cum * tempore belli propter defectum machinarum muralium, aut jacturam earundem; materia aliunde ad fundendas novæ non suppetat: Campanas ex templis sumi, easq; ad usum machinarum converti posse: dum modò vel novæ, pace constitutâ à Magistratu reddantur: aut precium earum refundatur. Sed ubi necessitas nulla, neq; hoc, neq; illud faciendum. Ac sanè Princeps, qui subditorum suorum nullam habet rationem; eosq; novis subinde modis tributorum fatigat & deplumat: Tyrannidem exercere, seq; & suam Rempubl: pessundare videtur: maximè si eam pecuniam non ad publicos usus; sed ad profusionem, aut scurras vel Mimos, aliq; ut * Lips. ait, *amicitiarum dehonestamenta* convertit. Inde enim subditi, cum viderint alios, rebus suis summâ cum difficultate & sudore partis, abuti: faciliè in Iram & Odiû erga dominos assurgunt: unde & Insidiæ clandestinæ; & ex Impatientiâ ac desperatione, Bella oriri possunt. Qui verò frugalitatem amat & exercet: suosq; subditos ad tempus aliquod, ut respirare; ac parsimoniâ & industriâ, magna tributa data, concoquere possint, ab onere relevat: ille & amorem eorum sibi hoc modo conciliabit: & cum vires recollegerint, furculiq; facultatum eorum excreverint; certam spem opum, & quasi reconditum subsidium apud eosdem, quoties opus erit, habebit. Non enim minoris laudis est, Principem divites habere, Illustres ac Nobiles subditos; quàm fiscum locupletem: cum & Gloriam ac magnitudinem, nec non certum fideiussorem Necessitatis (quod aliàs de pecunia dicitur)

* Amirat, disert. Polit. lib. 15. discurs. 5.

Cæs. de bello civ. lib. 2.

* Ranzovius in tractat. bellico.

* lib. 4. c. 11. ex Tacito.

Proverb. 14. *tur) eos habeat. Et quò quis illustrioribus & ditioribus imperat, eò sibi majorem laudem acquirit. Unde Salomon. In multitudine populi dignitas regis, & in paucitate plebis ignominia Principis. Cumq; Fisci incrementa vix cum utilitate populi esse possint; quandoquidem splenis instar se habet; quo crescente, reliqui artus contabescunt: ubi Rex vel Princeps suum tantum locupletare vult fiscum, subditorum privatæ facultates decrescant oportet. Probi igitur Principis erit, onera illa nimia & magna, interdum à subditorum humeris levare; ut tantò meliùs & certius, imò securius suis rebus superesse possint. * Si enim populus dives erit, & Princeps ipse semper habebit. quoniam nulla opes aut certiores sunt, aut utiliores; quàm quæ sunt apud subditos: hæc solæ stabiles firmæq; permanent: quibus Princeps ubi necessitas postulat, utatur ac fruatur, cum voluntate & studio subditorum. Quod enim Princeps de tributis remittit: id quasi deposuisse apud subditos censetur. Fœnus enim id crescet: & amor in Regem augebitur: ex quo fieri non poterit; quin Benevolentia propriâ moti populi, ultrò, cum necessitas postulaverit, ad eam sublevandam, bona sua conferant. Tyrannidem autem per Pantheram noto; quod hoc animal prorsus ferum, rapax, in persequendis animalibus mirâ velocitate valeat, inq; lustris vivat. Non aliter Tyrannus, qui omnia ad suam utilitatem refert, nulli vel optimo parcat, dum alios propter odium, alios ob metum præstantiæ, potentiæ, ac virtutis, alios invidiæ causâ, de mediis tollit; dum bella non ex utilitate Reipubl: sed avaritiâ tuâ suscipitatq; gerit; dum vectigalia subditis gravissima imponit; dum omnia rapit; dum voluptate suâ cuncta metitur, vi & fraude omnia agit, utque hanc tueatur, non abstinere à rapinis & cædibus multorum, præsertim nobilium; dum privatim vivit: dum lustris primùm ut Plato inquit, scortis omnibusq; libidinibus se inquinari patitur: deinde in redituum profusione modum excedit: his profusis dolo & fraude, tum vi & apertè ab alijs prædatur. itaq; Tyrannus semper indiget, semper sitit aliena, semper quærit, semper omnia prodigit, rursusq; requirit, semper sibi ab alijs timet.*

* lib. 2. c. 9. Val. Max. ** Ea civitas, id regnum aeterno in gradu facile steterit; ubi minimum virium Veneris Pecuniæq; cupido sibi vindicaverit. Nam quò istæ generis humani certissimæ pestes penetraverint: ibi injuria dominatur, infamia flagrat.*

Vide Meum
Principē Pli-
nianū Apho-
rif. 25. 26, 27.
28, 29, 30.

* Reusn. in
Symb. Hadr.

EMBLEMA XLIV.

ALIQUID PRECIOSIUS AURO.



Non adamas adeò rutilat circumdatus auro;
 Quàm nitet in iusto Principe recta fides.
 Omnino hanc servare decet; non frangere, quo Dux
 Hanc violat juris tegmine, Crimen habet.
 Namq; adamas veluti saxo est præstantior: isq;
 Non mole, ingenitâ sed bonitate valet.
 Sic data sponte Ducum, merito, non jure supremo;
 Vinculi etiam debet pondus habere Fides.

Z ;

Nihil

Cic. ibid.

Nihile est, quod lumine clariore presulgeat, quam recta Fides in Principe, l. interclaras. C. de sum. trin. & fid. Cathol. quæ est fundamentum Justitiæ juxta Cic. l. off. qua sublatâ. justitiâ quoq; ipsam tolli necesse est; sine quâ neq; regna imperia, resq; publicæ, neq; domus & societates constare possunt. quam justitiâ non ad bonos tantum pertinere putandum est; sed etiam ad malos. Quo quasi fundamento posito; vocem illam ex foro Christianorû Principum exterminandam minimè dubitandum. Fidem hæreticis datam, non esse servandam. Nam quod Turcam, datam fidem violare haut erubescens videamus, causas scèpius frivolas, & impias prætendentes, non tam indignari; quàm cautiore in fide nostrâ obligandâ esse debemus. Sed Christianis id nequaquam faciendum plurimis, si hujus loci esset, rationibus demonstrari posset: maximè verò Principibus fidem etiam hæreticis datâ servari oportere, jure divino naturali & humano convenit: de quâ tamen materiâ auctores, qui ex professo scripserunt, consulantur. Id tantum hîc adstruo. Princeps hæreticis datam fidem omnino servare debet: quandoquidè J E H O V A ipse, qui est Rex regum, Princeps principum, qui solus quodcunq; ei placet, facere potest, fidē populo suo datam servavit; quamvis turpissimâ defectione, idolatriâ, superstitione & hæresi, omnes alios, à D E I veri cognitione & cultu alienissimos, superasset. Quod si D E U S hæreticis, id est, deficientibus à se, fidem datam servari non oportere voluisset, utiq; non servasset. *Principes* verò cùm *Dij sint terrestres* Psal. 82. vers. 6. Ioh. 10. vers. 34. De facta, id est, justitiâ in primis, Deumq; ipsum imitari debent l. *imperialis* 23. in pr. C. de Nupt. & l. *si unus fin.* C. de donat. int. vir. & uxor. Neq; id respiciat, quod hæretico sit data; sed quod Princeps dederit: ne scilicet contractus claudicet: quod autem claudicat, id ex Bl. sententiâ, justum non est. *Principes* verò ex contractibus & pactis, æquæ ac privati tenentur, text. in l. *Casus ff. de publica*: & c. 1. *Extr. de probat.* W esemb. in parat. ff. de Constit. Princip. Quippe, quod fide inter homines nihile est majus arg. l. 1. ff. de pact. eamq; fallere grave esse quibuscunq;, Principibus autem gravissimum: quia ut summa potestate valent; ita summam justitiâ & honestatem, tanquam regulam tueri debent. Et quod Princeps illustrior privato, eò longè à mendacio, alijsq; peccatis recedat

Sohul. in tr.
supra quæst.
an fid. sit hæz.
servanda,

derere præsumat. *Fidem autem non servare, sine mendacio esse non potest* ut Bl. ait in *conf. 24. incip. Jus abbatialis dignitatis*. Neq; obstat, quod Princeps sit ll. solutus: cum, licet quibusdam sit solutus; ex contractibus tamen, ut dixi, omnino tenetur, æquè, ac privatus quispiam. Si enim ex obligationibus non teneretur; neq; is, qui cum eo pactus est, aut contraxit; stare contractui teneretur: relatorum enim eadem est ratio, secundum Logicos: sicq; elusoria esset voluntas utriusque; & perfidiæ ab ipso Principe aperiretur fenestra, quæ à tali dignitate & Majestate longè abesse debet. *Vita enim & facta Principum speculo quovis lucidiora esse debent*. Ac veluti verrucæ in facie plus offendunt, quàm in alia corporis parte: ita & in Principe deformius vitium, perfidia & perjurium; quod non solum Deo, sed etiam gentibus omnibus exosum est. Adde, * quod Princeps in terris sit Lex, & animata justitia, nec fraudum & circumventionum autor esse debet. Et *principali autoritate nemo decipiendus est* text. in l. 1. C. de his qui veniam ætat. impetr. Quippe, quod *injurias ac fraudes ab eo proficisci non decet, à quo jura oriuntur?* l. meminerint 6. in pr. C. unde vi. cum id summa injustitia censeatur: quæ ut evitetur, Principes summo studio adniti oportet: ut constantes sint promissorum servandorum: cum violatæ; & non servatæ fidei pœnas semper perfidi luerunt: id quod historiarum omnium temporum satis testantur. * Tassilo Bojorum Rex, gener Desiderij Longobardorum Regis, temerè adversus Carolum Magnum, ex Italiâ redeuntem bellum movit: quod cum Carolus intellexisset, statim ei duobus distinctis exercitibus, occurrit. Eâ celeritate Tassilo territus, pacem petijt, quam impetravit. Cum autem paulò post, fidei datæ immemor, bellum renovasset, eâ ipsâ in expeditione à suis non tantum destitutus; sed fidei violatæ accusatus, Carolo traditus, ac per eum Regno multatus est. Ludovicus Bosonis Burgundiæ regis filius, per Taurinostansiens, Italiam invasit: sed à Berengario Iuniore captus, eâ conditione dimittitur; ne in Italiam revertatur. paulò autem post, cum oblitus fidei datæ, cum exercitu redijset, Veronamq; occupasset, captus à Berengario, oculis & testibus privatus est. Sic Ladislaus Rex Ungarorum, violatæ fidei tristissimè in se & suis exitum expertus est. Longè sanctius & melius fecit Franciscus I. Galliarum Rex; qui, cum Carol. V. (qui eum in Hispaniâ captum diu detinuit,) per Galliam iter

* Gail. obs. 2.
obs. 55. per
text. in Au-
then. de Goss.

* Jacob.
Schult, dict. u.


iter faciens, apud eum in arcem divertisset, quam ad ejus exemplū exædificaverat, in qua captivus detinebatur: & à quibusdam aulicis suis admoneretur; ut Carolum quoq; detineret captivum; fore enim ajebant; ut hac ratione & Mediolanum, & regnum Neapolitanum recuperaret: eisdem respondit: *Minimè eum decere, ut pacta violaret.* Qui licet occasionem opportunam habuerit eum detinendi; maluit tamen fidem servare datam, quàm perfidus audire. Sanè Principis Majestati nihil lumen adfert majus, quàm fides dictorum factorumq; & constans servandi voluntas. Quapropter & Emblemata hoc nihil aliud innuit; quàm, Fidem Principum, privatorum longè esse debere præstantiorem. Ut enim gemma, licet parva, pluris æstimatur, quàm saxum, quantumvis magnum; utq; auro, tanquam preciosissimo metallo propterea includitur, ut dignitas ejus effulgeat: Ita Regum vel Principum data fides, ex Constantiâ & observatione apparere debet. Nam ut status & Majestas eorum supra vulgus est: ita supra aliorum conditionem hominum & pacta, fidem & mereri & servare debet. Anuli præterea & manus significatio hieroglyphica, amicitia & fidei est. Symbolum autem, *ALIQUID PRECIOSIUS AURO*, docet: Principis fidem nudis verbis datam, majus quid esse debere. Hinc & illa verba posita in literis Principum, vel verborum obligationibus: * *Weytweyden Fürstlichen ehren vnd trewen* &c. tantum valent; quantum verum & corporale juramentum, eosdemq; producunt effectus. Ut autem juramentum frangere cuilibet turpe: Ita datam fidem, vel hæreticis non servare, Principibus turpissimum. Plato lib. 2. de Legibus: *Turpissimum est quempiam, sed imprimis Magistratum, Rempubl. aut Principem, eo ipso ore mentiri, & fallere, quo DEUM invocat.* * *Nullum majus indicium excelsi & constantis animi in Principe habemus, quàm fidei & propositi constantiam.* Nec enim facile reperias Virtutem, quæ majorem vim habeat animos hominum conciliandi, comparandq; auctoritatem. Idem ibid. Generosum & verè regium est, ipsâ re, quàm dictis magnificis populum demereri malle. Ut enim facta admiramur, verba approbamus: sic multò clariores carioresq; evadunt, qui reapse plura præstiterunt, quàm verbis sunt polliciti.

* Gail. obf. 59.
lib. 2.

Danz: lib. 5.
Polit. Christ.
aphorism. 42.
* Casiman. in
Syft. vitz Polit.

POLITICA.
EMBLEMA XLV.
VIGILANTIA ET FIDE.

177



CUra vigil Regum, populos tutatur & urbes:
Hostis ne tacitâ fraude nocere queat.
Est quoniam officij pars non postrema Senatû;
Securos cives reddere in urbe suos.
Estq, Fides Ducis, arx tutissima plebis: in ipsâ
Cum qua salutis non tectâ pericula latent.
Advigilare decet, qui vult duxisse triumphum.
Securus bello nulla tropæa locat.

42

Julius

Goslie. de:
opt. Senat.,
lib. 2.

Iulius Cæsar in bello Pharsalico, C. Crastinum optimâ spe in pugnam egredientem, interrogasse fertur; ecquid de eventu belli speraret? at ille manum armatam extendens, *Vincet*, inquit, *Cæsar, & me vivum; aut certè mortuum laudabis*: quod evenit. Hic enim fortissimè pugnando occubuit; eumq; Cæsar pro concione laudavit. Fit scèpissimè; ut viri fortes, fidèntiam expræfagijs quibusdam concipiant; vel cùm vincere consueverunt; vel viribus suis & copijs, alijsque rebus freti, certâ cum spe magnum animum intra se concipiunt, honestum aliquod efficiendi. Id quoq; verisimile est: *Viros Heroicos habere singularem à naturâ genium*, quieos de futuris rebus admonere; aut etiam abstertere soleat: ut de Bruti malo Genio Plutarchus refert. Hinc Romani Genios coluerunt; (qui Boni & Mali fuerunt;) & eorum auspicijs fidere, ijsq; sacra facere soliti sunt. Unde Horat. 2. Epist.

Tellurem porco, Sylvanum lacte piabunt;

Floribus & Vino Genium, memorem brevis avi.

* Mythol. lib.
416. 32.

de quibus plura apud * Natal. Com. Et in veterum nummorum inscriptione apparet: GENIO AUGUSTI, GENIO SENATUS & c.: hinc Ovid: *Et vigilant nostrâ semper in æde lares.*

Tali ex fidèntiâ, SECURITAS, frequentissimum, ut Velleius ait, calamitatis initium oritur. Illa quidem, si Prudentiâ Consilioq; regatur; vix Reipub: quicquam magis salutare accidere potest: eamq; Felicitatem meritò appellandam felicissimam censéo, cùm (cœteris paribus) in eâ omnia tranquillè, securè, bonâ in pace, sine ullo timore, sine querelis, sine tumultibus peraguntur. Ubi autem Princeps; vel Respublica rebus omnibus abundans, desidîæ, languori ocio dedita; securam, satisq; se tutam esse confidit;

ibi certa præforibus advigilat ruina. Diuturnitas enim pacis, & rerum abundantia SECURITATEM, & Contemptum hostis ple-
rumq; gignere solent: Qui verò nihil timet; is facilè opprimitur. Sic Pompejus contra Cæsarem magno collecto exercitu, se satis securum adversus ejus vim esse ratus, quosdâ, quibus Cæsaris vigiliantia & diligentia non temerè suspecta fuit; admonentes, ut cautior rem suam promoveret; nec admodum securus; aut desidiosus esset: ipse met securos, & in utramq; aurem dormire jubebat. Sed securitatis, aut potiùs desidîæ suæ dignas luit pœnas. Nam pauld post à Cæsare victus miserè & fugatus fuit. * Nihil itaq; tuto in:

* Curtius.
lib. 6.

hoste despiciatur: quem spreveris, valentiorē negligentia facies. Adde, quod * *contemptus hostis sæpè cruentum certamen edidit, & in-* * Liv. lib. 21.
clyti populi regesq; perlevi momento victi sunt. Quapropter, ut in Republicâ SECURITAS VITANDA & Magistratui, & civibus: Ita Fiducia mater Securitatis prudentiâ regenda & coercenda. *Nihil* enim, ut * Lipsi. ex Livio scribit, *tam leve est, quod non magnè* * Polit. lib. 5.
interdum rei momentum faciat. Metuens semper quædam cura sit, *C. 16:*
 sic erit secura. Romæ JANI TEMPLUM, nunquam nisi pacis tempore claudi solebat: sed pacato jam orbe, Octav. Augustus illud clausit, Romam quasi bellis defunctam, & pacatam, ac securam reddens: diù postea cùm clausum esset, ac URBIS omninò belli secura; desidiæ, ocio, ac negligentia se totam tradidisset, paulatim regna, provincias & civitates subjugatas perdidērunt. Nam se populi in libertatem vindicârunt: donec & ipsa Roma, Caput mundi, Gotthorum Imperio subijceretur. Sic securitatis ex diuturnâ pace enatæ pœnas dedit. Qui igitur Princeps, Rempubicam suam, tutam & securam reddere cupit; ille in eam curam incumbat: ut, cùm Pax summa vigeat, plurimam cautionem, diligentiam & Vigilantiam adhibeat, sui, & sui regni causâ: ac tùm maximè pericula imminere credat, cùm nulla esse creduntur. Solemus feras securas opprimere & interimere. Et nobis cavendum est dum in aurem utramq; dormimus; ne paci, inducijs, viribus, copijs & fœderibus fidentes, intra securitatis muros obruamur. Maximè autē ea securitas fugienda; quæ Comites habet, Temeritatem, Audaciam, Superbiam, Contemptum & Desperationem. Hi enim, cùm falsâ spe animos nostros securos reddunt, faciliè imprudentes in maxima pericla conjiciunt. Trojani, dum securi festivitates celebrant; opprimuntur. hostes interea

Invadunt urbem somno vinog, sepultam.

Exempla Securitatis, præsertim in bello, quanta pepererit mala, longum foret hic recensere; suntq; aliquâ ex parte odiosa. Negari tamen non potest: nulli unquam Duci, aut Principi Securitatem, securam felicitatem peperisse. Atq; hoc loco inferere placuit Epigramma Chr. Pelat, vir docti; quod ex vocabulo SECURITAS confecit, occasione datâ ex Turcarum victoriâ de Christianis, cum superioribus annis

Agriam cepisset. TURCA SEVERUS ERIT, VI SECURITAS. ubi nulla litera, quæ non in unâ istâ voce, SECURITAS.

Securas hominum mentes vigil excitat hostis,

E t nos sub vitis vincit, & in vitis.

Cur tibi promittis mitem? cur PATRIA stertis

U s que? severus erit seior ipse feris.

R ides, tot numerans urbes, tot castra recensens?

I lle ais, ecquis erit, qui meus hostis erit?

T ot fueris quamvis inter SECURA secures:

A nctatamen fuerit Turcica curatibi.

S EROGO CURITA. Se mage prodit Turca severum?

Vincere securos vi licet exigua!

Emblema igitur hoc, turris videlicet excelsa, in cuius summâ parte canes vigilantes positi; Principis officium in bello maximè notat. Nam veluti turres & arces idè extruuntur, ut terreant & arceant hostem: utq; ex ijs adventantes hostes prævideri & caveri possint. Ita Principis Prudentia & Vigilantia, turris instar est, cives suos defendens, ac tutos reddens: atq; in eo cura illius versari debet, ut Aristoteles docet in Politicis; ut impendentia pericula & hostes prudentiâ prævertat; remq; publicam tueatur. Sic & olim Canes eum in finem in turribus & speculis educatos & altos fuisse legimus; ut latratu suo, & vigilantia, hostes & prædones proderent * Canis enim custodem, ob vigilantiam, sedulitatem, quæ in canibus conspicitur, & in custodibus requiritur, denotat. de quorum fidelitate elegans extat * Carmen, qui inter cetera hæc scribit:

Hic custos pecorum tuarq; villa,

Fures exigit arduos luposq;.

Nec non arcibus ille præidentes,

Tutos nocte suo facit latratu.

* Onof. in
Strategico. c.
36. circa finē.

* Tempestivus metus, prudens securitas est: nimius verò contemptus, temeritas in insidiis facile excipienda.

POLITICA.
EMBLEMA XLVI.
PAUCIS SUPPLENDUM.

181



Hic vellit summas, humiles relinquit aristas;
Cum stipulis pereat ne quoq; tota seges.
Parcendum est plebi; qua aliorum erroribus acta,
In regem, aut procures bella nefanda movet.
Sontibus à paucis pœna sumantur: iniquum
Qui movère dolo seditionis opus.
Justitia ac juris ratio quia postulat æqua:
Criminis alterius pondera nemo ferat. —

A 2 ;

Seditionis

Seditiones & discordias, quæ in Republ: sæpè excitantur, semper juris, aut facti alicujus prætextu fieri verisimile est. Vix enim ad eð effrenis civis vel Magistratus invenitur; qui motus & turbas, citra causæ alicujus speciem excitaret: usq; ad eð facta vel bona; vel mala, juri auxilio & integumento involvuntur. Neq; reperias ullam Rempub: legibus ad eð firmatam, Consilio & Prudentiâ Magistratus feliciter gubernari; in quâ cives, quod reprehendant, non offenderint; dumq; omnia ex suâ scientiâ & ingenio metiuntur, non intelligentes, quo fine Princeps vel Magistratus Consilia sua in Repub: dirigat; faciliè quoq; sui similes inventiunt ignorantes; & rerum novarum cupidos, qui eorum sensui astipulentur: unde factiones & seditiones: donec tandem ad arma veniatur. Nam homines quò ignorantiores & impotentiores; eò quoq; fidentiores sunt. Quod id eð fit; quia quid sibi desit ignorantes, nihil sibi deesse putant, hocq; Opinionis fastu fascinati, majora viribus & necessitate tentare non dubitant; quò tandem etiam res sit perventura securi: hinc ut Tacitus ait: *quantò quis audaciâ promptus, tantò magis fidus, rebusq; motis potior habetur.* Tales quoq; faciliè plebem suis factis faventem inveniunt, quæ alias, ut *Lipsius inquit, *sicut mare per se immobilis est, nisi Solis excitaretur, qui causa atq; origo omnis furoris sunt: reliqui contagione insaniunt.* quod cum fit, Principi vel Magistratui summa cura est adhibenda, ut diligenti & exquisitâ præviâ cognitione, remedia tantis malis quærat; aut noxias illas radices, ex quibus rami isti seditionum pullulant, aliosq; venenoso attactu inficiunt, evellat. Veteribus triplex fuisse institutum in vindicando multitudinis delicto ex *Franc. Hottomanno animadverto. Interdum enim de universis sumtum supplicium; interdum de solis Principibus atq; auctoribus sceleris: nonnunquam ad minuendam severitatem, sortem adhibitam fuisse. Prioris exemplum ponit ex *Livio. Rhegium quondam in præsidium missa legio interfectis per scelus Pp. civitatis, urbem opulentam per decem annos tenuit: propter quod facinus tota legio, 4000. hominum, in foro Romano, securi percussi sunt: atq; hujus facti, ex Jure ratio evidens & justa afferri potest. Nam quod à pluribus pro indiviso commissum

* Tacit. in Annal. 1.

* Polit. lib. 6. c. 4. ex Livio.

* Quæst. illust. quæst. 42. Vi- de Scip. Amirat. dissert. Polit. lib. 2. disc. 9. * lib. 38.

*commissum est, singulos in solidum obligat. l. semper 15. §. 2. ff. quod via ut clam. Alterius exemplum sumi potest ex eodem * Livio. * lib. 36. Capuam, inquit, à Calibus redditum est. ibi in eos, qui capita rerum erant, animadversum. Ita septuaginta Pp. Senatus interfecti, trecenti ferme Nobiles Campani in carcerem conditi. hujusque facti æquitas hæc videtur: Peccata suos teneat autores l. sancimus 22. C. de pœnis. Alieni admissi pœnam non luant, quos nulla contingit culpa, l. ult. ff. de boni damnat. Et unius factum alteri, qui nihil fecit, non nocet. l. de pupillo. 5. §. si plurium. ff. de nov. oper. nunc. Tertij generis sortitionis videlicet, exemplum est in Crasso apud Plutarch: Solebant enim ex multitudine decimum vel etiam Centesimum, per sortem ad supplicium rapere. Eius ratio hæc adferretur à Cic: * Statuerunt ita majores nostri; ut, si à multis esset flagitium rei militaris admissum, sortitione in quædam animadvertetur; ut metus videlicet ad omnes, pœna ad paucos perveniret. Atq; hoc loco Dd. distinguunt inter Universitatem & Multitudinem, ut Universitas sit multitudo, veluti populus, Curia, Collegium, Corpus, Societas &c: quæ magis in jure consistunt. at non omnis multitudo, non omnis cœtus, Universitas: Sed is demum, qui jure aliquo continetur, veluti qui uni impetio, unisq; legibus paret. Distinctione itaq; in pœnâ irrogandâ utendum. Aut enim multitudo temeritate spontaneâ, sine Magistratus auctoritate peccavit: aut, Magistratus solus: aut conjunctim uterq;. Priore casu subdistingvendum quoq; est; Aut non multi delinquentes fuerunt: & tunc singulos in solidum obligari. l. item Mela. 11. §. 2: ff. ad L. Aquil. Aut ingens fuit multitudo peccantium, & tunc mollienda pœna, & forte utendum. Quod si solus Magistratus deliquit: pœnæ suos tantum autores & personæ tenere debere, ne innocentibus nocentium culpam sustineant. Si verò & Magistratus & Populi consensu delictum admissum: tunc Universitas punienda: id est, adimendò eis leges, Privilegia, jura, immunitates, diruendâ mœnia; ut clausæ portæ antea, semper apertæ stent, & similia &c: singulorum exempla aliquot possent quidem huc adferri: sed quia sunt odiosa, satius puto ea omittere, quàm Pp. & populi odium incurere. De pœnis eorum, qui Crimen læsæ Majestatis incurrunt, vide:*

* esp. 62. &
de seditionib.
cap. 63.
Henr. Bocet.
de Crim. lxx.
Majest. lxx.
tract.

vide * Jod. Damhouder. in prax. crim. Verumenimverò Principi prudenti maturè Consilio suo convenit occurrere, ne seditiones fiant, aut excitentur: excitatæ, ut sano remedio extingvantur. Inprimis verò errores & eorum causæ multitudini, ante oculos ponendæ, ut agnoscant ipsimet delicta sua, hisq; agnitis pœnitentiam agant, & ne iterum impingant, cohortandi seridò. *Principis enim Clementia, bonos meliores efficit. at qui perversi & obstinati, è medio sunt tollendi: ne, cum ijs boni contagione pravâ imbuti, simul pereant. maturè malum*

Ense recidendum est, ne pars sincera trahatur.

Atq; ex his sensus Emblematis hujus patet. Vir enim spicas emnentiore evellens; autores malorum, & præcipuè seditionis in Republ: puniendos esse notat: quod olim quoq; hisce signis veteres demonstrare voluerunt. Livius scribit, quod Tarquinius filium suum docere voluit, Principes vel authores capite esse plectendos; dum in horto summa papaveris capita, præsentè nuncio, baculo depopularetur. Atque inde Symb: adjeci PAUCIS SUPPLEMENTUM: ut docerem, Rigorem juris non modò in causis civilibus: sed etiam in Criminalibus remittendum: nisi aliud factum, & Reipub: causa vel utilitas requirat: cùm *satius sit, pro misericordiâ, quàm pro savitiâ rationem reddere.* * Eduardi ANGLIÆ REGIS vox celebratur, quâ in quodam intestini belliprælio usus fuerat: *Parcite, inquit, Civibus, secus autem Ducibus, qui vos infatuarunt.* Vide * Lipsium; remedia quædam seditionis curandæ ponentem: sed prudenter ijs utendum censeo. Non enim ubique eadem Reipubl: forma, tum perpendendæ causæ deligenter, ex quibus peccatum sit. Aliæ enim graviores & temerariæ: aliæ ex imbecillitate humanæ naturæ proveniunt. Huc pertinet, quod Imp. Just. in Novell. Constit. 30. sancit. *Non est inhumanitas, sed potius summa quadam est humanitas, cùm multi paucorum animadversione salvantur.*

* c. alligat, 26.
q. ult.

* Pol. lib. 6.
c. 4.

POLITICA.
EMBLEMA. XLVII.

185

SCIO CUR SIG.



Hic mulcet morsu ladentem crura Molossus!
Signa nec irati dat manifesta animi.
Ut monstret, casus fortuna tristis acerbos,
Quòd Sapiens miti pectore sæpè ferat.
Vix accepta licet placida quis vulnera mente,
Cordeq; non tristi tristia ferre potest:
Utile sæpè tamen duros tolerare dolores.
Namq; malos probitas vincere blanda solet.

Bb

Nulla

Nulla est fraus nocentior, quàm quæ sub speciei amicitie fit : & eò gravius ac molestius fertur; quòd, cum fronte pulchra & minimè fallax creditur; nosque tutos, ac ab omni fallaciâ securos reddat; tùm maximè nocet. Hinc *quantò major fiducia exhibetur, tantò major est perfidia frangentis* l. 1. §. cum verò, ubi Bl. ff. de positi, & *gravior est injuria, quando fit ab his, qui nos tueri debent* l. 3. §. de his ff. ad Syll. §. alia Instit. de donat. addè, quòd *plus tormenta seviunt, quæ ab his patimur, de quorum mentibus bona præsumebamus*. Nam tunc facillimum est aliquem decipere, cum blandis verbis delinitus, ac securus redditus, suas cogitationes ad cavendum non dirigit. Sed quantò major fraus ea est, & æstimatur & fidei prætextu intentatur: tantò majoris & laudis, injurias illatas vel acceptas negligere, & cum ulcisci possis, ignoscere. Solon interrogatus, quæ optimè civitas habitaretur: *Illam inquit, in quâ nullâ affecti injuriâ, non minùs, quàm injuriâ provocari, præ se ferunt injuriam, & eos, qui intulerunt, non ulciscuntur*. Socrates aliquando ab Aristophane publicè in theatro verborum læcessitus contumelijs, non modò ageiè molestèq; hoc non tulit: sed & obviam sibi factum adversarium, humaniter amicèq; compellavit; an se rursus opus haberet, ad similem aliam contumeliâ. Et Pittacus injuriâ à quodam affectus, cum animadvertendi jus in ipsum haberet, spontè eo dimisso, *Venia*, inquit, *ultione melior*. Marcellus accusatus à Siculis, cum absolutus esset; rogatus ab illis, ut in clientelam eos admitteret; clementer excepit. Magni profectò est animi, injurias illatas ferre: neque omnibus hoc datum, ut perferre possint: sed qui eo animo sunt præditi, ut prudenter eas negligere, & offensas parvi facere norint; ij ultionis, quoties occasio fert, opportuna, sibi sternunt viam. Justinianus Constantini filius, pulsus imperio à Leone, naribusq; etiam truncatus est: sedis recuperato Imperio, quoties defluentem rheumatis guttam naribus detergebat; toties penè ex ijs, qui contra eum fuerant, aliquem jugulari præcipiebat. Fit quoq; nescio quomodo; ut quamvis injuriarum obliviscamur; in animo tamen nostro scintillæ quædam odij maneant; quas facilè nova injuria, flatu suo in ignem ardentem suscitare potest: ut vetus injuriæ quasi sopita,

sopita, novâ gliscente, majorem vim & robur sumat ad ulciscendum; ijq; morsus videntur graviores, præsertim Principum, vel magnorum virorum, qui intra Patientiæ septum diù latuerunt. Sunt enim torrentis instar, diù conclusi, qui cùm erumpit, majora secum damna trahit. Dissimulant enim dolorem ad tempus; at eò gravius nocent, quò novis injurijs provocantur crebrius. Nolim hîc malus esse ulciscendi magister; dùm modum, sed tamen adversus apertum hostem, pono: mandata non sunt, sed præcepta generalia, quibus prudenter uti, prudentis erit.

Dissimula, quantumq; potes, preme corde dolorem:

Quaq; volas fieri vi, peragenda tege,

Donec certa rei faciende occasio, tempus,

Atq; locum, atq; hostem detegat ipsa tuum.

Hinc animos sumas, viresq; intende, quid obstat,

An virtus hostem proterat? anne dolus?

Non nego, grave esse, injurias, quæ Reipub: inferuntur, negligere: quoniam neglectæ novas parere solent: neq; semper utile esse easdem inferenti remittere: videndum tamen Principi, num opportunè easdem ulcisci, & citra suam, suorumq; perniciem justè refundere possit. Senecæ præceptum hîc imitandum: *Si imbecillior est, qui te lesit, parce illi, si potentior tibi parce.* Nam, ut Cic: * inquit, *qui injurias suas persequi volunt, dolori suo, non Reipub:* ^{* in Verr. ad. primâ.} *commodo serviunt.* Sed privatas injurias Reipub: causâ condonare, aut dissimulare, sapientis semper est habitum. Imò magni animi est, ut Seneca ait: *in summâ potentiâ injurias pati, nec quicquam est gloriosius Principe impunè lesio.* Hinc & * Camillus meritò lau- ^{* Livius lib. 5. decad. 1.} datur, qui tantus vir maluit afflicta patriæ, quàm suæ propriæ injuriæ memor esse; unde & alter Romulus appellatus fuit. Ac sanè ad injurias perferendas, etsi ægrè animus adduci potest: cùm, recordatione malorum illatorum, ad ultionem subinde excitetur: attamen si luctæ huic se fortem præbuerit; maximum victoriæ specimen edet, præsertim Patientiæ scuto tectus. Hæc enim optimum remedium malorum. Cujus gradus novem, Chrysostomus ^{Reuss in Symb. Theodossi. III.} ponit. I est, injuriæ auctorem non fieri. II ubi injuria facta est,

par pari referre nolle. III Injuriam non reponere, sed quiescere. IV Præbere seipsum ad ferendam injuriam. V Præbere se etiam ad majora, quam vult is, qui facit injuriam. VI Non odisse eum, qui facit injuriam. VII Inimicum diligere. VIII Eidem benefacere. IX DEUM pro ipso deprecari. Atque hinc consideratis hisce Patientiæ gradibus, Emblematis evolutio patet. Canem enim crus viri lædentem, hostem intelligo; cui aliquando benefeceris: quòd verò eundem mulcet, id summæ Patientiæ argumentum statuendum est. Symbolum, SCIO CUR SIC, ex facto mihi in mentem venit. Nam, ut dixi, quotusquisque est, qui injurias æquo animo perferre possit? ut easdem ulcisci & rependere non malit; sed sapientis est oblivisci, aut saltem dissimulare *& injuria, ut pillula deglutienda potius, quàm masticande.* Quippè juxta Val. Max. *Speciosius aliquantò injurias vinci beneficiis, quàm mutui odij pertinaciâ pensari.* quoniam juxta * Satyricum

* Juven. Sat. 3.

quippe *minuti*

Semper & infirmi est animi, exiguiq; voluptas

Ultio; continuo sic collige, quod vindicta

Nemo magis gaudet, quàm femina. & alius:

Non ego magnanimum fatear, quem sola juvabis

Ultio.

*Magna è contra, ut * Hugo ait, Virtus est,*

si non ledas, à quo es: magna est fortitudo, si etiam læsus remittas. magna est gloria, si cui potuisti nocere, parcas.


* de claustr.
animæ.



EMBLEMA

EMBLEMA. XLVIII.

MERCES DIGNA LABORE.



Luditur ut meritis, statum qui pressius aura
 Spirantis raro claudere rete velit:
 Sic quorum tumidas fallaci flamine mentes
 Fascinat & ludet, ambitiosus honor.
 Haud prius immodicos desistunt pectore fastus
 Concipere, & vanas querere landis opes:
 Quàm rerum & vite MERCES, Jactura, LABORE
 DIGNA levi tandem triste sequatur opus.

Bb 3

Tanka

Tanta est humanis mentibus innata gloriæ & Honoris cupiditas, ut pro eo consequendo, non solum opes, & quicquid summo in precio mortales habent, elargiri haud dubitent: sed ipsam vitam, quâ nihil est, nec esse potest, aut debet amabilius, charius & preciosius, profundere nullo modo renuant. quod præter innumerabiles alios M. Salvius Otho Imperator Rom: demonstravit: Is enim, referente Svetonio, tanta Imperij cupiditate flagrasse scribitur; ut non dissimularit, *Se, nisi Principem, stare aut vivere non posse; nihilq; referre, ab hoste in acie, an in foro sub Creditoribus caderet:* qui licet largitionibus, atq; alijs artibus Imperio fuit potius: diu tamen illud non retinuit. Nam cum Galbam competitorum haberet; illudq; sibi aut deponendum: aut non sine insigni civium strage, defendendum videret: ne ipsius causâ tot perirent, spontè mori decrevit. Cumq; ab amicis & militibus admoneretur, ne de victoriæ eventu tam citò desperaret: *Se neq; Imperium, neq; vitam suam tanti facere respondit: ut sui causâ multi caderent, aut belli civilis & discordiæ ille causam præberet:* sicq; sibi intulit manus, de cujus morte Martialis:

Martial.
Epigr. lib. 6.

*Cum dubitaret adhuc belli civilis Enyo
Forſitan, & posset vincere mollis Otho:
Damnavit multo Saturnum jam sanguine Martem,
Et fodit certâ pectora nuda manu.
Sit Cato, dum vivit, sanè vel Casare major:
Dum moritur, nunquid major Othone fuit?*

Agrippina Neronis mater, cum ei Vates quidam prædixisset; Neronem Imperatorem futurum, sed eam occisurum. Occidat sanè, modò imperet, respondit. Tanto ambitionis fastu scemina æstuebat; ut Imperio filij vitam postponeret. Et si æquâ lance causas calamitatum in Repub: & imperijs trutinare voluerimus, tres reperiemus certissimas; Ambitionem, luxuriam & Avaritiam; quæ licet turpes per se & enormes sint: primam tamen, cladium potissimam matrem esse, exemplis omnium ætatum demonstrari, ipsaq; experientiâ probari potest. Cujus quidem tanta vis est, ut, cum animos & mentes hominum semel occuparit: eos nunquam quiescere, nunquam partis honoribus contentos esse finit, donec tandem, quasi extra se positi, sui obliviscantur: plurima tentent, & magnis conatibus, sæpè cum bonorum propriorum, & aliorum

jacturâ, imò vitæ dispendio, ad extrema deveniant. Præsertim verò, si quid semel ex voto successit, semper se majora affecuturos sperantes, medijs quibuscunq̃ue ad majora aspirandi utuntur. Quòd si videant, ex gradu spei honorum adipiscendorum se dejectumiri, aut casuros: ut dedecus specie aliquâ honesti effugiant, quodlibet etiam facinus, cum Reipub: periculo aggrediuntur. Julius Cæsar, omnium quot fuerunt; ambitiosissimus, dominante adhuc Syllâ, cùm primum pubesceret, Rom. Populùm adiit, Sacerdotium maximum Romæ fidenter ambivit: adeò, ut etiam cùm ad Comitia abiret, matri prædixerit: se, nisi Pontificem, domum non reversurum. Quid dicam de Cinnâ, Mario, Pompejo multisq̃; alijs? quorum ambitionem, seditiones, factiones; bella civilia tandem cum Reip: interitu sunt consecuta! dumq̃ue alter alteri sese præferre, & dominandi cupiditate neuter cedere contendit, Respublica interea damnum est perpeffa. Non enim publicam utilitatem & tranquillitatem: sed privata commoda & honores spectabant. Unde de Cæsare & Pompejo Lucanus.

— *impatiensq̃ loci fortuna secundi,*

Nec quenquam jam ferre potest, Cæsarve priorem

Pompejusq̃ parem. Naturæ enim ambitiosæ non possunt inter se colere amicitiam: quamcunq̃; præ se ferant benevolentiam: tamen reverâ oderunt se, & hoc agunt, ut evertat alter alterum. *Nulla fides regni sociis, omnisq̃ potestas,*

Impatiens Consortis erit.

Sic Themis-

tocles cum Aristide in eadem urbe vivere non potuit: Arrogantiæ porrò, & ambitionis rarò felix eventus: quoniam illâ vincula sanguinis, necessitudinis jura solvit. Hæc Romulum compulit, ut fratrem occideret. Hæc Justinianum Cæsarem; ut patrum. Hæc Andronicum, ut Alexium pupillum. Hæc Constantinum Pogonottum; ut duos fratres germanos interimeret. Taceo barbaros Cæsares Turcicos. Hæc hominum mentes dementat; ut se non agnoscant: & fastu turgentes alios quoq̃; despiciant, solique præ cæteris Magni audire volunt. Sic * Nero Romam Neropolim appellandam destinasse: & mensem Aprilem Neroneum, à suo nomine nuncupasse scribitur. Quanta Commodi Imp: ambitio? qui Romam de suo nomine Commodianam: & exercitus suos Commodianos appellavit. Sed si introspicere in rei veritatem velimus;

* Sueton. in
Nerone.

videbimus, quodd, qui ipsi honores largitionibus, & quibusvis modis alijs ambiunt propriæ Virtuti diffidere videntur. Hanc quoniâ sponte sequitur honos, ut umbra Corpus. Quippe, dum vastas cogitationes concipiunt, quæ nec limitibus circumscribi, neque carceribus includi possunt; non secus faciunt, atq; illi qui ventum amplo & laxo rete colligere laborant. Multa sibi promittunt ambitiosi, multaq; consilia & varia agitant: quorum eventum ut plurimum Deus, uti ipse vult regit, & quod vult, impellit. Emblemata igitur Ambitionis Symbolum est. Ut enim aurâ vel vento nil levius, nil mutabilius: sic mundi hujus Honore & gloriâ, nihil inconstantius! Flatus sunt prætervolans. Si enim solida Virtus abfuerit, non minùs captata concluditur, ac ventus ut dixi rete. Adjeci Symbolum MERCES DIGNA LABORE. Nam ut Catul. ait. sicut *Stultus labor est ineptiarum*: Ita quoq; ambitionis vanæ, vana merces. Vera autem virtutis merces Gloria est, nec quidquam est aliud, quo magis ad rectè, honestèq; agendum, præstantis animi homines accendantur. hanc qui appetunt vero virtutis amore, Honorem laborum reportant præmium. Nihil enim præstantius, aut beatius accidere homini potest, quàm eo loco donari, in quem ut ascenderent urbis nostræ conditores, nullum periculum, nullum laborem, nullum deniq; certamen prætermiserunt, ac, si privatae utilitatis & commodi habenda ratio est, nullam aliam expetere, aut optare vir sapiens præter hanc unam debet &c: Proinde certo certius est, quodd ambitiosi & arrogantes, dum alios despiciunt, ipsi ab omnibus despiciantur: qui dum se contemni animadvertunt, intra se anguntur, atq; ex impatientiâ, ad extrema non rarò veniunt. Huc pertinet Colloquium Pyrrhi Epirotarum Regis & Cyneæ, qui argutè Pyrrhi ambitionis virus perstrinxit: quod, ut ille * ait, initio non cognitum, progressu temporis auctum, successibus exaggeratum, cogit pectora mortalium, ut speciosa consilia amplecti, salutaria contemnere, primâ fronte lata, in recessu horrida quæq; & funesta soleant experiri. Quapropter, qui in Repub: honores adipisci & adire cupiunt, virtute & rebus præclare gestis sibi viam sternant: tales enim veram gloriam, & nominis æternam memoriam consequentur. Qui alijs modis & rationibus eam consequi nituntur: lubricum & inconstans subsidium apprehendunt.

Æic, de Consol.
fol.

* Christoph.
v Varscvic. in
Paradoxis.

E M B L E

EMBLEMA. XLIX.

PRECIO PRECIOSIOR OMNI.



UT bene pingvescit, tutò sua pabula carpens,
 Quem herbofo dominus gramine pascit, equus.
 Ne tamen omninò liber per lata vagetur
 Arva: pedes ejus duracata tenet.
 Libertas equidem PRECIO PRECIOSIOR OMNI,
 Urbibus ac populis commodamulta parit:
 Sub Duce nempe probo illam defendente: sed equis
 Nò quoq; stringatur legibus: usq; nocet.

EA est omnium rerum conditio: ut, quòd quòq; suà bonitate, & justà qualitate ac modo constans; pulchrior, excellentior,
 ac præstantior esse soleat: eò turpior, abjectior & nocentior
 censeatur,

Vide, i. Di-
 cori del Con-
 te Annibale
 Romel, della
 Beliczza,

censeatur, cùm modum & qualitatem suam excedit aut mutat:
 nec suis in terminis consistit. Quid homine sano & vivo pul-
 chrius? quid mortuo horribilius? quid iudice justo amabilius?
 quid injusto & corrupto iniquius? quid Libertate præstabilius?
 quid licentiâ & servitute execrabilius? Nempe, quò usq; res limi-
 tibus à naturâ, ratione & legibus circumscriptis continentur,
 pulchræ & excellentes censentur habenturq;: subinde ac metas
 suas egrediuntur, multa incommoda pariunt, & secura trahunt.
 LIBERTATE plurima regna, populos & Urbes quondam floru-
 isse legimus; quò usq; ejus jura salva & defensa fuerunt, ac homi-
 nes in eâ liberi, eâdem rectè & justè uti frui sciverunt: mox atque
 exorbitaverunt; & Licentiæ frena, sub libertatis prætextu, laxa-
 runt; non solum Libertatem ipsam amiserunt; & jugo servitutis
 turpissimæ, colla sua dare coacti fuerunt: sed Imperium quoque
 concisum, alienisq; arbitrijs expositum fuit. Nonne Judaicus Po-
 pulus libertatem jactavit suam? * *Semen Abrahæ sumus, & liberi*
sumus, nec ulli servivimus unquam? sed quò Libertas eorum pro-
 gressa? Græcorum Imperium libertate concidisse scribitur; quæ
 talis & tanta fuerat, ut motibus perpetuis, & licentiâ concionum,
 tanquam flabello seditionum, omnia in eâ agitantur. Ubi nunc
 ea cum Imperio? Quid de Rom. Populo dicam? qui non tantum
 Ipse liber fuit: sed liberis quoq; gentibus & populis imperitavit:
 leges & normam liberè videndi præscripsit, quod Cic: testatur.
 Cic. Philip. 6. *Alias quidem rationes servitutem pati posse: Populi Rom. proprium*
est LIBERTAS. quò tandem evasit? ut scilicet alijs gentibus pa-
 reret: & qui Domini dominorum fuere: distracto in partes Impe-
 rio, barbaris etiam servirent. Quid de vicinâ nostrâ Hungariâ?
 Nonne libera fuit? sed cùm libertate suâ abuteretur: & frequen-
 tibus conventibus, (qui à quodam rure ad Pestum, RAKOS & di-
 cebantur,) præsertim sub Matthiæ, Uladislai, & Ludovici regum
 gubernaculis, nova quædam molirentur; invidiâq; ac odio inter se
 certarent: potentioresq; imbecilliores opprimere conarentur: eò
 ventum est; ut Turca postea maximam partem regni occupârit:
 eosq; Libertate illâ exuerit, ac spoliârit. Libertate sanè in Repu-
 blicâ vix aliud summum Bonum esse potest: quam non solum ho-
 mines; sed & bruta animantia appetunt: in cujus salute, regni sa-
 lus, ac populi felicitas consistit; unde in eâ retinendâ, conservandâq;

* Ioh. 8.

Cic. Philip. 6.

adq; neq; opibus, neq; vitæ parcendum est. Philippus Macedo, cum ex Lacedæmone quodam victo quæreret, quid tandem victi acturi essent? animosè respondit. *Pro libertate moriemur.* Tantus amor & cura fuit eorum, ut pro communi libertate defendendâ, occumbere haut vererentur! Nec immerito! Quid enim miserabilius esse potest? quid turpius homini ingenuo, vel populo libero? quàm serviles operas & abjectas exequi? quas animus, & Natura detestatur, manus pedesq; fugiunt? & cum sui juris fuerit, alieno subijci? * Seneca.

* in Troade.

Si poena petitur, quæ peti gravior potest?

Famulare collo nobili subeat iugum. Unde & Cic: *Cum tempus & Necessitas postulat, decertandum est manu, & mors servitutis & turpitudini anteponenda.* Atq; hodiè gentes quasdam nihil frequentius audias, quam **LIBERTATIS** nomen, libertatis jura, nec non quodcunq; agant, licet vis accedat, sub libertatis præsidio facere. Cum tamen nihil absurdius, nihil iniquius, & licentiosius fiat ab ijs; dum, quid vera Libertas sit, & in quo consistat, ignorent: ex quâ ignorantia sæpè sequitur, ut libertati nimium fidentes, (quæ potius **LICENTIA** appellanda est) cottidiè nova appetant: actum nemo subsequi, sed præire vult. Nam quod sibi quisq; licere putat, idem decere sentit: inde Reipub: mala originè ducunt. *Libertas* autem ab Imp: Justiniano definitur, quod sit *naturalis facultas ejus, quod cuiq; facere libet, nisi si quid vis, aut Jure prohibeatur.* §. & *libertas.* I. Instit. de Jur, personar. *quæ inestimabilis res est.* l. *libertas* 106. ff. de R. I. l. *libertas* 122. eod. Cujus gradus aliquot hic ponere erit operæ precium, ut his cognitis, veræ libertatis opes & effecta appareant. Primus gradus est, *Secundum rationem vivere.* Ille enim demum liber est, qui rationem rectam tanquam Ducem sequitur. Ratio autem id docet & monstrat, ne falsa pro veris, ambigua pro certis arripiamus. Qui verò affectibus servit, ille liber esse non potest, cum eum quasi captivum, aliò affectus, quàm ratio, ducant. II. *Secundum leges vivere.* Qui enim secundum leges, (quæ maximo judicio feruntur, & naturalem rationem sequuntur) vivit: ille quoq; liber est. Unde * Cic: *Ideo legibus servimus, ut liberi vivamus.* Servire igitur legib⁹, & secundum jus vivere, vera est **Libertas.** Jura autè **Libertatis** tuentur. III. *Magistratus obtempera-*

re. Jura enim cum per se sint muta, nec juvant, nec nocent, nisi sit, quæ ea, secundū qualitates rerū & personarū, ac facti administret: ideo Magistrat⁹ est viva lex; qui debet esse administrator, defensor, interpres, & executor legū: cui⁹ est vis hæc, ut præsit; præscribatq; recta & utilia, & conjuncta cū ll. Ut enim magistratibus leges: ita populo præsunt Magistrat⁹: verēq; dici potest, Magistratū esse legē loquentē, legē autē mutū Magistratū. Summa igitur Libertatis felicitas est, habere aliquē in Repub: summū, qui ejus jura defendat. Nam secundū Aristot: *nihil profunt aurea ll. si nō itē ferro & presidis communiuntur*. IV. *Ut sit perpetua*. Nihil enim juvat, Libertatem acquirere, nisi Respubl: & posteri eā retineant, & eā fruantur semper. Ut igitur sit perpetua, eā tandē vitæ profusione conservare decet. ne velicentiā nimia infringatur. Sic enim Græcia perijt. sic alia regna. V. *Ut perennet, defensione opus est*: non quod ad privatos, sed maximē adversus publicos hostes. Quod enim nō defenditur, obivium est prædæ cujusq;. Neq; hīc exēmtā libertatem à tributis & alijs, ad necessariā defensionem intelligo: cū sine tributis nulla Respub: constare potest. VI. *Ut equaliter omnes eā utantur fruantur*. Ut inferiorib⁹ nō denegetur, quod superiorib⁹ licet, intellige secundū jura & leges. VII. *Tandē ut bonis omnia liceat, præter malē, malis autē nihil, præter benē agere*. Virtus enim, juxta Tullium, jus suū, & impunitā omniū rerū libertatē tenere debet. Sensus igitur Emblematis hic est. Ut per equū servitutē quidē intelligā liberā: populūq; liberū legib⁹ vincitū. Virū autē muscas ab equo pabulante abigētē, Principē & Magistratū; qui populū contrā hostes tuetur. Muscas verō, infestū gen⁹ æstate equis, Licentiā noto: vix enim ulli insecto, id licet, quod muscæ. Per vincula quibus est alligatus equus, jura signo. hæc enim vera sunt vincula, & retinacula, quib⁹ malorū audacia & vis, nec non licentia stringitur, atq; cohibetur: per gramen tandem, opes & commodā, quæ ex servitute liberā, & libertate verā proveniunt, innuo. quæ cū per se P R E C I O S I O R sit P R E C I O S I O R O M N I : tūm Rebuspubl: præsertim liberis; legibus, & ubi opus, armis conservanda, defendenda, augenda. Porro,

Servire	{ D E O Principibus Patriæ Affectibus Rationi Vxorī }	} summa } infima	{ Felicitas, Prosperitas, Pietas, Calamitas, Libertas, Servitus, }

EMBLEMA. L.

CAUTE' AUT NUNQUAM



Res facilis bellum movisse: imponere finem
 Exultans victor non nisi quando velit.
 Nempe suas vires qui vis benè ponderet ante;
 Certamen belli quàm subijisse cupit.
 Felicibus hanc tutum est caveam scalpisse Leonis:
 Scommate nec populo stringere velle Ducem.
 Sedit uterq; potens, quamvis ignoscere possit.
 In pare vi alterius nemo lacessat opes.

Cc 3

Qemad-

Quemadmodum pars non postrema Sapientiae censetur: si quis seipsum cognoscat, ingenij & corporis vires, divitias, amicos, clientelas, & id genus alia, æquâ rationis lance apud se probè examinet: ut quantum valeat, exactè scire possit: Ita temeritatis est summæ; ultra vires & facultates quicquam aggredi, aut tentare. Fieri enim nullo modo potest, ut illud diù consistat, quod impari cum viribus conatu suscipitur. Idq; non solum privatis in rebus unicuiq; maximè observandum, cujus facultates facilè exhauriri possunt: Sed etiam Principibus, quorum Potentia & Majestas amplior & diffusior est, in eam curam incumbendum; ut Viribus Imperij sui, benè exploratis, & Reipub: facultatibus probè perspectis, sciant animi cupiditates in obtinendis alienis regnis, vel suis conservandis frenare & metiri: ne ultra modum, vires, facultates, potentiam quicquam aggrediantur: dumq; potentiores ad bella provocant. propriâ potentiâ spoliuntur. Rectè enim * Val. Max. *Ea demum potentia tuta est, quæ viribus suis modum ponit.* Nihil autem diuturnum esse potest, cui non subsit modus & Ratio. Quanquam humanæ cupiditatis nulli sint fines, præsertim ubi mentem Lerna illa malorum Avaritia semel occupavit: nunquam enim quiescere animum finit, quin per fas & nefas partis plura adjiciat: illudq; Viris magnis vulgare. * *Sua retinere privata domus, de alienis certare, regiam laudem esse.* Attamen nisi prudenter id faciant & cautè, certaminis victoriâ facilè frustrabuntur. Nam dum causæ suæ jure freti, ad bella animum adjiciunt, aliosq; provocant, quando aliter jus suum se defendere non posse existimant, imparesq; ijs se non agnoscunt: facillimè in ipso conflictu atteruntur; subsidia necessaria, præsertim si bellum continuari aut protelari debeat, non habentes, Instrumentisq; ad Potentiam necessarijs destituti: qualia sunt * *Opes, Arma, Consilia, Fœdera, Fortuna:* & licet ea habeant, si tamen mutata fortunâ, ijs * rectè uti nesciant, quorsum & ista? Quapropter omnium Sapientum calculo firmatum, id svaserim omnibus, cujuscunque sint ordinis & status; præsertim verò qui populis præfunt; ut cum Potentioribus pacem colant: neq; cum ijs colluctentur, qui viribus sunt superiores: opibus supra alios aucti, populis, amicis, fœderibus majores & tutiores: Fieri enim vix poterit, quin se, & suam perdant.

* lib. 4. c. 1.

* Tac. 19.
Annal.* Lipf. 4.
Polit. c. 9.

perdant. Non ex levi causâ bella moveant; aut ad certamen pro-
siliant. Apud Virgilium notatur à Modestino ICto belli causa in-
ter Trojanos & Latinos. Cervi scilicet cœdes.

Virg. lib. 7.
Æneid.

Belli causa fuit violatus vulnere cervus.

at quò res

evaserat? Non solum autem potentio-
rem bello non laceffendum
dico: sed ne quidem in auxilium invitandum. Si Impp. Heraclius,
Basilus, Constantinus, nec non Johannes Cantacuzenus, Impe-
ratoris Andronici pupillorum Tutores, Amurathem & Saracenos
in auxilium non vocassent: proculdubio Constantinopolitanum
Imperium hodiè Christianis pareret. Si Solimannus à Vidua Jo-
annis Comitis Sepulij imprudenter satis, ad suppetias sibi ferendas
in Hungariam non fuisset evocatus: maxima pars Ungariæ ab eo
proculdubio non occuparetur. Sed hoc prætextu auxilij Tauri-
num, postea Budam occupaverat: donec tandem cupiditate regni
adipiscendi inflammatus, majora, cum totius Christiani orbis dis-
pendio, tentaret, & in suam potestatem redigeret. Simile de Lu-

iov. in Amu-
rath.

Bontia,

dovico Sfortia * Guicciard. narrat. Atque hic operæ precium erit
monita quædam inferere, ut ea ob oculos habeant, qui Potentio-
ribus bellum inferre, eosve laceffere satagunt. Primò. Ut quan-
tum in ærario habeant, quantosq; reditus ex bonis suis colligant,
considerent: Tum, quantum inter suos & illius populos intersit:
pacifne, an belli artibus magis assveti. An ex amore, vel metu
obediant. An sponte vel inviti discrimen pro domino subeant.
An regio Naturâ, vel arte munita & valida. Quæ commeatum co-
pia & unde; & quomodo comparari possit, in quo plurimum mo-
menti positum. An armorum copiâ instructi. Quos socios belli,
quos amicos, & quot confœderatos. Quos Duces belli; quàm re-
rum & regionum, in quibus belli gerandum, peritos habeant. Hæc
& similia plura, quisq; Impotentior priùs perpendere debet, quàm
Potentio-rem ad bellum irritabit aut provocabit. Ex re quoq; erit,
ea primùm parare, sine quibus bellum nullo modo inchoari, ne-
dum perfici potest. Deinde, licet omnia habeat ad bellum confi-
dendum necessaria instrumenta, cogitet; Ancipitem Fortunæ
aleam esse: eosq; non tutò infestari, qui regnorum & populorum
numero, qui opibus, & ut supra dixi, amicis, clientelis majores
sunt, quanquam parva sæpè manu magnus exercitus fusus fuit:

* lib. 4. hist.

Aquila omni
graculo for-
tior.

Sed

cùm illud fortunæ sit: verendū, ne victi resurgentes, iterū animos sumāt, & ignominiā seu pudore suffusi, desperatæ victoriæ causā te penitus proterant: *cum his aequè fortuna parens, quandoq, noverca.* quin potius, cùm se impotentes, aut impares alterius viribus esse sentiant: medijs utantur quibuscunq; honestis ad advertendam alterius potentiam sibi insensam: ut tuti in suo, & sua salva simul maneant. *Potentiores* quippè *nihil aequè perturbat, aut afficit, quàm cùm ab inferioribus & infirmioribus offenduntur.* Emblemate igitur hoc demonstratur; infirmiores non debere provocare eos, qui se viribus omninò sunt superiores. Leo enim roboris & generositatis Symbolum est; ut felis, Libertatis; quæ nimirum carceris impatientissimum animal est: sed quid ad vires? libertas ista multos concitat, ad majora facultatibus suscipienda: atteritur autem à potentiore, cum se defendere non possit. Ut igitur Leonem non impunè felis irritaverit, cujus robur & virtus cum illo non æquiparanda: ita quoq; citra jacturam sui, & rerum suarum inferior, libertate suâ abutens, potentiozem injurijs non lacessiverit. Potentes enim etsi ad tempus dissimulent injurias acceptas: crebrò tamen irritati, acrius & vehementius eas ulciscuntur. Symbolum quoq;, CAUTE AUT NUNQUAM, monet: *Cum Principibus,* ut * Scip. Amirat. ait. *Ludere, acerbisq, eos facetijs ridere, valde intutum esse: cùm enim ipsarum in longum memoriam teneant, oportunitatem tibi nocendi si compererint, eam non pratermittent. Imò Principes minùs potentes. si Potentiores ad bella irritant, vel provocant, rarò succedit, ut citra rerum suarum jacturam id tentent. quare & ille rectè monet*

Vide quæ dixi
de Libertate
Emblem. præ-
cedente.

* dissert. Polit.
lib. 5. discurs.
1.

— Scito minori

* de Ira c. 3. 4:

Parcere, majori cedere, ferre parem.

* Seneca. Cum

* 5. Annal.

pari contendere anceps est: cum superiore furiosum: cum inferiore sordidum. In hunc ferè sensum * Tacit. ait. *Acerbarum facietiarum apud præpotentes longa memoria est.*

E M B L E M A

EMBLEMA LI.

SORTE NON PONDERE.



HÆc trutina est procerum: si prestes munia mille;
Sed semel offendas: prestita nulla valent.

Qui meritorum igitur vult premia digna referre:

Usq; more patiens sit; sua gnavus agat.

Namq; probus Princeps scit justa rependere facta:

Mutabit mentem nec levis aura bonam.

Ipse modo optatis fac ne successibus obstes.

Sorte hodiè, haud meriti pondere quaq; valent.

Dd

Beatissimus

Beatissimus ille meritò censendus, quem neq; vanæ gloriæ cupido; neq; necessitas ullâ alijs servire cogit: quiq; suis rebus licet exiguis, & sorte contentus, Libertatem animi & corporis, à servitutis jugo vindicat, inviolatamq; retinet. Qui enim beneficium, quantumvis exiguum accipit: libertatem vendit. Ubi verò nulla libertas est: ibi vix generositas apparet: & quamvis sit, vires tamen suas, metu quodam ejus, cui servit, ne scilicet eum offendant, exerere neutiquam potest. Constringitur enim quodammodo nexu beneficij: ut eâ promptitudine voluntatem suam promere, & exequi non possit, quâ, cum sui juris foret, esset executurus. Verum enim verò, quemadmodum privatis hominibus & plebeijs summæ laudi datur, qui ætatem suam juvenilem & virilem, in honestis opificijs consumpserunt; unde & victæ sustentationem parare sciunt, & in suo genere præ reliquis præstantiores habentur: Ita Viro Nobili, & generosâ indole prædito, nihil accidere potest laudabilius; quàm si Principibus, sua studia & officia manciparit; unde quondam & honores & opes certò

NB. » sperare potest. Reges enim & Principes, cùm amplissimas regiones, & infinitas opes ac magnas habeant, facile tenuiores brevi
» momento evahere, pauperioresq; divitijs cumulare possunt: præsertim verò, quos semel favore suo propter eximias Virtutes, &
» servitiorum diligentiam, complexi fuerint. his enim duobus potissimum, Gratiâ Principis sibi quis promereri potest. Quamquam autem * Plato verè dixerit:

* Plat. de
Repub;

Regem esse & imperare.

Servire, & in gratiâ domini esse.

Bellum gerere, & victoriam obtinere.

tria esse, quæ

non industriâ, sed fortunâ obveniant. Nemo tamen, (præsertim qui in aulis Principum & Magnatum vivunt,) gratiâ Domini desperare debet: quin magis atq; magis eandem officijs suis aucupandam sibi præsumat: animumq; alacrem ad egregiè exequenda sua munia intendat. Nam, quòd plurimi in aulis Regum & Principum, ad dignitates, honores, & honesta officia non promoveantur: id non fortunæ adversæ: sed suæ vecordiæ & timiditati meritò adscribere debent. Quòd contrà alij divites, potentes, & honoribus amplissimi evadant: id non fortunæ conniventi, aut eorum,

eorum, qui promoventur. defidia, largitionibus & similibus adsignandum: sed diligentia, assiduitati, laboribus, & in exequendis munijis promptitudini acceptum ferendum. *Non enim Fortuna* ^{ad hoc est liberalis, ut quoslibet citra meritum, aut aliquam precedentem causam, ex humili & sordido loco, ad fastigium honoris, elevare: magnasq; opes statim, citra respectum tribuere debeat.} Quod enim ^{alii subito evehantur, fit propterea; quod digni fuerint: quod alij deprimantur; quia sic promeriti sint.} Ad aucupandam igitur Principis, vel Domini sui gratiam, mille opus est meritis; cum ejusdem perdendae unica interdum causa sufficiat, & quidem levissima. Ea; est Magnatum conditio & natura, ut probos, fideles, & in muneribus exequendis assiduos ministros & servos libenter alant, habeantq;: sed, cum vel remissiores in officio: vel insolentiores animadvertant, gratiam & favorem suum ipsis facillimè denegent: ratòq; id fiat, ut, quanquam crimen, vel culpam eis condonent, eo favore, atq; antea, ipsos prosequantur. Ut igitur gratiam Principi tibi concilies, plurima officia præstare fideliter necesse est: Ut retineas eandem; Integritatem colas. Hæc primus modus est, adipiscendae simulque retinendae gratiae. *Authoritas enim & Laus, quæ tribuitur Aulico, Principem sæpè movet, ad eum favore & amore prosequendum.* Deinde, cum Scurris, obrectatoribus, & qui Principi obloquuntur, ne conversator. *Qui enim picem contrectat, coinquinat digitos: qui cum malis conversatur, talis esse præsumitur:* hos autem maximè odere Principes, odere boni. Postea; Principis mores, & quibus plurimùm sit studiis deditus, imitare, tuaq; suis applica. Principes enim eos amant, quos suis moribus, naturæ qualitatibus, seu inclinationibus accommodos cognoscunt. Sic Aristoteles ab Alexandro diligebatur, quod ejus ingenium cognitum habuerit. Prudentis igitur erit aulici, se totum ad Principis ingenium fingere; dummodò adulatio & adfectatio absit. Illa enim generosum animum non decet: hæc vituperatur. Hoc quoq; ad gratiam adipiscendam & retinendam facit: Ut rarò cum Principe loquatur Aulicus: aut certè saltem de gravibus & necessarijs rebus. Familiaritas enim plebeij cum Principe, nisi prudentiâ temperetur, ignominiam parit: non rarò non vitæ discrimen. Sunt enim animi Principum tenerrimi,

& volūntates mutabiles, licet dissimulare sciant, facillimèq; aures & oculi eorum offenduntur. Unum verbum importunè, aut imprudenter prolatum, & factum insolentius præstitum, mille merita evertit. Emblemata igitur hoc, Libra scilicet, cujus in lance una fascus plenus; in alterâ, penna præponderans, sortem Aulicorum notat. Quemadmodum enim ad stateram sive examen justum, merces, & alia revocare solemus; sic Principum animi ad suum iudicium, servorum & officiariorum suorum merita, appendere solent. Cautione igitur summâ opus est; qui gratiam Dominorum vel Principum integram sibi retinere velit. Nam certè, ut quidam scripsit, *Ea est magnatum trutina, ut ad mille merita, levis offensæ præponderet.* Symbolum **ORTE NON PONDERE**, docet: Licet fortunæ vis magna sit in aulis, ut sæpè plurimi non meritorum pondere: sed sorte favente, honoribus ac opibus locupletentur: sortis tamen propriæ quemlibet meminisse oportere; cumque sit variabilis, ut pote, quæ sæpius deprimat dignos indignos contrâ elevet; fore, ut qui negliguntur, aliquando patientiæ suæ & meritorum fructum ferant. Fide autem, assiduitate, constantiâ in officijs præstandis, opus est: his enim certior quisq; quàm sortis fiduciâ, reddi poterit: dum modò etiam Principum benevolentiam patienter expectare sciat; ac velit: quæ largè præstita.

officia recompensat, si non morosè ab illis extorqueatur: de quibus in sequentis.

Emblematis explicatione.



Emilia

POLITICA.
EMBLEMA LII
SIBI IMPUTET.

205



Hic ubi jam celsa conscendit culmina quercus,
Debut & latâ carpere summa manu.
Apprêndit fragilem sine succo & cortice ramum.
Avulsq; miser de arbore speq; cadit.
Non semper Regum causa est, mutata repente
Gratia quòd propero te fugit ipsa pede:
In te sæpè latet: fidens quòd abuteris illâ:
Prêndere nec justo tempore summa sciam.

Dd 3

D. Augusti.

Aug: lib. 21.
de Civit. Dei.
cap. 4. & c. 5.
Cam. hor.
subsec. cent.
1, c. 73.

D• Augustinum in admirationem raptum fuisse, cum primum Magnetis virtutem ferrum trahentis agnovit. & vidit, scribitur. nec immerito! Quis enim cum stupore non videat? quomodo, & quare Magnes ab uno latere interdum ferrum attrahat; ab altero repellat? & si alio illinatur, aut fimo tegatur, vires suas attrahendi vel repellendi tam diu amittat, donec vino abluatur: seseq; in lingulis aut versus meridiālem, aut versus Septentrionalem plagam obvertat? Naturæ profecto abstrusum & vix perscrutabile mysterium est, cujus, ut in plerisque alijs, certa & solida reddi non potest ratio. Si Principum voluntates & animum rectè perpendere voluerimus, cur Aulicis & Officiarijs suis, huic gratiam largè demonstrent: alteri eandem subtrahant, fateri cogemur, non minùs abstrusas in ipsis latere Principibus causas, quas privato nulli perquirere, aut examinare conceditur. Ipsi quidem optimè sciunt, cur sic faciant: sed si is, quem odere, causam perscrutari velit, majorem incurret indignationem, juxta illud: *Sententiam colas regum, non examines*. Fit enim scœpenerò, ut aulici ipsi, vel exprobratione officiorum præstitorum; vel negligentia; vel intempestivis petitionibus honorum; vel insolentia suā, aut simili aliā quāpiam re, (non minùs, atque allium vel fimus magnetis vim attrahendi,) in Principe studium benefaciendi obtundant: cum contrā alijs, amissam gratiam, Vino, id est, suavi quadam & jocundā hilaritate, & promittitudine officiorum, in Principe revocent, & excitent. *Principes enim, cum Deorum instar mortalium habeantur; coli volunt humiliter submissione: utq; ab iis expectentur beneficia, non extorqueantur, ratio sùadet*. Quod enim gratis dari debet, nullo jure extorqueri potest. quod verò ex debito; illud obligationem reddendi habet. A Principibus maximè modestè petendum: ne intempestivā petitione animus eorum offendatur, vel commoveatur. Prudentis igitur aulici erit considerare sedulò, quibus rebus favorem Principis elicere, quibus virtutibus eundem conservare debeat. Virtus enim, Magnes ille est, qui animum Principis ad se amandum trahit: de quo * olim scripsi.

Vide præcedens Embl.

* in meis
Epigram;

*Quàm benè conveniunt Virtus Magnets! trahendū
Vim natura parem, & robur utriq; dedit.*

Hoc

Hoc inter sese tantum distare videntur:

Hic ferrum, aut homines fortius illa trahit.

Ut igitur Principes causam habeant, aliquem promovendi; honoribus & opibus augendi; cavendum est, ne sibi obstet. Si **GIS-MUNDUS** Imp: quodam tempore insolentius conquerenti, quod alijs opes multas daret, sibi verò, de se benè merito paucas, hoc modo demonstravit: se non esse in causâ: sed eum ipsum & fortunam. Jussit duas pixides ejusdem ponderis & magnitudinis parari: quarum alteram plumbo implevit: alteram auro: aded, ut ambæ æqualiter valerent: huic postea optionem dedit, sibi alterutram eligendi: sed cum ille ex pondere & æqualitate meliorem dignoscere non posset; sorte illam apprehendit, in quâ plumbum esset repositum: quam cum aperuisset; Imperator ei respondit, per se non sterisse, quòd eam, quæ auro esset repleta, non apprehendisset. Adeum quoq; modum Principes pluribus scèpè favent, suamque liberalitatem & beneficentiam minimè denegant: sed multi sunt, qui favorem hunc & gratiam, rectè apprehendere & conservare nesciunt. de hoc elegans Emblème extat Joh. Sambuci.

Sunt binæ hic ciste: quarum tenet altera plumbum,

Auro sed gravis est altera: neutra patet..

Optio si fallat, plumbum ut pro divite cæcus

Arripias auro: quis tibi causa mali est?

Hinc quibus ingenium est, multos fortuna retardat,

Indignusq; refert præmia iniqua viris..

In Domino non est semper ditare fidelis

Culpa: nec immeritos tot cumulasse bonis.

Nam quos fata premunt; metas contingere fixas,

Et misera nequeunt se relevare mora..

Et non secus, atq; ille sibi damnum meritò imputare debet, qui, cum arborem excellens ascendit magno labore & periculo; fructumq; decerpere jam volens, aridum ramum aliquem apprehendit; cum quo, ab arbore avulso, simul in terram cadat: Sic quoq; & ij, qui, cum gratiam Principis, vel Domini sui multis laboribus, & diligenti officiorum functione adquisiverunt, & fructum jam reportare cupiant, quòd non iusto, aut legitimo modo, honores aut dignitates appetunt, suâq; fortunâ uti, aut eam prèndere nescientes,

nescientes, postea à summo gradu magnâ scēpè cum ignominia decidant, sibi suaq; imprudentiæ imputate debent. Casus quidem talis eò accidit acerbior; quòd, ubi jam commodis, ex laboribus & officijs suis præstitis, gaudere quis debeat, se subito de felicitatis culmine turbatum videt! sed Principi id non semper imputandum: in nobis scēpè causa latet: quòd fortunâ uti nesciamus. Nam, ut benè & sapienter Heraclitus dixit. *Mores hominis Deus, seu Fortuna regit*, & Ovid.

— sibi quisq; profectò


Est Deus: ignavis præcibus fortuna repugnat. Et alius. *Omnis fortuna in sensu sapientis habitat.* quâ mente & Poëta dixit: *Suis cuiq; fortuna fingitur moribus.* Emblema igitur hoc Aulicæ felicitatis typum refert. Honores certè instar arboris sunt. Ut enim hanc non nisi magno labore conscendas: ubi conscenderis, majori periculo in eâ consistas: maximo discrimine fructum ejus decerpas: facillè enim ex imprudentiâ ramum aridum pro viridi & sano arripas: exinde casus & vitæ jactura: Sic Honorem, Virtutis præmium, qui capessere vult; multis & assidujs actionibus honestis eum comparet sibi necesse est: ardua virtutis via: quam nisi prudentia regat, in devia facillè pervenias. In capessendis aulæ honoribus maxime annitendum; ut suâ fortunâ quisque rectè utatur: qui enim rectè uti sciverit, meritò lætabitur: qui secus, dolebit. **SIBI QUE IMPUTET**, quòd vel insolentiâ, vel negligentia, vel aliâ quapiam re, animum Principis à se alienum reddiderit, & intempestivâ, vel imprudente ratione commodis suis ipse obstiterit. *Eum enim, qui suâ ipsius culpâ damnum sentit, damnum non sentire: quo ad juris considerationem, quæ huic damno non patrocinator* scribit Pomponius lib. 8. ad Quint. Mucium. quod confirmatur in l. qui proprio. ff. de procurat. l. inter coheredes. §. quod ex facto. ff. fam. ercisc. l. si communis ff. de nox. actio. Equum enim est, ut qui propriâ culpâ damnum patitur, de se ipso queratur, ac pro eo habeatur, quasi passus non sit: occasionem enim præbuit, & sic voluisse videtur. *volenti autem non fit injuria* l. 1. §. usq; ad eò ff. de injur. Hippol. à Coll. hinc post Decium & Ferrarium. de R. I. Notent & aulici Scalam hanc.

* Ioh. Ovren.
Angl.

* *Nemo, gradus nisi per plures, ascendit in aula:
Ad descendendum plus satis unus erit.*

POLITICA.
EMBLEMA. LIII.
JUNCTIS VIRIBUS.

2
209



Maximus in Regem populi tunc cernitur ardor:
Cum belli & pacis tempore poscit opem.
Hunc si Consiliis, opibus, si pectore forti,
Servandam ob patriam sponte juvare cupit.
Et meritò! quoties nam publica causa laborat;
Vix sine privata clade perire potest.
Viribus hanc igitur junctis, opibusq; levare;
Civis opus grati est, est pietatis opus.

Ec

Cin

Val. Max. lib.
6. cap. 6.

Cum Secundo bello Punico Romanorum ærarium exhaustum esset, propter belli diuturnitatem: tota Civitas tanto patriæ amore flagravit; ut Viri fœminæque, quicquid auri argenteive habuerint: item pueri, Insignia ingenuitatis, (ea fuere Bulla ex auro vel argento, figuram cordis representans, quam ante pectus annectere solebant; ut hanc inspicientes, ita demum se homines cogitant, si corde præstarent: hinc & de eâ Persius scribit.

Macrobi:

Cum primum pavido custos mihi purpura cessit,

Bullaq; succinctis laribus donata pendit.)

contulerint: ac ne beneficio Senatus, (qui muneribus sanctos tributoni liberaverat,) quisquam uti voluit: sed insuper id omnes promptissimis animis præstiterunt. Quid ad amplitudinem nominis Romani & gloriam adjici potuit majus? quid ad splendorem ejusdem illustrius? quid tandem ad immortale decus Pop. Rom. solidius accedere potuit? nisi hoc, quod tam naturæ legibus, quàm honestati & utilitati communis Patriæ congruum, Reip: Rom. apud posteritatem famam æternam & laudem perennem pareret. Insidebat enim pueris & sexui fœminino generosa vis quædam in animis, quæ eorum mentes tacitè extimulabat ad communem patriam juvandam & servandam: nomenq; sibi illustre apud posteritatem quærendum. Ratio recta monebat, publicâ salute eversâ, privatorum neutiquam incolumem potuisse subsistere: illamque propriæ anteferendam esse. Nam, ut Pericles apud Thucydidem prudenter monet: *Cum evertitur patria, is, cui privatim bene est, nihil tamen minus est ipse evertitur: cui autem malè, is in illâ prospere agente, multo magis incolumis est.* Et Cæsar ad suos legatos & Centuriones inquit, apud * Dionem: *Privatim quidem nemo omnium ita potest letis rebus uti, ut non idem cum Repub: corrumpente pereat.* At Respublica si prospero successu utatur, etiam privatorum omnes potest calamitates sublevare. quò semper Romani illi respexerunt antiquiores, præsertim, qui in Magistratu, aut publico aliquo officio constituti erant, omne studium suum eò conferre soliti fuerunt: ut publica commoda, à privatâ utilitate separarent, & illis magis quam huic studerent. Et ut Val. Max. ait: **A M P L I S S I M U M E S T P A T R I M O N I U M R O M A N A C O N C O R D I A,** & paulò.

Thucyd. de bello Peloponnesiaco. & Gam. hor. subcis. cent. 2. c. 45.
* Roman. hist. lib. 38.

Val. Max; lib.
4. c. 4.

paulò post: *Animi virorum & foeminarum vigeant in Civitate: eorumq; bonis, dignitatis aestimatio, cunctis in rebus ponderabatur: Hæc Imperia conciliabant, hæc jungebant affinitates: hæc in foro, hæc in Curia, hæc intra privatos parietes plurimum poterant. Patricia enim rem unusquisq; non suam angere properabat: pauperq; in divite, quàm dives in paupere Imperio versari malebat. Atq; huic tam præclaro proposito illa merces reddebatur, quod nihil eorum, quæ viri uti debentur, emere pecuniâ licebat: inopiæq; illustriorum virorum publicè succurrebatur. hæc ille. Unde & Cn. Scipionis filix, cum ex Hispaniâ Senatui scripsisset, petens, ut sibi successor mitteretur, quia virginem adultæ ætatis haberet, neq; ei sine se dos expediri posset: Senatus, ne Respublica bono duce careret, dotem ex ærario publico erogavit. Hæc sanè Benevolentia subditorum erga Principem suum, ubi spontanea est; præsertim rebus necessitate aliquâ belli astrictis; vel alio quopiam urgente casu publico, ut omnes cives porcionem aliquam facultatum suarum, ad bonum publicum promovendum, augendum, vel etiam conservandum, conferant: suaq; promptitudine & studio, necessitatem publicam sublevent: non video, quid firmitus ad dignitatem Imperij servandam, quid ad propulsandam vim hostium fortius, ad ornandam Rempub: ad pietatem erga patriam laudabilius unquam accedere possit? Felicem autem, & multis nominibus populum illum beatum dico, qui apud se sedulò perpendens, res suas in publico bono sitas esse, privatis non parcat opibus; ut publicæ conserventur. Nam qui res suas ex Reipub: statu considerat, illas sine hac nequaquam stare posse intelligit. Et Tacit. rectè ait de Britannis in Agric. *Olim regibus parebant, nunc per Principes factionibus & studiis trahuntur. Nec aliud adversus validissimas gentes pro novis utilius, quàm quod in commune non consulunt. Rarus duabus tribusq; civitatibus ad propulsandum commune periculum conventus. Ita dum singuli pugnant, universi vincuntur. &c.* Quantum igitur boni & utilitatis Reipub: accedit ex amore, pietate & benevolentia Civium in patriam: tantò plus incommodi & periculi quoq; emergit, dum quisq; rebus suis privatim tantum studens publica bona negligit: & necessitatem publicam belli præsertim tempore, cum ærarium exhauritur, sublevare detreecat.*

Camer. hor.
suc. cent. 1.
c. 32. ex Gage-
vino in hist.
Francor. lib.
9. c. 3.

Concordia tutissimum præsidium Reipubl: est cujusq; : quæ ubi animis civium idem sentientibus, Re & Facto fuerit demonstrata Principi; hostiles acies, & quicquid adversi Respublica habebit, omnino cedere cogentur. Hinc Emblemate hoc, manibus multis Coronam sustinentibus, vel levantibus: Commune bonum noto. Principes enim tutius res bellicas & pacatas peragere, extra omne dubium est; cum subditi, amore, obsequio, benevolentia & opibus, alacres ad juvandam publicam utilitatem sese offerunt. Ut enim oculi plus vident; quam oculus. Et multæ manus plus efficiunt, quàm una. Ita in conservandâ salute publicâ, cum cives unanimi consensu & auxilio studia sua præstant; fieri nullo modo potest, quin illæsa & tuta maneat contra vim externam. Addidi SYMBOLUM, JUNCTIS VIRIBUS. Ubi enim commune periculum, commune adesse debet ad propulsandam vim auxilium. Hinc & Ovid:

Et quæ non profunt singula, multa juvant.

Ut itaq; subditi Principes suos re & opibus tempore necessitatis juvent, ratio suadet. Hoc enim pietatis officio neglecto, idem eis evenire necesse est, quod membris corporis, cum alimenta ventriculo subtrahuntur. * Seneca. *Homo in adjutorium mutuum generatus est.* * Idem. *Hoc ab homine exigitur, ut pro sit hominibus, si fieri potest, multis: si minus, paucis: si minus, proximis: si minus, sibi.* * Idem. *Omne hæc, quod vides unum est, membra sumus corporis magni, naturæ nos cognatos edidit, cum ex iisdem, & in eadem gigneret. Hæc nobis amorem indidit mutuum, & sociabiles fecit: illa æquum justumq; composuit, ex illius constitutione miserius est nocere, quàm ladi, ex illius imperio parata sunt juvantissima.* *Ipse versus est in pectore & in ore sit: Homo sum, humani nihil à me alienum puto. habemus id commune, quod nati sumus.*

Societas nostra lapidum fornicationi simillima

est, quæ casura, nisi invicem obstitant.

hoc ipso sustinetur.

* Seneca de
ira. l. 1. s. 23.
* id de vit.
beat. 50.
* id. lib. 15.
epist. 96.

POLITICA.
EMBLEMA. LIV.
SIC CONTERIT ÆTAS.

213



Ortus regnorum, progressus & ultima finis;
A solo pendent hæc moderante DEO.
Quæ quantumq; diu benè firmâ lege regantur:
At tamen hæc tandem certa ruina manet.
Cernis ut annosa jam summa cacumina quercus
Arent, & medio corpore rupta ruit!
Hæc immota quidem quàm-plures floruit annos.
Se terra inclinans, nunc peritura cadit.

Ec 3

Cùm

Cùm Justinianus Cæsar Gelimerem Vandalorum Regem, vinctum cathenis unâ cum uxore & regiâ familiâ in triumpho duceret: in conspectum Imperatoris ductus pleno ore risit. Cùm itaq; eum ingenti dolore perculsum, mente captum esse putarent: ferunt illum dixisse: se ridere fortunæ humanæ vicissitudines: ut qui modò Rex fuisset, jam serviret. Sesostris Rex Ægypti, cùm aliquando curru veheretur, qui à quatuor regibus captivis trahebatur, atq; unus ex illis Regibus, sæpè respiciens rotam intueretur, interrogatus à Sesostris, cur toties respiciat? Intuens, inquit, rotæ volubilitatem, in quâ citò ea, quæ summa fuerunt, fiunt ima, cogito de fortunâ nostra. Hac admonitione motus Sesostris, factus est moderatior, & Reges liberavit. Magnus in illo animus, fortunæ varietatem solidè ferens & contemnens; in hoc humanarum rerum fragilitatis agnitæ laudatur consideratio: Fatig; & Necessitatis in humanis rebus, suo modo sese exerentis, diligens cogitatio. * *Eterna enim lex à principio dicta omni huic Mundo, nasci, oriri, aboriri: nec quidquam stabile aut firmum arbiter ille rerum esse voluit, præter ipsum: cuius est proprium: erecta deicere, dejecta erigere. Omnia ista, quæ suspicis, quæ miraris, vicibus suis aut pereunt, aut certè mutantur.* * *Omnibus creatis hoc est ingenium, ut insitâ quadam vi admutationem ferantur & casum. Ut ferro consumens quedam rubigo per naturam agnata est: ligno exedens caries, aut teredo: sic animalibus, opidis, regnis, internæ & suæ causæ pereundi. Supera, infera, respice; grandia, parva; manufacta, aut mente: ab omni ævo corrumpunt, & corrumpunt in omne ævum.* Imperiorum & regnorum principia, progressus, mutationes, everisiones si diligentius consideraverimus: fatebimur pleraquæ à parvis initijs crevisse, à mediocribus causis conservata, à levibus sæpè everfa, aut translata fuisse. Resq; publicas potentiores (quod supra quoque notavi) quingentis annis plerunq; floruisse, plurimas hunc terminum non attigisse paucissimas superasse. Annos 520 Assirij tenuerunt Asiam: postea Mediam occuparunt illis excussis. Medorum potentia annor. fuit 220. Monarchia Persica, quæ à Cyrusq; ad Darium ultimum, opibus & potentiâ floruit annos 230. armis Alex. Magni dissoluta curruit. Græcorum Monarchia 250 annos duravit, vel circiter, inchoata

ab Alexan-

* Lips. lib. 1.
c. 16. in pr. de
Constantiâ.

* Idem, cap. 15.

ab Alexandro: tandem post dimicationes longas, ad distinctos Macedoniæ, Syriæ, Ponti & Ægypti Reges devoluta. Annis 500. ab expulsiis Regibus, usque ad Monarchiam Augusti, rexerunt Rempub: Romanam Coll. formâ gubernationis mixtâ ex Aristocraticâ & Democraticâ. Annis ferè 500 elapsis ab eo tempore, quo Constantinus Imperij sedem Constantinopolin transtulit ex Italiâ, Carolus Magnus, victis & domitis Longobardis, qui Gotos ante debellatos depulerant, Imperium occidentis in libertatem asseruit & instauravit. * Regnum Poloniæ Ducibus antea parvit, donec tandem sub Boleslao Chabri dicto, in formam Regni redactum: ipse quoq; Boleslaus * ab OTHONE IMPERATORE ROM: Coronam regiam accepit, eaq; insignitus, Primus POLONIÆ REX fuit. Marchionatus Moraviæ Regnum antea fuit. sub Vratislaö II in Bojemiam translatus est: & ex Bojemico Ducatu regnum, ex Moravico verò regno Marchionatus factus est. Quin ista summo rerum omnium moderatore & arbitro fiant, nemo sanæ mentis negare potest: qui pro inperferutabili, & liberimâ voluntate suâ Reges & regna constituit, constituta destruit, & destructa erigit, nemine nostrum sciente, cur ita faciat: nisi ut sciamus & credamus, eum esse Dominum rerum, & regum, & liberrimum agens. Vos igitur, ut * Lipsius ait; *qui in Regno aut Republicâ, scite: ferri & volvi omnia sursum, deorsum, & nullius rei eodem semper loco stare fortunam, &c.* Nil vobis hoc in fragili rerum statu solidi promittitote, præter factorum piæ, honestè, laudabiliter, quod est verè regis gestorum gloriam; & nominis vestri apud posteritatem; immortalem & solidam famam. Si sceptro, si opibus, si populis superbitis, fallax ex ijs, & non diuturna voluptas. Temporis ista omnia sunt dona & rapina, imò minæ. Flectite oculos in vestri generis Imperatores, Reges, Principes, Duces: sortis vestræ vicissitudinem cognoscetis. Africæ Sultanus veteri & felicissimo regno exiit & vitâ. Bajazethes Turcorum Imperator caveæ inclusus, ludibrium circumvectatur. Cræsus opulentissimus ducitur captivus. Crassus antea ditissimus, pauper obit. Belisarius stipem petit oculis privatus! Exempla sunt infinita mutatæ fortunæ, rebus in humanis lascivientis; quæ hîc omnia conferre unum in acervum, longum nimis foret. Præteriti tantum seculi

* Vide Cramerum, Michovium, Gagninum, & alios de rebus gestis Polonorum.

* Anno Christi 999.

* Lips. in not. Polit. ad lib. 1. pol. c. 4. mihi fol. 13.

*Iohan. Di-
ckenſoni.

*Vide elegan-
tem tractatū,
de quæſtione,
An quilibet
præſumatur
vivere centū
annos, ex l.
fin. C. de SS.
Eccleſ. & l. an
uſuſfructus ff.
de uſuſfruct.
autore Henr.
Cnaſtino.
*de Conſtant.
c. 16.

ſeculi ab anno 1500 tragica exempla virorum Illuſtrium, ſi quis
recognoscere velit, videat * Speculum Tragicum; vix ſine lacry-
mis leget: & vix ſine gemitu fortunam magnorum virorum con-
ſiderabit. Non ſolū autem hominibus, (quibus Natura breve
vivendi tempus circumſcripſit, & vix * ultra 100 an.) Fortuna
non verca eſt: ſed & Imperijs & Rebus publ: quarū felicitas, vix tuta
ab illa: quin peractā periodo aut mutantur, aut convertantur, aut
transferantur, aut omninō ruant. Quid nunc Græcia? ubi Ro-
mana glōria? Olim * (Lipſius inquit) Oriens floruit, & Aſſyria,
Ægyptus, Judæa valere armis ingenisq; ſors eain. Europam tran-
ſiit: quæ tamen ipſa, ut corpora, inſtante morbo, vibrari mihi nunc
videtur, & præſentiſcere magnum ſuum caſum. hæc ille. Hac ex
conſideratione Emblemata præſenſa factum. Quercus nimirum an-
noſa, vetuſtate corrupta & ruens, quæ hieroglyphicè Imperium
& diuturnitatem ſignificat. Per coronam autem, quercum ambi-
entem ſimulq; diſruptam, regnorum lapſum inauere volui & mu-
tationem. Symbolum rei conveniens adjeci. SIC CONTERIT
ÆTAS. Nihil eſt enim, principium habens, cui ſuus non immi-
neat & impendeat ſinis. Nam.

Omnibus hunc ſinem ſtatuit Natura creatis:

Ut cū ſint aliquid; ſint aliquando nihil,

* l. de tran-
quil. 11.

* Lib. 14, ep. 92.

* Seneca. Quod regnum eſt, cui non parata ſit ruina & proculcatio,
& dominus & carnifex? non magnis iſta intervallis diviſa, ſed horæ
momentum intereſt inter ſolium & aliena gēna. * Et alibi: Quic-
quid longa ſeries multis laboribus, multa DEI indulgentia ſtruxit,
id unus dies ſpargit ac diſſipat. Longam moram dedit malis prope-
rantibus, qui diem dixit horam, momentumq; temporis
evertendis imperijs ſufficere. Curtius. Magnæ
arbores diū creſcunt, unā horā
extirpantur.

F I N I S.











4.35.
100

11

upside

WILLIAM SALLOCH
Pine Bridge Road
Ossining, New York 10562

